





71-3-D-21


Ex Bibliotheca  
majori Coll. Rom.  
Societ. Jesu

IV. ~~17-D~~

119.09  
60.611.  
IV  
~~4~~  
D

4.-4.D.23.

71-3-0-21





IACOBI LODOICI

Strebæi Rhemenfis, de

ELECTIONE ET ORATORIA

Collocatione verborum Libri duo, ad

Iohannem Venatorem Cardinalem.

*71-3-D-21*



PARISIIS,

Apud Michaëlem Vascofanum.

M. D. XL.

Cum priuilegio.

FACON I. ODOR

1. 1. 1907

2. 1. 1907

3. 1. 1907

4. 1. 1907

5. 1. 1907

6. 1. 1907

7. 1. 1907

8. 1. 1907

9. 1. 1907

10. 1. 1907

11. 1. 1907

12. 1. 1907

13. 1. 1907

14. 1. 1907

15. 1. 1907

16. 1. 1907

17. 1. 1907

18. 1. 1907

19. 1. 1907

20. 1. 1907

IACOBI LODOICI STREBAEI RHE-  
menſis de electione & oratoria collocatione verborum  
libri duo, ad Iohannem Venatorem Cardinalem.

BIBLIOTECA NAZ.  
ROMA  
VITTORIO EMANUELE.



**F**RANT in manibus nostris, sanctissime  
Cardinalis, commentaria quædam in  
rhetorica Ciceronis ad Q. Fratrem,  
quum tuo imperio Lutetiam Parisio-  
rum relinquere, Condetum domum  
tuam petere iussi sumus. Quum pro-  
cul ab vrbe propinquos tuos oratorias  
artes philosophiamq; doceremus, nec satis multa librorũ  
copia ad operis incepti confectiõnem suppeteret, com-  
mentariis intermissis, ne nihil ageremus interea, hunc libel-  
lum de delectu & oratoria collocatione verborum, suc-  
cisiuis horis effecimus. Hæc autem materiam potissimum  
legimus è multis, quòd in arte dicendi iam proposita no-  
bis ad illustrandum, nihil esse videbamus vtilius hominibus  
nostris, quàm rationes & virtutes eloquendi. Illud vnum  
pulcherrimum, & summopere petendum, studiosis artium  
bonarum deesse maximè, & iam multis ætatibus defuisse.  
Quid enim aliud non in orandi facultate modò, sed etiam  
in aliis artibus desideratur? Floret Gallia scientia rerum  
maximarum. Qui poëtarum versus dilucidè exponât, qui  
pulchrè narrent historias, qui differant acutè, qui ad natu-  
ræ causas penetrent subtiliter, qui tutò medeantur cor-  
poribus, qui mathematicas demonstrationes sciât, qui bene  
tradant præcepta morum, qui respondeant de iure ciuili  
atq; pontificio, & causas agant, qui diuina oracula doctè,  
sanctè, pieq; interpretentur, non modò in singulis Franciæ  
populis, sed etiam magnis in ciuitatibus propè innumera-

biles inuenias. Qui verò purè, vsitatè, propriè, ornatè elo-  
quantur, admodū paucos. Sic in omnes disciplinas inuasit  
fœda ac spurca barbaries, sic egit in præceptis linguæ Ro-  
manæ puritatē & ordinē, vt vix millesimus quisque eorum  
qui inter doctos haberi volunt, rectè, dilucidè, compositè,  
dicat. Nam & ex iis paucis qui emendatè loquūtur, altera  
pars adeò affectat insolens & obscurū genus, adeò impro-  
pria & inusitata verba permiscet, vt quid agat verbis, quid  
sibi velit, non intelligant eruditi. Vitium grande quidem,  
tam commune gētium bonū, sermonē tam latè patētem,  
linguam tot rerum naturæ, tot scientiarum interpretē, mi-  
seris modis violauisse. Sed hoc malū, temporis, non huius  
ætatis omnino fuit. Quāobrem neminē arguo qui se tueatur  
illa consuetudine aut potius abusu loquēdi. nec illos do-  
cere volo, quos vel senes, vel aliis rebus occupatos discere  
latinē seruum est. Nec istud quidem si facere velim, satis cō-  
modè possim. Sed vt renascentibus literis bonis, iuuentus  
etiam nobis monentibus assuescat optimo sermoni, cu-  
iusmodi verba legat, qua ratione stylum formet, qua arte  
materiā vestiāt oratione, quos ex omnibus imitetur, per-  
spicuè (ni fallor) ac breuiter ostendi. Verborum differētias  
omneis, quas neque Cicero, neq; Quintilianus, neq; poste-  
riorum quisquā apertè distinxerat, in ordines suos digessi:  
quodq; ad docendū plurimum confert, vsus sum frequen-  
tibus exemplis. De natura & coagmentatione syllabarum  
disputaui copiosè, & (verè dicam) multo copiosius, quàm  
eorum qui vulgo legūtur, rhetorū quisquā. De numerosa  
cōcinnitate, de pedibus rhythmicis, de modis aptæ dictio-  
nis, de generibus eloquendi egi equidem, si nō grauius aut  
verius (nec enim mihi quicquā arrogo) explicatius tamen  
& apertè magis: id quod faciliè iudicabūt ii qui nostra etiā  
legere

legere ipsi, vel suis prælegere volēt. Hoc quicquid est elucubrationis, an amplissimo tuo nomini consecrarem, diu multumq; dubius apud me cogitavi. Dissuadebant rationes validæ multæ, & in illis tres maximè: dignitatis tuæ suspicienda maiestas, extrema tenuitas nostri libelli, deinde eæ quæ vix te respirare sinūt occupationes. Quid hoc erit, dicebam, ad virum primaria nobilitate cōspicuum, perfugium diuitum & egenorum, amicissimū primoribus, intimum Christianissimo regi, charū ciuibus atq; peregrinis, clarum præfectura Lexouia ciuitatis, plurium sodalitatū præfectum, pontificē longæuum, summè verendū Cardinalem, hominem vigilantia, pietate, innocētia, liberalitate, virtute præstabilem, quid erit hoc ad virū tantum? At etiā parua recipit ille vir summa præditus humanitate. Quo pacto? cui non est ocium non dico legendi, aut tenēdi, aut saltem audiendi quid sit, sed ne recipiendi quidem. adeò magna multaq; laboriosum principē distrahunt huc illuc negocia. In singulos dies precibus & sacris operam dare, Regi nō deesse, sexcētas audire postulationes, legere multas literas, scribere non paucas, regere rem familiarem, tam magnam sustinere domū, excipere viros honestos, tractare notos & ignotos, opem ferre amicis, res pauperum & inopum curare, iter subinde facere, plus decē magistratus administrare, in singulis obire officia diuersa, hæc omnia paucā ne tibi negocia videntur, nisi rebus tuis premas aliunde nimis ac nimis oneratum? Hæc mihi veniebant in mentem amplissime Cardinalis, & aliquid tibi offerre cupientē remorabantur. Sedenim hic liber domi tuæ natus erat. Condeti venerat in lucē, paulū fuscitatus amœnitate loci, quo tibi perpetua maceries præter castellū & irriguam fossam, nec procul duas ædes elegantes, ambit syluam molli colle

circumiectam, In media valle prata peramœna, duobus pisculetis fluminibus intercepta, ducētis & pluribus depasta ceruis: cui loco celebrata carminibus Tempe cōparari nō agrē ferant. Illic igitur satus apud te, tuus quodāmodo factus erat. Quōd si fortē ad alium, non ad te migrasset, iurē videretur esse fugitiuus. Et cui potius studiorum fructum mitterem, q̄ ei qui propter studia literarū me legit, in suos recepit, humanissimē tractauit, mercede sustinuit, spe fortunæ melioris erexit? Si tui omnes, apud quos ago, in vnū te coniiciunt oculos ac mentes, & omniū rerū suarū faciūt te potentem, nō & idem me facere oportet? At res oblata nihil est ad illam dignitatē. Certē: at eiusmodi munuscula ex officina Musarum petita, nūquam aspernati sunt honestissimi viri, etiā illiterati, nō eximii principes, nō reges, nō imperatores, non summi pōtiffices, nō dii deiq; immortales. An illud est paruū & tenue, quod à deo profectū, homini cōcessum, perficit ne omnia cōsumat tempus edax? An vile precium literarum, quod vnū memoriā veterū seruauat, & omnes omnium res & artes continet? Verū esto paruū siquid est meum: non illud ego tuę maiestati cōparo, sed tuo destinatū patrociniō cōmitto. Non id augebit tuas curas nimium multas. Nec enim sum vsque adeo rerū inscius, vt quæ documēta iuuenibus in vnum coggi, petam vt cognoscantur à te, vel legantur. Non id quidem peto: sed illa tibi trado quasi in cliētelam, aut certē in adoptionem, vt splendore sancti nominis illustrata, suis lectoribus ampliora videantur. Nihil est cur pœniteat vos Ecclesiæ Christianæ principes huiusmodi adoptasse filios, qui post hæc vos & scientiæ & virtutis amatores fuisse testentur. Sed iam tuis auspiciis nostram de electione & oratoria collocatione verborum sententiam explicemus.



# LIBRI PRIMI CAPITA.

Cur pauci verba deligere & contexere sciant. Caput.1. folio.1.	
Quanti sit oratio lectis verbis & ordine digestis consti- tuta. Caput.2.	2.
Qui fugiendi magistri. Caput.3.	5.
Qui fugiendi scriptores elegantiarum. Cap. 4.	8.
Qui magistri, quique scriptores deligendi. Cap.5.	10.
Vtri priores legendi, poetæ, an oratores. Cap.6.	13.
Sæpe diligentèrque scribendum. Cap.7.	15.
Rudimenta componendi. Cap.8.	16.
Quæ pars Rhetoricæ prima discenda, quæ partitio ver- borum, quæque ex illis aut legenda, aut repudianda. Caput.9.	21.
De verbis sordidis. Cap.10.	24.
De verbis inusitatis. Cap.11.	25.
De verbis barbaris. Cap.12.	27.
De verbis agrestibus. Caput.13.	28.
De verbis humilibus. Caput.14.	31.
De verbis sublimibus. Caput.15.	33.
De grauibz verbis, & leuibz. Caput.16.	35.
De propriis & assumptis, & quæ aliena dicuntur. Ca- put.17.	39.
De verbis veteribus, & nouis. Caput.18.	41.
De verbis sonantibus, & exilibz. Caput.19.	46.
De verbis grandibus, & paruis. Caput.20.	51.
De verbis volubilibz, & tardis. Caput.21.	53.
De verbis lenibus, & asperis. Caput.22.	55.
De verbis integris, & corruptis. Caput.23.	57.

LIBRI SECVNDI CAPITA.

Præfatio.	Fo. 59.
Oratio alia soluta, alia vineta. Cap. 1.	61.
De oratione vineta, & ordine verborum. Cap. 2.	65.
De vocalium concursione in coagmētatione. Cap. 3.	68.
De coagmentatione consonantium literarum. Ca. 4.	73.
De coagmentatione vocalium & consonantium. Caput. 5.	82.
Quæ figuræ coagmentationi subseruiant. Cap. 6.	83.
De concinnitate numerosa, & similiter desinentibus. Caput. 7.	85.
Vt sit oratio numerosa ex similiter cadentibus. Caput. 8.	
folio 87.	
De paribus membris, & eorum numero. Cap. 9.	89.
Quæ sint contraria numerosa. Cap. 10.	90.
Quid numerus à concinnitate numerosa & à metro differat. Cap. 11.	92.
Qui pedes orationis, & quid à numero differat. Ca. 12.	94.
Qui sit ordo pedum in extruendo numero. Cap. 13.	95.
Quæ vitiosa numeri textura. Caput. 14.	104.
Quæ de numero quæri expediat. Cap. 15.	106.
De ambitu. Caput. 16.	108.
Tria genera eloquendi, qui characteres dicuntur. Caput. 17.	112.
De humili stylo. Cap. 18.	113.
De elocutione tenui. Cap. 19.	116.
De media figura. Cap. 20.	121.
De summo genere dicendi. Cap. 21.	126.
Quæ genera locis, temporibus, artibus, ingeniis, conditionibus mutata sint. Caput. 22.	132.



CVR PAUCI VERBA DELIGERE, ET  
CONTEXERE SCIANT.

CAP. I.



VVM multa iuuentus hoc tempore, rhetorum præceptis, & oratoria institutione formetur, multiq; homines ingenio summo, stylum dicendi magistrum, & nunc in primis orandi partibus expetendum, diligenter exerceant: quærendum mihi videtur, cur paucis admodum sit electio verborum, rectaque componendi ratio. Treis præcipuè causas reperio, cur tam paucis ea res faustè foeliciterq; succedat. Vnam statuo incertitiam & audaciam eorum, quorum docendi munus est: alteram, discientium prauum in imitando studium: aliam, artis eius qua verba deliguntur & collocantur, ignorantiam. Nam quum sine duce magistro nemo eloquendi vias rationesque tenere possit, molientibus iter primus est error, quanuis arrogans, tamen incertus ignarusque viarum magister, qui relictis vltro veterum oratorum vestigiis, regionum ignaros per anfractus & ambages atque salebras orationis reuocante natura trahit, recta declinat, praua temere persequitur. Si quibus autem reperitur dux optimus, quales etsi paucos, tamen & fuisse & esse certum est, ex compluribus tamen vix vnus aut alter rectà peruenit ad summam. Ductorem sequi piget, sua quisque trahitur voluptate. Digrediuntur alii ad amœnitates orationis eius quam floridam & suauem esse falsò opinantur. Apuleios, & Baptistas Pios, quàm Cæsares atque Cicerones affectari & colere malunt. Alii nullo certo fine, nullaque meta

proposita, quò pes ducit, etiam per inuia ac deserta rapiuntur: & sine modo passim aberrare, hinc & illinc voculas & inusitatas loquèdi formulas excipere satius esse ducunt, quàm affluentem omnium rerum verborumq; copiam de medio sumere. Alii poëtarū more, quibus grandius aliquid & sonantius arridet, nituntur velut in præruptas rupes, & in arduos montes: & quasi sublimes facti; tragicum nescio quid & cōfragosum personant. Hæc & similia vitia non semper eorum sunt qui docent, sed eorum quoque qui veræ disciplinæ impatientes, effrenata libidine feruntur. Non desunt autem, nec defuerūt vnquam magistri & discipuli probi, qui ad optima contenderent: sed nemo adhuc satis familiaris fuit, qui compendiū quarrentibus, digitum ad fontes intenderet. Quanquam enim Cicero multa, Quintilianus haud pauca de collocatione verborum scripta reliquerunt, cò tamen vterque prouectus est, quò non facilè debiliores, si nemo porrigat manum, peruenire possint. Est enim (vt ait Cicero) locus late patens de natura vsuq; verborum. De quo neuter ample & copiosè disputat. Res est obscura compositio, si nō illustratur exemplis. Alter autem idonea apud latinos nō reperit, alter Ciceroniana sæpe fugit vt molesta. Si quid in hac re possumus (minimum autem, vel nihil est quod possumus) at si quid possumus, studiosis orationum consultum volumus. Illos amatores sui tam superbè gloriosos, quandoquidem id maximè volunt, labi, errare, falli, sinamus. Non audient hos monitus, nec ista præcepta suspicient, qui Apuleium per florida secuti, deseruere Ciceronem. Legant putidos flores. Habeant congestam insolentium

lentium verborum supellectilem. Notatos teneant communes locos. Circunferant enchiridia quædam, vnde magnam vim locutionum promant. Nos veterum prudētia, consilio, authoritate nitamur, qui cēsent eos stultos & insanos fuisse, qui literis mādarent cogitationes suas, nullam facultatem orationis habuerunt.

Quanti sit oratio lectis verbis & ordine digestis  
constituta. Cap. 2.



E grauitate sententiarum, de figuris & schematis ingēti voluminum magnitudine comprehensis, in præsentia non agō. Nunc hoc propono, quod est huius instituti, bonitate verborum, & eorū digesta compositione ni-

hil esse in oratione laudabilius, nihil in quo magis neruos omnes intendere debeamus. Ab hac virtute, eloquentia, non ab inuentione aut à rerum dispositione nomen accepit. Eloquentia ab elocutione dicta est, & ab eadem orator, & oratio: quæ non aliud est, quàm oratoris elocutio. Nec is cui dicendi facultas inesset, aut inuentor, aut dispositor, sed eloquens appellatus est, propterea quòd inuentio & dispositio multorum communis, non tam artis esse, quàm prudentiæ cuiusdam videtur. Elocutio oratoris est propria, & arte obseruationēque ferè tota constat: res adeo rara, adeoque difficilis, vt M. Antonius in libello  
 .. quodam scripserit, disertos se vidisse multos, eloquentem  
 .. omnino neminē. Optimū dicēdi genus aut nullis adhuc, aut perpaucis contigisse argumētō est, quòd in arte collocādi Brutus & Caluus ausi sunt reprehēdere Ciceronē, cu

ius dictionem nemini mortalium imitabilem hodie complures existimant. Sed illud perfectum summumq̃, si supra nos est, nihil quidem ad nos. Quod possumus, id assequamur, & elocutionem quauis tenuem & minutam, modò probam rectamque, præclarum quiddam esse profiteamur. Compositionē ( Quintiliani verbis utar ) eruditissimo cuique persuasum est valere quamplurimum, nō  
 „ ad delectationem modò, sed ad motum quoque animo-  
 „ rum. Primum, quia nihil intrare potest in affectum, quod  
 „ in aure velut quodam vestibulo statim offendit. Deinde  
 „ quòd natura ducimur ad modos. Neque enim aliter eue-  
 „ niret, ut illi quoque organorum soni, quanquam ver-  
 „ ba non exprimunt, in alios tamen atque alios motus duc-  
 „ erent auditorem. Quòd si numeris & modis inest quæ-  
 „ dam tacita vis, in oratione est vehemētissima. Quantumq̃  
 „ interest, sensus idem quibus verbis efferatur, tantum verba  
 „ eadem qua compositione vel in exitu iungantur, vel in fine  
 „ claudantur. Hactenus Fabius. Cicero in Bruto. Nec res  
 „ vlla plus apud animos hominum, quàm ordo & ornatus  
 „ orationis valet. Idem in Oratore. Quauis suaves gra-  
 „ uesq̃ sententiæ, tamen si inconditis verbis efferetur, offen-  
 „ dent aures, quarum est iudicium superbissimum. Mutila,  
 „ hiulca, redundantia, confragosa, quæ intersistunt, quæ ma-  
 „ lè connectuntur, quæ claudicant, quæ dissidentanea sunt,  
 „ aurium sensum molestè feriunt, animum offendunt, vim  
 „ orationis interturbant, nec quenquam diu retinere pos-  
 „ sunt, nisi fortè Midas illos, & asinos ad lyram, qui se qua-  
 „ rere sententias, verba modulata repudiare glorian-  
 „ tur. In-  
 „ genia liberaliter instituta, quæ naturæ bona non corru-  
 „ pta, sed

pta, sed aucta voluerunt, specie orationis & decore capiuntur, modulandi iucunditate recreantur, & illā qua sermones hominum, qua libri commendantur, qua suavis est eloquentia, non aspernantur voluptatem. In compositione verborum, vt in muro lapidum, decor est & pulchritudo, qua non aliter oblectantur aures, atque figuris optimis oculi. Placet elegantia verborum bene digestorum, sicut partium corporis inter se competentium. Quumq; perinde atque flumen aluco prono, compositē fluit oratio; demulcet audiētem, & sine vllō tædio quasi iucundo nauigio per sentētiarum fluuium perducit ad finē. Aptaueris pedes eius, aptē decentēque sicuti bellator equus in curriculo feretur. Composueris numeros, vt certator in palæstra, sic pulchrē fortitēque pugnabit. Modulatus fueris ambitus & conclusiones, symphonicorum modos omni suauitate superabit. Quis (inquit Cicero) cantus, moderatæ orationis pronuntiatione dulcior inueniri potest? Quod carmen artificiosa verborum conclusione aptius? Quis actor in imitanda, quā orator in suscipienda veritate iucundior? Quod si quis adeo seuerus & immanis est, vt nulla voluptate capiatur, poteritne contemnere dicendi perspicuitatē? Nihili faciet vires & impetus orationis? Oratio quanto compositior, tanto perspicua magis atque dilucida. Nam quemadmodum sensum confundit indigesta verborum perturbatio, quod hyperbatōni vocatur, ita claritatem fert ordine composita collocatio. Cur Cicero tam facilis intellectu videtur, etiam quando sublimis est? Scit nimirum quo quodq; loco verbum statuendum sit. Cuique suum assignat ordinem. Cur

plerumque indoctissimorum sententiæ non capiuntur animo? Omnis eorum dictio contorta est. Si igitur summa virtus orationis est claritas, & ea vehementer collocatione splendescit, ad summas orandi virtutes accedat proximè collocatio, necesse est. Eadè vires addit orationi. Ut enim amentis hasta, & nervis sagitta, sic cōpositione sententia concitatur. Quod autē sunt varia dicendi genera, nunc celeritate dicendi rapiuntur animi, nunc tarditate torpescunt, nunc gravitate componuntur, nunc levitate vaneſcunt, aut læti sunt, aut tristes, aut quieti, pro orationis habitu, formæque dicendi. Itaque damnandi sunt qui horridum & incultum sermonem, quàm cultū nitidūque magis virilem esse cōtēdunt. Ex quibus alii de industria nolunt id quod nō pessime (si volūt) facere possunt: alii neque possunt, neque volunt. Non posse se negant, nolle gloriantur. Iudicio falluntur illi, hi laborant ignorantia. Neutri mea sententia probādi, qui pulcherrimam eloquentiæ virtutem in sermone Romano aut negligūt, aut vituperant, quam in communi lingua, & in sermone populari tantopere concupiscunt. Si pulchrum laudabileque est cōponere linguam Gallicam, aliāmve quæ non ita verborum mutatione gaudet, cur turpe & fœdum est Latinam tanto meliorem, quanto communiōrem, in ordinem aptum digerere, quæ sine trāspōsitione vocū nullam penitus habet venustatem? Quærēnda suavitatis oratori. Neque enim refert (inquit Cicero) videre quid dicēdū sit, nisi id queas solutè & suaviter dicere. In artificiosa constructione non modò iucunditas, perspicuitas, & vis maior est, quæ omnia per se maxima sunt, sed etiā stupor & admi-



& admiratio, quæ dicentem non hominē videri, sed deū  
quēdam inter homines efficit. de quo Cicero tertio libro  
.. de Oratore, Nemo, inquit, vnquam est oratorem, quod la-  
.. tinè loqueretur, admiratus. Si est aliter, irridet, neq; cum  
.. oratorem tantummodo, sed hominem non putāt. Nemo  
.. extulit eum verbis, qui ita dixisset, vt qui adesset, intelli-  
.. gerent quid diceret, sed contemplit eum qui minus id fa-  
.. cere potuisset. In quo igitur homines exhorrescunt? quem  
.. stupefacti dicentem intuentur? in quo exclamant? quem  
.. deum (vt ita dicam) inter homines putāt? Qui distinctè, qui  
.. explicatè, qui abundanter, qui illuminatè & rebus & ver-  
.. bis dicunt, & in ipsa oratione quasi quendam numerum  
.. versumque conficiunt, id est quod dico ornatè, qui idē  
.. ita moderantur, vt rerum, vt personarum dignitates ferūt,  
.. ii sunt in eo genere laudis, quod ego aptum & congruens  
.. nomen. Qui ita dicerent, eos negauit adhuc se vidisse  
.. Antonius, & iis hoc nomen dixit eloquentiæ solis esse tri-  
.. buendū. Eam vult instrui collocationē, quæ quasi quen-  
dam numerum versumq; cōficiat. Non amat scopas dislo-  
lutas, & inordinatū dicēdigenus, quod vt arte, sic & omni  
decorē caret. Artem semper comitatur decor. Ars inuenit  
in arboribus quincūcem, in vitibus limites, & paria inter-  
ualla, in oleribus areas, in vrbibus insularū descriptiones,  
in ædibus cellas, & instrumēta seposita, in ciuibus ordines,  
in exercitibus instructiones, in disciplinis generum forma-  
rumq; seriē, in poëmāte contextū, in rebus oratoris dispo-  
sitionē, in verbis collocationem; quæ speciosa veluti qua-  
dratū corpus, & robusta sicut acies esset: quā qui despicit,  
quodāmodo ordines calorū, siderū, æronū, elemētorum,

corporum, & artificialium omnium quæ naturam proximè imitantur, temerè & stultè despiciunt. Vbi sunt tot philosophorum libri, quorum nullus non sententiosus erat? Vbi tot opera poetarum generis heroici? Vbi tam multa cæterorum? Vbi annales & historiæ? Vbi tot disertorum orationes? Vbi infinitæ doctorum conscriptiones? Vbi sexcenta proximis seculis magno sudore conscripta, edita, volumina? Vbi prudentium quidem, sed incultè loquentium, id est infantium vigiliæ & labores? Fuerunt, inquit. Cur etiam nō sunt? Rogas? Non placuit indigestū chaos, non insulsæ veterum glandes, non horridæ casæ, nō indotæ barbaries, non agrestia tegumēta, non in montibus & syluis ferina vita, non quicquid arte expoliri, & in melius aptari formariq; posset. Ornamus prophanas ædes auro & argento: hortos, agros, prædia decoramus. Imponimus equis phaleras. Corpora nostra splendidè vestimus, mensas magnificè apparamus. Theatra ad voluptatem construimus, sacras ædes vasīs aureis, gemmis, stragula veste, signis, tabulis, & id genus ornamentis facimus augustiores: Cur sermonem, quo nihil homini melius datum est, excolere non licet? Quid Liuius adiecit antiquis annalium scriptoribus? Quid Virgilius poëtis? Quid Columella rei rusticæ authoribus? Quid æquales plurimi, quid recentiores noui pepererunt? Exterferunt illam veterum rubiginem, & res eorum nitore verborum splendidas effecerunt. Quemadmodum viro magnifica vestis, & ornata domus nonnullam affert dignitatem, ita quoque verborum splendor & ordo quadam maiestate donat orationem. Si conditor ille rerum deus immortalis, nō omnia varietate & pulchritudine



tudine exornauit, illius exemplo cōtemnauit ornatum. Si rebus in omnibus cōiunxit vtilitati decorem, cur illum summum opificem, summæ vbiq; pulchritudinis effectorem veremur imitari? Incidimus tamen in stultissimū barbarorum genus, qui laudāt equi bouisq; speciem, qui probant hominis bonam formam, qui stupidi contemplantur ornamenta regum, qui tollūt ad cælum splendidum conuiuium, qui lauta supellectile capiuntur, qui (vt breuiter finiam) nihil non pulchrū magnificiunt, nisi quod circūdatum est orationi. Quid est causæ cur illud vnū probare non possunt? Quod habere debent & non habent; ne turpe sit quòd non habent, hoc iniuria vituperant. Aliis ingenium, aliis defuit labor. Stylus est magni laboris (quē pleriq; fugimus) sed optimus & præstantissimus dicēdi effectus ac magister. Vt quod res velit, eloquare ingenio, studio, arte, exercitatione, imitatione opus est. Hoc maximè docetur, (inquit Fabius) hoc nullus nisi arte assequi potest; huc studium adhibendum, hoc exercitatio petit, hoc imitatio, hic omnis ætas cōsumitur, hoc maximè orator oratore præstantior, hoc genera ipsa dicēdi aliis alia potiora. Sed si in tenui labore honesto non parua est gloria, in hoc certè omnium honestissimo debet esse vel maxima. Hanc quisquis adipisci volet (omnes autem velle debent) optimo statim præceptore, si licebit, vtetur: alioqui natuum illum ingenii candorem foedissimo loquendi colore vitiabit, & aurium iudicium illiberali sono, & sermonum prauitate corrumpet.



V V M innumerabiles in omni gente magistri linguam pueritiæ informare velint; paucissimi de rebus propriè, ornate, compositè disserere possunt. Hæc tamen virtus in grammatico si non est, officium explere suum non potest. Id Quintilianus de

re grammaticorum loquens affirmat, his verbis, Eloquentia quoque non mediocri est opus, ut de vnaquaque earum quas demonstrauius rerum, doceat propriè & copiosè. Nunc irrumpunt *av&Aidaxxi*, genus hominum temerarium, confidens, & audax. Nulla vel mediocriter sciunt, & omnem profitentur artem. Omnia peruadunt, omnia suis prælegunt. Omnia inculcant. Omnia dictant. Omnia contaminant. Prima rudimenta, syntaxim verborum, Officia, Paradoxa, libros de Inuentione, de Senectute, Quaestiones Tusculanas, poetas, historicos, oratores, philosophos, vno eodemq; die, sine modo, sine lege, sine ratione, obtrudunt infantia balbutienti, & circa elementa prima hæsitanti. Ut omittam cætera, nullum habent verborum delectum, nullam artificiosam collocationem, nullum certum dicendi genus. Omnia locis omnibus promiscuè & cõfusè, nõ sine sui iactatione, garriūt: nec tã humana voce loqui, quàm inter cornices ineptè cornitari videntur. Volubilis illa garrulitas, & incondita linguæ profusio, per mille species rerum non aliter quàm sonnantis animus momento rapitur: non insistit, non imprimit vestigium, non habet quod certò loquatur, etiam si nihil non vult loqui.

Quòd

Quòd siquādo loquacitatē finem imposuit, nec ipse quī talia profudit, nec audientiū quisquam scire potest quidnam sibi velit. Virtus est orationis (si diis placet) nulla in re commorari, huc & illuc dissilire, omnia commiscere: sic agere, ut tuam nemo capiat mentem: onerare auditorem putidis verbis, & inamœna locutione, & contorto genere dicendi aures animūque cōtundere. Quid hinc iudicii referet auditor? quid disciplinæ liberalioris? quid sententiarum? quid verborum? quid puri rectique sermonis? quid potissimum sequetur? Pendēbit ab ore non dico loquentis, sed insaniētis. Alieno se iudicio committet, atque in diuersa rapietur, ut puluis qui venti procella corripitur: & ut os nutricis infans, si ille magistri linguā exprimiere conabitur. Materia scribendi proposita, præptorem inuitatus euagabitur. verba noua cum obsoletis, grandia cum paruis, dura cum mollibus, latina cum barbaris miscens, nullum eorum apte & ordine collocabit. Laudabit hæc ignarus veri magister: exprimet illum tandem discipulus infelix, & ex officina mala prodibit haud bonus. Et quoniam quæ praua sunt, hæret tenacius, nunquam poterit elui impura scædæque linguæ proluuiēs. Nam

- .. Quo semel est imbuta recens, seruabit odorem
- .. Testa diu—
- .. Et vera nimis est Quintiliani sententiā, Frāgas citius quā
- .. corrigas quæ in prauum induruerunt. Quā multos flectere volui: quā multos aliter instituerē: quā vani fuere mei labores? Ingenii vis illa naturalis penē mortua, nō ita restitui poterat, ut aliquid rectū & æquale & naturæ simile gignerent. Arte quadam, ut verius dicam, nebu-

la fumóque nitebantur, & quasi per aërem vagi, & multa quærètes, nihil omnino reperiebant, nisi inane quiddam, à naturæ firmitate nimis alienū. Absit igitur hæc pestis ab eo qui suas aures modulatione erudire, verborū discrimina discernere, suo quæque ordine collocare velit: Absit hoc monstrum horrendum, informe, ingens, cui lumen ademptum. Sed permulti sunt id genus Cyclopes: contrà pauci reperiuntur qui encyclopædian absoluerunt. Est aliud

2 } hominum genus minus arrogans ac insolens, æquè tamen incultum & indoctū. Ex authoribus, qui potissimum legendi sint quoniam iudicare non possunt, & consciū virium suarum, principes linguæ latinæ interpretandi causa aggredi non audent, optima quæque tanquā sacra Cereris diu non ineunt. Vilia quædam poëmata, & insulso dialogos, & leues epistolas, & apologos, & fabulas inutiles, & leuiculos authôres, quos impropria paraphrasi grauius onerent, legunt. Singulis verbis, nunc singula, nunc bina, nunc terna quaternave reddunt: & spinosa verborū copia locos omneis & paginas implent: tumque præclare doctoris officium obire se putant, quū tæque quaterque repetendo cantitant, Est, id est existit. Què pro & Quoque, id est etiam. At, id est sed. Enim pro quia. Docemus, hoc est instruimus, ostendimus, monstramus. Scribo, id est describo, cōpono. Phagi, illius arboris. Hibisco, illa herba. Cātharus, illud vas. Sagitta, id est pharetra. Carbasus, indusiū delicatū. Timet, hoc est metuit, pauet, horrescit, formidat, veretur. Præclara sanè verborū copia, pulchra loquēdi proprietates, bellū pueritiæ formadē prīcipiū. Quid agis? Soli demens lumen infers, tenebras nō aufers.

Dilucidi

Dilucidi & obscuri nullum statuis discrimen. Verborum proprietatem & suauitatem, qua nihil in oratione gratius est, sic abiicis, vt si aliena summoueas, tua non intelligantur, & incredibiliter exhorrescant. Quid? Mirabere istorū stultitiam. Ne sit obscurior illa (quam diximus) interpretatio ridicula, puerum iubent adscribere putidam quandam paraphrasin, quam sententiam vocant, & eam diligenter ediscere. Hinc accidit in authoribus primæ dignitatis (quos isti aliquādo tandē suscipiunt) vt ea verba quæ maximè cuiusque rei propria, quæq; sunt ornatissima atq; optima, puer relinquat, minus idoneis vti consuescat. Quæ, malum, est hæc insania? vt contortam barbariem, quàm rectam loquendi rationem memoriæ tradi, in imitationem vsūque trahi malis? In ediscendis optimi cuiusque scriptis, audita modorum suauitate formaret aures, verbis abundaret vel optimis, & tandem animi impetu ferente, eadem propè contexendi ratione vteretur. Nunc tecum derudere miser assuescit. Totus scatet malis verbis. Præpostera compositione deprauat orationem. Quod autem materiæ genus proponis ad scribendum? quæ tibi exercendi ratio est? Ponis aliquid ociosum, neque inuentione acutum, neque sententiis vtile, neque partibus inter se cohærentibus elegans & cōsentaneum. Ex colluie glossematum tuorum, & annotationum sterquilinio, spurca quædam verba diligenter eximunt pueri, quibus non rem præscriptam, sed aliud nescio quid finitimum completuntur. Hæc male consuta proferunt. Admoues aurem, tua agnoscis, egregios imitatores exoscularis. Nam parenti simia pulcherrima est. Si quis est aut barbarismus, aut

sollecissimus occultior, aut vox horridior, aut vitiū in con-  
secutione, aut perturbatus ordo, non animaduertis, pro-  
pterea quòd audis aptum tuis auribus, quanuis inemenda-  
tum, durum, & inamabile dicendi genus. Sed dimittamus  
istos, ne forte lacesciti grauitè exandescant. Cauendum  
est enim ne quam ferant opem Guido Iuuenalis, aut alius  
eodè modo facilis ac obuius interpres. Hoc præsidio fre-  
ti se parant ad certamen, & de imperio summæque rerum  
contendunt. Quid alios referam multos, qui stimulant iu-  
uencos, terram non arant?

• πολλοὶ βέλτεται, πᾶσι δὲ π. γῆς ἀροῦντες.

Alii totum diem vociferantur in ludò. Iuuentutem ob-  
ruunt multitudine verborum impurissimorum, nec il-  
lam disputationibus agitant, nec exercitationibus robo-  
rant, nec excitant languentem, nec petulantem coërcent  
imperio, & magisterii dignitate. Alunt improbum quod-  
dam hominum genus, quod ignorans suas vires, omnia se  
posse credit, omnia præ se contemnit ac despicit. Vt tyro  
ferox veteranos aspernatus, multa & egregia de se polli-  
cetur: collata manu, & impressione facta, stare loco ne-  
scit, cedit, fugæ se mandat, & tum demum imbecillitatis  
sux certior factus, non reuertitur in prælium: sic & isti  
animorum pleni, eruditos & exercitados fastidiunt. nihil  
sibi non arrogant insolètes. vbi in certamen literarum pu-  
gnamque ventum est, haud magno momento superati  
deserunt, & detestati literas & magistrum, & doctis omni-  
bus infensi, ad aliud vitæ genus confugiunt. Sunt qui se-  
dulò materias à suis exigunt hora præstituta. Redditas per-  
legunt ipsi: sed quoniam arbitratur hoc vnū suum munus  
esse,



esse, expurgare vitiū barbarissimi atq; solœcismi, non pro-  
 grediuntur vltra. Puerum non admonent eorum quæ du-  
 re & horridè, quæ inusitatè, quæ contortè, quæ obscurè,  
 quæ exiliter, quæ affectatè tumideq; dicta sunt. Pro sermo-  
 ne latino & emendato vasta & agresti lingua abutuntur:  
 nec inter Latinos iure numerari, nec inter doctos haberi,  
 nec munera præceptoris obire possunt. Iam quotus quis-  
 que nouit versum arte modulari? aut orationē verbis &  
 propriis & vsitatis atq; cōpositis exprimere? Expectamus  
 aquā ē punice? Qui rudes illi docebūt cæteros id quod  
 ipsi non modò nō facere, sed ne intelligere quidem pos-  
 sunt? Quonam pacto iusti erunt existimatores eorū  
 quæ candida atrane sint, cæci: bona an mala, improbi:  
 culta an inculta, impoliti non vident? Qua formabunt  
 arte iuuentutem? Quibus ornamentis excolent? Ex eius-  
 modi officina mirum ni prodeat incultus infirmisque  
 discipulus. Hic (inquiunt) præstantior est puer, multo plu-  
 ra scripsit. victus ille, edidit enim pauciora. Huius omnia  
 verba trita sunt, illius inusitatiora, & eo nomine melio-  
 ra. Habes hominum iudicium. Non scripti genere, sed  
 quantitate: nō proprietate, sed insolentia censent oratio-  
 nem. Multos alio quodam morbi genere vitiosos nume-  
 rare possum, quorum contagionem fugere debet is qui  
 studio componendi, & orationis collocatæ gloria duci-  
 tur. Multos ipse cognoui, qui omnem orationis elegantiā  
 esse statuebāt in adagiis, apophthegmatis, verbis antiqua-  
 tis, nouis quibusdam nitelis, & ridiculis ornamentis: vt si  
 cōfectores stragulæ vestis pauca effingāt in ea signa, vni-  
 uersum contextum negligant: vt si solitor treis quatuorve

stirpes herbarum specie lucidas, fructu inutiles colat, reli-  
 quas terræ partes incultas esse patiatur. Illos omncis fugi-  
 „ endos esse sciet qui hæc verba Ciceronis audierit. Magni  
 „ interest quos quisque audiat cottidie domi, quibuscū lo-  
 „ quatur à puero, quemadmodum patres, pēdagogi, matres  
 „ etiā loquantur. Legimus epistolas Corneliæ matris Græ-  
 „ chorum. apparet filios nō tam in gremio educatos, quā  
 „ in sermone matris. Auditus est nobis Lēliæ C. filiæ sermo.  
 „ Ergo illam patris elegancia tinctam vidimus, & filias eius  
 „ Mutias ambas, quarum sermo mihi fuit notus: & neptes  
 „ Licinias, quas nos quidem ambas, hæc verò Scipionis etiā  
 „ tu Brute credo aliquando audisti loquentem.

Qui fugiendi scriptores elegantiarum.

Cap. 4.



Non defuerunt & qui memoriæ literarū com-  
 ponendi leges, & collocandi præcepta man-  
 darēt. In illis principatum obtinuit Augusti-  
 nus ille Datthus, & quidam Petrus Niger, or-  
 namentis orationis (vt sibi videbatur) admodum cādus.  
 Horum venustatem nitorēque posteriores vehementer  
 admirati, scripserunt alii progymnasmata, alii enchiridia,  
 alii loquendi formulas, alii inelegantes elegātiās, alii quas-  
 dam suas obseruationes, quas tum teneræ ætati, tum me-  
 diocriter eruditis perutiles esse rebantur. Finis erat eius-  
 modi scriptionum, vt qui venustus & elegans veluti gra-  
 tiis afflatus esse vellet, hæc verba, nullus, nemo, nihil, nun-  
 quam, nusquā, neutiquā, nequaquam, in clausula colloca-  
 ret: vt verbo sapius quā nomine aut participio clauderetur ora-



ret orationem: vt geminaret copulandi coniunctionem: vt in exitu voce trium quatuorve syllabarum sustineret ambitum: vt obliquum casum statueret initio: vt pronomi-  
nibus, qui quæ quod, ea quæ naturâ præponi debeant, arte postponeret: vt in eius ordine rei nomen duarum syl-  
labarum antecederet, adiectio sequeretur, si modò totidē pluribusve constaret syllabis: vt, pater meus, frater opti-  
mus. Deniq; vt si idem vel epistolam vel orationem scri-  
bere & exornare vellet, insignibus formulis quasi aureis emblematis vteretur. Adiciebant pauca verba rara cu-  
iusdam pulchritudinis, quibus tanquā gemmis distingue-  
rent & illustrarent opus. In hisce rebus, & paucis generis  
eiusdem, omnem omnium oratorum elegātiā positam  
esse existimabant. Quo quid ineptius, magisq; ridiculum  
esse potest? In oratione nulla verbo propria sedes est, nul-  
lus certus & immutabilis locus, nullus vnquā fuit sic des-  
tinatus ordo, vt eius mutatio deformis & inelegans esset.  
Loca verborum communia sunt: nec in extrema clausu-  
la magis quā in principio, nec initio potius quā in  
oratione media ponuntur. Neminem vnquam vidi pul-  
chriorem, compositē dixeris. Pulchriorem vidi vnquam  
neminem, incompositē. Inter oratores neminem summū  
perfectūq; reperiēs, rectē dicitur. Inter oratores summiū  
perfectūque reperiēs neminem, prauē & affectatē. Vbi  
igitur aptē collocaueris hoc verbi neminem? Sempérne  
in extrema sententiā nequaquam. Cur ita? non id vbique  
patietur ratio componendi. quamobrem? Obseruantur in  
clausula, id est in oratione postrema, duo trēsve pedes, qui  
compositē & decēter incedant, & suauiter cadant. in

aurem. Si dactylus hic, neminem, in cōclusionē ponatur, nisi pes vnus & alter molliter antecedit, offendet aurem, & illius eum loci quodammodo pœnitebit. Quum dico, Ferendum grauit̃ in hominib; sapientem inueniri neminem, nō læduntur aures, quia coagmentatio cohæret, & sine versu molliter ad finē currūt pedes. Quum dico, Prendere auidē cupiunt neminem, nulla voluptate sensus oblectatur, propterea quod sic exiliunt & attolluntur anapæsti, vt nō inclinētur ad dactyli positionem. Ad hoc compositio iuncturaq; hiat, & asperē duo postrema verba concurrunt. Mutandus est igitur ordo verborum, & auribus eruditis instruendi ratio committenda. Quid si reiecta in extremum particula quæ primas habere cupiebat, transuorsum trudentur omnia? vt, Mihi placui minus nunquā Rectiusne Crassus istuc, Nunquam mihi minus placui? Quemadmodum in extruictione murorum vidēt oculi quo loco quodq; saxum rude melius aptetur, sic & in oratione digerenda iudicant aures qui cuique verborum sit assignandus ordo. Quid igitur opus est quasi de certo loco præcipere? Quid incerta pro certis habentur? Pro significatione, figura, coagmentatione, numero, loca singulis assignantur. Nec si verbum propriē dictum sæpe claudit eam quam perficit orationem, idcirco dixero, Patrem amaui. reclamat enim aurium iudicium. Amaui patrem, vel natura monente dicendum esse iudicabo. Qui verba de loco in locum transfert ornandi gratia, nō enumerat eorum syllabas, vt inde sciat vtrum anteponendū sit, epithetōn ne, an rei nomen, sed iunctura & interuallo pedum, loca metitur: prima media vltima quod inter se consentiant,

consentiant, attemperat. Iam quid iuuabunt locutiones ex enchiridio, si imparibus assuuntur? Vt erit æquabilis, suiq; similis oratio, si duæ trësve ab optimo scriptore sententiæ longè cæteris emineant, & quàm sint humiles reliquæ, sua amplitudine demonstrent? Cur a casu obliquo pulchrius quàm à recto ducimus initium? Quis vnquam veterum tulit has leges? Multa de rhetorica tradidit Aristoteles, multa Theodectes, multa Theophrastus, Hermagoras haud pauca, plurima Cicero, non pauciora multo Quintilianus: quid horum nemo vidit quod Dathus? quod Niger? quod Progymnastes? quod formularii, & eiusmodi inuestigatores elegantiarum? Nesciebant credo, & tam suaues delicias nunquam gustauerant. Cur isti igitur admirantur eorum dicta? cur habent pro lege formulaq; loquendi, quicquid notatum scriptumq; reliquerunt? Quo pacto ex illis eruunt exempla, quibus sua præcepta confirmare conantur? Sciebant, inquit, sed tam parua scribere grauabantur. Itane verò? Diligenter omnia persequabantur oratoris ornamenta, & vobis tam suaues tamq; molles orandi voluptates præteribant? Non ita est. Nul- lum eorum qui libellos istos ediderunt, artes oratorias aut intellexisse, aut saltem legisse contendo. Si fortè legissent, nunquam certè quidem commisissent, vt hoc nouum & insolens & inauditum legum genus conderent. At præclare nonnulla scripserunt. Quis negare potest?

.. Nullus est tam malus liber, in quo non sit aliquid boni: sed magno constitit quicquid illud fuit. Innumerabiles rum pueros tum viros bene collocandæ dictionis percipidos, nomine facilitatis & nitoris illuserunt. Passim le-

gebantur, vulgò circumferebantur, in scribendis epistolis & conficiendis orationibus leges eorum haud aliter obseruabantur, quàm myſteria, atq; cæremoniæ deorum. Alebant inanem ſpēm: vnā aut alterā ad ornandū particulā, non integram veſtem induebant: tandē ſuos cultores partim nudos, partim ridiculè veſtitos ad hominū doctōrum ludibria mittebant. Quū vita celerī curſu fugiat, & ſtudioꝝ tēpūs admodum breue ſit, in tanta librorū optimōꝝ copia cur malumus in peſſimis quibūſdam quàm in optimis bonas horas collocare? Quæramus aliōs dicendi magiſtros, qui planè ſciant qua ratione pro tempore, locō, & perſonis, acies verborū ſit inſtruenda. Ne de pauca ſupellectile, ſed de vniuerſa diſpoſitione „ verborū dimicemus. Quæ maiōres agit prædas, illa iu-  
„ cundior eſt victoria.

Qui magiſtri, quiq; ſcriptores deligendi. Cap. 5.



**V**O S ludi magiſtros, & quæ præcepta vitaret homo ſtudioſus elocutionis, breuiter attigimus. Nunc quem potiſſimum doctōrem & dicendi magiſtrum ſequatur, vt quò maximè velit, eò breui compendio viarū perueniat, ſi placeat, explicemus. Non erit alienum ab inſtituto, quærere ducem; ſine quo ad propoſitū ſinem rectā venire non poſſit. Non agam de virtute præceptoris, quæ in primis eſt à diſcentibus expetenda, propterea quòd pueri vt eius artes, ſic & mores, & malos quàm bonos ſapius imitantur. Nihil dicam de cognitione & ſcientia rerū maximarū,

ximarum, quā si non habet, docet alios indoctus, & quod dementis est, verba sine re profundit. Quā seueram debeat habere disciplinam, quā sanctam, quā virilem, quā assiduam, nō est hic disputandi locus. Hoc ad rem pertinet, quo sit ingenio, quāque natura præditus. Nam quemadmodum poëtæ, sic ( mea sententia) quodammodo nascuntur oratores. Nec enim poëtæ, si naturæ parentis igniculi desint, alta & ardua excogitare, delectum verborum habere, numeros aptare queant. Nec oratores aduersante Genio mira quædam inuenire, propriè, copiosè, venustè, floridè differere possint. Est in oratione, sicut in versu, numerus, & obscura modulatio, quam teretes & rotundæ sentiunt aures. Quædam verba sic amica sunt, & penè germana, vt inter se concordia summa copulentur: quædam (vt ita dicam) inimica atque dissōna: quæ si coniunxeris, perpetuò rixabuntur, & asperè ferient illam sentiendi facultatem. Quis hac de re iudicabit? Auris. An omnis? Haudquaquam verò. Quæ sic, & quæ non? Sensus ille, sicut omnia, adiuuatur arte & exercitatione. Fateor, Alioquin ista non traderem: sed nisi vis illa naturalis, acuta, sagax, acris habilisque sit, nisi sonorum differentias & modorum sponte sua diiudicet, nisi in ambitu, & partibus illius, temperata, curta, redundantia, in verbis aut singulis aut compositis lenia, aspera, mollia, dura sentiat: ars & vsus, res duæ maximæ, non efficient vt instructa venustaque sit oratio. Noui plurimos studio & amore literarum eximio, qui cognitis atque perspectis rhetoricæ præceptis, summa cum diligentia multa scripserunt, nec secus ac poëtæ solent, in collocanda dictio-

ne, & quærenda venustate diu multumque laborarunt: sed enim conatus infœlices fuerunt, & malè propitiæ Musæ. Non suberat vera vis & indoles, non fluebat illa vena atque natiua fœcunditas, nec sensum natura duriorē mouebat aspera sonorum cōcursio. Itaque succumbebat ars & animus silente consilio naturæ, nec vllum percipiebat dignum suo labore fructum. Sic erat, vt colēdi peritus agricola, qui sterile solum omni artē & industriā subigit, cōque coniicit semen. hinc fortè nascetur aliquid quod tandem metat: sed raræ & graciles aristæ fallunt hominum boūmque sudores. Non omnis fert omnia tellus, inquit poëta. Nec ars sola potest, quod ipsa concurrente natura. Quid? quòd sub vno eodemq; præceptore videas pueros eadē informari disciplina, & intendi pari diligentia, qui tamen in oratione exædificanda non sunt inter se pares? Quid est causæ? quid? Illorum paria non sunt ingenia. Quum sit vna rhetorica, totidem ferè sunt genera dicendi, quot oratores: nec vnquam duo per omnia consimiles reperti. Hanc formarum varietatem non aliter in ordine, quàm in hominum ore natura fecit. Quòd si quis aliò quàm quò natus est, tendit, Gigantum more naturæ deoq; repugnabit, & suæ stultitiæ tandem precium feret. Labor improbus res arduas expugnat, sed funditus euellere naturæ fundamenta non potest. Verum est illud Horatianum,

.. Naturam expellas furca: tamen vsque recurret.

Sint igitur eloquendi magistro celeres animi motus, & insita prudentia. Insit vbertas, & quædam musica vis ingenii: & innatus venustatis amor alliciat animum eius ad verborum



verborum suauitatem, vt numerosa constructionis ordinem persequatur. Sic expetat ornandæ dictionis artem, vt tamen à naturali & illaborato fluxu longè ne recedat. Nam tanto deterior erit, quanto longius à natura ducetur oratio. Non excidit mihi quod authore Quintiliano dixeram, elocutionem omnem arte consistere. Naturali sine arte in inueniendo & collocando multum sanè potest, in eloquendo nihil omnino. Sed ars sine natura in his omnibus debilis est. Cui natura modulationis huius indidit amorem, versatus sit in optimis tum proprietatis tum collocationis authoribus. Teneat quæ de singulis verbis, de compositis, de coagmentatione, de concinnitate, de numero, de compositione Cicero præcepit. Horum omnium vim rationesque notas habeat. Ne quid ignoret quod Quintilianus de natura verborum simplicium, de ornatu, de compositione scripsit. Ab his enim duobus viris penè res omnis est absoluta, vt hic Græcis authoribus nihil egeamus. Nec opus erat his præceptionibus nostris, nisi agere pingui Minerua, & rem obcuram exemplis illustrare voluissemus. Et quoniam aures hic plurimum possunt, erudierit sensum, primùm in carminibus poetarum, Terentii & Virgilii maximè, altero nemo Latinorum purior venustiorque, altero nemo compositior, deinde in oratione non minus propria & latina, quàm instructa atque modulata, qualis est Cæsaris atque Ciceronis. Est in Cæsare summa proprietas, compositio tenuis quidè, sed perquam suavis. In Cicerone cum proprietate omne eloquendi genus, omnisq; figura dicendi. Hos quatuor, si non ad omnem & inuentionem & elocutionem,



tamen ad id quod volumus, satis esse dicimus. Quanquam non repudiandus est educator, qui varias, si modò sanas, dapes apponit: non tamen maiorem quærimus verborum puritatem, neq; flagitamus delectum exquisitiorem, neque extructiorem petimus collocationem. Horū scripta cantitauerit magister, & crebra pronuntiatione quodāmodo limauerit suas auras. Hęc proponat pueris ediscenda. Hęc clara voce ac virili prælegat, interpretetur, quid virtutis habeant, sedulò demonstrat. Quod si facere non possit, eum satis idoneum nō habebo. Nec diu virtus aut vitium latebit. Animaduertentem difficile nō est iudicare (si modò propius inspicitur) qui valeat ingenio professor, qui phrasim redoleat elegantem, qui sermonem habeat purum, dispositum, & ornatum, qui vitet illud opimum & adipale dictionis genus, in quo ridetur Asiatici: qui nec hæsitet turpiter, nec intersistat, nec languescat, nec mutila iactet, nec concisè, improprie, barbarè loquatur. Est vna de summis eius virtutibus, sermo expeditus, venustus, & incorruptus. Assiduè cadit in aurem pueri, sensumq; dulci voluptate demulcet. Hinc fit, vt non modò libentius audiat eloquentem, sed etiam vt sic castiget & informet aures, vt horridam & incultam perferre linguam postea non possit. Nolo hominem dissolutum, qui subinde pueritiæ verba faciens, propria impropria, pura impura, latina gallica, grandia parua, composita incomposita commisceat. Volo virum qui excitet animum, atq; ratione moderetur: vt quæ cogitauerit, verbis lectis, & subita facultate digestis exprimat. Animi celeritas admirabilis, si curā adhibebit ac diligentiā, in multa se munera partietur, & optima inueniet,

inueniet, & inuenta disponet, & eodem propè tempore collocata vestiet honore verborum. Volo qui rationem mentis vrgeat: cui sit studium & eximius ardor literarum: qui artium liberalium maiestatem veritus, non omnia ad quæstum & auaritiam, more multorum, sed ad bene dicendi laudem, & ad veræ gloriæ fructum referat. qui pertulerit illum scribendi laborem: quem si non hauserit pueritiæ formator, quî de scriptis alienis rectum iudicium feret? Quis omnium de veris verè iudicare potest? Poëta. Quis autem de oratione? Orator. Quis est aut orator aut poëta, aut saltem finitimus illis? Qui carmina permulta diligenter condidit, multas epistolas & orationes arte confecit. Exercitatus ille præceptor, & styli minimè rudis, facili negotio scripta discantis emendabit, improba & ociosa expunget, proba & graua ponet, pro insuauius dulcia, pro fortuitis lecta, pro confusis composita promptè suggeret. Si quid alumnus inemendatum aut durum locutus erit, expeditè corriget, & molliet immutato genere loquendi: cuius limam sollicitè metuens discipulus, vigilabit, & intendet animum, ne quid proferat nimis squalidum & impolitum: qui haud dubiè securus esset, si artificem imperitum scriptis æquaret, aut vinceret. Meus hic disciplinæ princeps, pauca, sed præclara dicat. Commoretur in locis difficilioribus, ne quantum, sed quod bene seruat, curet. Commissa auditoris fidei, repetat assidue: materiam scribendi sententiosam, rectoquæ quasi filo ductam, & primis adumbratam lineis proponat, propositâ die statuto exigat, ne cessatores efficiantur, quorum periculo inutiles transmittuntur horæ. Omnia vitia ne vellicet, sed tantum

notabilia, quoniam scriptor tam sæpe reprehensus, animum despōdet, & infauktum execratur laborē. Ista nequaquam scribo professoribus artium humanarū, quos docere iam, non doceri par est, sed prouectis vltra prima rudimenta, qui vel Romanę linguę magistris doctioribus operā dare, vel alios eandem linguam docere volunt.

Viri priores legendi, poëtæ, an oratores. Cap. 6.



**Q**VI legi maximè debeant, tum magistri, tum scriptores Latini; vt inde verborum delectus habeatur, & pulchrè concinnęque extruatur oratio, paucis exposuimus. Vtri priores legendi, poëtæ, an oratores, breuiter explicemus. Lektionē poëtarum priorem ire oportere, maximæ causę rationesque confirmant. Nam carmen ornatius est atque iucundius, vt res ad voluptatem comparata. Quod numerus eius certus, & eodem inodo conscriptus, artificioso & composito pede cum voluptate fertur; primū oblectat aures mollioris ætatis, deinde in animū proclius illabitur, inq̃ diuturnum tempus memorię se figit. Itaq; cecinit Horatius,

Os tenerum pueri balbumq; poëta figurat.

Doctissimi nimirum sunt boni poëtæ, & diuino quodam numinis afflatu concitati, immortale quiddam ac cæleste spirant, sententiarum concinnitate mirabiles, lumine verborum conspicui, modulatione numerorum suauissimi. Optimos quosq; natura sic ad carminum modos effinxit, sic ad argutum genus orationis inclinauit, vt si cum ipsis arte certare velis, neque dictione lectius quicquam, neque sono

sono temperatum magis, neque compositione modulatius inuenire possis. Quid enim putamus ingenium summum agitante deo succensum, multis magnisque artibus eruditum, usu multo peritum, alta atq; longa cogitatione, crebra & seuera castigatione efficere potuisse? Quicquid est graue, sonorum, rotundum, elegans, iucundum, dulce, suaue, gratū, venustum, adsciuerunt in carmen, heroicū præsertim; Leue, exile, asperum, deformē, triste, amarum, insuaue, insulsum, repudiauerunt, nisi siquando fortè de industria duriorum rerum naturam sono orationis imitari, quàm leniter & æquabiliter profluere maluerunt. Horum versus occinet puer, eosque thesauro memoriæ committet, ornamentum postea sermonibus & scriptis futurum. In his spacia & tempora syllabarum, quæ longæ, quæ breues, quæque sunt ancipites, sine magno labore discet, rem adeò necessariam, ut si desit, neque numeros orationi inferere, neque pedes intelligere, neque versum moliri, neque verba accentu variare, aut bene proferre possit. Cognoscet illud poëticum μέτρον, & quid ab oratorum rhythmo differat, expendet. Sciet qui sint in versu pedes, & eosdem poëticos, eosdem oratorios esse: nec re ipsa, sed collocationis ordine differre perspiciet. Animaduertet illud dicendi genus à sermone & à lingua cottidiana distare. Nimium tritam loquendi viam, luttumque triuialium deferet, sublimius atque purius iter inibit. Formabit aurium iudicium. Eximio splendore verborum illustrabit animum: & ornatu mirabili captus, eadem præcellere magnificentia volet. Accendet animum, acuet animi iudicium, multa faciliè comprehendet, multa

paulatim trahet in vsum, & hinc figuram dicendi colo-  
 rabit. Ergo poëtarum interpretatio præuertat orationem.  
 Nam & grammaticorum officio, non rhetorum com-  
 missa est. Imbuatur hoc quasi liquore recens animus, vt  
 semper in oratione iucundū illum retineat saporem, qui  
 si vehementer haud tangit palatum, sentitur tamen quasi  
 quoddam parcius condimentum. Miror his annis extitisse  
 complures, qui poëtas abiicerent, vni rhetoricæ naua-  
 rent opéra, quasi eloquentia poëmate non egeret. Longè  
 „ secus Ciceroni visum est. Legendi, inquit, sunt poëta. Nā  
 „ etiam poëta quæstionem attulerunt, quidnam esset illud  
 „ quo ipsi differrent ab oratoribus. Numero maximè antea  
 „ videbantur & versu, nunc apud oratores iam ipse nume-  
 „ rus increbuit. & paulo post, Quorundam grandis & or-  
 „ nata vox est poëtarum. & in eodem loco, Inter eos simi-  
 „ le est iudicium, electioq; verborum. Sensit idem Theo-  
 phrastus teste Quintiliano, cuius hæc verba sunt in deci-  
 „ mo libro. Plurimum dicit oratori conferre Theophra-  
 „ stus lectionem poëtarum: multiq; eius iudicium sequun-  
 „ tur, neque immeritò. Nanque ab iis & in rebus spiritus,  
 „ & in verbis sublimitas, & in affectibus motus omnis, &  
 „ in personis decor petitur. Præcipuèque velut attrita cot-  
 „ tidiano actu forensi ingenia, optimè rerum talium blan-  
 „ ditia reparantur. Ideoque in hac lectione Cicero requie-  
 „ scendum putat. Plura de poëtis addidissem, si de omni-  
 „ bus illorum bonis, quæ innumerabilia sunt, agere voluis-  
 „ sem: quoniam modò de electione & extruptione verbo-  
 „ rum mentionem facio, satis multa credo de carmine præ-  
 „ legendo locutus sum.

Sæpe diligenterq; scribendum. Cap. 7.



**M**ATERIAS ad cogitandum scribendumq; subinde proponi oportere, & sententiosas atq; cōsentaneas esse debere iam diximus. Stylus enim optimus est & præstantissimus dicendi  
 „ effector & magister, inquit orator. Idem, Nulla res tantum  
 „ ad dicendum proficit, quantum scriptio. Operæ præcium  
 „ est diligenter animaduertere quæ de scribendo Crassus  
 „ apud Ciceronem differit. Caput autem est, inquit, quod  
 „ (vt. verè dicam) minimè facimus, est enim magni laboris  
 „ (quem plerique fugimus) quamplurimum scribere. Sty-  
 „ lus optimus & præstantissimus dicendi effector ac magi-  
 „ ster; neq; iniuria. Nam si subitam & fortuitam orationem  
 „ commentatio & cogitatio facilè vincit, hanc ipsam pro-  
 „ fectò assidua ac diligens scriptura superabit. Omnes enim  
 „ siue artis sunt loci, siue ingenii cuiusdam atque prudentiæ,  
 „ qui modò insunt in ea re de qua scribimus, inquirentibus  
 „ nobis, omnique acie ingenii contemplantibus ostendunt  
 „ se, & occurrunt: omnesq; sententiæ, verbaq; omnia, quæ  
 „ sunt cuiusque generis, maximeq; illustria, sub acumen styli  
 „ subeant & succedant necesse est. tum ipsa collocatio con-  
 „ formatioq; verborum perficitur in scribendo, non poë-  
 „ tico, sed oratorio quodam numero & modo. Hæc sunt  
 „ quæ clamores & admirationes in bonis oratoribus effi-  
 „ ciunt, neque ea quisquam, nisi diu multumque scriptita-  
 „ rit, etiam si vehementissimè se in his subitis dictionibus  
 „ exercuerit, consequetur. Et qui à scribendi consuetudine  
 „ ad dicendum venit, hanc affert facultatem, vt etiam subito



„ si dicat, tamen illa quæ dicantur, similia scriptorum esse  
 „ videantur: atque etiam si quando in dicendo scriptum at-  
 „ tulerit aliquid, quum ab eo discesserit, reliqua similis ora-  
 „ tio consequetur. Hæc ille. Si stylus est dicendi magister, si  
 cætera exercitationum genera facile vincit, si locos per-  
 agrat omnes, & ex illis sententias optimas excipit, si verba  
 maximè illustria deligit, & ita collocat & conformat, vt  
 oratorium numerum efficiant, si consequitur admiratione-  
 nes, & dat impetum dicenti: sine dubitatione semper in  
 manibus est habendus, ac omni cura, studio, diligentia ex-  
 ercendus. Nunquam probavi remissum pigrumque audi-  
 torum genus, quod multos annos in schola sedens pro-  
 fessores subaudit, nihil vnquam neque relegit, neque re-  
 ponit. Aures habent quidem pigri, nec eas satis attentas.  
 ore manuq; in quibus duobus summus est literarum fru-  
 ctus, haud vtuntur. Lingux Romanæ studet vt loqui pos-  
 sint: quando emendatè loquentur? Scribere latinè volunt  
 epistolas, epigrammata, literas, orationes, libellos: quando  
 scribendi facultatem adipiscètur? Quis optimus miles ar-  
 ma non tractauit? Quis idoneus gubernator non tenuit  
 clauum? Quis architectus amissim & regulam non appo-  
 suit? Quis arator industrius non coluit agrum? Quid au-  
 disse prodest, si quum docti loquuntur, tacendum tibi sit?  
 si neque tuas cogitationes mandare literis, neq; cottidianæ  
 linguæ committere audeas: siq; de tuis studiis non existi-  
 mationis & gloriæ fructum, sed ignominiam dedecusque  
 percipias? Turpe quidem est atque dedecorosum, in stu-  
 dio literarum te longum tempus absumpsisse, sine frequen-  
 ti vitio loqui scriberè non posse. Stylus vires ingenii  
 experitur,



experitur, vagos animi motus continet, mentis aciem exciuit, eorum quæ legeris, quæ audieris, memoriam excitat, iudicium format, illustrat obscura præcepta, linguam expedit & manum, estq; studiorum custos, cogitationum interpres, mandatorum nuncius, monumentum scientiarum, dulcis in ocio negotioque comes & monitor. Scribendum igitur quamplurimum: nec fugiendus est labor, qui sicut niagnis in rebus est multus, ita quum vincit, non parvam consequitur laudem.

## Rudimenta componendi.

## Cap. 8.



**P**incipio ne ponderi succumbat debilis & infirmus, per pauca scribantur. Quemadmodum paulatim robur corporis, ita vires animi crescunt. Et ut molle corpus iniquo pondere grauatum, ad iustam magnitudinem peruenire non potest: sic animus immaturo onere pressus, ad altas cogitationes vix vnquam postea erigitur. Libertatem suapte natura cupit, & ægrè vim ac imperium patitur. Quo magis amanda sunt puero studia literarum, & vltro magna voluntate capeffenda, ne à doctõribus aut flagris aut minis vrgeatur. Proponantur ergo materiæ frequentes potius quàm immodicæ. Artes enim haud aliter in animum instillantur, quàm liquores in angustiora vasa: & ut labor distributus in partes, agẽtem minus fatigat: sic etiam duæ trësve breuissimæ descriptiones minus animũ lassant, quàm si congerantur in vnum laborem. Quod autem præscribitur, aptum consentaneumq; sit: eius membra cohæreant

inter se, & recto quasi filo ductus omnis sententiarum dirigatur. Contortum illud rerum genus & confusum; non difficultatem modò parit imitanti, sed etiam turbat illum sensum communem, & natium iudicium, sine quo vana est hæc omnis de scribendo præceptio. Etenim recta facilius quàm praua sequitur artium rudis & ignarus. Minus aberrat à naturæ prudentia, minúsque fatigatur hac via tum recta, tum compendiosa, quàm si per anibages, & salebrosos regionū anfractus circumducatur. Adde quòd ad dirigendam mentis aciem, & informandum iudicium, incurua loquendi regula inutilis est. Detorquet in prauū quod procerum & habile natura procreauit. Naturam verò vt ducem optimā sequi debemus. Quia causæ antecedunt, sequuntur effectus, & negociis gerendis suum tempus est ordine constitutum, seruemus hanc in dicendo collocationem, nisi ratio fortior aliò nos impulerit. Video quosdam sententias quas pueris aut latinis verbis efferendas, aut copiosius tractandas suggerunt, sic immiscere & inturbare, vt ne ipsi quidem quid sibi velint omnino satis intelligant. Deest illis aut ingenium, aut diligentia, aut artis cognitio, aut duo ex illis, aut certè vniuersa. Hinc indigesta rerum sylua rudibus animis tractanda subiicitur, quam ego quidem ineptam & perniciosam esse existimo. Nolo sensus & continuationes verborum longiores, quas & in narratione, & vbicunque faciles esse volumus, eò vitamus, quòd vocum multitudo, & numerosa partium congeries nonnullam parit obscuritatem. Quanto paucioribus verbis sensum vnum cōplectimur, tanto celerius illud animo concipimus. Itaque contracta  
& minuta

& minuta primùm, deinde circūducta laudabo. Contra-  
 cta & minuta dicimus, ea quæ à similitudine partium cor-  
 poris membra nominantur: circūducta autem, periodo  
 comprehēsa. Non erit arduum atque difficile, quum fue-  
 rit vsu firmata scribēdi ratio, quæ dissipata sunt atque di-  
 uulsa, colligere, & vno longiore ambitu cōcludere. Mol-  
 lius & pronius hoc erit inchoanti, Voluptas debilitat vi-  
 res, inimica est virtutibus, rationem mentis eludit, totum  
 demum corrumpit hominem. hoc igitur mōstrum fuge-  
 re debemus. Membra quinque sunt hic parua ac minuta;  
 qualia rudiores haud magno negotio formare possint.  
 Paria fingant initio, & antè simula erī particulas, quàm to-  
 tum opus conflare discant. Longius atque volubilius ex-  
 currit periodus, quàm vel incisa, vel membra. Antè igitur  
 breui curriculo firment articulos, quàm Herculano sta-  
 dio se committant. Quum celeritas ab exercitatione fere-  
 tur incitatus, sententiam eandem vno impetu percurrat,  
 & concludant in orbem. Est enim quando longa com-  
 prehēsiōe curta illa & quasi mutila sustinere debemus:  
 tum multa redigimus in vnum corpus, hoc modo. Quū  
 voluptas debilitet vires, & inimica sit virtutibus, quūq;  
 rationem mentis eludat, & demum totum corrupat ho-  
 minem, hoc lætale monstrū fugere debemus. Hanc con-  
 tinuationē si puer aut quiuis rudis initio moliatūr, & me-  
 dio cursu perturbatus hærebit, & oblitus vnde profectus  
 sit, & quò tendat iter, trahetur in errorem. Metiatūr po-  
 tius interualla breuiora, vbi ptincipium finēque eodem  
 penè obrutu facile conspiciat. Ad hæc mēbra singula sin-  
 gulis punctis interiectis, singulisque literis grandiuscu-

lis distinguenda, vt exploranti tum magistro, tum discipulo clarius appareant, & notas legenti, vbi vocem ponat, sententiámque perficiat, ostendant. Ignorantia puerilis sæpe minutissimis literis vtitur, angustissima inter versiculos spacia relinquit, verba verbis nullo interuallo sic alligat, vt singuli versus singulas tantum voces habere videantur: nulla moræ respirationisq; signa figit: nullum ponit elementum maius: perpetuo contextu sine discrimine ducit orationem. Qua de causa neque scriptor, neque arbiter scripta perspicere, neque hic aut ille spaciis exclusus iniquis adicere quicquam, neq; à versu versum, neque à verbis verba separare potest. Hoc nimirum scribendi genus officit emendationi, mentis oculos hebetat, omnémque miscet & obruit intelligentiam. Parua in re sæpe grande momentum. Quid enim minus operosum est, quàm pingere obtusiore calamo, & literas efficere grâdes, vt oculis subiici, faciliè cognosci, legique possint? Quid facilius est, quàm sulcos & ordines longe diducere, vt si fuerit opus, aliquid interferatur? Quid minoris est operæ, quàm principia ducere à litera magna, exitus autem interpuncta nota quasi termino finire: vt quo loco sistendum sit atque respiradū, nouerit & author, & castigat? Quid? quòd distincta & expressa scriptura relegenti iucundior est? Nihilne est in isto commodi? Hac voluptate capti sæpius antedicta recognoscimus, priora posterioribus aptamus, & ad nouū cursum impetum maiore concitamus. Ne autem præscripta res sit inutilis & ociosa: quanq̃ apologos & fabulas quidam ( quorū est Aphthonius ) inter exercitationes enumerant. Non omnes apo-

logi,

logi, nec omnes fabulæ vanæ sunt. sæpe enim continent  
 grauissimam aut ad bene dicendum, aut ad bene viuen-  
 dum sententiam, cuiusmodi scribentem deligere oportere  
 existimo. Etenim quum omnis oratio constet rebus &  
 verbis, & res sint animi instar in corpore: insanit ille, qui  
 verba sine re, id est orationem sine animo contexit. de quo  
 „ Cicero præclare, Compositè, inquit, & aptè sine senten-  
 „ tiis dicere, insania est: sententiosè autem sine verborum or-  
 „ dine & modo, infantia. In leuitate rerum quid mediator  
 assequitur præter nugas, & inanem verborum congeriem?  
 Nonne satius est grauiora versare, quæ semel oratione tra-  
 ctata, vix excidunt animo, & ad similia reperienda parant  
 mentem? Si optimis quibusque debemus assuescere (de-  
 bemus autem) optima est oratio quæ grauitate sententia-  
 rum dignitatem, proprietate & ornatu verborum pulchritu-  
 dinem consecuta est. Tot sunt historiæ præclaræ, tot  
 exempla rerum gestarum, tot decreta philosophorum, tot  
 adagia, & argutè dicta, quæ græci ἀποβήματα vocant, tot  
 similitudines & comparationes acutæ, tot sententiosa car-  
 mina poetarum, tam multa nobis suppeditant hominum  
 sermones, tot tamque varias suggerunt res lectiones cot-  
 tidianæ: nihilne graue ex tam multis excipere possumus,  
 quod verbis exprimamus, & vestiamus oratione? Id qui-  
 dem sicuti facile est, ita honestum & vtile, & ad excellen-  
 tem disciplinam necessarium. Obtinuit autem consuetu-  
 do, aut potius abusus, vt tyrones literarum antè verba de  
 loco in locum traicerent, & illum naturalem ordinem per-  
 miscerēt, quæ cur & quomodo illud faciundum esset, intelli-  
 gerent. Improba certè quidē & insana ratio componendi.

quæ naturæ sermonem, etsi interdum durum & incultum, tamen facilem & rectum, & priscis illis scriptoribus amicum despicit: perplexum, implicatū, permixtum, contortum, spinosum, exhorrentem, prodigiosum antepone. Via publica (vt opinor) semitam ignorantī tutior est. Certa sunt incertis præstantiora. Vox gestusque naturalis decentior est, quàm flexus arte mala confusus, & dissonans. Nihil omnino tam ridiculum est, quàm quod anxie & sollicitè eam cuius est expers, imitatur artem. An verò saltator ignorans numeros, palæstrites inscius cautionum & petitionum, gladiator imperitus armorū, dux rudis ordinum ridetur vt artifex ἀπαιτός, & simius imitator: non ridetur indoctus & ineptus verborum compositor, qui quæ sit ratio ordinis construendi, nescit, nihilo minùs more simiarum, sine aure, sine mente, sine iudicio, sine arte temperare vult orationem? Quum verbum de suo loco transtuleris, vbi quæso collocabis? Melius, inquires, alibi sonat. Quis scis? Aurium iudicio opus est, & arte, vt hoc quale sit, certò iudicare possis: nec quod optimè sonat, id semper optimum censetur. Potest illud ῥυθμιόν, & carmen, quod vitium est orationis, efficere. Fieri potest vt aliquid tibi sonorum iucundumque sit, aliis omnibus stridulum & odiosum. Cur de conglutinatione syllabarum, quæ iunctura dicitur, præcepta tradita sunt? cur de pedibus, de numeris, de membris, de continuationibus, de imitatione tam multa scripserunt veteres, si omnia suo loco statuere nosti sine præceptis & arte? Non est ita, sed omnis elocutio arte constat, & vsu longo perficitur. Expectemus ergo tempus, vtamur consilio disertorum,



torum, ne quid inconsultò & temere loco donemus:  
 „ Nam subeunda ratio collocandi ( inquit Fabius Quinti-  
 „ lianus ) versandique omni modo numeri: non vt quod-  
 „ que se proferet verbum, locum occupet. Sonantia exi-  
 lia, grandia parua, volubilia tarda, numerosa dissoluta,  
 perfecta mutila, discernat necesse est, qui suum cuiq; ver-  
 bo locum assignat in oratione. Natura primùm sponte  
 nascentes fructus, & tegumenta rudia, & antea nativa de-  
 dit, deinde ars mitiorem victum, splendidiorum ornatum,  
 & illustriores domos fecit. Sua quædam rebus est infan-  
 tia, quæ quanto meliores sunt, tanto lentioribus augen-  
 tur incrementis. Sunt & orationi sua incunabula. quam-  
 obrem alenda primùm est quasi lacte naturæ parētis, do-  
 nec lautiores apparatus arte sibi instruere possit. Quo tē-  
 pore citra rhetoricas artes puer emendatè magis & lati-  
 nè, quàm ornatè loqui contendit, quumque certam non  
 habet rationem locorum quibus aptè verba constituat;  
 vtatur ordine naturali: qui si pulcher est ( vt frequenter  
 accidit ) ne ab artifice quidem est immutandus. Si quam  
 interdum trahit secum deformitatē, tum securitate com-  
 pensatur. Hoc tam seuerè tamque religiosè teneri no-  
 lo, vt ne vnā quidem particulam traducere audeat:  
 Dandum aliquid naturæ, & institutioni primæ, quæ non-  
 nulla sceleriter in alia sede, si non certissimo, tamen ali-  
 quo iudicio locat. Sed in plurimis seruetur hic ordo,  
 quem summi oratores aliquando seruant: vt in his & in  
 „ aliis multis Cicero. Obrepisti ad honores errore homi-  
 „ num, commendatione fumosarum imaginum, quarum  
 „ simile habes nihil præter colorem. Sed quæstiones vr-



„ gent Milonem quæ sunt habitæ in atrio Libertatis. Interim paululum immutat: vt, Si quis iudices forte nunc ad-  
 „ sit ignarus legum, iudiciorum, consuetudinis vestræ, mi-  
 „ retur profectò, quæ sit tâta atrocitas huiusce causæ, quòd  
 „ diebus festis, ludisque publicis, omnibûsque negociis fo-  
 „ rensis intermissis, vnum hoc iudiciũ exerceatur. Quid  
 quòd poëtæ studiosissimi componendi, sæpe à natura nõ  
 recedunt?

- „ Fortunæ senex, ergo tua rura manebunt.
- „ Alba ligustra cadunt, vaccinia nigra leguntur.
- „ Mens immota manet: lachrymæ voluntur inanes.
- „ Regia Solis erat sublimibus alta columnis.

Non pœniteat me compositionis huius, Fortitudo est magnitudo quædam animi in rebus aduersis, quam qui habet, non metuit periculum, non expauescit mortem, non perhorrescit ludibria fortunæ. Hic si quicquam forte miscebis, & à natura & ab arte discedes. Natura autem vocandi casum, quoniam vim habet excitandi, primum statuit.

- „ Tityre coge pecus.—

Quia aut nomine aut vocabulo signatur ea res de qua loquimur, sine qua nullum in oratione fundamētum est, nominandi casus verbo antepositur, illi verbum subiicitur ad explendum animi sensum: vt,

- „ Nox erat—
- „ Altera lux aderat—

Nominibus & appellationibus epitheta, verbis aduerbia, regentibus subiecta coniunguntur: vt in hac oratione: Virtus optima præceptoris, amare sanctè discipulos, &

los, & continere bonos honore, malos seueritate disciplinæ. In his est ordo naturalis, de quo in præsentia mentionem facimus, & quem ab imperito scribendi tantisper obseruari volumus, donec rationes & præcepta collocandi norit. In proferendis exemplis vtrum natura præferatur, nomén ne rei, an epitheton, non magnopere laboro. Res quidem accidentibus prior est, sed oratio quæ expeditè fluere debet, ad hos scrupulos tam molestos deducenda non est. Adhibenda sit diligentia: tamen hic magis offendit nimium, quàm parum. Hoc sit mihi naturale, quod à ratione naturæ aut nihil aut parum discedit. Sit potius incorrupta latini sermonis integritas & cura. Nunc obiectionibus quorundam occurrendum mihi videtur. Quid? inquit, è lectionibus cottidianis nihilne transcribet imitator in rem suam? Non assumet cuiusque pulcherrimæ locutionis elegantiam? Ad quid aliud optimi libri præleguntur? Diximus à poëtis sumendum esse discendi principium. Aliam poëtis, aliam verò oratoribus eloquendi speciem, de qua Neoptolemus iste iudicare non potest, esse constat. Nihil hic agi temerè volumus. Quid fieri iubes? An ne totos versus, aut hemistichia pro oratione soluta haberi? An poëticum & inusitatum dicendi genus in vsum trahi? Hoc quidem neque decet, neque salubre est, neque Rhetorum quisquam suasit genera permiscere, atque dediscenda magno labore conquirere. A poëtis igitur verba propria & translata nonnullaumat. Loquendi formulas in tempus aliud omittat: vt infans quum pendet ab ore nutricis, non imitatur orationem primorum ciuitatis & regum, etiam si loquentes

ſæpiſſime audit. Ita ab ore præceptoris pendeat alumnus, ſermonem eius exprimere nitatur, ad ſublimitatem poëtarum ne teneras manus extendat. Non enim ſemel poëtæ leguntur. Non omnes eorum virtutes ſimul capeſſuntur. Aliis rebus & ſuum tempus erit, quum paulatim adoleuerit diſciplina. Interea audiat à magiſtris poëtæ interpretantibus quæ cuiuſque verbi natura ſit: multum propriis utatur, alienis & figuratis parcè & verecundè. Sentisne permultos in oratione ſonare quiddam poëticum, grandiloquum, & abhorrens à ratione dicendi? Tardius ſe contulerunt ad oratores: poëtæ aliter quàm bonum fuit, imitati ſunt. Fabulæ Terentianæ ſermoni proximæ, verborum proprietatem ſuppeditabunt, & fragmenta locutionum. At ſi inde tranſcripſeris integras ſententias, eiſque pro tuis uteris, verſum interpones in oratione vitandum, & in ſuſpicionem furti venies, ac prouectus eruditione audies illud:

„ O imitatores ſeruum pecus, ut mihi ſæpe

„ Riſum, ſæpe iocum veſtri mouere tumultus?

Futurus orator mittebatur ad hiſtrionem, longè tamen aliter voce & geſtu corporis utebatur, atque hiſtrio. Sic utendum rebus poëtarum. Quid ego de poëtis antè dixerim, memini: nihil diſcordant ab iſtis. Nunc enim de ſcribendi rudimentis ago, quæ neque poëtica, neque naturæ diſſona eſſe volo, donec ars & ratio collocationis acceſſerit. Quid ſi familiares epiſtolas vnà cum poëmatis pueri diſcant, & illud ſpontè fuſum dicendi genus uſurpent? Patiar quidem. Nemo tamen arbitretur eam de qua loquor imbecillitatem virtutes hominum do-

ctorum

atorum intelligere posse, & quod quidem necessarium  
 est bene imitari volenti, iudicium firmum habere. Sunt  
 qui à pueris vno aut altero mense leuiter institutis plus  
 exigant,quàm ipsi totos annos decem informati præstare  
 possint. Quod habent, effundunt ante maturitatem : in-  
 genia scelericia deterrent à studio literarum, nihilo sapien-  
 tiores iis matribus,quæ pro lacte vinum liberis infundunt,  
 & eorū molles neruos adurunt,ac viscera.Seuocant pue-  
 ritiam ad formulas quasdam legesque magna cum reli-  
 gione seruandas, quibus nemo vnquam factus est do-  
 ctus. In legendis optimis quibusque scriptoribus verba  
 paulatim discenda sunt, vsus obseruandus,non anxie ve-  
 rò complexus illorum transferendus. Multa exercitatio-  
 num genera Cicero tradit, multa Quintilianus ex Aph-  
 thonio,sed neuter illorum verbum fecit de locutionum  
 formulis, de officinis, de epithetis, de Calepinis adau-  
 ctis:neuter enumerauit copiam verborum,& ea quæ seli-  
 geret imitator, quæ sunt propè infinita. Satis erat lecto-  
 rem monuisse paucis, vt virtutes eius quem vellet imi-  
 tari, cognosceret : ex eo verborum copiam, sententia-  
 rumque bonitatem, quantum decorum pateretur, ex-  
 ciperet. Missa igitur faciant ista tyrones : de proprietate  
 verborum laborent:hanc è bonis authoribus aliud agen-  
 tes,non ex enchiridiis petant : alioqui prodigiosam ex  
 dissimilitudine formarum component orationem : resi-  
 stent vbique, & formula destituti, quod ad præscriptum  
 loquantur, non habebunt. Ne quis obstrepat hic mihi,  
 de locutionum genere fusiore loquor. Si quis duo triaue  
 tantum verba coniuncta decerpit ab alio sic occupata,

DE ELECTIONE, ET ORATORIA  
vt tam bona reperire non possit, non reprehendo.

Quæ pars Rhetoricæ prima discenda, quæ  
partitio verborum, quæq; ex illis aut  
legenda, aut repudianda.

Cap. 9.



Nec eo genere quod sponte funditur, versetur  
puer (est & senex puer) donec propriè, incor-  
ruptè, & integrè, si nō omnia, saltem vulga-  
tiora loqui, & condere versiculos possit. Ne  
properè festinet ad ornatum is qui per eru-  
ditionis ætatem iacere debet in cunis. Suum cuique rei  
tempus est, à nobis prudenter expectandum. Quum  
ex emendata Grammaticæ disciplina, & è poëtarum le-  
ctione prodierit ad historicos & oratores, tum & cœpta  
conficiat, & comptiorem meditetur orationem. Elaboret  
diligentius in elocutione & partibus illius, quàm in rerum  
inventione & dispositione: propterea quòd inuenire &  
collocare sententias, proprium magis est prudentiæ & in-  
genii, quàm artis: deinde quòd inuentam materiam sup-  
peditat magister. Elocutio contrà magis est artis, quàm  
prudentiæ, nec à docente cum rebus ipsis subministratur.  
Adde quòd hæc in enumerandis literis & syllabis, in di-  
metiendis pedibus & interuallis, puerile quiddam ha-  
bet, ætate prima deuorandum: de quo Cicero in Ora-  
tore. De verbis enim componendis, & de syllabis pro-  
pmodum dinumerandis & dimetiendis loquemur, quæ  
etiam si sunt, sicuti mihi videntur, necessaria, tamen sunt  
magnifi-

„ magnificentius, quàm docentur. Est id omnino verum;  
 „ sed propriè in hoc dicitur. Nam omnis magnarum ar-  
 „ tium, sicut arborum, altitudo nos delectat, radices stir-  
 „ pèsque non item. Sed esse illa sine his non potest.

Hæc ille. Facile non est hominem altius elatum ad  
 eiusmodi radices stirpèsque reuocare. Plerique conte-  
 mnunt hanc rerum humilitatem. Plerique eandem fru-  
 stra cupiunt: quoniam illis sic induruerunt aures, vt so-  
 norum modorúmque discrimen internoscere non pos-  
 sint. Præterea si in scriptitandis orationibus prauum cha-  
 racterem ipsi sibi proprium fecerint, stylúmque diutur-  
 na exercitatione firmarint, nequaquam tandem quæ sit  
 rectè componendi ratio, docebuntur. His ego causis ad-  
 ductus, quæ scripta sunt de elocutione præcepta, etsi  
 naturæ ordine tertia sunt, primùm tamen exponenda  
 pueris existimo. Non est idem ordo scribendi, qui do-  
 cendi. Quòd naturæ primum est inuenire quæ dicas, al-  
 terum inuenta collocare, tertium verbis exprimere: scri-  
 ptores artis hunc ordinem secuti sunt. Quoniam au-  
 tem sine magnarum rerum scientia inuentio ieiuna est,  
 aliúdque tempus desiderat, & præceptor discipulis de-  
 bet partiri materias, aut assignare locos vnde res exci-  
 piant, aut eos ad communem sensum remittere: ars e-  
 loquendi, sine qua temere locantur omnia, in do-  
 cendo prima sit. Inuentio vnà cum prudentia iudi-  
 cióque crescet, audiendo, legendo, conferendo, dispu-  
 tando, diligenter & assiduè scribendo. Si quid in hac  
 re qui docetur, errabit, in viam facilè reducetur.  
 Artificialis constructio verborum, vix vnquam cui-



quam erit in manu, nisi statim nouerit quæ syllabarum sit quantitas, quæ differentia verborum, quæ coagmentatio, qui pedes orationis, qui modus in eorum collocatione, quæ periodi numerosa circumscriptio. Nec ista nouisse satis est: in calamus & vsum vocanda sunt. Alioquin erunt quasi thesaurus absconditus. Qui rerum cognitionem antè didicerunt, ad orationem postea reuoluti, scient id esse verum quod loquimur. Quàm vellēt eloqui posse quod mente concipiunt? quàm cuperent suas cogitationes monumento literarum committere? Tempus obstat, præteriit opportunitas, labor infœlix territat, aliò mëtem trahunt negocia grauiora: quapropter studiorū fructum percipere non possunt. Huc igitur incumbāt pueri, huc neruos intendant, hanc molestiam subeant, vt postea liberius gloriosiusque cætera discere & tractare possint. Hoc Cicero præcipit. Sit is qui dicet aut scribet, institutus liberaliter educatione doctrinæq; puerili. Quum sit autem verborum ornatus duplex, vnus simplicium, alter collocatorum: simplicem primū considerent, & imitentur architectos & artifices, qui partes antè probant, quàm coniungant in vnum. Sciant quàm varia sit natura verborum. Sunt enim pudica obscœna, nitida fordida, vsitata inusitata, latina barbara, vrbana agrestia, sublimia humilia, grauiā leuiā, propria assumpta, vetera noua, sonantia exilia, grandia parua, tarda volubilia, lenia aspera, integra corrupta. Est & quiddam medium interiectum, vt inter priscum & nouum, inter sonorū & tenue, inter grande & paruum, inter tardum & volubile, inter lene & asperū. Ex his obscœna relinquātur poëtis epigrammaticis, lyricis,

lyricis, mimorum & elegorum scriptoribus, satyricis, impudicis, vt Catullis, Horatiis, Ouidiis, Martialibus, Iuuenalibus, Apuleiis, spurcis & fœdis hominibus, qui metuunt ne sui libelli castrati esse videantur. Habeant isti pudenda virilia atque muliebria, perfricent frontem, abiciant pudorem: stupra, adulteria, probra, libidines venerereas etiam prodigiosas suis verbis efférant. Nihilo verecundius agant. quàm leno, quàm meretrix, quàm cynœdus, quàm flagitiosissimus homo & impudentissimus. Inquent Musas castissimas nefaria turpitudine verborum, scortatorum quàm scriptorum similiore; dicant hæc more improborum, Verba non putent. Reiciant honestorum consuetudinem, sentiant cum impura colluione stupratorum, & putida verba tandem cum subolenti flagitio dicant. Quintiliani sententiam de verbis, reue-

.. reantur honestiores. Sed ne inornata sunt quidem, inquit,  
 .. nisi cum sunt infra rei de qua loquendum est, dignitatem,  
 .. excepto, si obscœna nudis nominibus enuncientur. Quod  
 .. viderint, qui non putant esse vitanda, quia nec sit vox vl-  
 .. la natura turpis, & si qua est rei deformitas, alia quoque  
 .. appellatione quacunque ad intellectum eundem nihilo  
 .. minus perueniat. Ego Romani pudoris more contentus,  
 .. vt iam respondi talibus, verecundiam silentio vindicabo.  
 Quintilianus hæc sanctissimè. Subobscœna non modò  
 non collocabit in oratione verecundus & ingenuus puer,  
 sed ne leget quidem scriptores impudicos, quoniam mo-  
 rum sanctitas hac meretricia disciplina præstantior est. Le-  
 get ista postea vir factus, doctrinæque seueriore confir-  
 matus: quanquam & illis tum omninò carere potest, in

*o turpia*  
 tanta honestissimorum copia. Quid si turpia aliquando  
 venient in causam? Utetur ea arte, qua Cicero tertia in  
 „ Verrem: Itaque primum illum actum istius vitæ turpissi-  
 „ mum & flagitiosissimum prætermittam. Nil à me de pue-  
 „ ritia suæ flagitiis peccatisque audiet, nihil ex illa impura  
 „ adolescentia sua, quæ qualis fuerit, aut meministis, aut ex  
 „ eo quem sui simillimum produxit, recognoscere pote-  
 „ stis. Omnia præteribo quæ mihi turpia dictu videbuntur:  
 „ neq; solum quid istum audire, verumetiam quid me de-  
 „ ceat dicere, considerabo. Vos quæso date hoc & conce-  
 „ dite pudori meo, ut aliquam partem de istius impuden-  
 „ tia reticere possim. Omne illud tempus quod fuit ante-  
 „ quam iste ad magistratus Rémque publicam accessit, ha-  
 „ beat per me solutum ac liberum: sileatur de nocturnis eius  
 „ bacchationibus ac vigiliis. Lenonum, aleatorum, perdu-  
 „ ctorum nulla mentio fiat. Damna, dedecora, quæ res pa-  
 „ tris eius, ætas ipsius pertulit, prætereantur. Lucretur indi-  
 „ cia veteris infamiæ, patiatur eius vita reliqua me hanc tan-  
 „ tam iacturam criminum facere. Vidésne quid significet?  
 „ sentis quid hoc schemate assequatur? Decorum seruat in  
 „ persona sua, aduersarium grauius lædit, q̃ si rem omnem  
 „ detegeret. Similem quoque pudorem retinent heroici  
 „ poëtæ, ut Virgilius in octauo,

„ —Ea verba locutus,

„ Optatos dedit amplexus, placidumque petiuit

„ Coniugis infusus gremio per membra soporem.

Quinetiam idem verecundus est in venere bestiarum,  
 quum dicit hæc tertio *καταγινώσκω*.

„ Hoc faciunt, nimio ne luxu obtusior usus

- „ Sit genitali aruo, & sulcos oblimet inertes,  
 „ Sed rapiat sitiens venerem, interiùsque recondat.  
 Quintiliano similis prudentia non defuit, vt in istis, Iam si  
 „ minor in eligendis custodum & præceptorum moribus  
 „ fuit cura, pudet dicere in quæ probra nefandi homines  
 „ isto cædendi iure abutantur, quam det aliis quoque non-  
 „ nunquam occasionem hic miserorum metus. Non mo-  
 „ rabor in parte hac. nimium est quod intelligitur. Pueri  
 liberaliter educati, & penè infantes puellæ hunc ruboris  
 colorem seruant in loquendo: Quid faciet natu maior  
 disciplinis liberalibus excultus, quem potissimum com-  
 mendat grauitas & verecundia? Ad turpia contegenda  
 seruit translatio, quam græci μεταφοράν vocant, vt aruum  
 genitale pro vulua. & ἀπισώπιας, hoc est reticentia, vt, Ni-  
 mium est quod intelligitur. & suppressio verbi, quæ dici-  
 tur ἔλεψις

- „ Nouimus & qui te—  
 & συνιδοχί, vt,  
 „ — Rapiat sitiens venerem.  
 & ἀλλοτρία, id est alia oratio, & continua translatio, vt,  
 „ — Sulcos oblimet inertes.  
 & κατάχυσας, quod est abusio, vt in hoc Persiano,  
 „ Patriciæ immeiat vuluæ.—  
 abutitur verbo immeiat, quia nullum rei de qua agi-  
 tur, proprium est: satyricam tamen non effugit obscœ-  
 nitatem.

De verbis sordidis. Cap. 10.



Ordida sicut obscœna recipiunt ii qui vilem & abiectam materiam tractant, vt Martialis,

Si memini, fuerât tibi quattuor Aelia dêtes,

Expuit vna duos tussis, & vna duos.

Ventris onus posito (nec te pudet) excipis auro,

Basse bibis vitro, carius ergo cacas. Persius

—Hic, inquis, veto quisquam faxit oletum.

Pinge duos angues. Pueri, facer est locus, extra

Meiite —

At si vnctus cesses, & figas in cute solem,

Est prope te ignotus, cubito qui tangat, & acre

Despuat in mores, penemque arcanâque lumbi

Runcantem, populo marcentes pandere vuluas.

Tu quum maxillis balanatuni gausape pectas,

Inguinibus quare detonsus gurgulio extat?

Quinque palæstritæ licet hæc plantaria vellant,

Elixâsque nates labefactent forcipe adunca,

Non tamen ista filix vlllo mansuescit aratro.

Fœda sunt, Expuit, Cacas, Oletum, Meiite, Arcana lumbi,  
Runcantem penem, Vellant plantaria pilorum, Nates.  
Translata sunt quidem, Arcana lumbi, Runcantem penem,  
Vellant plâtaria: sed & aliquâdo metaphora sordet,  
vt, Iuppiter niue conspuat Alpes. Castrata morte Aphricani  
Resp. Stercus curiæ Glaucia. Persecuisti Reip. vomicas.  
Emunxi pecunia senes. Inter sordentia numerabo  
(licet enim docenti) latrinas, matelliones, culum, podicē,  
sterquilinium, scaphia, fimum, lotiū, merdam, ruētū, crutare,  
vomere, pedere, aluum, aqualiculum, vesicam, pus,  
pediculum,

pediculū, pulicem, cimicē, putere, cauponari, lutū. Quintilianus inter sordida ponit Sarracū, Pusionē, Ruscionē: quæ humilia, nō sordida appellabo. Statuendū enim discrimen est inter obscœna, sordida & humilia, nequa sit in docendo cōfusio & ambiguitas. In carmine Persiano Marcētes vuluæ, verbum dicatur obscœnū: Nates, sordidum: Gaufape pro barba, humile & abiectum. Obscœnum, sordidum est: non quicquid sordidum, semper est obscœnum. Ista confunduntur interdum, scio, sed docēti finiendum est quo quicque vocabulo propriè significet. Ex iis quæ fœda lutulentaq; sunt, nescio quomodo, aliis alia sunt acceptiora, vt vomere quàm cacare, vrina quàm meiere, ruſtare quàm pedere, lutū quàm putere. Quanto ad vniuersum genus propius accedūt, tanto mihi videntur vsitatiora. Sordidis vtuntur medici adducti quadam necessitate, Item rei rusticæ explanatores, vt quid velint, propriis nominibus exponant, Bucolici poëtæ rarò, Lyrici nonnunquam, Satyrici & epigrammatici plus satis. Heroici & oratores non eò deiiciunt maiestatem ac dignitatem orationis, vt opus honestum & nitidum inquinent fœditate malè olentium verborū. Quam mihi seruabit honestatem, qui bene componendi gloria ductus, verecunda & nitida leget. Nihil est omnino quod magis orationē abiiciat, quàm sordes & obscœnitas. hinc illud

“ Quintiliani Nec sordidis vnquam in oratione erudita locus.


“ Cæleste quiddam ac diuinum est oratio bene cōstituta, quam spurcitia & verborum proluuione contaminare nefariū duco. Indulgeant sibi qui praua licentia gestunt, & impuris hominum moribus destinant suos la-



bores. In oratione iuuenili, sicut in ætate, verecūdiam, pudorem, honestatem, & illud *ἡθικόν* ad naturam & ad mores & ad omnem vitæ consuetudinem accommodatum, seruari oportere iudico. In habendo verborum delectu, sicut militum, non est omnis ætas, aut lingua, aut cōditio, aut natura conscribenda. Nec enim miles ætate fractus, nec obscœnus, nec barbarus, nec lutulentus inter honestos ciues bene audit.

## De verbis inusitatis.

## Cap. II.

+  Ræterea inusitata verba & insolentia esse fugienda monstrauit ignominia Sisennæ. C. Ruscus accusabat Chirtilium, Sisenna defendens dixit quædā eius sputatilica crimina. Tum C. Ruscus, Circunuenior, inquit, iudices, nisi subuenitis. Sisenna, quid dicas, nescio: metuo insidias. sputatilica, quid est hoc? sputa quid sit scio, tilica nescio. Maximi risus. sed ille tamen rectè loqui putabat esse inusitatè loqui. Hæc Cicero in Bruto. qui nō semel præcipit, vt verbis vsitatis illustremus orationem, propterea quòd inusitata sunt obscura, obscuritas autem est (vt ait) in oratione ciuili vitium vel maximum. Quid enim attinet dicere, si nolis intelligi? Ad quid est oratio? Ad obiciēdas tenebras, an ad explicanda sensa mentis? Vt autem animi conceptus explanabit id quod ipsum lumine interpretationis eget? Si summa virtus orationis est claritas, vt est, summum profectò vitium erit *σκοτειν*. Et si oratoris officium est docere & explicare controuersiam, huic rei cōtraria

traria sunt verba inusitata & inaudita: & si denique quāto quis eloquentior, tanto dilucidior est: certè quanto quis indoctior, tanto obscurior. Præferamus igitur lucem tenebris, diem nocti, serenitatem nubilo cælo, & ut priscorum glandes repertis frugibus, sic & eorum verba, melioribus inuentis, missa faciamus. Cæsari credamus ingenii  
 .. acerrimi viro, verbum insolens & antiquatum tanquam  
 .. scopulum esse fugiendum. Imitemur eloquii parentem M. Tullium, cuius oratio verbis vsitatissimis expressa, quæ Romanè loqui debeamus, ostendit. Egregiam verò & eximiam laudem refert, qui oblitterata multisq; seculis obsita refert in vsum, & cum præsentibus quasi cū matre Euan-dri loquitur, fortè quòd pauci imperitiores dictitant illud, Tanto melior, ne ego quidem intellexi. Aliter visum est Ciceroni in hac re iudici vel optimo, qui in oratione pro Cluentio Cepasium ridet, quòd ex tam multis auditoribus nemo quid ille sibi vellet, intelligeret. Hoc vitium solet iis accidere, qui verba in medio posita respuunt, trita & vsitata aspernantur, communia & omnibus aperta pro vitiosis habent, venantur abstrusa, laudant insueta, optima censent quæ paucis aut nemini sunt cognita. Relictis omnibus orationis insignibus, duo summa flagitia committunt, in quibus eloquentiæ fructum ignari rerum esse putant: verba prisca locāt, temerè permiscent omnem loquendi consuetudinem. Hoc autem prodigiosum dicendi genus adsciscunt in umbra ac in ocio, quum ad ingeniorum ostentationem ignotissima quæq; proferunt in medium, ut plura legisse, plura didicisse videantur. Vulgi sequuntur opinionem, cui ignota & incomprehensa ad-

mirationi, nota & conclusa contemptui sunt. Lectitant Ennii versiculos apud Ciceronem, apud Aulum Gellium, & Nonium Marcellum. Passim colligunt quæ venosus Accius, & verrucosus Pacuvius antiquè dixit. Plautina & Lucretiana referunt in enchiridium, ut cum sit usus, expromant. Perlegunt scriptores ineptissimos, qui Chaldaea Hebraea, Persica Macedonica, Graeca Latina, barbara peregrina, nota ignota, pura & impura confundunt, tamen nullius omnino linguæ docti peritiq; sunt. Ex illis eliciunt asperam (cum Persio dicam) loquendi sartaginem. Plurimi enim ridiculè docti extiterunt hoc seculo proximo, quorum laus omnis orto lumine bonarum literarum adumbrata est. Horum periculo sapiant intacti, & dum exercentur apud magistros, nunquam inusitatè loquantur. Non omnibus omnia licet. Pueros usitatis assuescere, prisca notare volo. Quum aberit ignorantiae suspicio, cōcedam ut prisca & inusitata liberius usurpent, quibus loco positis grandior atque antiquior videtur oratio.

286.  
3. de or.
- „ De quo sic Tullius de oratore libro tertio. Inusitata sunt
  - „ prisca ferè ac vetusta, & ab usu cottidiani sermonis iamdiu
  - „ intermissa, quæ sunt poëtarum licentiæ liberiora, quàm
  - „ nostra, sed tamen rarò habet etiam in oratione poëticum
  - „ aliquod verbum dignitatem. Neque enim illud fugerim
  - „ dicere ut Cælius, Qua tempestate Pœnus in Italiam venit.
  - „ Nec prolem, aut sobolem, aut effari, aut nuncupari, aut,
  - „ ut tu soles Catule, non rebar, aut opinabar, & alia multa,
  - „ quibus loco positis, grandior atque antiquior oratio sæpe
  - „ videri solet. Ad quod alludens Quintilianus hæc, Verba
  - „ à vetustate repetita, non solum magnos assertores habent,
- sed

„ sed etiam afferunt orationi maiestatem aliquam, non sine  
 „ delectatione. Nam & autoritatē antiquitatis habent, &  
 „ quia intermissa sunt, gratiam nouitati similem parant. Sed  
 „ opus est modo, vt neque crebra sint hæc, neque manife-  
 „ sta: quia nihil est odiosius affectatione: nec vtique ab vlti-  
 „ mis & iam oblitteratis repetita temporibus, qualia sunt  
 „ toper & antigerio, & exantlare, & profapia. Pauca asper-  
 „ sit operi Virgilius

„ Cælicolæ magni, quianam sententia vobis  
 „ Versa retro—  
 „ Igneus est olli vigor, & cælestis origo.  
 „ Tros Rutulúsve fuit—  
 „ Vnam ex virginibus sociis sacræque caterua  
 „ Compellabat—  
 „ Hæc effatus, equum in medios moriturus & ipse  
 „ Concitat—  
 „ Vt rebare, Venus (nec te sententia fallit)  
 „ Troianas sustentat opes —  
 „ —Pulchra faciat te prole parentem.

Prisca sunt, quianam, olli, fuit, compellabat, effatus, reba-  
 re, prole: quibus & similibus antiquius fit & grandius he-  
 roicum poëma. Talia quædam vir impense doctus in re  
 graui, seuera, tristi, non indecorè (si modò rarò) ponet.  
 Nec enim omnes, nec in omnibus locis, nec semper, nec  
 omnia detent: & hoc nostrum seculum fastidit omnia quæ  
 Ciceronis autoritate defendi nequeunt, quem antiqui-  
 tatis huius admodum parcum fuisse constat. Iam quis fe-  
 ret hæc? Opuliscere pro ditescere? Pauperavit pro paupe-

rem fecit? Paucies pro raro? Latibulet pro lateat? Ignauit pro ignaum fecit? Occepso pro cœpero? Obstrigilare pro obstare? Porcet pro eo quod est prohibet? Redostit pro rediit? Ruspari pro scrutari? Redurare pro aperire? Grandibo pro extendam? Conscribellauī pro conscripsi? Ebrulare pro ebrium facere? & sexcenta alia quæ posteriores non receperunt, propterea quòd essent aut agrestia, aut aspera, aut vrbaniorem consuetudine destituta. Vt breui finiam, vſitatis tutius vtemur.

## De verbis barbaris. Cap. 12.



**B**ARBARA quoque locum non habent in oratione pura ac latina, nisi forte vt homines externi, sic illa donata sint Romana ciuitate. Recepta sunt à multis gentibus nonnulla, vt à Gallis carrus, rheda, petoritur, carruca, alauda, gesum, gallicæ pro soleis, à Britannis couinus, à Germanis essedum, ab Hispanis lancea, à Sardis mastruga (scribitur & mastruca) à Pœnis mappa, à Persis gaza, à Macedonibus phalanx, ab accolis Padi ploxygenum, à cæteris Italiæ populis multa, quæ nunc pro latinis ac domesticis habentur: à græcis plurima, quòd inter barbaros sola Græcia non esset. Ex his alia integra manserunt, vt lego, fero, propino, lampas, eclipsis, peristroma. Alia sunt inflexa, vt domus, ager, poëma, fama, bos, musa, anima. His & eiusmodi multis licet puer vtatur. Quinetiam Græca quædā Latinis immiscere, & suis literis notare interdum licet, si quid

quid occultare volumus, aut si nostris venustiora sunt hellenica, aut sicuius hominis græci verba memoramus, aut si nostra defunt, quod frequenter accidit in nominandis arboribus, piscibus, auibus, herbis, radicibus, instrumentis, medicamentis, partibus corporis humani, supellectile, gemmis, lapillis. Discant utranque linguam necesse est ii qui latina à græcis, græca à latinis segregare volent. Quod quum fecerint, est enim cum primis necessarium, latinè quàm græcè loqui pulchrius & decentius, credo, existimabunt. Turpe quidem est, & inutile, morem civium suorum, usus cottidianos, proprium sermonem, linguam patriæ deferere, desciscere ad alienos, & externa malle tractare, quàm domestica atque familiaria. Nam si propter latina græcis operam damus, quid ita græca latinis anteponimus? Quid peregrina frustra sequimur, nostra damnamus? cur sumus hospites in patria? Quin audimus

.. M. Tullium dicentem, nolle se magis uti græcis in oratione

.. latina, quàm Græci latinis utantur in græca? Ridiculus est qui græcè nugatur, nesciens latinè, quique in medio posita non attingit, longinqua & fugitanti frustra persequitur. Prima sit cura puero, ut latinè loquatur, græca sine causa valida ne admisceat: barbaram vocem ut contagionem vitet. Omnis autem vox barbara censetur, quam indecorè fuderunt imperiti, non admiscere docti, ut leuca, passagium, treuga, aucha, manutenetia, capellania, locumtenens, capellanus, bannum, guerra, pitantia, biretum. Quid moror? Sunt alia propè infinita, quæ vulgus imperitorum facit imitatione sermonis eius, quem didicit à nutricibus,



præter illa, quorum vi, natura, genere, declinatione abutitur, ut tenetur pro debet, furauit pro furatus est, domauit pro domuit. Quæ nisi exhorreat rudior ætas perinde atque serpentem, nisi timidè & religiosè obseruet vsu doctorum probata, nunquam purè, syncerè, tersè loquetur.

Sermonis, ut morum, verecundia mihi placet, displicet licentia, quam indulgent ii qui verentur ne puer, si eius conatus infœlices reprimas, parum sit copiosus. Probat agricola luxuriantem segetem, quæ depascenda sit in herba: spinas & carduos nunquam probat. Hic etiam corrigendus est error illorum, qui quicquid in receptæ dignitatis scriptoribus reperiunt, verum, probum, idoneum arbitrantur. Quot sunt apud Catonem, Plautum, Terentium, Lucretium, Varronem, quibus iam ut oblitteratis nō utimur? Quot apud recentiores nominis amplissimi subolent barbarum quiddam, & offendunt aures eruditas? Probati sunt authores, sed temporis & præsentis vsus habenda est ratio. Ergo in eligendo opus est prudentia, & illorū imitatione, qui tempore Ciceroniano, & paulò post literis & doctrina floruerunt. Tum multo elegantissima fuit Romana lingua, & longo interuallo superauit antiquorum vastitatem. Ex verbis priscis multa antiquauit, multa neglexit, multa reseruauit aut ad necessitatem, aut ad seueritatē. Itaque valeat in his quod aiunt, Nec passim, nec ab omnibus. Nullus est enim delectus, si omnibus utimur promiscuè.



ST præter hæc verborum quoddam genus vastum, insuaue, rusticanum, agreste, inamabile, absonum, & absurdum, quod vix vnquam apud principes linguæ latinæ reperias. Rationem quæris? Non video, nisi quod inuenustum ingratumque est auribus eruditis: vt hominum quidam natura sunt inepti, deformes, illiberales, inhumani, duri & asperi, qui quidem inter aptos & habiles nullum vnquam dignitatis inueniunt locum. Hanc verborum acerbitem & offensionem sæpenumero parit inflexio, vt cælicolæ, amandæ, insanix, archipiratæ non displicent: at cælicolarum, amandarum, insaniarum, archipiratarum, nescio quomodo iniucundus est sonus, & ingrata quædam magnitudinis moles, qua grauius offensi excultiores viri *οὐκ ἔχουσιν* quæ talia minus odiosa faceret, inuenerunt. Decurrarunt aliqua venustè, & cælicolûm pro cælicolarum dixerunt. at multa ne hoc quidem modo quasi dolare potuerunt. Fœdius est insaniûm quàm insaniarum, & archipiratûm quàm archipiratarum. Nec auris expurgatæ vir lubenter audire poterit hos casus, contemplandorum, duorumuiorum, triumuiorum, sestertiorum, nummorum, quadringentorum annorum, facum à face, nucum à nuce, picum à pice, nostratium, vestratium, sobolum, amarorum ab amore, cornuum, genuum, lûctuum, specierum, progenierum. Nec multo libentiùs exaudiet aliûs in patrio casu, peculii, Virgilii, Laurètii, Didonis, Calistonis, poëmatibus, manui, gustui, speciei, progeniei, speciebus, & infinita generis eiusdem. Quæ (malum)

ista est superstitio? nescio. In omnibus rebus pulchri voluptas in precio est, vilis autem deformitas. Erasmus in Ciceroniano ridet hanc religionem. Ego verò non rideo, si modum seruat. Visum est optimo cuique sic loqui, non modò latinè, sed etiam græcè, gallicè, germanicè, britannicè. Agit in eos qui vnum mirantur Ciceronem suum, qui vigilantè obseruant, quos ille probavit casus, eosque, quasi reliquos omnes improbatum, referunt in ingentem librū. Hos ex parte ridiculos, ex parte tolerabiles esse puto. Quòd in lectione verborum laborent, vehemèter probò. Quòd numerum conficiunt eorum quæ elegantia, quæq; vasta sunt & inamœna, non interrogantes aurium sensum, probare non possum. Non est hoc neque numeri, neque authoritatis, sed ingenii, magniq; iudicii. Sentit ingeniosus & exercitatus quid yrbane, quid rusticè sonet, & illiberaliter: numerum certum non habet. In eo ipso peccant & quidam grammatici, qui innumerabilem vocabulorum turbam referunt in heteroclita, quòd illis numerus aut singulariter, aut pluraliter, aut casus vnus pluresve desint: quasi numero comprehendi possint omnia declinationum coniugationumque membra quibus ornatiores viri non vtuntur. Quis liberaliter eruditus, præter Mancinello, dicat, dementiam, concordiam, vigilantiam, alborum, dulcedinem, carere numero plurali? Tamen in dementiis, infantiis, concordiiis, dulcedinibus, alboribus, nullus est gratiæ decor. Non omnino desunt eis alterius numeri casus, sed pauci venusti iucundique suppetunt, in quibus numerandis operam perdere quid est necesse?

At du-

At durum & inuenustum habeo pro nullo. Ego quoque habeo in re molli & decora, non eodem modo in dura & insuavi. Rarus est vsus istorū, non tamen omnino nullus. Quid hic agam? Muta figuram. Res eadem pluribus modis efferri potest. Eadem est ratio in coniugatione verbi, quæ in declinatione nominis. Amabitis, amaueratis, amaremini, amaminor, amaremur, formidabar, verecundabar, cuperemur, legiminor, audirere, audiremini, & alia rationis eiusdē, quæ pares aut plures habent syllabas, aded̄ vasta sunt, & auditu tristia, vt perrarō intromittantur in orationem elegātem & excultam. Nec illud est modō in casibus partium orationis. Vt horridulum sonum fugerent veteres quauis graues & seueri, dixerunt pro duello bellum, pro dui bis, pro duellio bellium, pro axilla alam, pro vexillo velum, pro taxillo talum, pro paxillo palum, pro si audes sodes, pro si vis sis, pro aisne ain, pro non quire nequire, pro magis velle malle, pro nō velle nolle, pro nō scire nescire, pro postmeridiano pomeridianum, pro medidie meridiem, aufugit nō abfugit, aufer non abfer, amouit non abmouit, abstulit non abtulit. Plura numerat M. Tullius in Oratore, quibus refutātur horridi & vastē hiantes homines barbari, qui de verbis laborandum esse negant. Cur dicimus amasti amastis, amassem amassemus amassetis amasse, steti non stauī, dedi non daui, perit, præterieram, audierunt, venierunt? Cur vera & integra mutamus? Cur hæc magno consensu doctissimorum hominū citra omnem carminis necessitatem recepta sunt? Proh deū hominūq; fidem, præfectus fabrūm, duum-

uirum, triumuirum, liberum pro filiis & filiabus, fester-  
tium, nummum, septingentum, metu pro metui, vt hic,

„ Parce metu Cytheræ. — Die pro dici,

„ Libra die noctisque pares vbi fecerit horas.

Cur inducta syncope, apocope, synæresis, *πάση τῇ ὁρομέτρῳ  
ἢ ἐνμέτρῳ*? Cur vincla sæpe Liuius, secla Cicero dixit? cal-  
dam & soldum tota Latinorum ciuitas? hocne poeticum?  
nequaquam. Quale igitur? ingenuum & vrbani loquen-  
di genus: quod qui despicit, matris suæ linguam balbu-  
tiat infantissimus. Ne communem tot gentium linguam,  
qua ciuitates, populi, nationes, regna, imperia habent in-  
ter se commercium, qua poemata, annales, historiae, leges,  
iura, sacra, profana, artes & scientiæ omnes explicantur,  
ne tam celebrem linguam turpiter & scedè polluant atq;  
corrumpant. Ex hoc numero verborum absonorum alia  
per intercisionem aptiora fiunt, vt præterierā, fester-  
tium. Alia per apocopen, & extremæ syllabæ decurtationem,  
vt exin, dein, ain', nostin', metu, tribunal, nam integrum fuit  
tribunale. Alia per synæresin, qua duæ syllabæ in vnā con-  
flantur, vt peculii scribimus, ac si esset quatuor syllabarum,  
duas tamen postremas literas in vnā collidimus. Alia per  
mutationem, vt aufero, sustuli. alia per additionem, vt redeo,  
ambio. Plura manserunt rudia & impolita, quibus nemo  
nisi malus architectus ædificat orationem. Quum reieceris  
& obscena & sordida, & inusitata, & barbara, & ru-  
stica, cæteris vtare licet, non temere quidem & promi-  
scuè, sed vt natura rerum & decorum postulabit. Quod  
quale sit, suo loco dicemus.

De verbis



**H**UMILIA nullam penitus habent dignitatis  
 auctoritatem. Sunt enim quasi humi deiecta,  
 & ad extremam honestorum conditionem  
 redacta. Quapropter sicut in oratione gra-  
 cili & humili collocantur, ita in ornata, ampla, graui, sub-  
 limi, locum non habent. Exempla suppeditat haud pauca  
 Virgilius in Bucolicis, cuiusmodi sunt, capella, viburna,  
 caseus, arbusta, casa, tugurium, hibiscus, mulctra, mulget,  
 lycisca, vitula, myrica, corylus, saliuca, paliurus, & qua-  
 tuor hæc loco fistulæ, cicuta, auena, arundo, calamus: ru-  
 minat, sinum lactis, vaccæ, bucula, opilio, bubulcus, fi-  
 scella. Suppeditant etiam multa Satyrici, in quibus sunt  
 saliuca, occare, runcare, artocrea, synciput, syngultire, tra-  
 ma, omentum, offa, olla, cornicari, sclopus, cuminum, pap-  
 pare, lallare, canthus, agaso, farrago, vappa, sambuca, glu-  
 to, saperda, stuppæ, obba, festuca, pannucius, pannosus, fe-  
 riola, tucetum, pituita, puppa, caballus, fumen, corbis, por-  
 cus, verruca, scopæ, sartago. Finis non erit si cuncta per-  
 sequi velim quæ posuerunt satyrici, medici, philosophi na-  
 turales, epigrammatici, mythici, quique de re rustica libros  
 confecerunt. Coguntur enim vilia quædam usurpare ver-  
 ba, nota atque trita vulgò, dignitatibus aut ignota, aut certe  
 nisi quando se demittunt, indecora. Non enim deceat re-  
 ges & principes & grauiter agentes abiectissima nomina-  
 re artium instrumenta, aut animalia ignobilia, aut mor-  
 borum medicamentorumque minutas species. Si quis tamen  
 aut apud M. Tullium, aut Virgilium in Aenea, aut Liuium,



talia quædam reperiat, ne clamitet indignum facinus. Eloquentissimi viri in eodem opere non semper vtuntur eodem genere dicendi, subinde mutant stylum, pro varietate rerum de quibus agunt, nunc graues & ornati, nunc suaues & temperati, nunc subtiles atque demissi. hinc *πιδνα* apud Homerum, Pero apud Virgilium, Pusio apud Tullium. Communia quàm propria minus vilescunt, vt bos quàm vacca, sus quàm porcus, bestia quàm mus, pastor quàm bubulcus, opifex quàm coriarius, instrumētum quàm pala, nux quàm castanea, obsonium quàm lucanica, vestis quàm bardocucullus, vas quàm trulleum, pomū quàm sorbum, piscis quàm gobio, vermiculū quàm scopæ: quæ sunt vſitatiora, quoniam in omniū ore versantur, vt homines plebei qui in media luce Reip. viuunt. sic illa ab humilitate veniunt in aliquam dignitatem. Erit quod hic mireris: Omnes sententiæ in quibus humilia sunt verba, non habendæ sunt humiles, vt hæc. In sordido panno sæpe latet alta sapientia. Nec etiam contrà: vt,

„ Fronde super viridi sunt nobis mitia poma,

„ Castanæ molles, & pressi copia lactis.

Quid? quòd heroici poëtæ ducunt similitudines ab apibus & formicis, quæ res humillimæ videntur? Est in illis solertia, atque labor honestus, qui suum meruit honorem. Gemmæ & vniones res paruæ quidem, sed precio ingentes, inter humilia non debent haberi. Turbo ille quo pueri ludunt, res est admodum vilis, sed tamen vsu notus est. Nec abiecta verba semper metiemur vilitate rerum quas significant, sed aliquando hominum existimatione. Quid est noctua vilius? sed illam celebrarunt auguria, celebrauit prodigiosa

prodigiosa natura. Qui nouit humilium verborum differentias, deiectissima, si uolet, collocabit in iocosa scriptione, ut si quando ludat *Βαρεχχομνομαχίαν*, culicem, caluitium, pulicem, testamentum porcelli, leues apologos, fabulas aniles, discordiam partium corporis humani, ridiculas epistolas, morias, colloquia hominum postremorū, mimos, satyras, lasciuas odas, syluas, epigrammata minutiora, asinos aureos, iocos amoris, comœdias Attellanas & tabernarias, & si qua sunt similia. At in laudatione, in panegyrico, in genere epidictico, in historia, in epistola graui, in suasionem, in causā forensi ad declamandum posita, ne constituat humillima, nisi fortè quum hominem aut rem maximè deprimere & attenuare uolet. Aliud est tenue dicendi genus & acutum, aliud humile & abiectū, in quo ioculariter quod volumus effundimus. Si quid habebit iudicii studiosus artis, monitus uidebit quatenus progredi liceat, & Ciceronem optimum ducem lestitabit, illumq; imitari iam occipiet. Nonne uides ut pueri liberaliter educati, si quando gallicè loquantur apud honestos viros, humilitatē fugiant, quam iocantes apud æquales cupidè sectantur? Eadem est ratio latinè loquentis, & temporibus ac personis accommodantis orationem. Discenda sunt omnia, non temere & fortuito iacienda. De

quo non pigebit audiisse Quintiliani sententiā. Obsce-  
na, inquit, uitabimus, & fordida & humilia. Sunt autē hu-  
milia infra dignitatem rerum, aut ordinis. In quo vitio ca-  
uendo non mediocriter quidam errare solent, qui omnia  
quæ sunt in usu, etiam si causæ necessitas postulet, refor-  
midant: ut ille qui in actione ibericas herbas, se solo ne-

„ quicquam intelligente dicebat, nisi irridens hanc vanita-  
 „ tem Cassius Seuerus, spartum cum dicere velle indicasset.  
 „ Nec video quare clarus orator duratos muria pisces ni-  
 „ tidius esse crediderit, quàm ipsum id quod vitabat. Hæc  
 ille. Virgilius humilem putat esse panem. dicit igitur,

„ — Cereremque canistris Expediunt. —

„ — Onerantq; canistris Dona laboratæ Cereris. —

„ Et Cereale solum pomis agrestibus augent.

„ Consumptis hic fortè aliis, vt vertere morsus

„ Exiguam in Cererem, penuria adegit edendi,

„ Et violare manu malisque audacibus orbem

„ Fatalis crusti, patulis nec parcere quadris,

„ Heus etiam mensas consumimus, inquit Iulus.

Per cererem, per cereale solum, per exiguam cererem, per  
 quadras, per fatale crustum, per mensas quid accipimus?  
 quoties proprium mutat alieno, vt copia & dignitate

„ crescat res tenuis? Littore athena locant alii. — Pro-

prium vasis nomen (ollam æream intelligo) parum nitidū  
 existimabat. Idem, Frangere saxo, pro mola aut mortario.

„ Dant manibus famuli lymphas. —

pro eo quod est, dant aquas.

„ Et Tyrrhena pedum circumdat vincula plantis. pro  
 calceis.

„ — Famulæque ad lumina longo

„ Exercet penso. — pro eo quod est, nere iubet.

Multa alioquin humilia splendide dixit. Grammatici ta-  
 men notant apud eum *ταπεινότης*, id est humilitatis vitium,  
 In gurgite vasto. præsensit, & magnitudinis epitheton ad-  
 iecit. Semper humilitas in eo retinet decorem, vt in his,

Cui

„ Cui tolerare colo vitam,tenuique Minerua,

„ Excussi manibus radii.—

Colus & radius non amplæ sunt dignitatis,at honore circunuestita non dedecet. In tenui genere versanti fumen-  
da sunt de medio verba , & in oratione liberius quàm in  
heroico opere,verecundius quàm in abiecto collocanda.

De verbis sublimibus.

Cap. 15.



DE verbis sublimibus pauca , si bonum vide-  
tur,adiungamus. Nam de pudicis, de nitidis,  
de vſitatis , de latinis , de vrbane ſonantibus  
nihil hic eſſe dicendum exiſtimo, propter  
ea quòd expoſitis contrariis , hæc omnia clarè ſatis elu-  
cent. Etenim quicquid in hac lingua obſcœnum , ſordi-  
dum , inuſitatum , barbarum , agreſte non eſt : caſtum ,  
purum, vulgatum , latinum ſit neceſſe eſt. hæc oppoſitio  
verborum nihil habet intermedium , de quo in habendo  
delectu quærèdum eſſe videatur. Caſtis caſtiora, puris pu-  
riora, venuſtis venuſtiora inuenire poſſis , itemq; obſcœ-  
niora obſcœnis, ſordidiora ſordidis : ſed erit hoc compa-  
rantis, non opponentis ex aduerſo contraria. Non ita res  
eſt in humilibus & ſublimibus. Non enim quicquid hu-  
mile non eſt, ſublime dici debet: nec quicquid ſublimita-  
tem non habet, humile putādum. Eſt aliquid interiectum  
quod neutrius eſt particeps. Sublimia & ardua ſunt , quæ  
dignitate & amplitudine ſplendescunt: vt nomina deorū  
& ſacrorū cum propria, tum communia: vt deus , condi-  
tor, pater, moderator, regnator, genitor, numen, rex omni-

potens. & apud veteres, Iuno, Minerua, Diana, Apollo, Mercurius, Hercules, Neptunus, Thetis, Amphitrite, Penates, Pluto, Proserpina, & id genus multa, sine quibus aiunt etiamnum Christiani sua poemata iacere, ideoque ad carminum maiestatem suis libris inserunt Cererem pro pane, Bacchum pro vino, Pomonam pro pomis, Neptunum pro mari, Iunonem pro ambitione, Mineruam pro arte, Martem pro bello, Enyo pro bellico furore, Mercurium & Suadam pro eloquentia, Tellurem pro terra, Palem pro pascuis, Dianam pro venatione, Hymenæum pro nuptiis, Parcas pro fato, Plutonem pro diuitiis, & caco-dæmoniorum princepe. An autem magniloquentia, an ne consuetudo obtinuit, ut hæc amplissima videretur ornamenta, non iudico: certè, nescio quomodo, posita loco,

2 grandius & antiquius efficiunt poemata. Adde nomina virorum illustrium, gentium, populorum, regnorum, montium, fluminum, urbium, de insignibus loquor, cuius generis hæc sunt, Menelaus, Achilles, Ulysses, Ajax, Diomedes, Priamus, Aeneas, Hector, Paris, Cadmus, Amphiaræus, Lycurgus, Solon, Darius, Philippus, Alexander, Curius, Fabritius, Sylla, Pompeius, Iulius Cæsar, Persæ, Babylonii, Thraces, Lacedæmones, Attici, Thebani, Pœni, Romani, Aufones, Galli, Britanni, Europa, Asia, Africa, Hesperia, India, Aegyptus, Germania, Pelium, Olympus, Ismarus, Caucasus, Apenninus, Alpes, Pyrenæi, Atlas, Abila, Calpe, Ganges, Nilus, Hister, Eridanus, Rhodanus, Iberus, Tagus, Rhenus, Athenæ, Thebæ, Sparta, Rhodus, Carthago, Roma, Tolosa, Lugdunum, Lutetia. Sunt alia innumerabilia, quæ certatim colligunt heroici poætæ, & quasi stellas affi-

gunt

gūt operi suo. Adice nomina virtutum, & effectuum qui 3  
 sequuntur eas, vt prudentia, iustitia, religio, victoria, trium-  
 phus, gloria: Scientiarum, cuiusmodi sunt ars magica, iuris  
 prudentia, ratio grammatica, dicendi facultas, architectu-  
 ra, doctrina, disciplina, sapientia, contemplatio: Partium 5  
 hominis insignium, animus, corpus, cor, cerebrum, caput,  
 pectus, lacerti: Splendidi vestitus, pallium, toga, pratexta, 6.  
 trabea, paludamentum, torquis, armillæ: Colorum, vt pur- 7  
 pura, murex, coccum, fuluum, rubrum: Armorum, lorica, 8  
 galea, thorax, hasta, lancea, ensis: Nauium, biremis, triremis: 9  
 Aedificiorum, domus, templum, ædes, curia, capitolium, 10  
 theatrum: Magistratum, dictator, consul, imperator, rex, 11  
 tribunus, potestas: Animalium nobilium, tygris, leo, vrsa, 12  
 elephantus, equus, aquila, philomela, cete, delphinus. Vt  
 breuiter finiam, rerum maximarum vel quātitate, vel pre- 13  
 cio, cælum, sol, luna, astra, lumen, ignis, aër, mare, terra, ven-  
 tus, fulmen, pluuiæ, tempestas, aurum, argentum, æs, crater,  
 patera, gemmæ, marmora, simulachra, statux. Non immo-  
 rabor vltra. Ex his enim cætera animo concipere minimè  
 operosum arduumq; est: nec difficile puto de verbo pro-  
 priè dicto iudicare atque deprehendere quæ vis eius splen-  
 deat, quæ ve sit obscura. Regere, moderari, gubernare, ora-  
 re, iudicare, cōtemplari, sacrificare, pugnare, vincere, sape-  
 re, florere, cohortari, docere, & alia infinita quæ significant  
 facere aut pati id quod aut natura, aut hominum iudicio  
 præclarum est, sublimia & excelsa meo iudicio debent ha-  
 beri. Dicit aliquis: Sint ne sublimia quæ refers, tu quidem  
 vidēris: Sat scio à pastoribus, rusticis, mulierculis, pue-  
 ris infantibus hæc frequenter vsurpari solere. Quidni:



quanto sublimiora, tanto magis cōspicua sunt, & in omni  
 sermone frequentiora. Res arduas ferè vulgus admiratur,  
 & ab infantia nominare discit. subinde loquitur deos, sa-  
 crificia, ritus, mores, nationes, vrbes, præfecturas, bella, præ-  
 lia, fœdera, pacē, iura, leges, vasa, vestes, animalia, loca, tem-  
 pora, & omnia ferè quæ rerum natura ingentia procrea-  
 uit. Ergo vulgus est grandiloquum? Malè colligis. Non  
 æstimamus leonem ab vnguibus. Non vnum verbū subli-  
 me & amplum magnificam orationem efficit. Quid igitur?  
 Humilium fuga, sublimium frequentia, sententiarum  
 grauitas, & apta compositio. Vulgus indoctum si se attol-  
 lere conatur, nec humilia effugit, nec sublimia frequentat,  
 nec in sententiarum grauitate persistit, nec aptè res & ver-  
 ba componit. Est & aliquid lautum in parlimentis rusti-  
 corum, & plebeia mulier aurum fert atq; margaritas: nec  
 tamen hic conuiuium magnificum, aut insignem fœmi-  
 næ mundum dixeris. At propemodum quæ numeras, pro-  
 pria rerum vocabula sunt, ab omnibus necessariò dicen-  
 da. Sublimes igitur quadam necessitate sumus. Quemad-  
 modum materia in syluis alta sponte creuit, sic ex homi-  
 num instituto verba magnifica nata sunt: sed non est cu-  
 iusque deligere. Præterea nec arbor vna præclara splen-  
 didam regiam, nec vnus aut alterius verbi splendor ex-  
 cellam efficit extructionem. Aliena tamen atque modifi-  
 cata sæpe magnificentiora videntur, quàm propria, credo,  
 quòd rariora sunt, & paucioribus vsitata. Assumuntur aut  
 trāslatione, vt scopulus pro periculo, naufragium pro exi-  
 tio à Cicerone dictum est in oratione pro Rabirio per-  
 duellionis reo. aut synecdoche, vt tectum pro domo, fer-  
 rum pro

rum pro gladio. aut metonymia, v Roma pro Romanis, cælum pro diis. aut antonomasia, vt Pœnus pro Annibale. aut periphrasi figura amica poëtis, vt diuûm pater, atque hominum rex. orandi facultas, scientia differendi. aut catachresi, vt, equum diuina Palladis arte ædificant. equificant, vt ædificant, dicere latinè non possumus. aut hyperbole, vt tonabat pro vehemèter orabat. quibus annumeranda sunt antiqua, vt rebamur, clarigatio. Propriis (vt Quintilianus ait) dignitatem dat antiquitas. Quo dicto probari potest in quibusdam propriis esse dignitatē. At Quintilianus in octauo de propriis loquēs hæc dicit:

„ In hac autē proprietatis specie, quæ nominibus ipsis cuiusque rei vitur, nulla virtus est. Si propria nullā per se virtutem habēt, quī possunt sublimia censerī? Quintilianus virtutem posuit pro vi ac gratia quam præstant figuræ: quæ quidem eò repertæ sunt, vt efficiant orationē aut grauiorem, aut elegantio rem. Nequaquam autem seclutit à propriis omnem virtutem. Nam continuo subiicit:

„ Contrarium est vitiū id quod apud nos improprium, ἀνεπὶροῦ apud græcos vocatur. Si improprium, vitiū est, cur proprium non est virtus? Idem ibidem mētionem de humilibus facit, quorum multa propria sunt. Si propria quædam, quia res significāt humiles, humilia agnoscimus: cur ea propria quæ designant res preciosas & altas, sublimia nō putamus? Idem ex synonymis alia esse sublimiora putat, quod propriis accidere necesse est. Omne verbum (inquit idem) nisi in oratione positum, virtute caret. Nam & sublime in humili re tumescit. Fateor esse quamplurima quæ ab oratione vim capiant, & verbis sublimibus

nos abuti posse: sed id non efficit, vt simplicia verba qualia sint natura, cōsiderare non possimus. Lapis natiuus citra compositionem discrimen habet, magnus paruus, durus mollis, longus breuis, vsitatus inusitatus, nitidus impurus, magnificus humilis, integer fractus dicitur. Non eadē

*i. Parth. 360.*  
*5. 2. 2. 5. 5. 5.* **quoque ratio verborum est? Verba** (inquit Cicero de amplificatione) ponenda sunt quæ vim habeant illustrandi, nec ab vsu sint abhorrentia, graua, plena, sonātia, iuncta, facta, cognominata, non vulgata, superlata, in primisque trāslata. Quorsum hæc? Si de verbis simplicibus nullum est certum iudiciū, cur simplicia, id est incontexta, à collocatis iunctisque dirimit? Si verbum sublime tumescit in oratione tenui, id fit propter inæqualitatem. Inæqualitas aliud quidem respicit, non semper coniunctionem desiderat. Mens enim res separatas atque disiunctas conficere potest. Sunt intermedia quædam, nec humilia natura, nec sublimia, quibus vtimur in omni genere dicēdi, vt in nominibus homo, fœmina, cura, res, nemo, nullus. In pronomi-  
 nibus, hic, meus, noster. In verbis, est, stat, mouetur. In aduerbiis, heri, cras, forte. Ex cōiunctionibus & præpositionibus nullā excipio. Nihil ipsæ per se eminent: in collocatis & in cōcinnitate & in schemate eminere possunt.

De grauibz verbis & leuibz.

Cap. 16.



**V**ERBA graua à rerum graui pondere, & ab intellectu significantiore dicuntur: leuia contrā. Grauitas atque leuitas in oratione maxime cognoscitur, sed & extra cōtextum examinari

minari potest. Incestum, flagitium, scelus, peculatus, sacrilegium, perduellio, proditio, parricidium, amentia, furor, insania, prædo, pirata, carnifex, necare, satagere, deperire, formidare, exhorrescere, per se grauius sunt. In synonymis differentia grauium & leuium apertius deprehenditur. Grauior est charitas quàm amor, vnda quàm aqua, procella quàm ventus, saxum quàm lapis, angustus quàm brevis, rapidus quàm celer, grandæuus quàm senex, cultum quàm aruum, dapes quàm cibaria, religio quàm observatio, promeritus quàm meritus, moles quàm magnitudo, ruina quàm casus, ingens quàm magnus, inaccessus quàm inuius, direptus quàm captus, superbus quàm magnificus, rapina quàm furtum, latro quàm fur, fraus quàm dolus, satur quàm plenus, formido quàm metus, imber quàm pluvia, luxus quàm apparatus, insomnis quàm vigil, stridor quàm sonitus, ruunt quàm eunt, obstupuit quàm miratus est, torqueo quàm iacio, effragito quàm peto, quatio quàm moueo. Ex hac comparatione corrigendi materia sumitur, & à leuiore ad grauius amplificanti fit gradus. Vereor ne in hac enumeratione exemplorum nuda sim molestus. vix enim capit ornatum atque voluptatem res tot partibus concisa, & interrupta. Sed professus sum me omnia aperte traditurum, quæ ad delectum verborum, & eorum collocationem pertinent. Quare permittat mihi studiosi compositionis, rem omnem illustrare exemplorum frequentia, & cogitent aliud esse docentem in gracili rerum tenuitate versari, aliud in ampla materia atque ardua spaciari eloquentem. Virtus est in docente sermo brevis ac dilucidus. Siqua ab illo dicendi voluptas adiungitur,

e iiii

eò tendit, vt præceptorum duritia molliatur. Illa tamen non est tum expetenda, quum res ipsa per se utilitate capit legentium mentes. In gradibus apertum discrimen est. In his enim quæ gradatim crescunt, comparatio & superlatio primum gradum quantitate & grauitate vincit, acerbior acerbissimus, acrior acerrimus, grauior grauissimus, crudelior crudelissimus, sceleratior sceleratissimus: & id genus infinita. Quin epitheta quædam sine vlla comparatione pondus habent & incrementum, vt quum dicimus mirum artificium, grande crimen, vastum gurgitem, lectum adolescentem, hominem teterrimum, nefariam libidinem, nequitiam singularem, summam vim, innumerablem multitudinem, insignem virum, immania pocula, graues iniurias. Nam quum graue quiddam quærimus, & illud in rerum vocabulis inuenire non possumus, tum vt animi conceptus expleatur, ad epitheta cōfugimus. Quod si propria aut per se, aut epithetis adiuta, grauitati rerum non satifaciunt, subsidio sunt figuræ, translatio, hypallage, synecdoche, *ἁντιστοιχία*, allegoria, periphrasis, antonomasia. Hic de tropis, non de reliquis luminibus sententiarum atque verborum loquor, propterea quod illa non sunt in singulis verbis de quibus agitur in præsentia, sed in oratione contexta prominent. Grauiora sunt interdum translatà quàm propria, vt ardor pro cupiditate, ignis & vulnus pro amore, nudus pro inopi, germanus pro simili, cæcus pro ignaro, coruscat pro verbo vibrat, extunderet artes pro inueniret, ardere pro amare, inuestigauit pro quæsiit, contendo pro eo, euolare pro abire, acerbitas pro malo, acre pro vehementi, inflammatus pro commoto, sobrius pro

pro consulto, proripere pro eo quod est producere, teterimus pro crudelissimo. Hypallage est metonymia quæ pro inuentore inuentum, pro continente contentum, pro efficiente effectum, pro possessore possessorem, aut contrā capimus. In hac conformatione dicimus, Martem fatigāt, Sus Mineruam, Raptus Helenæ Græciam Asiamq; commouit, Africam exciuit tumultus, Periit Marfus, Lacerat Musas, Nutu Iunonis eunt res, Cicero ab exilio reportatus humeris Italiæ. Leuius dixeris, bellum poscunt, sus artificem docet, Raptus Helenæ Græcos atq; Troianos commouit, Afros exciuit tumultus, Periit Marfi liber Amazonis, Abutitur disciplinis, Voluntate Iunonis eunt res, Cicero ab exilio reportatus est ab Italis. Synecdoche dicitur quum à parte totum, vel à toto pars, vel numerus à numero intelligitur. Hac forma grauius vsus est Cicero cum

„ alibi, tum in sexta actione in Verrem. Nego in Sicilia tota, tam locuplete, tam vetere prouincia, tot oppidis, tot familiis tam copiosis vllum argenteum vas, vllum Corinthium aut Deliacum fuisse, nego vllā gemmam aut margaritam fuisse, aut quicquam ex auro aut ebore factum, signum vllum æneum, marmoreum, eburneum, nego vllam picturam neque in tabulis, neque textilem fuisse, quin quæsierit, inspexerit, quod placitum sit abstulerit. Partem istorum quæsierat & abstulerat Verres, at totū genus amplificandi gratia accusator inculcauit. dissimulat tamen.

„ Quum dico, inquit, nihil istū eiusmodi rerum in tota prouincia reliquisse, latinè me scitote, non accusatoriè loqui. Idem orbem terrarum pro imperio Romano, omnem ciuitatem pro paucis ciuibus vsurpat. Terentius numero



mutato grauius dicit, Istarum meretricum contumelias. & Cicero, Curios, Fabritios, Quintos maximos. Et Virgilius.

“ Talia coniugia, & tales celebrent hymenæos,

“ Egregium Veneris genus, & rex ipse Latinus.

+ Allegoria est vox illa Catilinæ, Incendium meum ruina restinguam, pro eo quod est, inimicos meos interimam. Et illud Virgilianum,

“ Sed nos immensum spaciis confecimus æquor.

Vtrunque autem auctius est, quàm proprium. & illud de Tyberio, Lutum sanguine maceratum, validius est, quàm si Rhodius magister dixisset, & sordidus es, & crudelis.

r Periphrasis interim grauis est, non modò sublimis, vt orandi facultas pro Rhetorica, memoria rerum gestarum pro historia, diuûm pater atque hominum rex pro Ioue. Cæli qui sidera torquet, pro eodem. Vera Iouis proles, pro Hercule. Romanæ conditor arcis pro Romulo. Philosophorum princeps pro Platone. Medicorû deus pro Hippocrate. Imperator populi Romani pro Rupilio dicitur in tertia accusatione Verris, quum augetur illius auctoritas. Hæc & similia pondus afferre subiectis rebus videntur. Argumêto sit, quòd quum rem vehemèter exprimere conamur, pro vno verbo hæc libèter amplectimur verborû pluralitatē. Finitima est antonomasia, quæ pro nomine

• nomen vsurpat. Virgilius. — Thalamo quæ fixa reliquit

• Impius — Leue fuisset, Aeneas. Vigilasne deûm gens? maioris est momenti, quàm, Vigilasne Aenea? Cicero pro Cluentio. Nubit genero socrus. accusat filium mater. leuius istuc, Nubit Melino Saffia, eadem Cluentium accusat. Stetit soleatus prætor muliercula nixus in littore. minus

nus erat graue & accusatoriū, Stetit soleatus Verres muliercula nixus in littore. Parcè viſitat ſenex, ſignificātius eſt q̄ hoc, parcè viſitat Chremes. Nec eadē libra penſitē hęc duo, ſœdiſragus Annibal, & ſœdiſragus Pœnus. In alieno viſ eſt argumēti, quæ nō eſt in proprio. Proprium tantum valet ad docendū: alienū & ad docendū, & ad probādum. Addamus etiā *αυξησις*, id eſt amplificationē, ſed eā quæ in ſolo verbo poſita eſt. Perii, nullus ſum, occidi, actū eſt, exanimatus ſum pro turbato, cæſus pro læſo, latro pro improbo, ſolitudo pro paucitate, gladiator pro audaci, parricida pro ſicario, ſcelus pro homine malo, fera pro crudeli, peſtis portentū monſtrū pro nocente, veterator pro callido, beſtia pro ſtolido, pirata pro fure, perditus pro vitioſo, innumerabilis pro multo, mille pro multis. Multa ſunt genera grauitatis in ſentētiis & collocatione verborū. Nunc autē de verbis ſimplicibus loquimur, ex quibus graua ſunt illa quæ ſignificatione robuſtiora vehementioraq; ſunt. Differt autē grauitas à ſublimitate. Grauitas eſt pōderis, ſublimitas dignitatis. Graua plus vehementiusq; ſignificāt, ſublimia magnificētius ac lautius. Idem verbum tamen & graue & ſublime dici poteſt, vt ſi eloquentiā diuinam eſſe dicemus, illā & ſignificandi pondere, & dignitatis amplitudine adaugebimus. Cælos autē, cali vertices: aſtra, diuos: heroas, magnanimos principes, & multa dignitatis honore cōſpicua, ſublimia, nō graua dicimus. Non enim validiora ſunt in gradibus augēdi, ſed dignitate præſtantiora. Adde quòd ſublimia nō turpitudinem, ſed eximium ſplendorem habent. At nefariū ſcelus, ſicut æquitatem ſingularem, inter graua numeramus.

Non ignoro hoc verbum, gratie, multos habere sensus, & aliter dici grauem terram, aliter graues iras, aliter grauem Catonem, aliter rationes graues. Hic graue (vt idem sapius repetam) dico acre, vrgens, instans, significatione & pondere cumulatam. Ponitur autem in omni parte orationis. Nullum enim verbum (si Ciceroni credimus) nisi aut elegans aut graue mittere debet orator. Sed in amplificatione vt in propria sede dominatur, propterea quòd sua mole dilatat id quod augere laboramus. Quæret aliquis, an si qui pulsauit, attigisse: qui vulnerauit, læsisse dicatur, verba graua sunt attigisse atq; læsisse? Ego quidem leuia esse puto. Subleuant enim reum, & de culpæ grauitate partem detrahunt. quod non est grauium proprium. Contraria sunt hæc, amplificare, & imminuere. Amplificantis est graua collocare, minuentis autem leuia atq; inuualida præferre. Ex iis quæ diximus, difficile non est iudicare quæ verba leuia sint, quique in dicendo sit vsus illorum. Deprehēduntur aut facta correctione: vt, Non tam

1 didicit literas, quàm degustauit. Aut cōparatione: vt, Marius septem consulatus, vnum modò Cicero gessit. Pompeius Asianos imbelles, Cæsar fortes Italos subegit. Vnus

2 cum septem, imbelles cum fortibus comparatur. Aut frigida affirmatione, vt, homo non indoctus, non malus author, non omnium postremus. Aut diminutione, vt, ducere choros, non modò scelus, sed ne vitium quidem est.

3 Aut sua sponte: vt facile, iocosum, ridiculum. Aut quātitate, vt exigua domus, parua ciuitas. Aut precio, trioboli, tressis, dupōdius. Aut opinione, vt Lygur, Iudæus. Aut attenuatione quæ fit per deriuationē, libellus, opusculum.

Aut

leuia des-  
cendunt multi-  
modis.

Aut immutatione, Non orator, sed arator. Aut ironia, vt,  
O lepidum caput, de homine agresti & inurbano. Sunt  
quæ sola pronuntiatione videantur esse leuia.

—Méque timoris

Argue tu Drance —

Quid moror? Totidem leuium genera sunt, quot grauium verborum. Sed locum notasse satis est. Dicit quispiam, Iam mihi videris non de verbo, sed de oratione loqui, & longè aberrare à proposito. Quæ in oratione constitui, in verbum recidunt omnia. Et epitheton, ac rei nomen cui adiungitur, tanquam vnum simplèxque esse videri potest. Sunt & media, quæ nec graua per se, nec leuia dicuntur: vt *hastâ, fons, vester, noster, lego, dico, forte, deorsum, atque, autem, apud, aduersum*. Quædam media natura vim capiunt ab oratione, & rem aut grauant, aut subleuant. Homo impudens mentiebatur palàm, deierabat in templo, vomebat postridie. Hic palàm, templo, postridie, rem ingrauant. Contrà, Licenter agebat Saturnalibus, domi, apud sodales, in conuiuio: leuiter factum videtur. At in re sunt ista, non in verbis. In re sanè. quum verba graua ac leuia Cicero dicit, non aut literas aut syllabas, aut ex illis iunctas voces intuetur: respicit eam rem, cuius signa notæq; verba sunt. Vis illa rei est tâquam animi instar in corpore, ad quam obscæna, sordida, humilia, graua reducimus, quæ ad ipsas voces per se referre nec possumus, nec debemus.

*Media*

De propriis & assumptis, & quæ aliena dicuntur. Cap. 17.



ERBA, quemadmodum rerum possessiones, aut propria, aut aliena dicuntur. Aliena sunt, quæ à propria significatione in aliam cum virtute mutantur. Tropos cum græcis ab intellectus immutatione appellamus. Aristoteles in Rhetoricis, & in libello de arte poëtica, metaphoras, id est translationes vocat: & hoc nominis extendit & ad ea quæ per similitudinem transferuntur, ut quum dicimus concionum procellas: & synecdochen, hypallagen, antonomasian, metalepsin, catachresin, hyperbolen, periphrasin, allegorian. Sunt hæc troporum species in quibus propriorum loco statuuntur aliena. Cetera omnia rerum vocabula propria nominamus, quæ sunt hominū instituto rebus significandis usurpata primum, non aliunde quasi mutuò facta, cuiusmodi sunt hæc in generibus rerū diuersis, phagus, vlmus, fraxinus, brassica, beta, thymus, vitis, palmes, pampinus, nitrum, sulphur, bitumen, aurum, electrum, ferrum, ceruus, dama, lepus, bos, equus, asinus, congrus, scarus, delphinus, coturnix, alauda, psittacus, homo, animus, corpus, virtus, vitium, fortitudo, ignauia, scientia, inertia, motus, quies, fundamentum, paries, tectum, supellex, vas, vestis, mensa, cibus, potus, terra, mare, aer, ignis, stella, deus. Rebus est ferè sua cuique appellatio. Nec enim aliter de omnibus propriè loqui possemus. Vnde planum sit propria quadam necessitate reperta esse, aliena verò propter vim & elegantiam in eorum locum traducta. Propriis abundare debet is qui multis de rebus agere planè, dilucidè & vsitatè contendit. Nec in proprietate tenuis est gloria, ac orationis commédatio, propterea quòd breuiter & apertè

apertè res exprimit, non circunducit audientem ambagibus inanium verborum, nō infert obscuritatem, quā plerunq; pariūt figuræ. Non traducit omnia sine virtute, non triuialia & barbara & inusitata inculcat, quæ vitia frequenter accidunt iis qui pauca admodū verba nouerūt. Nunc enim turpiter circumloquuntur id quod vno dici verbo optimè potest: vt hoc modo quidam. Vidi magnā illam auem quæ nunq̃ volat, & cuius plumas viri nobiles ferūt in galea. Quāto breuius ac melius, Vidi Struthiocamelū? Nūc sunt obscuri tenebris audaciū figurarum, vt in epistola quidam sua opinione doctus. Nō dedignatus es me cōcrepare laude nectarea, & buccinare me lingua melliflua. Nunc communibus vtūtur atq; triuialibus, vt quum dicunt hominem totū armatū pro cataphracto, & registrum pro tabulis. Nunc componunt insolita cōponi, vt si dicendū sit, Milites exposuit è naui, sic loquuntur, Milites de naui emisit in terrā. Rogatus sum aliquoties à philosophiæ studiosis, qui contempta sermonum barbarie in philosophia plurima, puriores literas expetebant, satisne esset biennium ad emendatè, propriè, ornatèque dicendum. Quibus dicere solitus sum, non posse me adduci vt crederem totum decennium ad id satis esse, quod sibi falsò pollicerentur. Quando enim, inquam, barbariem putidam dediscemus? Quando vas imbutum male, non sapiet primū liquorem? Quando vulneris alti vestigia non restabunt? Quando omnem omnium proprietatem non modò memoria tenebimus, sed etiam expeditè tum scripto tum sermone exprimemus? Videte quā pauci veteres hanc laudem sint assecuti: non lo-



quor de sublimioribus , quibus est vsus verborū liberior,  
 sed de comicis, historicis, & oratoribus. Ex quibus si Te-  
 rētium, Cæsarem, Ciceronē exceperis , qui propriè & vsi-  
 tatè sit locutus, vix vllum inuenies . Nam propriè loqui,  
 diuturni laboris est, & assiduæ exercitationis, sed in primis  
 animi cupientis veritatem, id est verum natiumq; sermo-  
 nem: quem vt abiectum quum multi fugiunt, incidunt in  
 peregrinam quandā & insolentem ac penè prodigiosam  
 linguæ impuritatem. quod si turpe est, verbum proprium  
 maximè curæ sit , nec vnquā mutetur nisi aut significan-  
 tius aut elegantius succedat alienum . Sermo proprius si  
 non semper fortior, verior est tamen , ac vsitator, & , quæ  
 prima virtus est orationis , rem dilucidè magis ac natura-  
 liter exponit. Ad hanc virtutem consequendam discenda  
 cuiusque rei propria communiâque vocabula , & ea ma-  
 ximè verba quibus propriè animi modi declarâtur: vt do-  
 ceo, doce, docerem, doceam, docere. Tum si est vnus rei  
 vna appellatio, nullus est delectus : ideóque nisi schemata  
 velis, parendū erit necessitati. si plures, deligenda quæ ma-  
 gis propria sunt. Panis, pyri, pruni, frumentatoris, vna pro-  
 pria est nominatio: eiusdémque rei sunt pestis & pestilen-  
 tia, mors & obitus, lapis & petra, amare & diligere. In hoc  
 genere quæ sunt vsitatoria, aut quæ melius rem pingunt,  
 habenda potiora. Malim dicere vestem quàm indumen-  
 tum, herbam quàm gramen , auem quàm alitem , proge-  
 niem quàm sobolem, subtegmen quàm tramā , distribuit  
 quàm dispescit, pugnavit quàm conflixit, cōfirmat quàm  
 roborat. In propriis est verbis (inquit Cicero ) illa laus o-  
 ratoris, vt abiecta atque obsoleta fugiat, lectis atque illu-  
 stribus

.. sribus vtatur, in quibus plenum quiddam & sonans esse  
 .. videatur. In collocatis obseruanda maximè proprietates,  
 quam miseris modis lacerât indocti. Dictitant enim, Vi-  
 gilant in monte, non speculantur è monte. Tentat frāge-  
 re aciem, non conatur aciem perrūpere. Dimisit suos mi-  
 lites, non dimisit copias. Impediuit commēatum, non in-  
 terclusit. Viētū carebat Cæsar, non re frumentaria. Duxit  
 vineas, non egit. Primi in consilio, non consilii principes.  
 Reportarunt prædas, non egerunt. Milites monuit, nō co-  
 hortatus est. Signum fecit, nō dedit. Renouauit prælium,  
 non redintegrauit aut restituit. Aciem ordinauit, non in-  
 struxit. Longius iuit, non prodiit. Redierunt milites, non  
 receperunt se. Missi equites sine sarcinis, nō equites expe-  
 diti. Fecit prælium, non commisit. Dedit se vt seruiret, non  
 tradidit se in seruitutem. Dedit illis ducem legatum, non  
 præfecit legatum. Misit ad succurrendum, non misit sub-  
 sidio. Fecerunt vim, non impetum. Magnis viis cōtendit,  
 non magnis itineribus contendit. Oppidum egressi sunt  
 contra hostem, non eruptionem fecerunt. Ad faciendum  
 pontem lignum secabat, non materiam. Reportauit quæ  
 acceperat in legatione, non renunciauit legationē. Tem-  
 pus assignatum, non constitutum. Facere amicitiam, non  
 inire gratiam. Perdidit opportunitatem, non amisit occa-  
 sionem. Quid moror? Sunt qui non tam latinè loqui mi-  
 hi videntur, quàm barbarica phrasi omnem inuertere la-  
 tinitatem. Vnde hoc mali? Proposuerūt sibi & magistros  
 & libros infantissimos, putaruntq; satis esse, nihil commit-  
 tere cōtra ea præcepta grāmaticæ quæ sunt de casibus &  
 constructione verborum: quasi non sit grammatici poë-

tas & historicos interpretari, & inde loquendi rationem morémque cognoscere. Quid hoc omnino peccat in artem declinandi vel construendi, Turno mandata perfer, vt veniat in locum meum ad pugnandū? At quid est ineptius? quid ingratius? quid putidū magis? Virgilius aliter, Turno mandata perfer, succedat pugna. Non defuerunt qui huic mederi morbo cuperent, legerentque ex multis authoribus locutiones omneis, vnde grande volumē cōficerent. vellem suo morbo potius & infania medelam adhibuissent. Quid est stultius, quàm omnia verba propria impropria, poëtica oratoria, vsitata inusitata, prisca noua, honesta turpia, bona mala, recta praua, promiscuè congregare, & referre in codicem? Quis leget hæc? & si quis leget, vt memoria tenebit? & si tenebit, vt à bonis mala separabit? Nemo de lingua optimè iudicare potest, qui non eam didicit. Nemo didicit, nisi loquendi cōsuetudinem obseruauit. Nullus obseruauit apud istos formularios. Nōne ridiculū est ea te tradere studiosis, quæ nunquam noueras quum manū calamo admouisti? quæ oblitus es antequam perscripsisti? quæ nescis ipse? quæ non teneas? quæ iā dubites an scripseris? quæ nolis ipse perdiscere? quæ si velis, haud possis? si possis, non expediat? Nā qui sapit, longa authorum bonorum lectione & obseruatione sapit. Multa sumis à Plauto, à Terentio nonnulla quæ iam exoleuerunt, multa à Gellio, multa ab Apuleio quæ dicta sunt audacius, multa à Suetonio, Plinio, à recentioribus, quæ subolent nescio quid peregrinum & insuaue. Quis erit delectus, quæ proprietates, quæ venustas, si omnia miscebimus? si contorta, rara, absurda, nouè dicta in

Et in delicias ac elegantias referemus? Si quicquid in-  
usitatum est ac tritum, vile esse & humile putabimus:  
contrà quicquid abhorret a loquendi more, preciosum &  
arduum? At iuuant, inquit. Plus obesse quàm pro-  
desse, sit argumento, quòd non modò quæ verba scri-  
ptores boni iunxerint, tenendum est, sed in quem sen-  
sum dixerint, cui personæ, cui tempori, cui rerum con-  
ditioni accommodauerint, vt prioribus & posteriori-  
bus inseruerint. quorum nihil vident qui excerpta le-  
gunt exempla, vnam aut alteram particulam ineptè as-  
suunt orationi, & ornare cupientes, deformem & ri-  
diculam suffarcinant orationem. Miseri, qui tantum ex  
hoc vno commentario sapiunt. Multo citius poëma-  
ta, historias, orationesque perlegissent, vsum non mo-  
dò verborum, sed etiam rerum ab ipso fonte purè & sa-  
lubriter hausissent, quod tandem facere coguntur ii qui  
bene scribendi dicendive scientiam quærunt. Ediscen-  
da sunt plurima, permulta scriptitanda. Relegendi sunt  
optimi scriptores, vt paulatim veniat in vsum proprie-  
tas. Formulæ istæ suis authoribus amatoribusque relin-  
quendæ. Qui linguæ Gallicanæ student, vt puritate su-  
perent vulgus, elegantiores loquendi formulas non re-  
ferunt in libellum, sed animaduertunt quomodo quis-  
que doctiorum loquatur. quod audierunt, memoriæ  
affigunt, ac persæpe referunt. ad hæc legunt eorum scri-  
pta, qui Gallici sermonis principes extiterunt. Sic & la-  
tina capeßenti faciendum existimo, ne frustra in colle-  
ctaneis infantium consenescat. Sic autem proprietatem  
amet, vt intelligat non semper vtendum propriis: non

dico quando verbum proprium deest, vt quum dicimus, equitat in arūdine, saxa iaculatur, lapidat glebis: sed quum vitamus humilia, sordida & obscœna, & ad translationem confugimus, quumq; figurarum aut elegantiam aut virtutem quærimus. Quintilianus octauo libro multa facit priorum genera: vnum, quod iam multis exposuimus: alterum, quum dicitur proprium inter plura quæ sunt eiusdem nominis, id vnde cætera ducta sunt, vt vertex aquarum, à quo summa pars capitis, & quod est in montibus eminentissimum, vertices dicuntur. Aliud, quum res communis pluribus, in vno aliquo habet nomen eximium: vt quum vrbis nomine Romam accipimus. Quartum, quum ponitur illud quo nihil significantius inueniri possit; vt, Cæsar ad euertendam Remp. sobrius accessit. Hoc translatum, non proprium dixero. Quintū ex appositis, quæ epitheta dicuntur: vt dulce mustum, cum dentibus albis. Sextum, cum verbum bene translatū est. Quod ego non probō, propterea quod à propriis distinguenda sunt translata. Septimum, quum quæ sunt in quoq; præcipua, proprii locum accipiunt: vt Fabius cunctator. Sunt in his, quatuor genera maximè propria, secundum, tertium, quintum, & septimum. Primum fusius & latius patet, ac cætera comprehendit. Hoc valet ad dilucidè aperteq; dicendum, illa etiam ad oruandum. In alienis prima sunt translata, quibus vitimur aut necessariò, vt quum dicimus gemmam in vitibus: aut ornandi gratia, vt lumen orationis: aut ad incrementum, vt ferreum cor, pectus adamantinum: aut ad vitandam turpitudinem, vt mulier venere lutulenta. Si nihil horum præstent, proprietate standum est. aptius enim dicetur,

dicetur, suavis concordia, quàm symphonia melliflua, atque nectarea. Assumitur & Synecdoche: vt, Pro capite dimicandum. Romanus praelio victor: pro eo quod est, Romani praelio victores. Diximus pro dixi. Item Metonymia: vt, vario Marte pugnatum est. & Antonomasia, vt euerfor Carthaginis pro Scipione. & Metalepsis: vt, speluncis abdidit atris, id est profundis. & Catathresis: vt, minutus animus, pro paruo. & Periphrasis, vt diuûm pater, atque hominum rex. & Allegoria, vt, Oleum incendio ne adicias, id est, ne iratum excites. & Hyperbole: vt, volabat Camilla. Pauca de alienis hic esse dicenda iudicauimus, quoniam figuræ per quas in locum priorum transferuntur, & antè dictæ fuerunt, & à grammaticis ac rhetoribus peti possunt. Cicero in Oratore inter aliena ponit trāslationem, & factum aliunde vt mutuò, & factum ab ipso, & nouum, & priscum, & inusitatū: in Partitionibus ea quæ transferuntur, quæ immutantur, ea quibus tanquam abutimur, quæ obscuramus, quæ incredibiliter tollimus, quæque mirabilius quàm sermonis consuetudo patitur, ornamus. Noua, prisca, inusitata, propria sunt, nisi quòd sunt rara, & vsu paucorum recepta: quæ Ciceroni causa fuit cur illa referret in aliena. Translatū, siue quod transfertur, est μεταφορικόν. factum aliunde vt mutuò, & id quod tãquam abutimur, κατὰ χρησικόν, immutatur hypallage. obscurantur ænigmatica, & allegorica. Incredibiliter tollimus hyperbolica. Præter sermonis consuetudinem ornamus periphrastica. In his omnibus tropis est quod in proprii locum sufficitur alienum.



De verbis veteribus, &amp; nouis. Cap. 18.



ERBA prisca de quibus diximus, sæpe vetera appellantur. Hic autem docendi gratia inter vetera ac prisca differētiam atque discrimen esse statuēdum iudico. Vt enim omnia prisca sunt vetera, non tamen contrā omnia vetera sunt prisca: & vt prisca, & antiquatis, & insolentibus perrarō vtimur: ita ferē semper nouis reiectis, veterum verbis loquimur. Nam quemadmodum noua aliquando conuoluescent, & vetera dicentur: sic & ea quibus utebatur seculum illud Ciceronianum, cæteris in loquendo scælicius consenuerunt quodammodo: quæ tamen nunc quasi viridi senectute florent, omniumque multo optima putantur, tamē vetera & antiqua nobis possunt videri. Ab vrbe condita ad tempora L. Crassi & M. Antonii nihil erat in lingua Romana expolitum & excultū. Subolebant prisca quiddam Liuius Andronicus, Cæcilius, Accius, Pacuuius, Ennius, Plautus, & in historia Cato, Pictor, Piso, & in oratione permulti quos Cicero cōnumerat in Bruto. Isti igitur erant Ciceroni veteres, nobis autem debent esse prisca, & propē antiquati. A temporibus Syllæ dictatoris ad imperium Domitiani sermo latinus in integritate māsit, nisi quod posteriores iam propiores erāt vitio quā sanitati. Qui tū scriptores floruerunt, eos & veteres & imitandos esse censemus. Iuniores omnes habemus inter nouos, & impurius esse locutos arbitramur. Vt igitur tēpore Ciceronis qui probari volebāt, maiorum squallore asperitatemque fugiebant, ex omnibus eorum verbis nitidiora suauioraque feligebāt: sic & nos contrā iuniorū effrenatam audaciam

audaciam licentiamq; fugitare, ex iis pauca necessaria assumere, cæterum veterum modulationem & puritatem in loquendo sequi debemus. Quæ Terentius, Cæsar, Cicero, Sallustius, Liuius, Virgilius, Horatius, Ouidius, Cornelius Celsus, Persius, Quintilianus, Iuuenalis, Martialis admiserunt, omnia, præter pauca iam oblitterata, & quasi vetustate collapsa, qualia sunt fuat, fiet, iudicassit, prolapia, sine vlla dubitatione recipiuntur in sermonē. Antiquioribus & iunioribus temerè ne cōfidas. Nō sum tamen in ea opinione, in qua recentiorum quidā ridiculè superstitiosi & sunt & fuerunt: Nullum omnino verbum vsurpādum esse putant, nisi quod apud Ciceronem inuenitur. Quos & ipse Cicero, cui tantum deferunt honorem, duabus sententiis damnat. Noua enim verba aut similitudine, aut imitatione, aut inflexione, aut adiunctione verborū fieri posse iudicat: & is permulta fecit. In Academicis censet rebus nouis noua nomina imponēda. Horum neutrum isti sinunt. Adde quòd de omnibus rebus & disciplinis non est locutus, nec habuit cur diceret quæ Varro in agricultura, Cornelius Celsus in arte medendi, quæ Vitruuius in architectura, quæ Plinius in historia naturali. Quid? quòd eius opera multa desiderātur? & plura scripturus erat, nisi mors immatura præuenisset? In Crasso, in Antonio, in Hortensio nullum verbum vt insolens & putidū notat, quos certum est suis vfos esse verbis. Pauca reprehendit in M. Antonio, & ea quidem magis accusatoriè q̃ verè: qui si posteriorum quos antè nominaui, scripta legisset, credo non reprehendisset. Ne igitur nostra culpa languescamus inopia, veterum quos doctissimi quiq; magno consensu probauerunt,

authoritate nitamur. Eorum verba, quum licebit, præferamus nouis. Si non erunt idonea, tum recentiora animo & aurium iudicio ponderemus, & audeamus aliquid doctis viris authoribus. Noua traxerunt in vsum Christiani, cuius generis sunt hæc, Christus, fides, baptismus, sacramentum, eucharistia, spiritus sanctus, ecclesia catholica, euangelium, apostolus, euangelista, euangelizare, baptista, baptizare, paradisus, purgatorium, excommunicatio. Sunt alia vsu omnium iam recepta, quibus nunc iudice vtare licet, & maximè si magis idonea reperire non possis. Non dico tamen deitatem pro diuinitate, pietatem pro misericordia, humilitatem pro modestia, exaltationem pro superbia, confortauit pro firmanit, & alia sexcenta, quæ barbaries & ignorantia sine vlla necessitate inuexit in linguam latinam. Quæ qui peruiacaciter tuentur, summa iniuria arguunt Hebræos & Græcos omnes qui philosophiam sanctissimam hac linguæ foeditate conspurcare noluerunt: nisi fortè deus optimus maximus Latinos à vero sermone deuicare, reliquos omnes emendatè rectèque loqui velit. Quod qui suspicatur, sibi somnium fingit. Religio, credo, in barbarie posita non est. In hac nouitate verborum, quæ tolerari possint, optimè iudicabit is, qui necessitati & decori parendum esse norit. Dicamus ecclesiam, quia necesse est: nullum enim aliud est eius rei verbum: nec magis inter latina indecorum est ecclesiæ quàm philosophiæ vocabulum. Quando similis ratio suberit, in noua cum aliis audeamus. Intulerunt etiam noua Dialectici, vt subiectum, prædicatum, prædicatur, prædicabile, prædicamentum, categoricum,

ricum, hypotheticum, æquiuocum, vniuocum, substantiam, passionem, terminum: quorum pleraque vt necessaria videantur, non decent tamen, & assensum doctorum vix sibi conciliare possunt. Ausim dicere terminum vt ὅρος græci, subiectum, substantiam, categoricum, hypotheticum, indiuiduum, vt ἁπλοῦς. Cæterum dico pro prædicato enunciatum, pro maiore & minore primam & secundam partem assumptionis, pro prædicabilibus quinque voces, pro prædicamentis categorias, aut elementa decem, aut genera verborum, pro æquiuoco homonymum, pro vniuoco synonymum. Nam quid græcis vti vetat, quibus vsi sunt grammatici? Pro verbo prædicatur, dicitur aut pronuntiatur: pro affirmatiua & negatiua propositione, pronuntiatum affirmans aut negans, aiens aut inficiens: pro differentibus in eo quod quid est, aut quale quid est, differentia specie, aut numero: in explicanda substantia, aut substantiæ qualitate designanda, pro risibili, risus potentem: pro generalissimo, summum genus: pro specie specialissima, speciem infimam: pro ente, id quod est, aut subsistens: pro insecabili & indiuisibili, indiuiduum, vt sit epithetum: pro alterato, dispar aut dissimile: pro principaliter, maximè: pro à se inuicem, inter se: pro incomplexis simplicia Cicero, pro complexis collocata dicit. Reclamet qui volet, malo improprie loqui quàm barbarè. Alia sunt in dialectica multa quibus non omnino mala verba accommodari possunt: sed non est hoc præsentis instituti. Nam & incidimus in molestum hominum genus, qui nefarium scelus existimant, spinosam balbutiem & prodigiosum sermonem relinque-

re:quam opinionem si deponerent, continuò latinè dialectica loqueretur. sed hærent obstinati & pertinaces. Quàm multa dixere physici, ethici, mathematici, grammatici, iuris prudentes, quæ inducere non audeas in emendatam orationem? quàm multa fecerunt immania & aspera, quibus utrîus inuitus? Voces istæ, substantiua, adiectiua, relatiua, indicatiua, imperatiua, frequentatiua, fœminina, adcò vastè dureq; sonant, vt teretes aureis grauissimè lædant. Item sensibile, visibile, possibile, rotunditas, triangulare, quadrangulare, bicubitum, tricubitum, repressalia. Næ frustra laborarem, si innumerabilia recentiorum noua verba numerare contenderem: nulli vnquam fuisse audaciores, nulli effrenatiores, nulli minus studiosi sermonis emendati. Istosne sequi placet, qui gloriantur perinde atque magnum sit barbaro & inculto genere sermonis nescio quid de magnis artibus oblatrare? Sequamur eos potius, qui necessitate ducti, verba noua feliciter creant, quique citra necessitatem verbis aptè nouatis locupletarunt orationem. Primùm vetera capeſſamus, deinde vbi cum arte iudiciū accreuerit, de nouis ea quæ vetusta sunt eligamus, & maximè necessaria, vt hæc, Cardinalis, Episcopus, Archidiaconus, Abbas, monachus, Comes, Bombarda, Caligæ. Ex hoc genere si quid erit horridius ac durius, præfatione molliendum erit, hoc modo, Monachorum pastor est, qui vocatur abbas. Pontifex, aut (vt vulgò loquimur) episcopus. Fulminat tormētum belli, cui bombardæ nomen est. Non erant Romanis tegumēta crurum & femorum, quæ caligæ appellantur. Quædam periphrasi describimus, vt, est machina belli, cui à colubro nomen est, &c

est, & alia cui à serpente fecere nomen. Erecta machina, à  
grue nomen habet, ingentia attollit saxa. Vt breuiter ab-  
soluam, nouis vetera præstāt: nouorum optima sunt ma-  
ximè vetera, & ea quibus aut necessitas aut gratia locum  
inuenit. si quid deest, explent illud verborum figura. No-  
ua etiam dicuntur quæ quisq; hodie sibi excogitat, vt qui-  
dam monachum tenebricolam, & molinariam bestiam  
& caesarium dixit.

## De verbis sonantibus, &amp; exilibus. Cap. 19.



**H**ACTENVS verborum naturas quæ à sub-  
iectis rebus oriuntur, explicauimus. Alter est  
locus de vocum differentiis, quæ verba sint  
sonantia exilia, grandia parua, volubilia tar-  
da, lenia aspera: vnde oratio dicitur iucunda tristis, ple-  
na tenuis, grandis minuta, lenta volubilis, suavis horrida.  
Sonantiora sunt verba aut literarum vocalium aut con-  
sonantium plenior sono, aut certè spatio & tēpore syl-  
labarum. Ex quinque elementis quæ purè sonant, primum  
& quartum, ā, ō, magna ac vasta sunt: tertium & quintum  
ī, ū, tenuia & exilia: secundum ē intermediū. Hanc sono-  
rum varietatem deprehendes in iis qui venalia magnis in  
ciuitatibus proclamitāt: aut certè referes ad aures, quæ de  
sonis omnibus sua spōte vel optimè iudicāt. ā litera quo-  
niam spiritu longiore profertur ab arteria, reliquas o-  
mnēis immanitate soni præstat: ideòque frequentant eam  
qui grande aliquid & plenum resonant. Tragici Græci li-  
benter mutant ā in a, vt sit hiantior pronuntiatio. *Φίμν,*  
*Φίμν.* Diffundit ea quæ vna modò syllaba constant, vt

*Sate dicitur o*  
*Cic. or. 472*

*1 par. 500*  
*578*

*sonantia ep*  
*grandia, parua*  
*Volubilia, tarda*  
*lenia, aspera*  
*Agrestia*

A



ars, aut, ad, cras, dat, fraus, glans, haud, iam, lanx, mars, pars, stat, qua, quam, thrax, vah, vas, mas, at, ast. Hæc & paria ( quanquam monosyllaba sæpe sunt causa tenuitatis) non attenuant orationem. Argumento sit vel cornix, de qua Virgilius

.. Tum cornix plena pluuiam vocat improba voce.

Pleniora sunt verba duarum syllabarum, quas implet hæc litera, vt arca, arcas, altam, chara, grata, amant, sanant, para, quadrans, frangat, mala, atra, flamma, vastat, saltat, aura. Hanc quoque recipiunt trisyllaba, atque grauiter infonant, vt amabam, sanabāt, arcana, affata, lampada, pallada, barbara, tartara, amara, parabant, captarāt. Reperitur & in quatuor syllabis cōtinuis, vt, acclamabat, adamabat, amādabant, apparabānt. Rarò peruenit ad quinque, vt in hoc fictitio nomine taratantara. Nihil horum non vehementer sonat, & implet aurium sensum: tamē in auctiore numero syllabarum auctior est ac plenior sonus. Robustius autem ferit quum recipit duas aut treis literas consonantes, aut etiam diphthogum, quod est omnium commune: vt trabs, stragula, brachium, fragor, statura, augeo, claudio, musæ, si modò rectè pronunciaueris, vt quum dicitur gallice pax, & sed, & factum. Quin vegeta sunt quæ vocibus aliis quidē constant, sed & hanc interserunt aut principio, aut medio, aut extremo loco, vt fragmētū, sonare, ceperamus, subtilitatem, interea, formosam. His vegetiora, quæ si non in omnibus locis, eā tamen in multis collocant, vt asparagus, amaracus, calcitrare, resonabāt, Aeneas, sagitta, iactauit, arena, calcatur. Huius itaq;  
 .. soni magnitudine sonora sit oratio, vt hæc, Iste quod argenti

.. genti placuit, inuasit: quæ mancipiâ voluit, abduxit: vinâ  
 .. ceterâque quæ in Asia facillimè comparantur, quæ ille re-  
 .. liquerat, asportauit: reliqua vendidit: pecuniam exegit.

.. — At nunc horrentiâ Martis

.. Arma, virumq; cano—

.. At regina graui iam dudum faucia cura.

.. — Omniaq; arma

.. Aduocat, & ramis vastisq; molaribus instat,

Proprium est omnium vocum clarius audiri aspiratione, accentu, productione, diphthongo. Clarior est in hamo quàm in amento, in dato quàm in circumdato, in palma q̃ in palude, in fraude quàm in fraxino. At discrimen hoc vix audiet qui aspiratione nō vitur, & breues perinde atque longas moratur, aut has & illas parī interuallo præcipitat. Fama quoniam priorem producit, efferatur ac si geminet vocem, hoc modo, faama. sic enim veteres scribebāt, & ad longitudinum breuitatumq; dimensiones ( sine quibus vocum differentias intelligere non possumus ) plurimum valet. ō profertur ore diducto & rotūdo, litera am-  
pla quidem, sed quàm prima vox & angustior & obscu-  
rior. Hoc nimirum Virgilius sensit, qui quum planè sciret in fandiendis fœderibus non porcā, sed porcū mactari solitum, dixit,

.. — Et caesa iungebant fœdera porca.

Obscurius & ingratius erat,

.. — Caeso iungebant fœdera porco.

Maluit igitur sono quàm veritati consulere, sicut Horatius,

.. — Luctata canis.

Sunt qui putarunt in fœminino sexu plus esse cuiusdam gratiæ: ego ad sonitum, non ad rem inclinasse poëtâs existimo. In monosyllabis productis ò si excipitur ea litera quæ prima est in sanitate, & natura, & rosa, non est vacua & inanis, ut in his, vos, nos, hos, ros, mos, flos, cos, bos, tros, quos, non, cor. Vocalior est si duo elementa consona subsequantur, ut nox, mors, fors, fors, frons, sons, mons, pons, fons. In fine surdus auditur, eo, flo, pro, pronomen hoc, seclusa aspiratione, quia litera muta clauditur, & ob, & os breue, nihil omnino superat. In his quæ sunt plurium syllabarum, valida est, nisi quum o in verbis sedet extrema. Senties in his vocibus, flores, mores, hordeum, horreo, nostra, nobis, monstrum, formosus, dolosus, colores, honorem, odor, sapor, orator, corpora, doctoribus, conformationes. Nec omnino iacet in fine, quod versus ostendit,

„ Arma virûmque cano—

„ Irim de cælo misit Saturnia Iuno.

„ — Saxo occultabat opaco.

„ — In gurgite vasto.

Sonantius videtur aliis in sedibus.

„ Tantæ molis erat Romanam condere gentem.

„ Luctantes ventos, tempestatesque sonoras.

„ In verbo horreo inflatur hæc vox aspiratione, & litera canina, & accentu, & quantitate, propterea vehementens est, & canorum. In monstris autem positione multarum consonantium, & tōno personat. Operæ precium est ista contemplari, si causam fortè cognoscere velis,

re velis, cur idem aliis & aliis locis vocalius esse videatur. Anceps est o apud nos. à græcis nomine & figura distinguitur. longum dicitur *ο μέγα*, breue *ο μικρόν*, vtrunque apud eos frequentissimum, sed alterum altero, beneficio quantitatis largius est, ideóque præ se fert geminam alterius figuram. Ideo documento nobis esse debet, eandem literam nunc clariorem productione, nunc obscuriorem esse breuitate. In diphthongis o producit, *foelix*, *pœna*, *amœnus*, *obsœnus*, *mœnia*, *mœreo*, *pœnitet*. Nunc vitio pronounciationis auditur e solum. Quod si efferamus œ, quemadmodum gallice regem dicimus, nihil minuetur illius amplitudo. Habes sonum duarum literarum, quæ si quando frequenter concurrunt, plenam efficiunt orationem: vt,

- .. Improbe amor, quid non mortalia pectora cogis?
- .. Anna vides toto properari littore circum.
- .. Sola viri molles aditus, & tempora noras.
- .. I soror, atque hostem supplex affare superbum.
- .. Neminem vestrum ignorare arbitror, Iudices, hunc per
- .. hosce dies sermonem vulgi, atque hanc opinionem populi Romani fuisse, Caium Verrem altera actione
- .. responsurum non esse, neque ad iudicium affuturum.

E, quòd profertur ore parcius diducto, minor est vtraque, contrà duabus reliquis I & V maior. Iacet in syllaba sola, præsertim breui. Exilia sunt enim, es, &, sed, ter, det, stet, vel, per, & similia. Paulo vocaliora sunt longa, rex, lex, des, stes, res, sex, ex, flens. Argutiores diphthongi, æs, præ, fæx, hæc. In coniunctis breui-

bus, effluit, leget, reget, tepet, releget, tereret, petere, tegere.  
quod non sentiunt qui breuem male producūt, ac si scriberetur leeget, reeget. Accelera, vt in hoc versu,

- Pacatumq; reget patrijs virtutibus orbem.

Confirmatur productione, vt fecerunt, excedo, telum, credo, iactetur, luctātes, Teucer, Orpheus. Itē adiectis consonantibus, tempestates, ardentes, ingens, defessi, infestus, euerſa, exemplum, expleuiſſe, dextra, deſcēdere. Hanc vocem dilatant imperiti, & non tempus pronunciant, ſed campus: non exemplum, ſed examplum: & latantam prolatente dicunt. Hoc vitium Gallia noſtrā, Luſitania contrarium. ē frequens in oratione ſummiſſior fertur: vt,

- Cuncti ad me publicē ſæpe venerunt, vt ſuarum fortuna-
- rum omnium cauſam deſenſionēque ſuſciperē: me ſæ-
- pe eſſe pollicitum, ſæpe oſendiſſe dicebant, ſi quod tem-
- pus accidiſſet, quo tēpore aliquid à me requirerent, com-
- modis eorum me non deſuturum. Hæc ſi modulatē pron-
- nunciabis, audies earum de quibus agimus literarum dif-
- ferentiam: & hæc verba, Ad me publicē ſæpe venerunt,
- Me ſæpe eſſe pollicitum, deſenſionēque ſuſciperē, ſum-
- miſſiora dices: illa verò elatiora, Suarum fortunarum om-
- nium cauſam. Quod ſi ā & ō & ē in oratione domi-
- nantur, iucunda varietate conſonant, neq; ſunt vaſtè agreſ-
- ſtia, neque exiliter effœminata, neque pronūciatione dif-
- ficilia. Sit hoc exemplum Cicronianum, Tam autē eras
- excors, vt tota in oratione tecum ipſe pugnares: vt non
- modò non cōhærentia inter ſe diceres, ſed maximè dif-
- iuncta atque contraria: vt non tanta mecum, quanta tecū
- tibi eſſet contentio. Breuius hoc,

Mecumq;

.. —Mecumque fouebit

.. Romanos rerum dominos, gentemque togatam.

I litera quæ molliter ore diducto ad dentes penè coeuntes enunciat, per se exilis est, ac tenuis, ut in his verbis, bis, cis, is, id, lis, nix, in, pix, quis, sis, it, vis, vir, cinis, digni, finis, gignit, hincit, linet, mitis, nisi, pili, hirci, quiuis, risi, sibi, tibi, viri, virilis, vitis, imbibit, illinit, immitit, mirifici, inimici. Ex his alia syllabis singulis constant, alia binis, alia ternis, alia quaternis: alia sunt breuia, alia longa: alia aspirationem habent, alia non habent. In aliis ea quæ dicitur vocalis, excipitur vocali, in aliis una aut altera consonante. Hæc quanquam (ut antè dixi) variant sonos, omnia tamen si ad a & o & e spectes, sunt tenui & gracili voce. Misce- tur aliis hæc litera, & earum vocem imminuit, aut plus si multa est, aut minus si rara. Quapropter antiqui poetæ dixerunt omni pro eo quod est illi. Casus hic dominos, plenioris est toni, quam dominus, & domino quam dominis; & bibat ac bibet, quam bibit, vitia quam vitis, licia quam liciis. Tenuitatem huiusce vocis demonstrat hoc exem-

.. plum. Sæpe enim venit ad aures, te idem istud nimis cre-

.. bro dicere, satis te tibi vixisse. credo. sed tum id audirem;

.. si tibi soli viueres, aut si tibi etiam soli natus esses.

.. Credimus? an qui amant, ipsi sibi somnia fingunt?

.. Frigidus, o pueri, fugite hinc, latet anguis in herba.

.. Dic quibus in terris inscripti nomina regum?

In his quæ plena modulatione sonare debent, huius elementi frequentia vitanda est. Nec opimius ἐλάοις, quod y græcum dicimus. Nomen ipsum tenuitatis ostendit, & ut nunc pronuntiatio est, sonat idem quod iota, ut hybla,



hyperion, Phryges, syllaba. Coeunt in diphthongon, & v, vt harpyia. quæ eò dicitur impropria, quòd vna modò litera auditur. Iuagitur aliis vocibus, vimque consonantis habet, vt ianua, iecur, iocus, Iuno. Nihil horum ex ore mittitur exiliter, sed I causa non est. Insidit & sibi ipsi, vt quum dicimus coniicio, reiicio. Interim duarum consonantiũ vim obtinet, vt maior, peior, Maia, maiestas. Quocunque modo se habebit, acutum & minutum audietur. Ex quinque puris literis V ordine postrema est. Labris exporrectis paulumq; diductis enunciatur. Sonus eius exiguus est, & effluens. ostendit illud Virgilianum persape laudatum, — Exiguus mus

.. Sub terris posuitq; domos, atque horrea fecit. quod laudabiliter imitatus est Horatius,

.. Parturient montes, nascetur ridiculus mus.

Quid habent argutum & canorum, mus, sus, plus, thus, fumus, mulus, mutus, ludus, dumus, tuus, suus, bubulcus, subulcus, cucullus, cumulus, tumulus, lutulentus, summissus, exiguus? Pleriq; populi pro litera v, quarta voce, id est o, ante literas quæ primæ sunt in motu & in nato, abutuntur. dicunt enim sont, pro sunt, tondo pro tundo, mondũ pro mundo, onguetũ pro vnguento, sommissus pro summisso, rompo pro rumpo. Melius Hispani. sic enim dicunt vnguentum, vt nos vnum gallice, per eas treis literas quæ primæ sunt in vnguento. Quod si facies, tum manifestam differentiã cognosces inter o & v vocales, & prefertius hãc quàm illam proferes, nec errabis in sonorum iudicio. Profer vna, deinde supprime literam nouissimam, & retine vn, scies hoc modo aliter vn, aliter on proferri oportere.

oportere. Sunt qui non gallico more dicunt cumulum, sed coumouloum, ut Hispani, Itali, qui in syllaba breui diphthongum facere videntur. quod ego nulla ratione probare possum. Manauit hoc vitium, credo, ab iis qui quum viderent *μῦθε* latinè dici musam, putarunt v & eodem modo proferendum. In hac re laudo Gallorum pronunciationem: quanquam ab ea desciscunt aliquot ciues eorum, patriæ contemptores, ut peregrinum quiddam sapere videantur. A gallis non fatuus, sed fatuus, non foutourous, sed futurus dicitur. Sic quoque veteres Romanos dixisse, non ita literarum sonos confudisse puto. Quid erat opus *μῦθε* in musam vertere, si manebat idem in utroque sonus? Cur Virgilius pro opilione vpilionē dixit in Bucolicis? Si quum tundo & fugio dicendum est principio tenui, dicemus tondo & fougio: tum v plenæ non exilis esse vocis falsò putabitur. Aliquando falluntur aures alieno sono, ut quum R, aut duæ trësve mutæ aut semiuocales vocem per se tenuem gracilēque roborant. Hæc enim firma sunt & sonora, rus, rubrum, ruscus, truncat, murmurat, multum, subter, buxum, structura, custodia. Extrema vocalis igitur suapte natura tenuis est, ut illud *ὑπάρ* apud græcos, cuius officium interdum gerit, ut *ὑ*; sus est dictus. sed aliunde nonnunquam dilatatur illius exilitas, ut hic,

— Arma, virumque cano.

Idem iudicium est quum vocalibus adiungitur, ut vanus, venus, vinum, volo, vultus. in his enim aliunde firmatur, quoniam ex literis duabus vna componitur vox, quæ ad principē maiore ex parte referri debet. Interim ad eò patitur attenuationem, ut omnino reticeri videatur, ut aqua,

lingua, suavis. Nusquam sonantior est quàm in fine verbi, vt cornu, manu, metu, tumultu, veru, tonitru. In hac sede multo plenior est, quàm quæ finis est his verbis, sibi, tibi, virili.

Pauca de quinque literarum principibus diximus: de iis quæ symphona Græci vocant, addamus & pauca.

Ex mutis surdumq; spirantibus elementis, B D G vehementius autem feriunt, propterea quòd sunt mediæ inter tenues & crassas, B inter P & ph, D inter T & th, G inter C & ch. figuras notâsque proprias quæ respondeant his φ, θ, χ, non habemus. F nostrum à φ græco non multum dissidet, illique sæpe successit, vt φημί fama, μορφή forma, Phryges fruges ab Ennio dicti. B fortior quàm P, D quàm T, G quàm C. abdo quàm apto, addere quàm attere, ager quàm acer. De K & Q uidem quod de C iudicare debemus. Nam pro tribus vna est apud Græcos κάρπια nomine. quamobrem superuacuas duas nonnulli putarunt. Ex mutis igitur quinq; sunt exiliores, tres expressiores, vna penè crassa. Compararet aliquis has voces, ab, ac, ad, at, af in affine, ag in aggressu, ἀκ in ἀκροφ, ap in Appio, aq vt æ singulatim non enim exemplum reperies in quo q syl labani componat cum voce præposita. in aqua duæ syl labæ sunt, a, quæ posterioris est q, non prioris. Deinde conferat ba in baculo, ca in caco, da per se, fa in Fabio, ga in gabinio, ka in kalendis, pa in patre, qua per se, ta in tabula: compararet inquam voces, non magno negotio cognosceret literarum sonum. Ex nouem tres recipiunt aspirationem, & crassius proferuntur, vt Charites, Phalaris, Thalamus, quæ vulgus ac si nō habeant aspirationem, tenuiter exprimit,

exprimit, ideoq; vim sonandi sentire nō potest. Turba va-  
 lent consonantes, sicuti cantores debili voce. Interfistunt  
 enim & quasi colluctantur aggregatæ, & si non dulcio-  
 rem sonitum, maiorem tamen cient. Experiri licet in his  
 verbis, abbrevio, abluo, abduco, abrado, absisto, abstraho,  
 Accius, accresco, aduersus, adduco, admoueo, affatur, ap-  
 paret, attritus: in quibus frequenter peccant, ii qui ado nō  
 addo, aluo non alluo, abas non abbas efferunt. Elementa  
 semiuocalia, id est *ἡμισφωνα*, L, M, N, R, S, X, Z, vt sunt mutis  
 sonantiora, ita paulo clarius in aurem cadunt. collocan-  
 tur autem nunc in fine verborum, vt animal, amabam, ti-  
 tan, dispar, facilitas, rapax. Nunc in principio, vt mane, na-  
 uis, ratus, satur, Xanthus, Zancle. Sæpe geminantur, vt fal-  
 lo, flamma, fanna, farratus. Sæpe cum sociis iunguntur, vt  
 calx, lanx, puls, hyems, Tiburs. Ex illis R quāuis asperum,  
 tamen validum & acre. M firmum, vt quod labris occlu-  
 sis exprimitur. L molle. N siccum & tinnies. S humidum.  
 X stridulum. Z suaue. Semiuocalia omnia præter M ma-  
 le frequentantur. Si referes hæc ad aurium iudicium, Ma-  
 uult loquaculus male loqui quàm silere, senties quod re-  
 spuatur sensus. & hæc, Nostra nauis plena tandē inanis ena-  
 rauit. & hæc, Rara arbor raros fert fructus. & hæc, Xerxes  
 Xanthum traiecit. Istud in aliis quoq; scdum est & iniu-  
 cundum, sed in vocalioribus grauius offendit. Hactenus  
 de literis, quarum differentiam cognoscere necesse est, si  
 de vocum omnium varietate sanè iudicare, & ad aurium  
 voluptatem accomodare dictionem velimus. omnes au-  
 tem velle debemus, ne sua spe fraudatus auditor, nostræ  
 fructū detrahat orationi. In synonymis natura præstat id

quod est sonantiùs. Nam quum verba sint notæ rerum quibus ad audientem nostras cogitationes perferimus, & pleniora iucundius vehementiusq; moueant sensum, illa si non semper vsu, natura tamen iure dicuntur esse meliora. Cicero in oratore, Simplex probatur in propriis vsitatq; verbis, quod aut optimè sonat, aut rem maximè explanat. Plenus est donat quàm dat, memora quàm dic, obruo quàm tego, habitare q̃ colere, informare quàm instituere, vociferantur quàm clamant, inflammatus quàm incensus, tempestas quàm tempus, gubernator quàm rector, formosus quàm pulcher, regnator Olympi quàm rex cæli, terra quàm humus. Sunt innumerabilia verba generis huius, tum maximè deligenda, quum orationi quaeritur amplitudo. Est exilibus & suus locus in re tenui, & gracili genere sermonis. Quid? Omnia quidem loco sunt utilia ac laudabilia, sonantiora tamen natura sunt præstantiora ac iucundiora.

## De verbis grandibus &amp; paruis. Cap. 10.



**C**RANDIA à sonantibus discrepāt. illa enim sunt quantitatis, hæc vero qualitatis. illa auribus solis accidunt, hæc & auribus & oculis. illa sono literarū, hæc interuallo numeroque constant. Horatius quum dicit,

- .. Proiecit ampullas, & sesquipedia verba,  
quantitatem magnitudinēque verborum grandium respicit. Est enim sesquipedale dimēisionis & mensuræ, quæ si non propriè ac mathematicè, tamen ex translatione sermonis

monis in verba cadit. Quantitas alia cōtinua, alia discreta atque numerata. In verbis continua quantitas est interuallum spaciumq; temporis, ac mōra qua brevis longāve syllaba. profertur: discreta verò numerus & multitudo syllabarum. Tempus autem quanquam aliquando numeratur, res est continua. Itaq; grandia sunt verba aut tēporum lōgitudine, aut partium multitudine: ac vt in corporibus, sic & in verbis magnum paruūque refertur ad aliquid. Nam quod magnum videtur paruo comparatum, idem paruū videbitur maximo collatum. Quapropter magnorum paruorumq; differentia sic accipi debet, vt intelligamus, ex duobus verbis illud esse maius, aut quod alterum temporum interuallo, non syllabarum numero superat, aut quod plures habet numero syllabas. Mater igitur verbum grandius est temporibus q̄ pater. priorem enim producit, triumq; temporum est. Quamobrem pater pronuntiatur expeditē, mater lentē, nō secus ac si maater scriberetur. quod quidem omnibus natura longis accidit. Eadem ratione maius est nāre quā märe, fātum quā sātum, prātum quā stātum, nōrās quā fōras, lōra quā mōra, vitis quā sitis, sēdes quā pēdes, mūrus quā nūrus, natūra quā satura, legērunt quā regērunt à gēro, delenīte quā desinīte, rūpturus q̄ fūturus. In alijs comparandis eadem analogia seruanda est. Quod si diphthongi longiores sunt quā simpliciter longæ, sine vlla dubitatione debent haberi grandiores: quod etiam de producta vocali quam sequuntur, duæ pluresve consonæ, dicendum est. Tum enim longis longiores sunt atque productiores. Maius est igitur fraus quā fas, claudes q̄ clades,



pœnam quàm ponam, Anchisæ quàm Anchise, ars quàm  
 as, ast quàm at, astra quàm ara. Ex iis quæ diximus, colli-  
 gere facile est idem & sonorum & grande esse posse, vt,  
 iactatus Albanus, morosa fortuna. Nec semper est magnū  
 temporibus, quod argutum est, ac voce plenum. Clarè so-  
 nant ab, ad, at, & paria: nec ea iure magna dixeris, vtpote  
 quæ singula singulis temporibus consent. Contrà, quæ-  
 dam sunt exilia, sed numero syllabarum grandia, vt inimi-  
 citiæ, vitilignes. Est in verbis quibusdā proceritas, ac mul-  
 ta literarum comprehensio, quæ tametsi interdum magni-  
 tudo, propriè tamē multitudo vocatur. Nam magnitudo  
 quantitas est cōtinua, multitudo separata. Multa sunt hæc  
 atque procera, celebritas, formatur, archipirata, balneato-  
 res, confirmauerunt, colloquebantur, innumerabilis, irre-  
 meabilis, amplificationes, cōduplicationes, deliberationi-  
 bus, interrogationibus. Hæc verborum longitudo sapius  
 orationi tarditatem atque languorem, aut vastitatem &  
 inurbanum sonum, quàm dignitatem auctoritatemq; gra-  
 uitatis affert. Grandia interuallo firmāt orationem. Gran-  
 dia proceritate aliquando firmant, aliquando grauiasunt,  
 sæpe reliquis imparia & inæqualia. Quamobrem viden-  
 dum quo loco vtare, quibus immisceas verbis, quibusque  
personis attribuas. Si temporum spacio longa erunt, quo-  
 dammodo torpescent, vt infirmabant, truncabātur, dicta-  
 tores, confirmauerunt. Eiusmodi verborum continuatio  
 fugienda. Si breuia, rapiuntur & euanescent, vt relegere, po-  
 tuerimus, voluerimus, cinericius, patefaciet, repetierimus,  
 recubuerimus. Si partim longa, partim breuia, multo mi-  
 nore periculo admittētur. Sunt enim grandium & paruo-  
 rum

rum tres species, alia grandia spatio temporum tantum,  
alia numero syllabarum, alia utroque. Parua quoque bre-  
uitate, ut legitur, fragilis: aut paucitate, ut res, est: aut breui-  
tate & paucitate, vir, sit, deus, grauis. Parua ferè extenuant  
 .. orationem, ut hanc, Sed quid tu es tristis? Egone? Nescis  
 .. quo in metu, & quanto in periculo sim. Quid istuc est?  
 .. Scies. In me omnis spes est mihi. Satin sic est? Non. quid si  
 .. sic? propemodum. quid si sic? fat est. hem, istuc serua. Hæc  
 ex Phormione Terentiano. In verbis, ut in aliis rebus, ser-  
 uandus est modus, ne multa continuentur aut grandiora,  
 aut minutiora. Cæterum parua in sermone tenui, grandia  
 in oratione grandi frequentius collocanda.

De verbis volubilibus, & tardis.

Cap. II.



**T**ARDITAS in verbis treis habet causas. aut  
 enim productione, aut proceritate, aut hianti  
 compositione generatur. Productio est lon-  
 gi temporis, proceritas polysyllaborum, com-  
 positio iuncturæ partium. Spondeum tardum vocamus,  
 qui est ex longis duabus, ut moles, aræ, tauri, duræ, felix.  
 Item molossum, qui est ex tribus longis, ut primates, con-  
 firmant, maturant. Item dispondeum, qui spondeis duo-  
 bus constat, ut Regnatores, contabescunt. Pyrrhichiū, tro-  
 chæum, proceleumaticum, citos ac celeres esse dicimus.  
 Tardam quoque dicimus orationem, quæ longis omni-  
 bus aut certè permultis firmatur: ut illā Crassi, Cur clan-  
 .. destinis consiliis nos oppugnant? & illā Virgilii,  
 .. — Hos tota armenta sequuntur.

- „ A tergo, & longum per valles pascitur agmen.
- „ Durate, & vosmet rebus seruate secundis.
- „ Triginta magnos voluendis mensibus orbes
- „ Imperio explebit— Ex contrario volubiliter fluit  
oratio, quæ breuitate partium leuis est.
- „ Constitit hic, arcumque manu, celerésque sagittas
- „ Corripuit, fidus quæ tela gerebat Achates.
- „ Panditur interea domus omnipotentis olympi.

Currit oratio celeritate pedum, lentè & sensim mouetur eorundem tarditate. vnde planum fit, esse in tempore syllabarum aut volubilitatem, aut tarditatem. Tarda quidem sunt verba procera ac polysyllaba, nisi quum tota aut penè tota corripuntur: sed tum (quod antè dixi) rapi videntur & euanescere. Sed & in correptis quædam tarditas est, vt in colubro fugiente longitudo corporis. Quòd vno spiritu proferuntur, vnoq; conatu, celeriter admodum feruntur, citiusq; multo quàm diuisa currunt. Expeditius pronunciaueris hoc verbi voluerimus, quàm opera mea, propterea quòd hic sunt duo conatus, & totidem accentus, sed in simplici atque integro plus elaborat animia, & spiritus in longum protractus tametsi minus substitit, plus tamen substitisse audienti putatur: vt labor diuisus minor est, integer autem maior. Hinc fit vt eiusmodi voces aptius in clausula ponantur, quàm totidem pares syllabæ in pluribus. Minus enim subsultant, vt qui iunctis manibus firmât gradû. Aptior est hæc oratio, Qualis quisque futurus sit, patefaciet initium quàm hæc ex totidem breuibus, Qui fert omnia patienter, leue gerit onus humeris. Hoc quî sit? Quieta minus est secunda. Tardiora sunt polysyllaba pro-  
ducta,

ducta: & quantum accedit ad tempus syllabarum, tantum accrescit tarditati. His duplex innectitur mora: vna à productione, altera à proceritate quæ spiritum continuat infractum, de quo proponamus exempla.

- .. Cornua velatarum obuertimus antemnarum.
  - .. Immittebantur illi cōtinuò Cybiratici canes, qui inuestigabant & perscrutabantur omnia. Quid? inquires: inter ea quæ separata sunt, aliquid est medii téporis, quod in simplicibus non est: vt quū dicimus, Seruari debent, vno pronuntiato paululum interspiramus, antequam proferamus alterū. Illud igitur inuestigabant, q̄, seruari deberēt, paulo celerius est & volubilius. Sic quidem res est in temporum mora, sed quia in vno verbo accētus est vnus, in pluribus plures, mobilia minusq; tranquilla videntur esse plura, vnica cōtrā pigriora, vtpote quæ lōgè trahūtur sine modulandi varietate. Ad hæc grandia sunt, & mole sua laborant: quamobrem in versibus hæc, quum res graues ponderātur, aut languor exprimitur, lubenter vsurpāt poëtæ,
  - .. Chæra deūm soboles, magnum Iouis incrementum.
  - .. Constitit, atque oculis Phrygia agmina circumspectit.
- Versus est hic Horatianus,
- .. Diuisit medium fortissima Tyndaridarum.
- immuta paulum, vt sit,
- .. Diuisit medium fortissima Tyndaris aurum.
- sensitne vtrum istorum sit vastius ac immobilius? hanc certè reperiēs causam: cur tantam verborum proceritatē fugiant poëtæ. Tertium genus est ex hūilca & aspera co- agmentatione, non ea quæ in duobus est verbis, sed quæ inter syllabas vnus inuenitur, quū vocaliū concursio est,

aut certè consonantiū asperitas & multitudo. Tum enim spiritus interfistit in conatu, ac veluti quibusdam salebris interclusus eluctando immoratur impetū, & antè nōnulum tempus absūmit, q̄ de syllaba in syllabā feratur. propterea frequenter accidit vt vocales loco priores necessariò producātur: vt in his, Machaon, Aonius, Amphiaras, Menelaus, Laomedon, Melibœus, dici: diphthongus, cōstantia, direxti, arctauit, abstrusus, inextricabilis. Cōfer aras & arctas, noras & nostras, verū & vestrum, attulit & abstulit, motum & monstrū, bacillum & paxillum, elusit & exclusit: Confer inquam atq; perpède, vt iudices alterum altero quanto volubilius & expeditius, eò quòd pronuncianti nullo sunt impedimento multæ consonantes. Ergo spacium & interuallum temporis, & syllabarum moles, & earum aspera concursio, retardat pronunciationem. Contrà correptæ vocales, & verba temperatæ dimensionis, & pressa coagmentatio, volubile genus & quodammodo rotundū faciunt. Aliud aliis locis est vtile, vt postea dicetur. Quæ sunt vnus aut alterius syllabæ, si continuantur, subsiliunt, nec satis volubiliter more fluminis alueo prono decurrētis feruntur. In illis igitur potius est leuitatis inconstantia, quàm volubilitas æquabilis. Non ignoro tardum & volubile eorum esse quæ referuntur ad aliud. hoc modo & cōparatè dici, syllaba producta quàm correpta tardior est: verbum proceri corporis lentius est quàm brevis: vox cui hiant iuncturæ partium, pigrior est ea quæ molliter & facilè cohæret. sed nihil vetat quo minus hic vtamur apertiori genere dicendi, & rhetorū more de re disputemus.

De verbis

De verbis lenibus &amp; asperis. Cap. 22.



X verbis alia sunt lenia, & quasi suauia, alia dura & aspera. Hæc tristia sunt, illa verò iucunda. Ex illis suaue dicendi genus; ex his horridum ac seuerum conficitur. Vocales omnes suapte natura molles sunt & suauæ. Non enim horridè sonant, nisi quum iunguntur asperis consonantibus; aut facta concursione exasperantur. Id quoniam ad aurium iudicium refertur, interroga tuas aures, sint'ne suauia quæ proponemus, massa, sæpes, isis, homo, sumus. Si in his vniuersis vocalis est omnis, nec vlla non dulcis, facile est credo iudicare, si quæ est asperæ vocis, non è vocali, sed aliunde concitari. Aliter hoc scire potes experiundo quid vnaquæque sola puraque sonet in his verbis, amor, emit, idem, onus, vrens. Horum primæ syllabæ constât litteris singulis nihil insuaue & iniucundum sonantibus: quæ res ostendit quid de vocalium sono pronunciare debeamus. Nec in omni concursione vocales sunt asperæ & hiulcæ, etiam si aliis & aliis partibus oris exprimuntur. Signum est, quod præterieram docti, quàm præteriueram dicere maluerunt. Sæpe molliter amicæque concurrunt, vt meus, mei, meo, mea. Durius & agrestius est meæ, quo Virgilius vtitur in versu Bucolico.

.. Mille meæ Siculis errant in montibus agnæ. suos suo suæ sua, prona sunt. manui metui luctui, non nihil offendunt aurem, vt suprâ demonstraui. Item pius pia pio piæ, non sunt absona, at pii subrusticanum est, nisi fiat quasi synæresis. propterea dii & ii *μυροσυμβας* proferimus, & isdem Ennius pro iisdem probauit. E & I sibi malè

*hic apud  
infecti p.  
nec carbo  
in pi, or fo  
malus, u  
no me*



insidunt, cæterum E & I & V vocalibus antepositæ non admodum asperè dissonant. Dura sunt aa, ae, ai, ao. Argumento sunt κρίαι, κρίαι, κρίαι, κρίαις, quæ Græci propter absurdum hiatum contrahere & aptare synæresi solent, hoc modo, κρία, & iota subscripto, κρία, κρίας. Iniucunda quoque sunt οα, οι, οι, οοι, ού. quamobrem Attici βοῶ pro βοῶ, χυσοῦτον pro χυσοῖτον, χυσοῖμε pro χυσοῖμε, χυσοῖμεν pro χυσοῖμεν, λιτοῦς, λιτοῖ, λιτω, pro casibus λιτόος λιτόοι, λιτόα contrahunt, & δημωδίνης & δημωδίνης in δημωδίνης, & ὅελι in ὅελι, ὅελις & ὅελις in ὅελις. Aaron igitur, Phaëthon, aulaī trisyllabū. Machaon, Oaxes, Amphiarāus, Pholoë, Oileus, Laocoō, coūs, Neēra, & similia rictum diducunt, & inurbanum quiddam subolent. Dicet aliquis, at Græci contrahunt ιι, & ιι, & ιι, quæ mollia dicis esse. Quid tum? Omnis concursio vocalium efficit hiatum, sed non eodem modo. Parum dura habeo pro mollibus. Senserunt hanc asperitatem veteres Latini, & in multis contractione sunt vsi, cuiusmodi sunt hæc, huic, cui, dii, diis, dein, proin, decst, semianimis,prehendere, peculi. Ex quibus priora septem monosyllaba, tetrasyllabum octauum, trisyllabum nonum, ac decimum. Quod autem nec concisa omnia decerent, nec hanc ubique feruare religionem possent, admisere quædam more Græcorum, maximè poetarum, quibus amica difficultas, & sonora magnitudo. Et hic certè negligentia quædam diligens non erit ingrata. Habet, inquit Cicero, ille tanquam

471. " hiatu è concursu vocalium molle quiddam, & quod in-

" dicet non ingratam negligentiam de re hominis magis

" quàm de verbis laborātis. Quod de compositione dictum quidem, sed & huc accommodari potest. Vastè sonare iam diximus

diximus diei, speciei, materici, & quæ tot vocalium diuiso concursu laborât, vt cieo, vicio, coëo. hinc redeo factum, ne reeo diceretur. fio fiebam, doceo, doceam, videam, videantur, & alia quædam iam mollita sunt vsu. Omnino in hac re Latini quàm Græci, etsi Græcis dedit ore rotundo Musa loqui, multo minus frequentes & intemperati. Duplicatio consonantium in finitimis syllabis ferè subaspera est, atq; insuauis, vt barbara, bibebat, cucullus, Cacus, Dordona, dediderat, fursur, fefellit, Gargara, gurgēs, ieiunium, lallare, vlulat, Nanetes, Niniuitæ, papilla, quinquaginta, rara, turtur, intertexta, Xerxes. M & S vt minus duras excipere licet, māmā, memor, memoria, mimus, Mamurius, sesamum, susurro, Sisyphus, zizania. S literæ sibilum odere græci, nec eam repetiuerūt in præteritis, & ἰσμε pro ἰσμεν dixerunt. Quæ litera prima est in rapaci, omnes citra cōtrouersiam asperitate & tristitia vincit, vt, Frugifera & ferta arua Afias tenet. De quo versiculo Cicero, Proximus inquinatus insuauissima litera infinitus. In principio verbi & in fine sonat acerbius, in medio paulo dulcius, vt rapax, amor, vrit. Geminata vero caninū stridet, vt horreo, farra, Pyrrhus: quod molliūt aspiratione græci ῥύπος, δαΐζω. Iratis, & ex stomacho ringentibus, aut bellicum canētibz, mirum in modum congrua est. Et in suauī genere non displicet modicè & temperatè collocata, vt, Ex eius ore melle dulcior fluebat oratio. In versu ideo sæpe statuenda, quòd modulationi carminis addit robur, vt,

—Facilis descensus Auerni,

Sed reuocare gradum, superasq; euadere ad oras,

Hoc opus, hic labor est.—

Iungitur cum multis in eadem syllaba, vt brachium, crastinus, dromo, fragor, graius, Praxiteles, tragula. Præmittitur eisdem in diuersa, arbor, arcus, ardor, perfectus, arguo, arpinas, artus. Præponitur & semiuocalibus, vt perlustro, arma, carnis, torret, arsurus, ars, Ariobarzanes. In his omnibus asperior est quàm cum solis vocalibus. Nam quantùm consonantes augentur, tantum crescit asperitas: quod de cæteris quoque dictum puta, vt carbasus, stratum, Thrax, mors, fors, stirps, vltrix, dextrorsum, sinistrorsum. X quoq; durum, & auribus ingratum esse demonstrant hæc audita verba, pax, fax, rex, lex, mox, faxit, luxit, fluxus, anxius, coxendices, fraxinus, appendix. Reliquæ per se in principio & in medio non offendunt audientem, vt videns, cælum, dies, fama, gubernat, Iupiter, lima, minus, nolo, paulus, quatuor, fanus, talus, vinū, zea. Suauissimæ sunt L, M, P, S, Z, & V consonans. Indicant hæc voces, fuit, lauo, niutuū, patiens, sino, Zacyñthus, validus. Iam quæ cū quibus asperè audiantur, ostendit ratio iungendi. Veteres enim dixerē comburo, committo, compono, imbuo: non conbu-ro, conmitto, conpono, inbuo: propterea quòd N ante literas quæ labris exprimuntur, absona esset. M contrà perquam suavis, vt ambulo, ambio, compositus, cōplicatus, commercium, imber. Colligo pro conlego, colluceo pro conluceo, corrado pro contrado, cooperio pro conoperio dixerūt, quòd alioqui soni discordes esse viderentur. Dixerunt item aufer non abfer, accedo non adcedo, affer non adfer, alluo non adluo, annuo non adnuo, appono non adpono, acquiro non adquiro, assigno non adsigno, ascribo non adscribo, attulit nō adtulit, & propè infinita generis

generis eiusdē. Sunt tamen Panes Arcadici, & Midæ subauriti, qui tam variè literam vnā mutare nolunt. adfero dicunt, & adpono, & adsigno, & adscribo: & temere durtiam affectant, propterea quòd tale quiddam reperiunt apud veterrimos. Inlino visum est agreste, dictūque illino, & eodem modo illepidus, ignotus, ignauus, irriguus, irritus: amouit non abmouit, abegit non absegit, abstulit non abtulit, erigit non exrigit, abcessit non abcessit, eluo non exluo, tranat non transnat, traducit non transducit, transfert non trasfert, dirumpit non disrumpit. Item differo non disfero, disiungo non diiungo, dispono non dipono, diduco non disduco, diripio non disripio. Cōtemplator hanc mutationum varietatem, vt quæ quibus consentanea aut dissentanea sint, ex antiquorum iudicio verè pronūciare possis. N ante C, D, Q, S, T, non insuauiter auditur, vt ancilla concilium, tundo cōdo, anquiro nūquis, mons insons, sunt amāt. In fine tinnit, vt nomen, titā, delphin, solon. Et latini multa per o definiunt quæ græci per ω, vt Plato, leo, draco. Nec molliter sibi adiicitur, cāna, fanna. C, P, T, quia tenues sunt, & quodāmodo sicca, interdum recipiunt aspirationem, vt pulcher, simulachrum, triumphus, trophæum, thus, Cethegus: quod qui non intelligunt, triumphum dicunt, & tropæum. C ante L classicum sonat, vt clangor, claudio, clades. Nec magnam habet affinitatē cū siccis literis, vt N & R, ideoq; Gneum pro Cneo, amurgā pro amurca, & ad eam similitudinem Gaium pro Caio dicimus. Nā sicca non aliter aures quā dentes obstupefaciunt. Aures autem de lenibus & asperis iudicant, nec asperitatibus corradi, nec suauissima molli-

tie delenitæ quasi languere & dormire volunt. Illis de sono verborum iudicium relinquamus.

De verbis integris, & corruptis. Cap. 23.



**M**ODERANTVR aures & integris, & concisis. Integra dico, quibus nihil est neque detractum, neque additum, neque mutatum. Nam perinde loqui possumus de verbis, atque de corporibus humanis, quæ si quid detrahas, ut vnum de quinque digitis: aut addas, ut gibbum dorso: aut mutes, ut pedem in transuorsum: integra manere non videntur. Integris semper utendum, nisi aliud suadent aures, & usus. Erit enim barbarissimus, nisi sensus excuset, & doctorum consuetudo. Barbarissimum fieri quatuor modis vel grammatici docent, additione, detractio, immutatione, transmutatione. Duas posteriores formas mutandi nomine comprehendo, quoniam aut est mutatio loci, aut certe literæ vel syllabæ. In hoc genere liberius agunt poetæ. Addunt, ut, Induperator, alituum. Detrahunt, ut, Cum genere extinxem, Accestis scopulos, Repostum, direxti, peculi. Mutant, ut olli, vpilio. Transmutant, ut quum Tarsumenū dicunt pro Trasumeno. Tempus adiiciunt, ut,

• Mortem contemnunt laudato vulnere Getæ.

Tempus auferunt, ut,

• Totumque instructo Marte videres Feruere Leucatem.  
Admittunt synæresin, ut,

• Orphæ Calliopea, Lino formosus Apollo.

• Seu lento fuerint aluearia vimine texta.

Iam contrariam recipiunt diæresin, vt quum dixit Horatius sylūz per tres syllabas. Oratoribus vsus istorū multo parciore est, propterea quod numeris solutioribus vtūtur, & ad communem loquendi morem propius accedūt. Non vbique tamen integra & incorrupta probant. Dicūt enim nosse, iudicasse, audisset, ligurierat, & similia. Hosce, huiusce, suapte, & pluraliter deūm, liberūm, fabrūm, procūm, nūmūm, sestertiūm, talentūm, quingentūm, duumuirūm, triumuirūm, scripsere, dixere, nequeo, vincla, secla, soldum, caldum, sis pro si vis, & apagesis, pro apage si vis, & id genus pauca. Hic præceptum non habeo, autoritate nitor. Cur enim potius liberūm dicunt quum filios filiāsque significant, quàm quum libertate præditos? cur fabrūm non librūm? cur talentūm non vestimētūm? caldam non valdam? valdè non caldè? vincla non tabernacula? soldum non stoldum? sæcla non sicla pro siculis? Hæc ad vsū credo, non ad rationem præceptūque referuntur. Ergo receptis vtete, noua & inusitata ne temerè vsurpa: vbi licebit vtrunque, integrum & corruptum, refer ad aurium iudicium, & aptius tum numero tum sono delige. Hactenus de verborum simplicium varietate. Transeamus ad collocata. Sed est qui me reuocet, Heus tu, nihil agis de verbis elegātibus & inelegātibus, de venustis & inuenustis, de pulchris & foedis, de iucundis & tristibus, de bonis & malis, de poëticiis & oratoriis, de lectis & inelectis, de triuialibus & absurdis, de natiuis & factis, de indiuiduis & iūctis, de dilucidis & obscuris? Bene mones. Hæc penè præterieram. Elegātia, venusta, pulchra, iucūda, bona, lecta, nomine magis q̃ re differunt. Ea sunt quæ vel significatione



vel sono demulcent animum, vti grauia, sublimia, dulcia,  
sonantia, commodè assumpta, & quæ maximè propriè di-  
cuntur. In barbaris, aut inulitatis, aut rusticanis triuialia &  
absurda numerantur. Natiuum, factum, indiuiduum, iun-  
ctum, dilucidum, obscurum, commune est omnium ver-  
borum. Nullum enim genus est in quo non sint alia nata  
penè cum rebus ipsis, alia postea facta: alia simplicia, alia  
composita: alia dilucida, alia obscura. Poëtica eadem sunt  
quæ & oratoria, nisi quòd factis, & translatis, & tropis li-  
berius vtuntur poëtæ. Assumunt & ea quæ patronymica  
vocantur, oratoribus inimica, & vagis epithetis carmen  
explent, quæ ( nisi quis liberè vagatur ) orator vt in epidi-  
ctico genere non admittit.

## LIBER SECVNDVS.

## PRAEFATIO.



**P**OSTEA quàm verborum quibus omnis extruitur oratio, naturas atque differentias explicauimus, superest vt qua arte in oratione collocari debeant, & quæ quibus dicendi generibus sint aptiora, breuiter exponamus. In exædificatione autem plus est artis & exercitationis, quàm in apparatu quasi materiæ, atque partium delectu: quemadmodum maioris est ingenii ac longioris vsus aptè construere domum, quàm rudia saxa, & arborum molem indigestam comportare in vnum: & minus operosum particulas auri & quasi ramenta colligere, quàm aurum lectum solidare, & expolire solidatum. Sed, vt antè diximus, difficultati non erit impar gloria, si nō apud istos linguæ latinæ carnifices, qui tamen si neque res neq; verba tenēt, non de verbis tamen, sed de rebus laborare se gloriantur, saltem apud æquos bonosq; rerum æstimatores, qui malunt vtrunq; studium & intelligendi & eloquendi, quàm vel alterum, vel neutrū. Sentire præclarè, laudabile est. eloqui compositè, pulchrum. vtrunq; coniungere, longè pulcherrimum. Sed (vt antè diximus) ab hac gloriæ præstantia sum mouemur aut ingenii sterilitate, aut inertī desidia, aut inopia magistrorum, aut opinionum prauitate. Nemo nisi fœlici natura præditus, cōsentanea inter se cōponet, & rebus aptabit genera dicēdi. Est enim venæ ditioris, verborum copiam ferre: & iudicii naturalis vnà cū arte iudicare quæ quibus optimè cohæ-

reant. Nec est quòd mirari debeamus si plerique studio-  
 si componendi, frustra laborarunt, quippe qui animi ce-  
 leri motu, & naturæ muneribus essent destituti. Non de-  
 fuit ingenium multis, sed quod natura contulerat, inertia  
 atque torpore demerferunt. Viderunt stylum diligentem  
 esse magni laboris, quem perferre nequit ignavia. His igi-  
 tur odium literarum, illis falsa de se fuit opinio. Nec vis  
 illa natiua, atque literarum studium profuit, vt multis iam  
 diximus initio libri superioris. Non erat qui agrum fer-  
 tilem, & cultus appetètem excoleret, præceptionumque  
 seminibus ornare sciret: aut certè si quis erat, artem animi  
 colendi nesciebat. Hos ego nihil accuso, miseros, quibus  
 non voluntas, sed fortuna defuit. Accusandi sunt nimium  
 remissi, quique naturæ bona prauis opinionibus corru-  
 perunt. Ex quibus honoris & quæstus auidi, ad earum ar-  
 tium fastigia prouolant, quarum quæstuosa est negocia-  
 tio: scribendi artem & cæteras omnes elato supercilio fa-  
 stidiunt: quasi verò cacumina sine radicibus stirpibus-  
 que stare possint. Quid opus est, inquiunt, elegantia ver-  
 borum? ad quid ille sermo tam cultus? cur verba seligi-  
 mus? cur in coagmentatione syllabarum, & in dimetien-  
 dis breuib; & longis consenescimus? Quid mendica-  
 mus in re tenui? Verba negligamus, & quadratâ oratio-  
 nem: scientiam rerum magnarum comparemus. Demus  
 operam Reipub. necessarios adiutemus, & amicos. Hæc  
 & alia stultè, & arroganter. Quoniam ex barbarie tua, &  
 impura colluione verborum, quandam pecuniam con-  
 ficias, bonas artes paruo contentas insolens aspernaris. Nō  
 tenes neque scientiam morum, neque naturæ partes, &  
 earum

earum causas, neque rationem differendi, neque ullam philosophiæ particulam, neque eloquentiam, neque prima rudimenta literarum, neque ullam omnino disciplinam. Nosti fortè, nec probè hosti, treis aut quatuor legum titulos, aut quædam principia medicinæ, aut aliquot quæstiones diuinæ scientiæ, & falsa ductus opinione, de cognitione rerum gloriaris. Omnia (quanquam pro nihilo tua sunt omnia) refers ad vanæ gloriæ ventos, & ad fortunæ ludibria. Quùmque discantur artes ad animi cultum, nullum iudicas esse fructum earum, nisi qui ambitiosè & auarè percipitur. Quid si corarius ceras te ditior est? quid si Reipublicæ utilior? quid si populo conspicuus magis? Fallis, decipis, eludis, circumuolitas, corradis vndique rem: quantum potes, tantum in vsus tuos conuertis: totum diem inhias prædæ, & re sæpe, animo semper, inops es, ac mendiculus. Quod facis, mille viri in singulis ciuitatibus idem facere possunt, aut certè faciunt. Ambis primos honores in conuiuio, in theatro, in sermone, in consilio, in templo, in omni loco: sed quoniam rudis es & ineptus, te docti execrantur, te prudentes in stultis numerant, te primores grauiter ferunt, nisi qui sunt tui persimiles. Te plebecula vellicat absentem, præsentem simulatos exhibet honores. Quid affers boni ciuitati? quid honoris imperio? quid non potius dedecoris? Nonne fœdissimum est videre ingentem multitudinem eorum, qui nomine literarum primi volunt haberi, quum literatorum modò vestitum, literas habeant nullas? Non omnium turpissimum, vitam dedicasse liberalibus studiis, postea ab illis

desciuisse ad auaritiā, & inanes ordinum titulos, artes  
 omnes improbasse: corpori quā animo bene esse ma-  
 luisse? Quin deponis habitum? Quin te profiteris inimi-  
 cum artium optimarum? Quin delinis maledictis insecta-  
 ri literatos, ac eos qui te meliores sunt, & ciuibus suis nec  
 tam indecores, nec tam perfugæ? Pares cum paribus faci-  
 lè congregantur, miles cum milite, dux cum duce, sena-  
 tor cum senatore, iudex cum iudice: tu cum imparibus,  
 id est cum indoctissimis esse mauis, & omnibus doctis in-  
 ferre nefarium bellum. Erro. Pares tibi sunt indoctissi-  
 mi quique, ineptiarum amantissimi, disciplinæ cultioris  
 osiores acerrimi. Sed bene res habet. Rides eruditos, te ri-  
 dent eruditi. Contemnis illorum præclara studia, conte-  
 mnunt ignorātiā & sermonem tuum barbarum ac pu-  
 tidum. Deprimis eos, habent te infra mortales omneis, &  
 proditorem scientiarum atque desertorem esse iudicant.  
 Quos despicias, suscipiunt exteræ gentes. quos vituperas,  
 sapientes laudibus in cælum ferunt. Quos abolere conten-  
 dis, nomine & gloria perpetuū uiuent. Quos abiectos  
 esse vis ut ignobiles atque plebeios, in ore populi versan-  
 tur. Tu lates in tenebris, semper inglorius futurus, nisi tua  
 te scelera fecerint insignem. Desine desine tandem lace-  
 rare communem multarum gentium linguam, tibi que ni-  
 mium placere. Quanti sit oratio composita, antea demō-  
 strauimus, ut calumnias improborum amoliremur. Quòd  
 esset pulcherrima, & homine libero dignissima, ac Reipu-  
 perutilis, in summis ciuitatibus fuit in summo loco supra  
 duo annorum millia: quumq; semper inimicos haberet, &  
 rabulas *περὶ γυατῆς*, & contentiosos sophistas, & *ῥητορὰς*,  
 & homines

& homines ingenii mortui, qui sapere se credunt, si quantum vulgus indoctum, tantum post studia longa sapiunt: quum istos inquam & alios haberet inimicos, nunquam cessit inuidiæ, nunquam conticuit in celebri conuentu, nunquam cessauit obire legationes, interpretari iura gentium, res gestas mandare memoriæ, res viuorum mortuorumque testificari, refutare improbos, confirmare probos, optimi cuiusque rationes & inuenta explicare, alios defendere, alios commendare, alios solari, doctissimorum labores immortalitati dare, artes omneis ad posteriorum monumenta complecti. Dum artes ingenuæ floreant, oratio flexanima, ac regina præstantissima, longè latèque regnabit, ac inter virtutes maximas excellet. Breui sepelientur eius inimici. Illa semper magno cum honore circumferetur, passim legetur, vulgò instituet animos amatorum suorum, & suo splendore excæcabit oculos barbaræ dictationis. Si cui paupertatis videtur esse comes, is nihil sapit. Non metuit pauperiem, qui ex arte dicendi nomen amplissimum sibi comparauit. Cui fama bona est, mihi fanè diues est. Cui tantum fortunæ diuitiæ, pauper. Qui dicit eleganter & compositè, ratione & sermone fruitur ut summus vir. Qui inemendatè fœdèque balbutit, semper est infans, tantumque ab humanitate distat, quantum à puro sermone (qui proprius est hominis) recedit. Quæ quum ita sint, operam demus orationi, sine qua neque studia nostra proferre, neque cogitationes mandare scriptis possumus.

Oratio alia soluta, alia vineta.

Cap. I.





**O**MNIS oratio vel est soluta, vel colligata. Solutam dicimus,, quæ numerorum vinculis & compositione verborum caret. Qui fundit eam, non elaborat vt omnia verba inter se consonent, atque sine hiante iunctura copulentur: non obseruat quos ordine statuat pedes, & quomodo clausulam finemque deponat. Curam adhibet vt latina sit,& emendata. Quantum verò modulatione delectet aures, quantum mulceat animos, aut quia nescit hanc artem, aut quia non semper adhibendam putat, non animaduertit. Hoc genere sermonis vtuntur omnes qui componendi leges, & eloquendi præcepta nesciunt, vt plerique musici, arithmetici, geometræ, astrologi, quique nihil aliud sunt quàm grammatici, qui morales, qui phisicas artes atque dialecticas aut scriptitant, aut interpretantur. Quibus adde multos magnarum artium professores, quibus est vna cura rem suam cognoscere, terminis ( vt aiunt ) suis vt, conceptus animi sermone inornato & incondito comprehendere. Ornamenta dicendi, & flores orationis ( vt dictitant ) aspernantur: vt veritas habet, ignorant. Adhiberent, si possent, ii qui subinde ponunt vnum aut alterum nescio quod ornamentum, si quod fortè audiendo legendove ceperūt: vt pauper ille qui quum vellet haberi lautus, argenteum vas, nec ipsum satis elegans, apponebat ad omnes vsus, & erat pro lauto ridiculus. Quòd nesciant ornatè dicere, ego quidem istuc venia dignum censeo. Non omnia possumus omnes, inquit poëta. Et maximas artes versantibus, concedendum videtur, vt suo quodam genere loquēdi potius vtantur, quàm vt rerum

vt rerum cursu depōsita, verborum sectentur ornatū, neutrum tandem perficiant. Quōd eloquentiam maledictis persequantur, inhumanum & flagitiosum & intolerādum esse iudico. Diuinam sapientiam tollunt, quæ nonnunquā in hominis ore luceſcit. Non agā tam grauiter. Plato philosophorum omniū princeps, in omnibus suis libris vsus est eloquētiæ viribus: vsus est Aristoteles, quem vti deum venerantur isti contēptores eloquētiæ. Ab ea Theophrastus nomen inuenit. Nam quū Tyrtamus antè nominaretur, Aristoteles præceptor eius à diuinitate dictionis Theophrastū authore Diogene Laertio cognominauit. Ab eadē Chrysostomus nomen accepit, cuius est summa vis in explicando & exhortādo. Lactātius theologus ab ornatu dictus est Cicero Christianus. Galenus copiosē & cōpositē tractauit artē medēdi, Iulius Firmicus astrologiam, Columella rem rusticā. Iurisconsulti Pandectas nomine eloquētiæ laudant, q̄ verē, non dicā hoc loco. In illis sermo proprius est ac latinus, nec omnino solutus. Magnā vim hominū disertorū in omni disciplina numerare possum, quos habēt magistros isti vituperatores orationis, quos vehemēter admiratur, quos pares cælestibus animis existimāt. Quæ ratio flexit corū mētes, vt exturbare conētur quod summi quiq; viri nō modò probarint, sed magna volūtate sint amplexi? vt vitio dēt illud quo optimi scriptores etiā nū maximè laudātur? vt barbarū q̄ latinū, vt horridū quā cultū, vt dissipatū q̄ compositū, vt foedū q̄ honestū genus orationis sequi malint? Ambitio & dominandi cupiditas alios ducit in errorē, alios intestinæ simultates, alios auaritia, alios inanes tituli doctrinæ, omnes veritatis ignorātia.

Nulla est ars nullaque disciplina tam spinosa, tam horrida & inculta, cui non possit adhiberi decor, cuique non aliquando sit additus nitor & cultus orationis. Hac tempestate reperiās in singulis artibus eruditos, qui non modò purè & latinè, sed etiam ornatè & compositè dicant. At hæc rara avis est. Maior pars eorum quos antè numeravi, solutè loquitur & dissipatè, nisi siquādo fortuitò imprudentibus aliquid numerosè cadit. Idem omnibus frequenter accidere videmus. Nec multis verbis agendum est de scriptoribus qui barbarismis scatent atque solæcismis. Non enim inter eruditos, sed inter *Barbaros* habentur. Qui incorruptè tantummodo & emendatè loquuntur, & imagine quadam elocutionis oratorix fallunt imperitos, dicimus eos vti sermone dissipato. Ne compositos esse iudicato, quòd de loco in locum verba mutant (id faciunt & pueri infantes, & indoctissimi quique) sed quòd neque aptè verba connectere, neque pedes observare, neque modulari comprehensionem sciunt, incompositos esse dicito. Proponamus orationem dialectici cuiusdam, ut sibi videtur, admodum compositi, atque purè loquentis. Vox est, inquit, ut a nonnullis definitur philosophis, ex ictu aëris elicitā qualitas auribus accidens. A recentioribus autem, & iis quidem qui superioribus aliquot annis circa hanc artem versati sunt, magis conveniēter accomodateq; ad hunc locū hoc pacto definitur, Vox est sonus qui ab ore animalis proficiscitur, certis quibusdā naturæ instrumētis formatus. Dicet aliquis è rudibus, Quid est hic vitii? Quid? In dactylos duos, non aliter atque in Asclepiadeis carminibus, prima cadit oratio. Duæ posterores

riores spondeis longisq; syllabis in fine torpescunt. Rhythmicis vtrunque vitiosum. verba verbis non coherent, vt hæc, à nonnullis definitur philosophis. & hæc, circa hanc artem versati. & hæc, accommodatæque ad hunc locum. & hæc, quibusdam naturæ instrumentis formatus. Ad hæc nullus est motus volubilis, nullusque cursus orationis ex ea pedum collocatone quam desiderant ambitus, atque numerosæ conclusiones. De cæteris eodem modo iudicandum. Immutemus paulum, si placet, & minus affectatè loquamur, vt intelligant imperiti hic non esse querendam verborum traiectionem, nisi quò suauius atque modulatiùs audiantur. Vox (vti definitur à quibusdam philosophis) qualitas est aëris ictu nata, quam percipiant aures. A recentioribus autem, qui paucis his annis in hac arte versati sunt, explicatur alia definitione, quæ videtur esse loco præsentī magis accommodata. Vox est sonus qui naturæ formatus instrumētis, ex animalis ore procedit. Quid agis bone vir? in tu philosophorum sermonem magnis rebus occupatum, compositionibus ac numeris alligare? Minimè verò. Ostendo quæ sit oratio soluta, quique minimo negotio vinciat, vt sit & captu facilior, & suauitate iucundior. Verba misces, atq; naturæ vertis ordinem, vt agas oratorem. Quid ita quæso, si philosophi repudiant ornatum? Vtere sermone cottidiano pro libidine tua: quam subitò dicere purè & ornate, pulcherrimum est. Libros si non optimè, saltem mediocriter exorna, non modò vt ne repudientur ab optimo quoque, sed etiam ne des infantissimis hanc ineptè scribendi licentiam. Si in philosophia scribenda Ciceronem non dico orantem sed phi-

Iosophantē imitari nō potes, imitare Corneliū Celsū,  
 aut Senecā, aut Plinium, aut Lactātiū, aut Hermolaū,  
 aut aliū qui sit vsus oratione emēdata, & aliquo quasi vin-  
 culo deuincta. Quod si ne id quidē potes, satius esse puto  
 quiescere, q̄ ad ignominiā & æternū dedecus tantopere la-  
 borare. Ego, certē qui nihil possum, cōquieuissem, nisi tam  
 multos ineptissimē scriptitare vidissem. Illorū sit infamia,  
 qui fecerūt vt cū multis aliquid auderē. Sed redeamus ad  
 rem. Soluti sunt omnes qui cōponēdi vias ignorāt. Quod  
 si feruntur aliquādo præclarē, casu sit illud, & ingenii viri-  
 bus. Quid tum acciderit, nesciūt, & ipsi de se iudicare non  
 possunt. Ab vna aut altera numerosa cōprehensione si de  
 toto genere sentētiā feres, errabis, vt ii qui à parte totum  
 colligere conātur. Soluti sunt & ii qui negligūt vltro cō-  
 positionē, quā si velint seruare, commodē possint. Horum  
 duo sunt genera. Alii quod audiāt Isocratem in senectute  
 fuisse minus elegantē, & eandem in se causā recidere vi-  
 deant, hoc sibi propter ætatem concedi volūt. Quod illis  
 quidem faciliē concedo, si modō non omnem compagem  
 resoluant. Alia sunt ornāmēta iuuenilia, alia senilia. Aliter  
 orationem pro Roscio Cicero iuuenis, aliter Philippicas  
 idem senex composuit. Vbertas & elegantia iuuenem, se-  
 uera breuitas & grauis ornatus senem decet. Nec multo  
 secus est in corporis ac in orationis ornamento. vtriusque  
 decorum versā mutat ætas. Alii negligētē effundunt ora-  
 tionem, aut quia tractant eam materiam quæ nullo sit or-  
 natu vestiēda, cuiusmodi sunt epistolæ familiares leuior-  
 is argumenti, & enarrationes interpretantiū, & parua mo-  
 menta quæstionum atq; causarum, aut quia res ipsa per se  
 grauis

gravis, ad scientiã nō ad aurium voluptatem comparata, sermone inculto versatur à doctis, vt theologia, philosophia, medicina, iuris & legū scientiã. Hos, vt superiores, haud probabo, si quū possint expedite partē componere vel maximã, omnē tamen elocutionē dissoluerint. Quid est quod quū melius possis sinē vllō tuo vel auditoris incommodo, malis tamē facere peius? Si te nō decet eleganter ornata cōpositio, potes vt mediocri. Si rebus operã das, & elocutio te moratur, liberius incōptiusq; dicēdi genus adhibere potes, q̃ siquid velles exornare dicendo. Floruit tēporibus nostris vir in Attica tenuitate graciliq; filo sermonis alter penē Lysias: qui quū eloquētia subtili iuuenis excelluisset, & barbariē incultāq; linguā libris ad hoc cōpositis infectatus esset, tādē senior effectus, & barbaras voces admittere, & incōptam locutionē effundere bonū duxit, quod sibi persuasisset, vt scribit in epistola quādã, offere Christianæ religioni purū aptumq; sermonē. An dissimulet callidus, an quod sentit dicat, nescio. Quod si antea fuisset arduus & sublimis, deinde stylum demississet ad enucleatū genus, & penē cottidianū, certē factū probassent eloquētes. Sed quū character eius admodū tenuis esset, nihil erat quod detraheret illi gracilitati, nisi vellet nervos & ossa denudare. Id neq; Plato senex, neq; Demosthenes, neq; Isocrates, neq; Lysias, neq; Crassus, neque Cicero, neq; Quintilianus, neq; Christianus aliquis cui laudabilis eloquentia fuisset, id fecit vnq; vt in senectute vitii vltro committeret, & de industria funditus abiiceret orationem, quam magno studio totam composuisset in iuuentute. Est ex illis, qui curam diligenter ornandi remisit: sed



qui penitus abiecerit, & vltro barbarè sit locutus, haud vllum reperies. Quin reiicis de templis pulcherrimos hymnos, & aptissimè cōpositos? Quin tollis multas elegantissimas preces, si Christianæ pietati nocet elegans oratio? Quin fateris te non antè Christianū fuisse, quàm cœpisti barbarè & incultè loqui? Nō ita visum est sanctissimis viris, qui quum scirent à summo deo omnē manare doctrinam, quod habuerūt, hoc quisq; pro se sine vlla impietate obtulerunt, alius heroicū poēma, alius hendecasyllaba, alius iābica, alius trochaica, alius rhythmos, alius orationem numeris aptam, qualis in sacrādis funalibus cum pia animorum delectatione canitur. Hæc omnia magna cum religione sapientes viri subinde modulantur in omnibus templis: quod non facerēt, si (vt ais) officerent pietati Christianæ. Sed de his plus satis. A re digredior inuitus ad refellēdos orationis inimicos. Summa propositi fuit, alios esse qui inscitia dissoluāt orationem, alios qui non inscitia, sed praua opinione ducti negligāt, alios esse qui cōsilio relaxent, vel ætate vel materia suadente, quoru dictionem nō omnino dissipatam atq; vagam, sed aliquanto liberiores esse intelligimus. Solutū quiddā sit (inquit Cicero) nec vāgū tamen: vt ingredi liberè, nō vt licēter videatur errare.

Ad hæc Quintilianus, Est, inquit, ante omnia oratio alia vincta atq; contexta, soluta alia, qualis in sermone & epistolis, nisi quū aliquid supra suam naturā tractāt, vt de philosophia, de rep. similibusq;. Quod nō eò dico, quia non illud quoque solum habeat suos quosdam & forsitan difficiliore pedes, (neque enim aut hiare semper vocibus, aut destitui temporibus volunt sermo & epistola)

sed non

„ sed non fluunt, nec coherant, nec verba de verbis trahūt,  
 „ vt laxiora potius in his vincula, quàm nulla sint. Nōnun-  
 „ quam in causis quoq; minoribus decet eadem simplicitas,  
 „ quæ non illis, sed aliis vtitur numeris, dissimulatq; eos, &  
 „ tantum communit occultius: Habes quid ille vir de phi-  
 „ losophiæ, de sermonis & epistolæ, minorumq; causarum  
 „ figura sentiat, quid præterea solutū dicat, præter id quod  
 „ omni arte componentis est destitutum. Eodem propè  
 „ modo solutum dicitur quicquid poetico numero vacat,  
 „ etiam si arctissimè ligatum est. Nā qui certos in versu pe-  
 „ des, in oratione liberum cursum, nec sui vbique similem  
 „ esse viderunt, solutum dixerunt id quod non erat carmē,  
 „ propterea quod quanuis esset iuncturis & numeris ad-  
 „ strictum, plures tamen ac liberiores haberet pedes.

De oratione vincta, & ordine verborum. Cap. 2.



NON est artis huius oratio dissoluta. Quæ ta-  
 „ men illa diceretur, ostendimus, vt ex ordine  
 „ ad vinctam cōpositamq; veniremus. Colli-  
 „ gatur oratio (si Ciceroni credimus) coagmē-  
 „ tatione, concinnitate, numero. Coagmentatio est eorum  
 „ structura verborum, quæ molliter in iunctura coherant:  
 „ vt horum, Quæ res in ciuitate duæ plurimum possunt,  
 „ hæ cōtra nos ambæ faciunt in hoc tempore, summa gra-  
 „ tia, & eloquētia. Ista sic innexa sunt, vt inter extremas an-  
 „ tecedentium verborum syllabas, & sequentium primas,  
 „ nulla quasi rima pateat. Dicam apertius. Suaues mollesq;  
 „ sunt hæ voces, nec os asperè, & oris instrumenta diducūt,

Res in, in ci, te du, x plu, mum pos, & ceterx deinceps, præter hanc, gratia &, vocalium concursu dehiscentem. Hæc & coagmentatio à rerum coniunctione, vt in muro lapidum, vocatur, & iunctura, & structura, & cõpositio, & cõstructio. Concinnitas est oratio cadens aptè, beneficio figurarum, quæ paria paribus referunt, quæ antitheta cõponunt, quæ similiter cadunt, aut quæ eodem modo definiunt extrema. Hæc enim quatuor schemata per se perficiunt orbem, atq; delectant aurium sensum. Exemplum est in Miloniana. Est enim iudices hæc non scripta, sed nata lex, quã non didicimus, accepimus, legimus, verũ ex natura ipsa arripuimus, hausimus, explessimus: ad quã non docti, sed facti, non instituti, sed imbuti sumus. Hæc enim talia sunt, inquit author, vt quia referuntur ad ea ad quæ debent referri, intelligamus non quæsitũ esse numerum, sed secutum. Numerus est orationis modus ex apta pedũ collocatione. Paucis explicauit quid esset coagmentatio, concinnitas, & numerus, vt partiũ breui descriptione planum fieret quid esset oratio composita & alligata. Plura de singulis suo loco dicam. Nunc quærendũ mihi videtur, cur ordinẽ Cicero præterit, quem statuit Quintilianus in componendi partibus? Sic est huius partitio.

„ In omni portò compositione tria sunt necessaria, ordo,  
 „ iunctura, numerus. Concinnitatem (vt arbitror) numero comprehendit. De re dicam quod sentio. Dispositio rerũ est, compositio verborum. Quintilianus hæc confundit. Nam quũ furi sacrilegus, petulanti latro, lateribus totum corpus, scœmina viro, tenebræ luci, bellum paci, mors vitæ, occidens orienti, malum bono, vitium virtuti, ignorantia

rantia scientiæ postponitur in oratione, hoc est quum maius accedit minori, & quum dignius præfertur indigniori, non ratio verborum, sed vis naturæ rerum inspicitur. Propterea seruata ratione componendi, mutantur interdum: vt si dicas, Non modò non erat sacrilegus, sed ne fur quidem. Nox sustulit diem. Noctes diésque apud Ciceronem reperiens. Amplificantis est, aut minuentis, aut rerum personarumque dignitatem obseruantis, hæc videre, non eius qui voces & illarum concordiam discordiamve quærit, vt amica iungat, inimica seponat. Quid vetat quò minus dicam, Vxori vir imperat? sacrilegum fur arguit? Luna reuoluitur ab occidente ad orientem? Principio scæmina

- viri peccarunt? Cauendum est, inquit, ne decrescat oratio,
- & fortiori subiungatur aliquid infirmius. Imò verò oratio sæpe decrescit, & à fortiore deuenitur ad infirmius.
- Testatur ipse cap. de amplificatione, hoc modo, Totidem
- sunt ascendentibus, quot descendentibus gradus. Non is igitur certus est ordo verborum, quem mutat imminutio, quem negociorum tempora, quem loquendi varietas. Iam si rerum collocatio ordine constituit partes argumentationis, illius est & partes amplificationis, quæ firma est argumentatio, collocare. Est & eiusdem, momenta rerum, dignitatésque personarum, quo maximè deceant loco ponere. Præterea compositionem ( vt idem fatetur octauo libri principio ) nullus nisi arte assequi potest. Hanc autem rerum collocationem, qua dies nocti, bonum malo, molesto carnifex præponitur, norunt imperitæ mulieres admonitæ vel tempore, vel rerum dignitate, vel stomacho, qui dictis grauiora quærit. Quòd si res est ignotior vulgo,

eam liberalis educatio patefacit. si ne hæc quidem, certè monstrat scientia intelligendi, hoc est philosophia, & artificium disponendi citra compositionis artem. Dicet aliquis: At ista sunt in verbo. Quid tum? Compositio verba digerit in ordinem, fateor: sed eius est, non res, & intellectus eorum, at voces sonosque spectare. Nam & ille verborum significationes distinxit in octauo libro, præcepta componendi tradidit in nono. Vidésne vt poëta frequenter vno verbo perficiant exordium? vt, O pater. nemo tamen refert ad elocutionem. Sæpe argumenta verbo designantur vno, vt, Fallet improbus. argumentum est, improbus. Quis istud ad compositionem pertinere dicit? At tute ipse de compositione dicturus, verborum significationes & differentias expendis, quoniam pro dignitate sua capiunt in oratione locum. Ego certè materiam orationis inspicio, hoc est, naturas rationesque verborum, sed non eis assigno in hoc ædificio certum locum. Aliud est explorare materiam sylvarum, aliud singulas arbores in ædificio collocare. Aliud est ostendere qua quæque genera tectorum materia fiant, aliud ordinem præscribere, & quid ante, eat, & quid subsequatur. At interdum deligimus & arbores & lapides certos, quibus vtamur destinato loco. Sic est, sed illud est consilii nostri, non vltius præceptionis. Hic autem nullam relinquit mihi mutandi loci potestatem, etiam si verbis (vt antè dixi) nulla certa sedes est in oratione, propterea quòd oratio molli, vt cera, in mille species formari potest. Pergit, Quædam, inquit, ordine permutato fiunt superuacua, vt, fratres gemini. Nam si præcesserint gemini, fratres addere non est

non est necesse. Est hic *πλεονασμός*, si superuacuis verbis or-  
neratur oratio, non est vitium compositionis. Expositi  
sunt in Albulæ ripa gemini fratres, aptius & robustius di-  
citur, quàm, Expositi sunt in Albulæ ripa fratres gemini:  
quoniam pes molossus stabilior est in fine, quàm vel ian-  
bus vel anapæstus, & incitatus itur à vocali ad conso-  
nantem, hoc modo, gemini fratres, quàm à consonante  
in cōsonantem, hoc modo, fratres gemini. Quæ ratio va-  
let in alijs sedibus orationis. Quamobrem si dices fratres  
geminos, compositio cedit interpretationi, quæ natura  
subsequitur. Cur ergo refert ad compositionem id quod  
sæpe perturbat eam? Quoniam compositioni multa ce-  
dunt, Liuius dixit geminos fratres initio libri primi, nec  
est veritus admittere quod hic iniuria damnat. Forte &  
 „ Numitori, quum in custodia Rémum haberet, audissetq;  
 „ geminos esse fratres, cōparando eorum ætatem, & ipsam  
 „ minime seruilem indolem, tetigerat animū memoria ne-  
 „ potum. Idem, Forte in duobus tum exercitibus erant ter-  
 „ gemini fratres, nec ætate nec viribus dispares. Cicero in  
 „ oratione pro Archia poëta hoc scriptum reliquit, Saxa  
 „ atque solitudines voci respondent, bestię sæpe immanes  
 „ cantu flectuntur atque consistunt. De quo sic Quintilia-  
 „ nus in nono, Magis id insurgebat si verteretur. Nam etsi  
 „ plus est saxa quàm bestias commoueri, inest tamen com-  
 „ positioni decor. Hæc ille. Si propter compositionis de-  
 „ corem Cicero postposuit infirmius, quomodo compo-  
 „ sitio exigit vt anteponatur? An eadem ratio idem & an-  
 „ teponi & posthaberi iubet? Laudat idem Fabius Cice-  
 „ ronis hanc orationem in Antonium. Vt tibi necesse esset



in conspectu populi Romani vomere postridie. quia aduerbium postridie in clausula positum, assignatur auditori, & infigitur. Quod quid faciat ad rem presentē, non video. Creticus in fine pes est laudabilis, ut hic postridie. Nullus est in hoc toto contextu prastantior. Quid igitur aliud collocasset orator? An ita dixisset, Ut tibi necesse esset postridie in conspectu populi Romani vomere? Pes est instabilis vomere. An turpius est vomere postridie, quā in conspectu populi Romani? Nequaquam. Sed, ut dixi, nullum erat in hac oratione verbum quod in ea sede positum tam pulchrē federet. Illud est igitur numeri, non eius ordinis de quo disputatio constituta est. Quare ne mirere, si Marcus Tullius in componendi partibus non habuit ordinem istum, qui neque perpetuus est, neque tam verba quā res instruit. Hæc à me scripta sunt, non ut arguerem Quintilianum, virum perdoctum, & mihi perutilem, sed ut ostenderem causam nullam fuisse cur hic aut temporis, aut dignitatis, aut incrementi, aut interpretationis ordinem persequeretur, quem esse rerum, non verborum, Cicero in Partitionibus, verbis agens de exornandi collocatione, significat. Sed iam de componendi partibus agamus. Quod si quis ordo verborum est, illum constituit aut coagmentatio, aut concinnitas, aut numerus, aut hæc vniuersa. Propter hæc enim voces de loco naturali traiciuntur in alium, quo sedeant aptissimè. Itaque si rotius est compositionis ordo, aut si omnis hæc compositio nihil aliud est quā ordo quidam ratione distributus, fieri non potest ut ordo sit pars compositionis.

De vocalium

De vocalium concursione in coagmentatione.

## Caput. 3.



N omni coagmentatione verborum necesse est aut vocales concurrere, vt Rem anxie adipisci, atque adepta egere, auari animi est. Aut consonantes, vt, Consulum dignitas, tumultum ciuitatis representat. Aut vocalem & consonantem, vt, Ex eius ore melle dulcior effluebat oratio. Sapius hæc in oratione miscetur: vt, Venio nunc ad istius, quemadmodum ipse appellat, studium: vt amici eius, morbum & insaniam: vt Siculi, latrocinium: ego quo nomine appellem, nescio. Rem vobis proponam, vos eam suo nominis pondere penditote. Pauca de singulis horum, & principio de vocalium concursione dicemus. Vocalium concursum magna ex parte fugiendum censuit Isocrates ille suauitatis numeriq; mollioris inuentor, cuius orationes melle dulciores ostendunt quantopere vitarit illum quem dicimus hiatum literarum. Hunc optimum dicendi magistrum Theopompus imitatus, eas literas ad eò fugit, vt eam ob rem inciderit in hominum reprehensionem. Fuerunt in eadem sententia poetæ maximè latini, qui ne hiare cogerentur, vocum synaloepham collisionemque reppererunt, vt

— Mult' ill' et terris iactatus & alto.

Albaniq; patres, atqu' altæ mœnia Romæ.

Hæc autem collisio facit, vt vna litera pro duabus audiat, vt ill' et, atqu' altæ, Erg' agite. Qui scribimus aut proferimus aliter, meo iudicio peccamus. Segregamus enim id quod, vt hiatum fugerent, miscuerunt optimi poetæ. Nam animaduertimus oratores græcos aliquando misce-

re voces, & in vnum confundere, ne quid ab agresti sono  
 lædatur auris, vt hic Demosthenem, τοῦ βελτίστου & ἡ τῆ δι-  
 καιοτάτης πάνθ' ἔτιμα ἔχοντα. πάνθ' ἔτιμα dixit quasi vnum ver-  
 bum, non πάντα ἔτιμα separatè: vt Aristoteles, διὸ καλῶς ἀπ-  
 φάνητο τὶ ἀγαθὸν εἶναι πάντα ἔφίεται. Infinita sunt talia apud eun-  
 dem, apud Isocratem, apud optimum intelligendi dicen-  
 diq; magistrum Platonem, apud alios omnes summos vi-  
 ros: quibus planum fit, vocalium concursum vitari vnus  
 aut alterius elisione, atque duo verba vt vnum tum scribi,  
 tum pronunciari. Sed indoctum quoddam genus homi-  
 num non modò libros & orthographiam, sed etiam pro-  
 nunciationem p̄m̄nem corrumpit, adeò vt extra versum ne-  
 sciamus quas illi veteres in oratione eliserint vocales, quas  
 integras protulerint, propterea quòd abstulerūt ἀπόστροφον  
 signum vocalis auersæ. Sic enim Terentium scripsisse, &  
 ipsum & Comædos ita pronunciasse puto.

• Vos istæc intri aufert abite.

Quod absurdum fortè quibusdam ob defuetudinem vi-  
 debitur, sed quærentibus veritatem neque ratio deerit,  
 neque auctoritas. Hiant interdum poëtæ, Latini rarò, Græ-  
 ci frequenter, vt Homerus. Ex quo etiam licet intellige-  
 re, veteres Latinos suauitatis studiosos fuisse, quanquam  
 sentiebant quanto latina græcis essent insuauiora. De quo

126. • Cicero in Oratore, Quauis, inquit, suaues grauesque sen-  
 • tentiæ, tamen si inconditis verbis efferuntur, offendent au-  
 • res, quarum est iudicium superbissimum. Quod quidem  
 • latina lingua sic obseruat, nemo vt tam rusticus sit, quin  
 • vocaleis nolit coniungere. Et paulò pòst. In oratione Pla-  
 • tonis est crebra ista vocum concursio, quâ magna ex parte  
 vt vi-

vt vitiosam fugit Demosthenes. Sed, vt diximus, hiabant interdum poëta, Ennius semel authore Cicerone, sæpe Terentius, sæpe Virgilius, vt hic,

- „ Et succus pecori, et lac subducitur agnis.
- „ Amphion Diræus in Actæo aracyntho.
- „ Astant Iuniperi, et castaneæ hirsutæ.
- „ Nereidum matri, et Neptuno ægeo.
- „ Hoc idem, inquit Cicero, sapius nostri non tulissent,
- „ quod græci laudare etiam solent. Cur ita non tulissent
- quia versus est exquisiti soni, & urbanæ suauitatis, cui sit
- inimica vastitas illa duarum quæ luctantur inter se voca-
- lium: quæ quum accidit, hiat & intersistit, & quasi labo-
- rat oratio. Fugiamus igitur hoc vitium, si dictionem com-
- positè, leniter, & tranquillè fluere volumus. Vocales alias
- sonantiores esse, alias exiliores, exemplis atque rationibus
- antè patefecimus. Obscurius est in his vitium, apertius in
- illis. Prima cum quarta propter soni magnitudinem fœ-
- „ dè hiat ac inurbanè, vt, Videntur ea esse refutanda, quæ
- „ in senatû sæpe ab inimicis, ab improbis sæpe iactata sunt,
- „ & in concione etiam paulò antè ab accusatoribus. Atquæ
- „ si res, si vir, si tempus vllum dignum fuit, certè hæc in illa
- „ causâ summa omnia fuerunt, præsertim quum tot essent
- „ circa hastam illam, qui alia omnia auderent. Vastior est
- longarum sonitus, quoniam voce productiori sustinen-
- „ tur, vt, Cum vxore veheretur in rheda penulatus, vulgi
- „ magno impedimento, ac muliebri & delicato ancillarum
- „ puerorûmque comitatu, Milonem occisum esse etiam
- „ ex ipso Clodio audirent. Hæc ex Cicerone sunt omnia.
- Plurima apud eundem huiusce rei sunt exempla. Dicit

hic aliquis. Hoc si vitium esset, eloquentiæ latinæ parens tam sæpe non admitteret. Primum, vocalésne istas colliserit, incertum facit vsus præsens: deinde distinguenda sunt genera dicendi, & habenda ratio partium quæ tractantur ab oratore. Narrationes eius rei de qua controversia est apud iudices, & subtiles argumentationes, & causæ tenues ac parvæ, & epistolæ summissioris argumenti, & definitiones, partitiones, distinctiones, facetiæ, colloquia personarum, relaxant vincula compositionis, & more sermonis paulo securius ac liberius euagantur. In his toleranda sunt alioqui vitia quæ cottidiana lingua tam frequenter vsurpat, vt in oratione tenui fallant audientem. Scit orator quid deceat: & vbi rebus magis est afferenda claritas, quàm magnificus ornatus, tum cottidiana veste contentus, non circumdat illis ornamenta pompæ & apparatus feriarum solennium. At in exornatione laudis, in locis communibus, in narratione quæ spaciatur extra causam, in genere suavi, in omni splendido cultu, perrarò committendum est vt hæc parua quidem, sed tamen aliqua deformitas appareat. hoc vitium deprecatur in oratore. Sed

„ græci viderint (inquit de vocalibus agens) nobis, ne si cupiamus quidem, distrahere voces conceditur. Indicant orationes illæ ipsæ horridulæ Catonis, indicant omnes poëtæ.

„ Si non vbique cōceditur, vtamur interdum vt necessariò. Si vitium est, fugiamus quoad licet. Quum vocalis eadem finis est verbi prioris, & principium sequentis, quoniam pronunciatur eodem oris habitu, nec plus vna longa auribus percipitur, nullam parit omnino fœditatē. Sexcenta Ciceronis exempla reperies, ego paucis ero contentus.

Neq;

„ Neq; enim posset aut Hala ille Seruilius, aut P. Nasica, aut aa  
 „ L. Opimius, aut C. Marius, aut me consule senatus non  
 „ nefarius haberi &c. Non hominis occidendi causa habuiss-  
 „ se telum iudicaretur. Quoties enim est illa causa à nobis  
 „ acta in senatu? Ut ignoratione tua ad hominis miseri sa-  
 „ lutem abuterer. Propter officiosos labores meos nonnul-  
 „ la apud bonos gratia. Iudicium culpa atq; dedecore etiam  
 „ Censorium nomen, quod asperius antea populo videri  
 „ solebat, id nunc poscitur. Subiiciamus exempla de cate-  
 „ ris vocalibus. Negant intueri lucem fas esse ei, qui à se ho- ce  
 „ minem occisum fateatur. Tu hodie egeres, nos liberi esse-  
 „ mus. Dolebam P. C. reipublica vestris quondam meisq;  
 „ consiliis conseruatam, breui tempore esse perituram. Ma-  
 „ gnifice enim Seruius Sulpitius maiorum continentiam  
 „ diligebat. Fateor enim me, quum ea quæ acciderunt, pro-  
 „ uideré futura, tanta in mœstitia fuisse, quanta ceteri opti-  
 „ mi ciues si idem prouidissent, fuissent. Sed quum istuc tibi ii  
 „ venit in menté? O dii immortales, quam multi qui quum  
 „ à te nemini ignosci vellent, impedirent cleméntiam tuam.  
 „ Vini exhalandi, non acuendi ingenii causa declamitas.  
 „ Hæc tu quum per me acta meminisses, nisi illis quos vide-  
 „ mus gladiis confideres, maledictis me prouocare ausus  
 „ esses? Quum te ultro mihi idem illud deferente nunquam  
 „ sum dehortatus. Obsecrabo obtestaborque vos iudices. oo  
 „ Lex esse cum telo hominis occidendi causa verat. Magna  
 „ laus, meoque iudicio omnium maxima. Tu vnus adole- uu  
 „ scens vniuersum ordinem de salute reipub. prohibuisti.  
 „ Erat ei viuendum latronum ritu, vt tatum haberet, quan-  
 „ tum rapere potuisset. Hoc concurrendi genus frequen-



ter vsurpari solere annotauit Aulus Gellius, id quod & aures & exempla doctissimorum probant. Alia Quintiliani sententia videtur, quam complexus est his verbis, „ Pessimè longæ, quæ easdem inter se literas committunt, „ sonabunt. Si per easdē literas intelligit duas vocales eiusdem nominis, ab illo dissentio. si vult hunc intellectum capi, Pessimè longæ vocales sonabunt, quæ committunt easdem inter se literas, id est vocales illas de quibus agitur, iungunt, obscurus est sermo, & odiosè prolixus. Breuiter atque dilucidè, nec minus ornatè dici potuit. Pessimè longæ sonabūt. Nam proximè dixerat hæc, Tum vocalium concursus, qui quum accidit, hiat & intersistit, & quasi laborat oratio. Ex quibus supplere quisque posset quæ locutus est ambiguè. Sic enim habet res. Vocalium cōcursus imperitis est notabilis. E vocalibus pessimè longæ sonabunt. A & E quiddam rusticanum sonant, propterea colliduntur à Græcis: id quod priore iam libro diximus. has igitur non ita sæpe Cicero coniunxit. Et sociis gratissima esset eius integritas & fides. Ipse in eadē Africa esse voluit, in qua erat rex potentissimus inimicus huic causæ. De salute populi Romani extimescebat, in qua etiā suam inclusam esse videbat. E & A, vt minus dissona, ita sæpius finitima sunt: vt, Voluntate ad ea arma profectus sum. Eorum ipsorum ad crudelitatem te acuet oratio. Nam si vidissem, quouis profectò quàm isto modo à te agimaluissem. Qui opem à me atque auxilium petissent. A & I hiulcam & agrestem efficiunt vocē, vt in simplicibus, aulai, materiai, syluai, frondosai, quæ quū veteres poëtæ frequenter vsurpassent, posteriores vt nimium vastā repudiarūt.

Committit

Committit eas Cicero nonnunquam, vt pro Ligario, Di-  
 „ ligentia inimici inuestigatum est quod latebat. Qua in le-  
 „ gatione & sociis & ciuibus se probauit. In provincia pa-  
 „ catissima ita se gessit, vt ei pacem esse expediret. I & A si-  
 „ cuti suauius audiuntur, ita multo sapius conferuntur, vt,  
 „ Quod nos domi petimus prostrati ad pedes. Non com-  
 „ memorarem, nisi à te cognouissem. An sperandi Ligario  
 „ causa non sit, quum mihi apud te locus sit etiã pro altero  
 „ deprecandi? O & E minus in occursum hiant, sed tamen  
 „ inuauia sunt, & ingrata: vt, Hic æquo animo esse potuit.  
 „ Laudem adolescentis propinqui existimo etiam ad meum  
 „ aliquem fructum redundare. Quid vociferabare decem  
 „ millia talentum Gabinio esse promissa? E & O concur-  
 „ runt vrbanius, vt, Quare omnium rerum vna reprehen-  
 „ sio est, quod regnum intrarit. Itaque obiciias licet quam  
 „ voles sæpe, palliatum fuisse. Aderat vis, quæ summas fran-  
 „ git infirmatque opes. O & I si diphthogum faciunt, nul-  
 „ lam in pronunciando faciunt deformitatem, vt *ὄντες*. at in  
 „ iunctura, quum separantur, absona sunt, & maximè si vo-  
 „ calis O producit. Hinc fit vt O longo, quod *ὠμύχα* vo-  
 „ cant, cedat iota atq; subscribatur, vt in quarta declinatio-  
 „ ne recto casu numeri secundi *μενέλιω*, pro eo quod est *μεν-  
 „ λῆος*, & in verbis *βοῶς* pro *βοῶνς* dicitur. Minus est vitii in  
 „ eadem litera breui. Fluit enim, nec in ore cauo tandiu im-  
 „ murmurat. Vtrunq; reperies apud M. Tullium, vt pro Rabi-  
 „ rio Posthumo, Rapietur homines in hæc iudicia ex omni  
 „ non modò inuidia, sed sermone maleuolorum, nisi cauetis.  
 „ Nec verò id homini tum quisquam, sed tempori assignan-  
 „ dum putauit. I & O contrà nihil dissonant, vt, Qui tandem

„ conuenit, aut tam graui onere tributorum ad tantam pe-  
 „ cuniam cogendam, mille talentum accessionem esse fa-  
 „ ctam? aut in tanta mercede hominis (vt vis) auarissimi, mil-  
 „ le talentum decessionem esse concessam? Neque ego cui  
 „ omnium ciuium libertas charissima fuisset, meam proie-  
 „ cissimam. A & V iunxerunt latini, vt fraus, laus, audio, sup-  
 „ plaudo. non in vno verbo separauere, nisi quum peregrina  
 „ ascuerunt in Latium, cuiusmodi sunt hæc, Archelaüs, Am-  
 „ phiaraüs, Oenomaüs. Senferunt opinor hinc effici vocem  
 „ vastè patetem & inuisam. Quod si est, & in compositione  
 „ vitium committunt, vt, sylua vritur, humida vligo, musa  
 „ vna, scelerata vsura, & id genus alia, quæ quisque vir auris  
 „ eruditæ sentit esse patula atque subagrestia. Coniunxit  
 „ Tullius, Si vniuersa (vt dixi) prouincia loqui posset, hac  
 „ voce vteretur. At si commutaueris, & VA dixeris, congre-  
 „ dientur amicè & vrbane. Cicero in Verrem, Ipse in op-  
 „ pidum accedere noluit, quòd erat difficili ascensu atque  
 „ arduo. Idem ferè iudicium est de vocalibus quæ primæ  
 „ sunt in onere & vsu. Hiant adiunctæ, quemadmodum &  
 „ in simplicibus, cous, sardous, eous. Adiungit tamen Cice-  
 „ ro, Quousque abutere Catilina patientia nostra? Similia  
 „ sunt hæc, In loco vberi, in labello vdo, colligo vuas, am-  
 „ puto vlmos, à tergo vrgetur: ex quibus nulla soni concor-  
 „ dia delectat aures. Postrema cum quarta non grauius of-  
 „ fendit in collocatione, quàm in his singulis, tuo, suo, di-  
 „ luo, ruo, statuo. Cæteræ voces non admodum torquent  
 „ os, atque pronunciantis instrumenta: quamobrem sæpius  
 „ multo committuntur in ordine verborum. Dico secun-  
 „ dam cū tertia & quinta, tertiam cū quarta, contrà tertiam  
 „ & quintam

& quintam cum secunda, quintam cum tertia. Refer ad aurium iudicium quæ proponemus Ciceronis exempla, „ cognosces. Quamobrè si mihi vnus est accusandus, pro- „ pemodum manere in instituto meo videor. Queruntur „ accusatores se idoneos non habere. Id mihi erat aduersa- „ rium maximè. In hac causa iudices tametsi vtrunque esse „ arbitror perspicuum, tamen de vtroque dicam. Hoc si tu „ inimicus eius factum negabis, eodem tempore in eadem „ prouincia tu ipse fecisti. Neminem mihi esse præponen- „ dum actorem putabit. Sentis audiendo quàm molliter cõfluant hæ soni tenuis & remissi literæ. Fugienda voca- —  
 lium etiam tenuium multitudo, propter quam speciei, progeniei, mollitiei, & eiusmodi casus odiosæ vastitatis vix apud bonos authores reperiuntur. Breues interim pla- —  
 cent, vt apud Ouidium, Huc cõamus, ait—

Terentius hanc molestiam vitat elisione & contractione.

- .. Cuius tu fidem in pecunia perspexeris,
- .. Verè verba ei credere?
- .. Nam quæ inscitia est,
- .. Aduorsum stimulum calces?
- .. Postridie ad anum rectà pergit.
- .. Illos ducere eadem hæc lex iubet.
- .. O Phædria, incredibile est, quāto herū ante eo sapiētia.
- .. Abi Phædria, cum require, atque adduce huc.

Verb'a, duabus syllabis: Insciti' est, quatuor: Postridi' ad, totidem: ducer' eadem, quinque: antè o, tribus: Phædr' ūm, duabus exprimitur. Est quum vocalis natura longa fluit atq; corripitur in concursu, vt minus audiat. Virgilius,

- .. Et longum formosè vale, vale, inquit, Iola.

- „ Stipitibus duris agitur, sudibusve præustis.  
 „ Imitatus est Homerum, qui perſæpe recipit hanc figurã,  
 „ vt Odyſſææ verſiculo primo

„ ἔνδρα μοι ἔνιπτε μοῦνα πέλειοι ποταμοί.

Hinc planū fit quod ſuprà diximus, eſſe minorē in correptis offenſionē, quoniã celerius & expeditius exigūtur: maiorem in longis & aspiratis, & accentu concitatis, vt in loco arduo, in haſta ornata, in tribunali edito, in adunco hamo, in viridi herba. Expoſita noſtra de principum literarum concurſione ſententia, ne quis exiſtimet eſſe vitiū grande cōmittere duas generis huius literas, Ciceronis & Quintiliani iudicium totidem verbis huc transferemus.

- „ Habet, inquit Tullius, ille tanq̃ hiatus ē concurſu vocaliū  
 „ molle quiddam, & quod indicet non ingratã negligentia  
 „ de re hominis magis q̃ de verbis laborātis. Audiamus al-  
 „ terum, Non tamen id vt crimen ingens expauſcendum  
 „ eſt: ac neſcio an negligētia in hoc, an ſolicitudo ſit peior.  
 „ Inhibeat enim neceſſe eſt hic metus impetum dicendi, &  
 „ à potioribus auertat. Quare vt negligentia eſt hoc pati,  
 „ ita humilitatis ubiq; perhorreſcere: nimioſq; non imme-  
 „ ritò in hac cura putant omnes Iſocratem ſecutos, præci-  
 „ pueq; Theopompum. At Demotheſenes & Cicero modi-  
 „ cè reſpexerunt in hanc partem. Nam & coeūtes literæ  
 „ (quæ συναλοιφῇ dicitur) etiam leniorem faciunt orationem,  
 „ quàm ſi omnia verba ſuo fine claudantur: & nonnunquã  
 „ hiulca etiam decent, faciuntque ampliora quædam. Hac-  
 „ tenus Fabius. Sic hæc libertas aliis ætatibus, aliis exercita-  
 „ tionibus: ego puerum optimis aſſueſcere bonum duco,  
 „ maximè quum ſtylo dat operam in ocio literarum.

De coagmen-

De coagmentatione consonantium literarum.

Cap. 4.



OSTEA quàm de literarū principibus, quæ in concursione voces efficiant aut suaves aut hiulcas, satis multa diximus, ex ordine de litteratura cōsonantiū quæ aut molliter aut asperè inter se coëant, breuiter exponendum videtur. Ex his optimè cohærent, quæ labris coëuntibus efferuntur, vt M & B, M & P, & eadem litera repetita quum finis est extremi verbi, & principium sequētis: quibus adde M, & V consonantem, & eam quæ prima est in furente, propterea quòd altera penè labra admouet, altera labrum dente premit. Exempla sunt apud Virgilium.

- „ Errantes hederas passim cum baccare tellus Fundet—  
 „ —Manet alta mente repostum  
 „ Iudicium Paridis—  
 „ Omnes vt tecum meritis pro talibus annos Exigat.  
 „ Nimborum in patriam loca fœta furentibus austris  
 „ Aeoliam venit—  
 „ Italiā fato profugus Lauinaq; venit Littora—  
 „ Permulta reperies eiusmodi apud oratorum principem;  
 „ quod genus sunt hæc Domo est egressus non modò nulum  
 „ ad bellum, sed ne ad minimam quidem suspicionem  
 „ belli. Omnium Marcellorum meum pectus memoria effodit.  
 „ Ne istius quidè laudis ita sum cupidus, vt aliis eam  
 „ præreptam velim. Victoriā fortuna tuā esse totam &  
 „ propriam fatetur. Quum verbū capit initium ab iis cōsonantibus  
 „ quæ sine adiumento labrorum post dentium septum  
 „ pronunciātur, cuiusmodi sunt, C, D, G, L, N, Q, R,



S, T, X, Z. Nō acerbè quidē, sed aliquanto asperius iungitur cū priore verbo, quod M postremo concluditur. Hoc quale sit, cognosce ex his orationibus in quibus literæ post  
 „ M ex ordine ponuntur. Nunquam enim ad cōsiliū ca-  
 „ sus admittitur. Amplificauit eius pristinam dignitatē. For-  
 „ tuna in istius se societatem gloriæ non offert. Bellicæ tuæ  
 „ laudes celebrātur omnium gentium literis atque linguis.  
 „ Vereor ut hoc quod dicam, non perinde intelligi auditū  
 „ possit, atque ego ipse cogitans sentio. Quo quidem in bel-  
 „ lō semper de pace agendum audiendūque esse putauī.  
 „ Neque enim ego illa, nec vlla vnquam secutus sum arma  
 „ ciuilia. Nunc venio ad grauissimam querelam, & atrocis-  
 „ simam suspicionem tuam. Quid ego commemorem Xe-  
 „ nophontis illam iucunditatem in affectatam?  
 „ Quinq; tenent cælum zonæ.

In hac omni structura quod M elementum suauissimum est, parum quidem offendit asperitas, nonnulla tamen est: quod indicasse videntur illi conditores linguæ latinæ, qui in simplicibus verbis ut hanc fugerunt literam, ita quoq; N magis familiarem collocauerunt, ut ancilla, induit, angit, Manlius, cāna, vnquam, ensis, antrum, anxius. Hinc suffragante auriū iudicio cognoscitur N ab iis omnibus cōsonantibus in structura minus dissentire. N ante L quidem & R, vox insuauior est: quam obrem illino non inlino, irruo non inruo dicitur. Quum repetitur, ut in cāna, siccitate quadam radit aures: sed ne sic quidem est magnopere fugienda. Quod ut intelligatur, ex Cicrone proferemus  
 „ exempla, & ordinem literarum persequemur. An nō ca-  
 „ dunt hæc in Antoniū? Quid enim in eum non cadit? Re-  
 liquum

„ liquum est igitur crimen de veneno. Et id quidem nemini  
 „ græcorum video adhuc cōtigisse, vt idem vtroq; in genere  
 „ laboraret. Illæ verò non loquuntur solum, verùm etiam  
 „ personant. In negotio quod actum dicitur, nullum vesti-  
 „ gium. Quia nō posset negare ab illis pecuniam datam, non  
 „ quæsiuit procul aliunde. Non caussa, nō locus, non facul-  
 „ tas, non cōsciũs, non perficiendi, non occultandi maleficiĩ  
 „ spes, non ratio vlla, non vestigium maximi facinoris repe-  
 „ rietur. Quãuis bonas leges vitiosè per vimq; tulerit, tamen  
 „ hæ leges non sunt habendæ. Iam in tanta istius impudẽtia  
 „ remittendum aliquid videtur. X & Z quum proximè se-  
 „ quuntur N, sic habet. X durior est, Z mollior. N ante B, M,  
 „ P, paulo durior est: propterea dicitur imbuit, non inbuit,  
 „ impurus non inpurus, immensus non inmensus. Sed & his  
 „ aliquando præponitur. Nostri sensus vt in pace semper, sic  
 „ tum etiam in bello cōgruebant. Spem attulit non modò  
 „ salutis cōseruandæ, verùm etiam dignitatis pristinæ recu-  
 „ perandæ. An potest cognatio vlla propior esse, q̃ patrĩ?  
 „ In summa dicam, M quinque consonantibus optimè præ-  
 „ ponitur, reliquis haud pessimè: N verò cōtrà quinque eas-  
 „ dem non amat, reliquas omnes non grauitè odit. Quò fe-  
 „ runtur hæc, inquires? vt de tua cōpositione iudicare possis,  
 „ & vt amica persæpe iungas, inimica ratò. Vtraq; (dico M  
 „ & N) sed aptius secunda q̃ prima connectitur I consonati.  
 „ — Sæuæ memorem Iunonis ob iram.  
 „ — Et quisquam numen Iunonis adoret Præterea? —  
 „ Statuuntur interdum principio verborum, vt, in mari,  
 „ & in Neptuno. Quamobrem videndum est quibus aptius  
 „ adhærescant. Vt insideant sibi, iam diximus: vt cæteris oc-

currant, vocibus, testimoniis agemus. Nonnihil dissentiunt ab his elementis, C, D, T.

- .. Lac mihi non æstate nouum, nec frigore defit.
- .. Nunc naues cōtra prædones penè inanes Cleomenes ducit. Diçitat se tantum rapuisse, vt id multis satis esse possit. Diçitat nihil esse tam sanctum, quod non violari pœcunia possit. Videt multos equites Romanos. Pecunias nō petunt, relinquunt, & negligūt. Post B, L, R, & S, paulo melius collocantur.
- .. —Troia sub mœnibus altis.
- .. Plaudentem nigra figit sub nube columbam.
- .. Magno in dolore sum, P. C. vel mœrore potius. Nanque canebat Silenus, vt ipse tener mundi concreuerit orbis.
- .. —Et pura per noctem in luce refulsit Alma parens.—
- .. Apud exteras nationes omnium sermone percrebuit.
- .. Neque tantum me expectatio accusationis meæ commouet, quātum istius insidiæ nefariæ. Consule tuas aures, nihil horum tenerum senties, nisi fortè quod L & S emolliunt. Quamobrem artificis est, vbi vult suauis esse, nihil eiusmodi frequens instruere. His enim structuris vti non vetamur, sed adhibere modum iubemur. B in paucis verbis extrema pars est, vt in his, ab, ob, sub. Nec est vlli sequētium in oratione planè familiaris, nisi vni quæ prima sedet in Ioue, & in Iunone.
- .. Ab Ioue principium musæ.—
- .. Liuius omnibus tum mutis tum vocalibus anteposit. Nam vltro durius quiddam, vt grandius atq; robustius affectat, & Virgilius interdum,
- .. —Tyrrhena ab sede profectum.

Et teneram

„ Et teneram ab radice ferens Syluane cupressum.  
 „ Aliter populo Romano doctisq; scriptoribus visum est,  
 „ qui detraxerunt hanc literā, & a, non ab, ante consonan-  
 „ tes reliquerūt: vt, Suos necessarios à faucibus macelli cor-  
 „ rogat. Postulat à Burrieno prætor Næuius, vt ex edicto  
 „ bona possidere liceat. A quibus quum est certū auxilium  
 „ petitum, ita tamen disceditur, vt idibus Septēb. P. Quin-  
 „ tiū sisti Sex. Alphenus promitteret. A Cn. Dolabella de-  
 „ niq; postulat, vt sibi Quintius iudicatum solui satisfdet. A  
 „ me, qui neq; excogitare, neq; pronunciare multa possum,  
 „ breuitas postulatur. Ostendam primū causam non fuisse  
 „ cur à Prætorē postulares vt bona Publii Quintii posside-  
 „ res. Cur maluerunt veteres abscedit, aufert, amouit, abstu-  
 „ lit, q̃ abcedit, abfert, abmouit, abtulit, nisi quod B ante cō-  
 „ sonātes durū videbatur: at nō ubiq; potuerūt eā pro volū-  
 „ tate mollire, vt in his, abdit, abducit, abnuat, abrupit, quæ  
 „ verba principio dura, nūc emollita sunt vsu. A præpositio  
 „ consonantibus, ab autem vocalibus & I consonanti bene  
 „ præponitur. Abs penē reiectum est ad antiquata verba &  
 „ inusitata. Cicero in Oratore, Vna præpositio est abs, eaq;  
 „ nūc tantū in accepti tabulis manet, nec his quidē omniū:  
 „ in reliquo sermone mutata est. Idem tamē in diuinatione  
 „ dixit abs te. Sunt qui dictū probent, Abs quolibet: at Ci-  
 „ cero à quibus, non abs quibus, dicit pro Quintio. Vt au-  
 „ tem B subiecta consonantibus obluatur, sic & eisdē ap-  
 „ posita nō nihil resistit, nisi quum succedit ei quæ princeps  
 „ est in more atq; moroso. Morū bonitas, suavis est oratio.  
 „ Lac bibitur, venit ad Bibulū, exul Brutus, Numen Bac-  
 „ chi, vir bonus, Tyrannus Busyris, Redintegrauit bellum,

Thrax bellicosus, Subaspera est hæc & leuiter abrupta cō-  
 „ positio, qua tamé vsus est Cicero, Nec in misera vita quic-  
 „ quam est prædicabile aut gloriandum, nec in ea quæ nec  
 „ misera sit, nec beata. Præsidii ad beatè viuendum, in virtu-  
 „ te satis est. Nonne tanto miserior, quanto sibi videtur bea-  
 „ tior? Semper sapiens beatus est. Hæc etiam in equuleum  
 „ coniciuntur, quò vita non aspirat beata. Virgilius,  
 „ — Quid bella Tyro surgentia dicam?

Sunt aures delicatæ nimis, quæ lubenter audiunt set pro  
 sed, optinet pro obtinet, & eiusmodi quædam. Litera se-  
 cunda in ordine consonantium rarò verbum latinū clau-  
 dit, multo rarius græcum. Græci dicunt ix ante consonā-  
 tem loco præpositionis if, nos ac, lac, halec, hic, hæc, hoc,  
 istic, illic, istuc, illuc, sic, nec, & eiusmodi pauca, quæ faciliè  
 cohærent in his literis quæ primæ sunt in Cicerone & in  
 Quintio. Sumātur in argumentum verba singula, succen-  
 dat, accedit, accitur, acquirit, acquiescit, & id genus mul-  
 ta, in quibus est quædam literarum familiaritas, quam in  
 „ compositis inuenire licet: vt, Video adhuc cōstare omnia  
 „ Iudices. Sustinuisset hoc crimen primū ipse ille latronū  
 „ occultator & receptator locus. Omnes hanc quæstionē  
 „ te prætor manifestis maleficiis, cottidianoq; sanguine de-  
 „ missus sperāt futuram. Eadem litera C, præposita cate-  
 ris consonantibus, vt tenuis est atq; muta, sic etiam subobs-  
 cura est: vnde fit vt in compositione obscurius quoddam  
 vitiū cōmittat. Stridet aliquantulū, quod anseres indicāt,  
 & ranæ loquaces: nec in vocibus est primæ suauitatis. Clo-  
 „ dii furores hoc ferro & hac dextra à ceruicibus repuli.

„ Haud secus ac iussi faciunt—

Hanc

„ Hanc gloriam sustulit. De cuius laude nec hic locus est vt  
 „ multa dicantur. Chrysogonus à vobis hoc postulat. Dura  
 „ mihi mediussidius fortuna Po. Romani & crudelis vide-  
 „ batur, quæ tot annos illum in hanc Remp. insultare vide-  
 „ ret, & pateretur. Lac præceperit æstus. Video hunc nullius  
 „ rei mutasse consilium. Quæ tot ac tales viros impediat.  
 „ Dum hic viueret, locū relinquere noluit. In his est aliquid  
 „ occulti discriminis. Nam mollius excipitur à quibusdam,  
 „ vt ab S, & T. sed in re tam parua nolumus immorari. Ap-  
 „ ponitur hæc litera, sequiturq; multo frequentius, propter  
 „ ea quòd plura verba ducunt ab ea principium, in eadem  
 „ finiuntur pauciora. In hoc ordine coire propius & annecti  
 „ mihi videtur, id quod auribus & exemplorum frequentia  
 „ existimari potest. —Nec cura peculi.

„ Necdum illis labra admoui, sed condita seruo.  
 „ Et sol crescentes decedens duplicat umbras.  
 „ — Rapidum Cretæ veniemus Oaxem.  
 „ Ah Corydon Corydon— —Pan curat oues.—  
 „ Verum hæc tantum alias inter caput extulit vrbes.  
 „ — Frigus captabis opacum. —Herbas contundit olentes.  
 „ Nec te pœniteat calamo triuisse labellum.

Nihil est hic quod aures grauius offendat, nihil etiā quod  
 magnopere delectet. Itaq; C propior est virtuti quàm vi-  
 tio, maximè quum literis occurrit L, N, R, S, & T, quæ in  
 eodem propè habitu oris efferuntur. Idem est iudicium de  
 Q litera cognata. Nam C, K, Q, pro K græco latini fece-  
 runt. Ex quibus alterum non est huiusce contemplatio-  
 nis. Q non claudit, sed inchoat vocem.

„ — Non ausim quicquam deponere tecum.



„ Audiat hæc tantum vel qui venit—

„ — Amauit nos quoque Daphnis.

Consonantium literarum tertia molliitur in C, vt accedit, acquirit. in F, vt affinis. in G, vt aggreditur. in L, vt alluit. in M, vt ammiratum, non admiratum plerique dixerunt. in N, vt annectit. in P, vt apparet. in R, vt arripit. in S, vt assuit. in T, vt atterit. Hæc, credo, mutatio non esset, si perquam familiariter elementis illis adhæsisset. Eadem repetita nihil offendit. Quid dicam? haud dubiè. ad delubra. Sed & aliis iungitur non sine offensione.

„ Huic aliud mercedis erit—

„ An deus immensi venias maris.— — Quid, qui

„ Luxuriam segetum tenera depascit in herba?

„ — Victum Dodona negaret.

„ — Duplici aptantur dentalia dorso.

„ Tempore non alio dicunt regionibus illis.

„ Quæsitæ ad sacra boues Iunonis—

„ Illa seges demum votis respondet auari Agricola—

„ In quascunque voces artes, haud tarda sequuntur.

„ Tondent dumeta iuuenti.

„ Vt aliquis metus adiunctus sit ad gratiam, Ciceronis est in diuinatione. Si literæ quæ proferuntur eodem penè oris habitu, minus exasperant vocem, certè D cum L, N, S, T, quæ pronunciantur ad dētes, haud multum dissentiet. Sed hic non solum ratio, verum etiam consulitur auris: quæ si fuerit exercitata, de sonis optimè iudicabit. Ne quid tamē sensus erraret, obseruanda sunt quæ eloquentissimi quique viri frequenter vsurparunt. Fin verbo Romano litera postrema nō est, quamobrem in iuncturæ commissione semper

per apponitur: præcedit M suauissimè, id quod iam suprà diximus.

- ” Nescia mens hominum fati sortisq; futuræ. S amicè: vt,
- ” — Noctem flammis funalia vincunt.
- ” Quinquaginta intus famulæ— T non multo asperius.
- ” Et torrere parant flammis, & frangere saxo.
- ” Dāt famuli manibus lymphas. Ceterę minus familiariter.
- ” — Sed famam extendere factis,
- ” Hoc virtutis opus.— Sic fatur lachrymans—
- ” Hi summo in fluctu pendent.—

G nulli verbo latino finis est. Paulo crassius ac robustius auditur q̃ C, cui propinquum est affinitate soni, quapropter minus venustatis habuit in fine. Principiũ multis est, vt his, gaudium, gero, gibbus, gobio, gustus, gratia, gleba, glires, gloria, deglubo. Quid aliis iuncta sonet, in his similibusq; perpende. Miles fuit sub Gabinio. Hoc grauitèr tulit. Metus adiunctus ad gratiam. Consul gaudio plenus. Pupilli curam gerit tutor. Crimen grāde commisit. Queritur grauitèr Cæsar. Obscurus genere Octavius sibi magnam peperit gloriam. Si me roges an sit hac in commissura vitium, dicam paulo apertius esse, q̃ in ea quæ C iungit, à qua solùm fortiore sono differt: sed ne hoc quidem magnopere fugiendum, nisi sic loqui turpe sit. Huius gloriæ C. Cæsar quam es paulò antè adeptus, socium habes neminem. Fortuna in istius se societate gloriæ non offert. Omni copiarum genere abundantes. Quo studio incendimur non modò in gestis rebus, sed etiam in fictis. Nunc venio ad grauissimam querelam, & atrocissimam suspicionē tuam. Inuitus audiui satis te diu vel naturæ vixisse,

„ vel gloriæ. Satis, si ita vis, naturæ fortasse: adeo etiam, si pla-  
 „ cet, gloriæ. Quum vox initium ducit ab ea litera quæ in  
 „ Iulio prima est, non asperat sonum prioris, nisi quum ve-  
 „ hementius effertur: & inter I & G nullum discrimen fit in  
 „ pronunciando.

- „ Iunonem interea compellat Iuppiter ultro.  
 „ Ad quem tum Iuno supplex his vocibus vsa est.  
 „ — Et mi genus ab Ioue summo.  
 „ — Rex Iuppiter omnibus idem.  
 „ — Non clausa tegunt iam mœnia Teucros.  
 „ — Vbi hic Iuno? demissaue nubibus Iris?  
 „ Talibus orabat Iuno—  
 „ — Nunc sera querelis  
 „ Haud iustis assurgis.—  
 „ — Iam quærit sydera opacæ  
 „ Noctis iter, iam quæ passus terræq; mariq;  
 „ — Medias illis opponere turmas  
 „ Ne castris iungant, certa est sententia Turno.  
 „ Horridus in iaculis.—

L in compositione interdum præcedit, interdum subse-  
 quitur, litera per se mollis & tenera, non tamen omnibus  
 eodem modo facilis & obuia. Hoc quale sit, intelliges ex  
 his, allusit, illexit, pellexit, collustraui, elegit. Si dixeris ad-  
 lusit, inlexit, perlexit, conlustraui, exlegit, absonum quid-  
 dam senties, quale non est in his, albus, alnus, aluus, sulfur,  
 „ albor, alpes, celsus, altus. Utamur exemplis. Nihilne te no-  
 „ æturnum præsidium palatii? nihil vrbs vigilæ? nihil timor  
 „ populi? nihil consensus bonorum omnium? &c.  
 „ Nil super imperio moueor—

- „ —Nihil mea carmina curas.  
 „ Sol tibi signa dabit.—  
 „ Sol qui terrarum flammis opera omnia lustras.  
 „ Nil validæ iuvere manus —

Hæc volubilia. At Cōsul Romanus, & vigil Xerxes, aspera sunt. Succedit eadem litera.

- „ —Num lumina flexit?  
 „ Num lachrymas victus dedit?—  
 „ —Læneum libat honorem.  
 „ —Ipse deum manifesto in lumine vidi.  
 „ —Ac totum sub leges mitteret orbem.  
 „ Falcibus & messæ ad lunam quæruntur ahenis  
 „ Pubentes herbæ nigri cū lacte veneni.  
 „ —Nec littora longè  
 „ Fida reor fraterna Erycis.—  
 „ Eminent, ac læua tacitis subremigat vndis.  
 „ Postera Phœbea lustrabat lampade terras.  
 „ —Maestant lectas de more bidentes.  
 „ —Hæret lateri letalis arundo.  
 „ Ille dies primus læti, primusq; malorum  
 „ Causa fuit.—  
 „ Scilicet is superis labor est—  
 „ Te propter Libycæ gentes, Nomadūque tyranni  
 „ Odere, insensi Tyrii—

Omnino melius antecedit, postposita minus aliquanto cohæret. Sed ne sic quidem habenda est inter eas quæ persæpe fugiuntur. P quum præmittitur M, suaviissimæ vocis est. quum præferuntur cæteræ, non grauitè offendit.

- „ Nec pluteum cædit—

- „ Ad populum phaleras. Rapitur ad tribunal pratoris.  
 „ Ius suum obtinere non potuit.  
 „ —Labatur pectore vultus.  
 „ Nos patriam fugimus — —Sat prata biberunt.

R insuavis est & iniucunda litera. caninam vocat Persius.  
 Nunq̃ frequentabit eam qui suauitati consultū volet. At  
 qui rem durā & asperam tractabit oratione, hanc sæpe col  
 locabit, non in mediis vocibus modò, sed in coagmenta  
 tione. hinc robur, hinc affectus grauis, hinc ira, hinc gra  
 uitas & indignatio, hinc bellicus furor. Sed hic sonū lite  
 rarū, non vsum, de quo postea futurus est sermo, quæri  
 mus, nec omnem sonum, sed quē maximè spectet orator.  
 Minus est horrida ante mutas, & ante I & V consonātes.  
 Hic acerba tamen & immitis: vt,

- „ Vir bonus & prudens totum se explorat ad vnguem.  
 „ —Ter cælo clatus ab alto Intonuit.—  
 „ Contemptor diuū Mezentius—  
 „ —Insignem palma per gramina currum,  
 „ Victoresq̃ ostentat equos.—  
 „ —Sumpsisse merentis Laudabor pœnas—  
 „ —Fruiturque deorum Colloquio—  
 „ —Ingratis offer te irrise periclis.  
 „ His accensa super, iactatos æquore toto  
 „ Troas reliquias Danaū, atque immitis Achillis  
 „ Arcebat longè Latio—  
 „ Tendit iter velis.—

Nec multo grauius ante M, N, & S, exhorrescit.

- „ —Pedibus per mutua nexis  
 „ Examen subitum ramo frondente pependit.

— Mefapus equum domitor, Neptunia proles  
 Curuatis fertur spaciis: —  
 Ante L asperior est.

- „ Proxima Circeæ raduntur littora terræ  
 Durè sibi occurrit,  
 „ — Maior rerum mihi nascitur ordo.  
 Apposita sicut apertius auditur (tunc enim est in arsi, non  
 in thesi) ita quoque videtur immānior, ut Tab radice  
 „ Hæc responsa patris Fauni  
 „ Ergo iter ad regem indicit —  
 „ Arma velit, poscātque simul, rapiātque iuventus,  
 „ — Externusque in regnum quæritur hæres —  
 „ In dubiis responsa petunt —  
 „ Centum lanigeras mactabat rite bidentes.

S à fine verbi quale est optimus, detrahebant veteres,  
 nisi vocalis insequēbatur. Testis est in Oratore Cicero.  
 „ Quinetiam, inquit, quod iam subrusticanū videtur, olim  
 „ autem politius, eorum verborum quorum eadem erant  
 „ postremæ duæ literæ, quæ sunt in optimus, postremam li-  
 „ teram detrahebant, nisi vocalis insequēbatur. Ita non erat  
 „ ea offensio in versibus, quam nunc fugiunt poëtæ novi. Ita  
 „ enim loquebantur, Qui est omnibu' princeps, & vita illa  
 „ dignu', locoq; non dignus. Non comprobat hanc loquē-  
 di consuetudinem, quæ subrusticana iam videbatur, sed  
 ostendit veteres illos suauitatis artifices fuisse, & interdum  
 huius offensionem literæ vitasse. Non offendit quum T  
 subsequitur, cui proximè cohæret: vt, In manibus tabulas  
 habebamus. Cæteris quoque vocibus committitur, vt, Ce-  
 „ do cui Siculo, quum is reus fieret, ciuis Romanus cogni-



tor factus vnquam sit. Non immorabor in exemplis, quæ sunt propè infinita. S. nihil habet durum in coagmētatione. Quod si videor aliter iudicare quum mentionem de cæteris consonantibus facio, ne quis inſtet moleſtus. Hoc dico, in ſe nihil habet aſperum in coagmētatione. Si quid aſperitatis eſt, in hac litera nō eſt. Ne tamen in eadem parte crebra ſit, ac nimium multa. Sibilat enim, ac quaſi flatus euaneſcit. T. quàm. D, tenuis magis eſt, propterea per ſe ipſa minus offendit. Exempla ſubiicere, ſi non eſſet in manibus illorum copia. V. conſonans nō diſſilit in iunctura, niſi aſperior illi committitur: vt, ſup̄ ioloq̄

— Volitans ſub verberibus turbo.

— Diuōsque in vota vocauit.

— Rutulōsque exercent vomere colles.

— Per varios ſternit caſus.

— Hac vos & Pallanſa ducem patria alta reſoſcit.

— Accepit venientem.

X aſperæ concurſionis eſt: vt, Plus voluptatis ex recor-

datione illius orationis, quàm non modò ex mea, ſed ex

cuiusquæ oratione capere poſſitis. Vt pia & æterna pax ſit.

Audax præcipuè fuiſſe videtur in conuocandis homini-

bus & armandis: Hoc aiunt conſtitutum eſſe cum ſeruis,

vt ad balneas Xenias venirent.

At rex ſollicitus monſtris oracula Fauni

Fatidici genitoris adit—

— Ex alto vox reddita lucō eſt.

Quinetiam veterum effigies ex ordine auorum.

Antiqua ex cedro—

Ad nos vix tenuis famæ perlabitur aura.

Ob hanc

- Ob hanc asperitatem præpositio ex, in e mollietur: vt,
- „ Ipsa Iouis rapidum iaculata è nubibus ignem.
- Z suauissima mihi videtur,
- „ —Nec zephyros audis spirare secundos. — Vela secundi
- „ Intédūt zephyri. — A. Et zephyro putris se gleba resoluit.
- In componendo fugienda literæ eiusdem crebra repetitio. Hoc fit interdum quum plura verba continua ab eadem litera ducunt initium, vt,
- „ —Cauum conuersa cuspide montem. Impulit—
- „ —Terras turbine perflant. —Sedeant spectentq; Latini.
- „ —Laxis laterum compagibus omnes
- „ Accipiunt inimicum imbrem—
- „ —Inq; sinus scindit sese vnda reductos.
- „ —Illic fas regna resurgere Troia.
- „ —Veniet lustris labentibus ætæs.—
- „ Vidistis hominem sine re, sine fide, sine spe, sine sede, sine
- „ fortunis. Ciceronis est hoc pro Cælio, in quo mora quædam & interspiratio vitiosam minus efficit compositio-
- „ nem. verba sunt eiusdem. Eo maleficio tamen erant impli-
- „ cati, vt ex nullius legis laqueis emittendi viderentur. Itaq;
- „ hæc causa ad testes tota traducta est. Si manebat tanta illa
- „ cōsuetudo: Cælii cum Clodia, quid suspicionis esset &c.
- „ In quâ lustra, libidines, luxuries, omnia denique inaudi-
- „ ta vitia atque flagitia versentur. Sacrosanctum nihil potest
- „ esse, nisi quod per populum plebem ve sancitum est. Vir-
- „ tus digna summo imperatore, spes pro periculis præ-
- „ miorum. Cuius tres triumphus testes essent, totum or-
- „ bem terrarum nostro imperio teneri. Hæc apud sum-
- mos oratores, qui minimis rebus occupati videri nolunt,

haberi vitia non debent: Nec sunt omnino culquam, sed magna ex parte fugienda. Nam docti viri fugiunt, vt Virgilius,

„ — Spumas salis are ruebant, tuta equora

„ Aequora tuta silent.

„ Noluit hoc modo, Spumas maris, Aequora tuta tacent.

„ Non placet aspiratio repetita. Quid enim abest huic homini? Quædam literæ minore cum offensione repetuntur, vt F, M, V consonans.

„ — Loca fœta furentibus austris.

„ Veluti aduersa ferit, fluctusq; ad sydera tollit.

„ Contra Populi Roæ religionem & fidem fecisse dicitur.

„ Vtrum enim scientem vultis contra fœdera fecisse, an inscientem?

„ Hoc metuens, molemq; & montes insuper altos

„ Imposuit — Vasto cum murmure montis.

„ Ingentiq; manû malum de naue Sereſti Erigit —

„ Incute vim ventis.

Deformes & literæ quæ non eadem; sed propè sunt eadem.

„ Eliquat, & tenero supplantat verba palato.

Vna & eadem litera sæpius inserta, simile vitium committit: vt, Ego quantum ei debeam, alio loco ostendam: Lux

„ denique alia est solis, & lychnorum: Ad mulieris libidines & delicias deponitur.

„ — Manent immota tuorum — Fata tibi.

„ Quæ te tam læta tulerunt — Sæcula —

„ Sed quid opus teneras mordaci radere vero Auriculas?

Quum verbum capie initium ab iis literis quæ prioris erant ultimæ, aut vltimis finitimæ, conficitur ingrata vox;

& auribus

& auribus iniucunda, cuius generis hæc sunt. Nonnulli  
 „ literati, ac studiis doctrinisq; dediti, quasi quiddam incre-  
 „ dibile dicere putabantur. — Da sternere corpus

„ Loricæque manu valida lacerare reuulsam.

„ —Italiam læti Latiumque petamus.

„ Sibila lambebant linguis.—

„ Humani nihil à me alienum puto.

„ Quippe ferant rapidi secum, verrantq; per auras.

Eadem penè deformitas est in iis syllabis, quæ penè sunt  
similes, cuiusmodi sunt

„ —His vnda dehiscens, Terram inter fluctus aperit.—

„ Nulla mora in Turno, nihil est quòd dicta retractent

„ Ignaui Aeneadæ.—

„ Vos imploro maria, portus, insulæ, littora.

„ Est enim huius seculi labes quædam & macula, virtuti in-

„ uidere. Ad populum latum, vt is Publicius si domum re-

„ uertisset, & inde Romam redisset, ne minus ciuis esset.

„ Teterrimam mortem obiret. Fugies hæc voce mutata, vt,

„ Impulerat ferro Argolicas fœdare latebras.

Virgilius melius fœdare quàm lacerare dixit. In hoc ge-  
nere maximè vitandum κακόφικτος illud, cuius est obscœ-  
nus intellectus. Est apud Virgilium,

„ —Iuuat ire, & Dorica castra, Desertosq; videre locos.—

„ Treis adeo incertos cæca caligine soles

„ Erramus pelago.—

„ Corpora fundit humi, & numerū cum nauibus æquat.

Syllabas Ca & ca, Cum & na, iungito, efficies alterum  
verbum sordidum, alterum obscœnum. illud enim ad alui lucet  
 proluuiem, hoc ad pudenda referetur. Quamobrem ve-

terres dixere nobiscum. si enim præpositionem anteposuisse, literæ concurrissent obscœnius. Peccant igitur hæc commissiones, In arcu lethifero, me iecur alit, gallicum nomen, mare Libycum nusquam quietum. Fugiendum cum necesse est. Huiusmodi vitia Cicero vitat interpolatione verbi, vt in his, Cum isto Næuio familiariter viuit.

» Vt cum ipsi nihil alteri scientes incômodarint, nihil ipsis

» iure incommodi cadere possit. Cum hoc nouæ litis genus intenderet. Cum absentis nomen reciperetur. Cum te

» nos non opinione dubia, sed tuis vestigiis persequamur.

» Cum is non solum Capuā venisset. Sed & idem magnus orator non semper hoc fugit. Indicat hæc oratio ex decimaquarta Philippica. Itaque cū supplicationes iustissimas ex his literis quæ recitatæ sunt, decernere debeamus,

» Seruiliusque decreuerit, augebo omnino numerum dierum, præsertim cum non vni sed tribus ducibus sint decernendæ. Idem admisit tertio de oratore: lis qui hæc quæ nos nunc quærimus, tractarent, agerent, docerent, cum nomine appellarentur vno, quòd omnis rerum optimarum cognitio, atque in iis exercitatio, philosophia nominaretur, hoc commune nomen eripuit. His addendum videtur quod Quintilianus annotauit. Videndum, inquit,

» ne syllabæ verbi prioris vltimæ, sint primæ sequentis. Id ne quis præcipi miretur, Ciceroni in epistolis excidit, Res mihi inuisæ visæ sunt Brute. & in carmine,

» O fortunatam natam me consule Romam.

Hactenus Fabius. Legem equidem probo, sed non possum mihi persuadere vitium tam apertum excidisse Ciceroni. Auris eius maximè erudita, virique iudicium, sensus item

item acutissimus, & exercitatio diuturna, necnon scripta ab eo foelicissimè, efficiunt vt hæc vltro luisse, non temerè fuisse credam. Aliud est eum ex industria sic loqui, aliud imprudentem effundere. Excidunt ea quæ labuntur imprudenti. Nec assentior illis qui quum hunc audiere versiculum, extemplo inuitis Musis eum fecisse versus existimant. Ignorant quàm multos foeliciter expresserit, ex quibus coniecturam capere licet, non illi venam, sed tempus & voluntatem defuisse. Inuisæ & visæ, fortunatâ & natâ, in eisdem propè literis habent antitheton, atque dissimilitudinem quandam non ingratam examinantibus pondera verborum, in qua lusit acutus vir, vt in gracili filo orationis. Idem Quintilianus ad iuncturam monosyllaba refert, quasi ad coagmentationem, quæ tam parua quàm magna iungit, non ad verborum delectum pertineant. Eodem refert longa breuiâq; verba, quæ esse numeri, non iuncturæ, sciunt omnes Rythmici. Adiungit similiter cadentia, similiter desinentia, & eodem modo declinata, quæ schemata sunt interdum, & verborum figuræ. In his luminibus orationis aliquando est numerus sponte fluens, & quædam venustas. Quamobrem si crebriores erût, non qualitate, sed quantitate peccabunt: nec erit illud commissuræ vitium, sed quantitatis. Hoc potius annotandum, iuncturas asperas esse quibus innectuntur multæ consonantes, cuiusmodi sunt istæ, dolens regina, post meridiem, hyems frigida, pons fractus, ingens stridor, vrbs præclara. In his efferendis spiritus elaborat. obluantur enim ac resistunt, nec expediri se sinunt implicatæ. Ea de causâ veteres dixere post meridiem, & pomeridianas quadrigas.



## DE ELECTIONE, ET ORATORIA

Si quod vitium admittet cōpositio, minus erit in his quæ interspiratione diducuntur, quàm quæ vno eodemq; conatu proferuntur. Nam mora & interuallum impedimento est quo minus res alioqui vitiosa audiatur.

### De coagmentatione vocalium & consonantium.

#### Caput. 5.



**N** compositione iuncturarum sæpe vocalis adiungitur consonanti, aut contrà vocali consonans. Tumq; ferè verba de verbis aptè cadunt, & in æquabili commissura non admittunt hiatū. Vt enim lapides quadrati facillimè connectuntur, sic & eiusmodi literæ proximè cohærent. Vtq; læue corpus & politū sine offensione transmittit ungues, sic & illa coagmentatio pronunciantis impetum finit excurrere celeriter, & ad exitum ferri: vt,

- ” — Tuus ò regina quid optes,
- ” Explorare labor, mihi iussa capessere fas est.
- ” Parce metu Cytherea, manent immota tuorum
- ” Fata tibi. — Pauca mihi videntur esse de prouinciæ
- ” dignitate, vetustate, vtilitate dicenda. Populo Romano
- ” iucunda suburbanitas est huiusce prouinciæ. Excipitur
- ” M à consonantibus, quæ præposita vocali non aliter absumitur in carmine, atque vocalis obuia vocali. Id fit à poëtis propter hiatum & offensionem quam parit hæc litera, vt hic,
- ” Monstrum horrendum informe—

Sic pronuncietur, Monstr' horrend' informe. Sed & sic quoq; multum laborat oratio. In oratione non eximitur, sed obscu-

„ sed obscuratur, authore Quintiliano. M litera, inquit, quo  
 „ ties vltima est, vocalem verbi sequentis ita contingit, vt  
 „ in eam transire possit: etiam si scribitur, tamen parum ex-  
 „ primitur, vt, Multum ille—  
 „ &, Quantum erat. adeò vt penè cuiusdam nouæ literæ  
 „ sonum reddat. Neque enim eximitur, sed obscuratur, &  
 „ tantum aliqua inter duas vocales velut nota est, ne ipsæ  
 „ coëant. Vt nunc est pronunciatio, & scribitur, & expri-  
 „ mitur, quemadmodum vocales omnes, quas elisisse vete-  
 „ res antea diximus: & abusus ille frequens effecit, vt vitium  
 „ minus audiamus. Nec quid hic agas, certum est. Sic enim  
 „ pronunciare, durum videtur, & durius ab omnium mo-  
 „ re desciscere. Veteres elidebant M in oratione. Nam te-  
 „ ste Quintiliano Cato scripsit, die' hanc, & M in E molli-  
 „ uit. vnde confirmari potest illud dictum nostrum de col-  
 „ lisione vocum, sic latinos vt græcos vsos esse apostropho.  
 „ An Cicero pronunciarit M, aliis pronunciandum relin-  
 „ quo: certè frequenter anteposit eam vocali, & in eadem  
 „ sententia, vt in hac. Reperiemus, si istum ad aliud iudi-  
 „ cium perducere potuerimus, quibus probemus istum  
 „ in quæstura pecuniam publicam Cn. Carboni Conf. da-  
 „ tam auertisse, quibus suadeamus istum alieno nomine à  
 „ quæstoribus vrbani, quod priore actione didicistis, pec-  
 „ uniam abstulisse. Vastè sonat ante A literam apertio-  
 „ rem, maximè quum vocum repetitio est, vt, Gn. Pompeii me-  
 „ moriam amisimus. Quod si dixeris, Gn. Pompeii memori-  
 „ amisimus, nihil offendet, & hoc modo Ciceronem egis-  
 „ se credibile est. A profertur ab arteria, O ab ore cauo: ita-  
 „ que ab extremis labris, quibus M enunciatur, plurimum

distant. Ex eo fit, vt cum duabus I & V parum distantibus minus pugnet in occurſu, cum reliquis immanius.

Quæ figuræ coagmentationi ſubſeruiant. Cap. 6.



FIGVRIS, quarum multus eſt numerus, quædam non aliò videntur admitti, niſi vt aptius in oratione verba cõponantur. Quod genus, quoniã verbum collocat eo quo maximè decet loco, etiamſi temporũ non numeratur quantitas, ad commiſſuram partium referendum eſſe puto. Talis eſt anastrophe, quæ nulla neceſſitate commutat ordinem. Ea frequentius vtuntur poëtæ, vt Virgilius,

- » Vrbis antiqua fuit, Tyrii tenuere coloni,
- » Carthago, Italiam cõtra. — Fac ſic, Carthago, contra Italiam: ſtabit ratio verſus, ſed compoſitionis ille decor exciderit.
- » Progeniem ſedenim Troiano à ſanguine duci
- » Audierat. — — Maria omnia circum.
- » — Magno cum murmure montis.
- » Vnius ob noxam. —
- » Quos inter medius venit furor. —
- » Tranſtra per & remos. —
- » In oratione dicitur, Quòcum, quicum, magna ex parte.
- » Cicero pro Deiotaro, Quòcum erat nõ hoſpitio ſolum,
- » verumetiam familiaritate coniunctus. Fit hoc etiam, ne duo verba in eandem literam cadentia iungantur, vt
- » — Magno in populo. —

Multi

” Multi illam magno è Latio totaq; petebant

” Aufonia.—

Eò nonnunquam spectat apocope, vt,

” —Immitis Achilli.

” —Duri miles Vlyssi.

Immuta sic, Immitis Achillis, Duri miles Vlyssis, peccabit *ὁμοιοπρωτος*, id est multorum casus idem. Bene igitur dixit Virgilius,

” —Tumidúmque sub axe tonanti

” Sternitur æquor aquis.—

Peius erat, axe tonante. Ad huius vitii fugam nonnunquam vtimur diphthongo græca, quæ fit ex E & I, vt,

” Cogunt me Neptune preces descendere in omneis.

Sed & hæ literæ minus agrestes sunt in quibusdam: quod A. Gellius testatur. Quamobrem Virgilius dixit,

” — Treis littore ceruos

” Prospicit erranteis.—

” Despiciens mare veliuolum, terrasque iacenteis.

” Atque illum taleis iactantem pectore curas.

” — Tristeisque ruinas

” Solabar— Rusticè dixisset, tres ceruos errantes, & terras iacentes: quanquam plerisque propter abutendi consuetudinem hæc quoque dulcia videntur. Id non fit in omnibus generis eiusdem, vt,

” Aspice bis senos lætâtes agmine cygnos.

hic consulendæ sunt aures, quemadmodum vbi continua multa eodem fine claudûtur. Nec enim semper offendunt audientem, vt hæc,

” Aeternis regis imperiis—

- ” Cui mater media sese obtulit obuia sylua.  
 ” Itaque Pharsalico praelio facto à Pompeio discessit. Mu-  
 tantur aliquando casus vt aptius sedcant, vt,  
 ” Huic delecta virum fortiti corpora furtim  
 ” Includunt cæco lateri.—  
 ” — Quorum melior sententia menti.  
 ” — Da flammam euadere classi.  
 ” — Et classe subegit  
 ” Amissa, socios ignota linquere terræ.  
 Inuenustior fuisset vltimus nominum casus, Cæco late-  
 re, mente, classe, ignota terra. Et genus aliud alio gratius  
 est, vt,  
 ” Scinditur incertum studia in contraria vulgus.  
 Vulgus incertus dici quidem potuit, sed odiosius. Nec  
 semper in eodem numero placet eadem venustas.  
 ” — Securus amorum  
 ” Germanæ,—  
 pulchrius est, quàm, securus amoris germanæ. Ad hæc,  
 quædam affinitas est literarum, & quasi necessitudo, quam  
 ” sentiunt aures, os exprimere verbis non potest. Celsa se-  
 ” det Aëolus arce. Cur celsa potius quàm alta? Verrantque  
 ” per auras, noluit hoc, spargant. Bis septem præstanti cor-  
 ” pore nymphæ: non vsus est hoc epitheto, formoso. Incu-  
 ” buere mari, non fallo. Alibi spumas salis, non maris. Sub-  
 ”mersasque obrue puppes: obrue naues, deterius fuisset.  
 ” Subducite naues, decentius quàm subducite puppes. hæc  
 & similia si referes ad animi contemplationem, diu sus-  
 pensus hæsitabis: si ad aurem, continuò senties quæ pro-  
 bare maximè debeas.

De concinnitate numerosa, & similiter desinentibus.

Caput. 7.



E tribus commissuræ partibus ea diximus, unde cætera generis eius haud magnò negotio colligi possint. Huic autem diligenter incumbendum est, propterea quòd optimè iuncta coagmentatione, etiam si nihil aliud de industria factum est, tamen oratio videtur esse numerosa. Illam si neglexeris, concinnitate & numero nequaquam perficies ut ornata venustaque sit oratio. Sed quòd & hæc expoliunt elocutionem, & ordo rerum fecit ut eò tandem veniremus, de concinnitate pauca dicamus. Quid sit apta concinnitas, antea descripsimus, & de sententia Ciceronis partes eius quatuor fecimus, similiter desinentia, similiter cadentia, paria paribus relata, & contraria. Verba quæ literis eisdem conclusa ponuntur in clausulis orationum proximarum, à Græcis ὁμοιοτέλευτα, à nostris similiter desinentia vel finientia dicuntur, ut hæc,

„ Bellum in Africa maximum confecit, victorem exerci-  
 „ tum deportauit. Ille deos deorum spoliis ornare noluit,  
 „ hic ornamenta Mineræ virginis in meretriciam domum  
 „ transtulit. Ergo & mihi meæ pristinæ vitæ consuetudi-  
 „ nem C. Cæsar interclusam aperuisti, & his omnibus ad  
 „ bene de omni Repub. sperandum quasi signum aliquod  
 „ dedisti. Verùm animum vincere, iracundiam cohibere, vi-  
 „ ctoriam temperare, aduersarium nobilitate, ingenio, vir-  
 „ tute præstantem, non modò extollere iacentem, sed etiam  
 „ amplificare eius pristinam dignitatem, hæc qui faciat, non



» ego eum summis viris comparo, sed simillimum deo iu-  
 » dico. Nemo tum nouitati inuidebat. nemo virtutem non  
 » honorabat. Is enim profectò mortem attulit, qui caussa  
 » mortis fuit. Magnificè Seruius Sulpitius maiorum conti-  
 » nentiam diligebat, huius seculi insolentiam vituperabat.  
 » Nam & hoc in ordine, integra re, multa de pace dixi, &  
 » in ipso bello etiam cum capitis mei periculo sensi. Quid  
 » hic victor nō audebit, qui nullam adeptus victoriam, tan-  
 » ta scelera post Cæsaris interitum fecerit: refertam eius do-  
 » mum exhauserit? hortos compilarit? ad se omnia ex his  
 » ornamenta transtulerit? cædis & incendiorum causam  
 » quaesierit ex funere? duobus aut tribus Senatusconsultis  
 » è Repub. bene factis, reliquas res ad lucrum prædamq; re-  
 » uocarit? vendiderit? immunitate ciuitates liberauerit? pro-  
 » uincias vniuersas ex imperii populi Romani iure sustu-  
 » lerit? exules reduxerit? falsas leges C. Cæsaris nomine, &  
 » falsa decreta in æs incidenda, & in Capitolio figenda cu-  
 » rauerit? earumq; rerum omnium domesticum mercatum  
 » instituerit? Populo Romano leges imposuerit? armis &  
 » præsiidiis populum Romanum, & magistratus foro exclu-  
 » serit? Senatum stipauerit armatis? armatos in cella Cōcor-  
 » diæ quum senatum haberet, incluserit? ad legiones Brun-  
 » dusium concurrerit? ex his optimè sentientes. Centurio-  
 » nes iugulauerit? cum exercitu Romam sit ad interitū no-  
 » strū, & ad dispersionem vrbs venire conatus? Multa pro-  
 » posuimus exēpla, vt planū inde fieret, in aliis esse breuiora  
 » membra, in aliis productiora, in aliis pauciora, in aliis plu-  
 » ra, in aliis paria, in aliis imparia, in aliis quaesitam esse ve-  
 » nustatem, in aliis propè naturalem. Incidunt hæc in cala-  
 mum,

mum, nobisque nolentibus ita se offerunt, vt maior in fu-  
 giendo sit cautio, quàm in persequendo labor. Natura (vt  
 mihi videtur) suadet voluptates honestas, & quantum po-  
 test, vocibus atque varia iucunditate respergit orationem,  
 Artis est, quod accidit, aut probare, aut improbare, &  
 quod deest, adiicere: quod superest, elimare. Dicit aliquis,  
 Quid hoc ad numerum? Hæc cōcinnitas & conformatio  
 in paucis est verbis eodem pacto finientibus, numerus au-  
 tē insertus est omnibus partibus orationis. Confitendum  
 est hanc concinnitatem, & eum numerum qui est ex tem-  
 porum spaciis, plurimum differre. Nec dicimus has figu-  
 ras esse numeros, sed esse numerosas, quoniam illas spon-  
 te numerus consequitur. Id notius erit exemplo familia-  
 ri. Videmus eos qui rhythmos gallicos scriptitant, ferè to-  
 tos esse in similiter cadentibus vel desinentibus (quod mi-  
 hi ieiunum & miserum est, in eadem semper versari figu-  
 ra) assequi tamen concinnitatum beneficio, vt & oratores  
 & poëtæ à plerisque dicantur. Poëtas imitatur certo quo-  
 dā syllabarum numero, Oratores aliquo quasi rhythmo,  
 ex quo *ῥυθμικὸς* creduntur à vulgo. Quid habent orato-  
 rium, nisi hunc forte rhythmum? & quid habent numero-  
 sum, nisi eodem modo finitum? Oratores obseruant pe-  
 des, non autem, vt illi, certum numerum syllabarum. Itaq;  
 si videntur aptiores vna aut altera concinnitate, idem ac-  
 cedat & latinæ orationi necesse est, non quia numeran-  
 tur in ea pedes, sed quòd illa cū voluptate quadā conclu-  
 ditur. Aures enim iucundū & suauem quærunt exitū, qui  
 quū optatus aduenit, oblectantur, & in eo conquiescunt.  
 Ad hæc, nō omnia quorū similis est exitus, esse numerosa

verū est, sed ea maximè quæ vel pari, vel penè pari longitudine porriguntur. Est in numero cursus & comprehensio quæ pedibus fertur ad finem. hæc eò est in eodem modo finitis, quòd vt optimè respondeant, in eandem propè mensurā concludi solent. Quum primus ambitus ad metam ductus erit, paulumq; substiterit, vnà cū eo sensus aurium quiescet: quum secundus eodem penè curriculo circumductus aut aliter pedem fixerit, & currendi æquabilitatem, & finiendi similitudinem comparando, non modò quiescet, sed etiam voluptate reficietur. Quamobrem illud totum esse numerosum & arte modulatū videbitur:

- » vt, Accusant ii qui in fortunas huius inuasērunt: causam
- » dicit is, cui præter calamitatem nihil reliquerunt. Hic non est opus, vt sit par numerus syllabarum, sed vt ad æqualē, aut ad propè æqualem magnitudinem extendantur sententiæ. Quòd si ambitus alter altero longior est, siue antecedit, siue subsequitur, numerosum quiddā & hoc pacto conficit, vt dimetri versus annexi trimetris aut hexametris. nec enim displicet opposita varietas, nec est ingrata
- » finium consonantia. Qui diligebāt hunc, illi fauebant: qui
- » admirabantur hunc, illū probabant: qui deniq; huius nomē
- » audierant, illum eruditū & perfectum existimabant. Hæc oratio paulo iucundior est, quòd tertia pars prioribus est aliquanto productior. Hinc ostendi potest partiū æqualitatem conuenire numeroso, & earum inæqualitatē eidē non vbiq; dissentire. Numerosum dico, nō quicquid numeris constat, sed quod elocutionis aliqua voluptate gratū, refertur ad modulationē. Porro similiter definiens modulatur extrema in quibus numerus ille dominatur.

Et quo-

Et quoniam media mediis, extremis extrema accommo-  
data iucundius efferuntur, intermedia sic componit, vt  
sponte numerus confluere videatur. Hoc itaque schema  
cursu temperatum, aptè conclusum, nō numerus quidem,  
numerosum tamen est, & in orandi voluptatibus & de-  
liciis habēdum. Sed eo tanto parcius vtemur, quanto pul-  
chrius est atque iucundius. Nec iucunditati semper est lo-  
cus, nec suaue quod nimium, nec iucundum quod tædio  
coniunctum, nec pulchrum quod diligentia fucatum,  
nec probandum quod nimio labore infinitum affectat  
ornamentum. Quatenus illud continuare liceat, cum ex  
historicis, tum ex Cicerone scire possis, cuius est illud ex-  
emplum ἑμιοπλατῶ frequens, quod paulo antè conscrip-  
simus. Quū sponte casus iidem in ordine consecutionis  
occurrant, vt sine vitiosa traiectione aliò reiici nequeant,  
sex aut octo membra, nonnunquam plura, eodem fine  
„ claudere, turpe non est: vt, Rogat oratq; te Chryfogone,  
„ si nihil de patris fortunis amplissimis in suam rem conuer-  
„ tit, si nulla in re te fraudauit, si tibi optima fide sua omnia  
„ cōcessit, annumerauit, appēdit, si vestitum quo ipse tectus  
„ erat, annulūque dedit, vt sibi per te liceat innocēti ami-  
„ corum opibus vitam in egestate degere. Nihil erat cur hęc  
traiceret, quum sponte fluerent, non quærerentur affecta-  
tè. Parciora sint quæ studio componendi quæsieris. Natu-  
ræ venustates minus animum satiant.

Vt sit oratio numerosa ex similiter caden-  
tibus.

Caput. 8.

SIMILITER



**S**IMILITER cadēs schema fit, quum in eadem constructione verborum duo aut plura sunt verba, quæ similiter iisdē casibus effe-  
runtur. Sic definit is qui rhetorica ad Heren-  
nium scribit, & ea ponit exempla, quibus indicari vide-  
tūr, similiter cadens, id est ὁμοιόπτωτος, esse in casibus qui si-  
miles exitus habent, non in iis partibus orationis quæ neq;  
declinantur, neque coniugantur. Nam differentię causā,  
similiter desinentia extendit ad omnia verba quorum si-  
miles exitus sunt, siue casibus inflectuntur, siue manent in-  
flexa. Sed & hæc aliter differunt. ὁμοιοτέλετος est in extre-  
ma parte duarum pluriūve sententiarum: ὁμοιόπτωτος aut  
in principiis, aut in mediis collocatur: fitq; præsertim quā-  
do casus velut ex aduerso sibi respondent: & reddita suo  
" loco, orationi gratiam præstant. Si quantum in agro lo-  
" cisque desertis audacia potest, tantum in foro atque in iu-  
" diciis impudentia valeret, non minus in causā cederet A.  
" Cecinna Sexti Ebutii impudentiæ, quàm tum in vi facien-  
" da cessit audaciæ. Similiter cadunt agro, & foro: locis de-  
" sertis, & iudiciis: audacia, & impudentia: causā, & vi facien-  
" da. Paulò post. Quasi verò non eo libentius tum audaciæ  
" cesserimus, quo nunc impudentiæ facilius obsisteremus.  
" ὁμοιόπτωτος est audaciæ & impudentiæ; ὁμοιοτέλετος cesseri-  
" mus & obsisteremus. Non minus laborat A. Cecinna ne  
" summo iure egisse, quàm ne certum ius non obtinuisse  
" videatur. Refer illum casum egisse, ad hunc obtinuisse:  
" schema senties. Quum hæc ita sint, statuite quid vos tem-  
" pora Reip. de armatis hominibus, quid illius confessio de  
" vi; quid nostra decisio de æquitate, quid ratio interdicti  
de iure

„ de iure admoneant vt iudicetis. Confessio, decisio, ratio,  
 „ cōmodè reddita pariunt concinnitatem. Ego huic causæ  
 „ patronus extiti, nō electus vnus qui maximo ingenio, sed  
 „ relictus ex omnibus qui minimo periculo possem dicere.  
 „ Nam commoditati ingeniū, grauitati ætas, libertati tem-  
 „ pora sunt impedimēto. Hic non ad populi Romani lau-  
 „ dem, sed ad iudicium crudelitatem videretur esse seruatus.  
 Nonnūquam similiter cadunt finis & medium, vt, Ma-  
 „ ximas tibi omnes gratias agimus C. Cæsar, maiores etiam  
 „ habemus. Quod hæc figura etiam pertineat ad finem, ex  
 „ Quintiliani verbis intelligi potest. Est, inquit ὁμοίωμα τῶν  
 „ tum casus similis, etiam si dissimilia sunt quæ declinantur:  
 „ nec tantum in fine deprehenditur, sed respōdent vel pri-  
 „ ma inter se, vel mediis, vel extremis, vel etiam permutatis  
 „ his, vt media primis, & summa mediis accommodentur,  
 „ & quocunque modo accommodari poterunt. Hæc si ve-  
 „ ra sunt, non erit similiter cadens quod non accommoda-  
 „ bitur, vt hoc, Quo minus ingenio possum, subsidio mihi  
 „ diligentiam comparauī. Schema non est hic casus, inge-  
 „ nio, subsidio. Soleo sæpe ante oculos ponere, idq; liben-  
 „ ter crebris vsurpare sermonibus, omnes nostrorum impe-  
 „ ratorum, omnes exterarum gentium, potentissimorumq;  
 „ populorum, omnes clarissimorum regum res gestas, cum  
 „ tuis nec contentionum magnitudine, nec numero præ-  
 „ liorum, nec varietate regionum, nec celeritate conficien-  
 „ di, nec dissimilitudine bellorum posse conferri. Frequens  
 „ est hic patrius casus, sed eò non habet concinnitatem si-  
 „ militer cadentis, quod non respondet ex aduerso. Aequa-  
 „ bilitate membrorum iucundè cadit oratio, sed alia virtus



est hæc, de qua postea dicetur. Nunc videamus cur similiter cadens numerosum esse dicatur. Quando similem casum reddimus, vt cum voluptate audiamur, propemodum metimur orationem, ac præter audientis expectationem, modum sequimur eundem, vt seruata quantitate quædam requies, reducta eadem qualitate admiratio subsequatur. Ex illo fit vt similiter cadentia dicantur esse numerosa. Nam dimenso spacio, quod est comprehensionis, & ambitus modo suauiter posito, quod est numeri, verba cum delectatione feruntur ad sensum: vt, Vicit pudorem libido, timorem audacia, rationem amentia. Hoc *ῥίχαλον* est, ac *πείσιον*, & *ἑμοιόπαιον*, id est trimembre, & æquale, & similiter cadens, & eò numerosum atque iucundum, quòd omnia relata sunt quòd maximè debent referri. Eodem modo cadentia iucundiores efficiunt versus, & eorum numerum condiunt, vt,

„ Aspera tum positis mitescent secula bellis.

„ Bina manu lato crispans hastilia ferro.

„ Cui mater media sese tulit obuia sylua.

Huiusmodi voluptate capti recentiores eò prouecti sunt ineptiarum, vt totos libros in hoc genere cōficerent, nullumq; versum magnificerent qui non haberet illud suum *ἑμοιόπαιον*. his iudicibus hoc probare facile est, in hac concinnitate modulationem esse quandam numerorū cōsimilem, quæ dulci voluptate capiat sensum, propter quem repertum est quicquid est in oratione numerosum. Quos si quis errare putat, hoc animo perpendat, quanta sit interdum in re leui iucunditas, & inquiret vnde sit hic tantum suauitatis. Inueniet credo aurium sensum casibus oppositis

oppositis haud aliter recreari solitum, quàm oculorum intuitum paribus interuallis, & earum similitudine partiũ quæ conferuntur ex aduerso. Nec mirabitur in sonorum collocatione quiddam esse aptum atque iucundum, qui vno aut altero pede composito videat orationem cadere numerosè. Hæc autem conformatio, si erunt paria membra, numerosior & aptior esse videbitur audienti. Si verò imparia, sed commodè reddita, non, omnis aberit voluptas. Quapropter haud ab re à comparibus distincta sunt ea quæ similiter aut cadunt aut definiuntur.

De paribus membris, & eorum numero. Cap. 9.



**P**ARIA paribus relata, ἰσόκωλα dicuntur à græcis, hoc est, membra quorum par est aut penè par numerus syllabarum. Nec enim duorum pluriũve membrorũ syllabas numero certo subiicimus, sed hanc omnem æqualitatem expēdimus aurium sensu, & quæ parum quantitate discrepant, quoniam priorum similia sunt, inter paria numeramus. Eiusmodi partes esse numerosas ostendit heroicum pœma, cuius omnes versus in eandem propè mensuram cadunt. Carmen est ὀρθρον, & in oratione fugiendum: sed quod neque certos pedes, neque tempora certa metitur, aliquam tamen numeri similitudinem seruat, inter numerosas orationes habemus. Argumento sunt aliquot indoctè cōditi, sed qui tamen vocantur hymni, in quibus neque modum carminis, neque numerorum spacium reperies. Quòd habent quandam numeri similitudinem, vulgo creduntur

esse versus. Itaque paria quòd eadem ferè dimèsiōne penduntur, non quæsitum sed secutum habere numerum videntur. Quamobrem & hac varietate conspergitur oratio, maximè quæ composita quidem, sed non sollicitè culta vult haberi. Itaque paribus Cicero frequenter est vsus, quòd habent numerum quendam latentem, & in affectatum. Ex multis pauca docendi gratia sumemus. Bellum extrema hyeme apparuit, incūte vere suscepit, media æstate confecit. Nō avaritia ab instituto cursu ad prædam aliquam reuocauit, non libido ad voluptatem, non amœnitas ad delectationem, nō nobilitas vr̄bis ad cognitionem, non denique labor ipse ad quietem. Vicit pudorem libido, timorem audacia, rationem amentia. Vt eius semper voluntatibus non modò ciues assenserint, socii obtemperarint, hostes obedierint, sed etiam venti tempestatesq; obsecundarint. Seruatum esse plurimi cupiunt, seruare soli vos potestis. Hoc verò quis ferre possit, inertes homines fortissimis insidiari? stultissimos prudentissimis? ebriosos sobriis? dormientes vigilantibus? qui mihi accubantes in conuiujs, complexi mulieres impudicas, vino languidi, confecti cibo, fertis redimiti, vnguentis obliti, debilitati stupris, eructant sermonibus suis eadem bonorum, atque vr̄bis incēdia. In his orationibus nō omnia membra sunt paria, sed quæ quibus comparari debeant, iudicare difficile non est. Ex membris alia sunt parua, alia mediocria, alia magna. Item alia paria, alia imparia: in quo genere minora minoribus, maiora maioribus conferuntur. Parua sunt hæc: Gallos accersiuit, seruitia concitauit, Catilinam euocauit, attribuit nos Cethego, cæteros ciues interficiendos

Gabinio,

„ Gabinio, urbem inflammandam Cassio, totam Italiam va-  
 „ standam diripiendamq; Catilinæ. Posteriora lōgius pau-  
 „ lo traxit, non modò quòd subiecta res, sed etiam quòd ra-  
 „ tio componendi sic erat. Illa autem mediocria, Subiectos  
 „ propè iam ignes circūdatosq; restinximus, iidemq; gladios  
 „ in Rempub. districtos retudimus, mucronesq; eorum à iu-  
 „ gulis vestris reiecimus. Reperiuntur & maiora: Mithrida-  
 „ tem insolita inflammatum victoria cōtinuit, & Tigranem  
 „ magnis copiis minitatem Asiæ, retardauit. Miscentur pa-  
 „ ria diuersi generis, vt hæc Cuius ea stultitia est, vt eam ne-  
 „ mo hominem: ea vis, vt nemo scēminam: ea crudelitas, vt  
 „ nemo matrem appellare possit. Habet ἰσόκωλος elegantio-  
 „ rem concinnitatem, quando iungitur aut similiter definē-  
 „ tibus, aut eodem pacto cadentibus. Tum enim concurrūt  
 „ duæ virtutes, & similiter exeuntia paribus æquata ( sicuti  
 „ diximus) sunt aliquanto venustiora. At hæc tria per se ali-  
 „ qua ex parte numerosa, tum demum pulcherrima sunt,  
 „ quum pedibus aptis, & eorum numero iuuantur.

Quæ sint contraria numerosa. Caput. 10.



CONTRARIA numerosa non solum Ci-  
 cero dicit ἰαντία, sed & ἀντικείμενα & ἀντίθετα,  
 hoc est & opposita, & contraposita. Ex illis  
 quædam sunt propriè contraria, vt amare &  
 odisse. quædam priuantia, vt dies & nox. quædam relata,  
 vt longum breue. quædam contradicentia, vt edere non  
 edere. quædam repugnantia, vt lædere & amare. quædam  
 tantum separata, & quodammodo ἀντίθετα, vt, Non nostri

ingenii, vestri auxilii est. Hæc igitur, & si qua sunt generis  
 eius alia, adeò numerosa sunt, vt in versum plerunque ca-  
 „ dant: quod his exemplis docet Cicero. Bene quam meri-  
 „ tam esse autumas, dicis malè mereri. Id quod scis, prodest:  
 „ nihil id quod nescis, obest. & addit, Semper hæc quæ græ-  
 „ ci *ἀντιθέται* nominant, quum contrariis opponuntur con-  
 „ traria, numerum oratorium necessitate ipsa efficiunt, &  
 „ eum sine industria. hoc genere iam ante Isocratem dele-  
 „ ctabantur, & maximè Gorgias, cuius in oratione plerunq;  
 „ efficit numerum ipsa concinnitas. Nos etiam in hoc ge-  
 „ nere frequentes, vt illa sunt in quarto accusationis. Con-  
 „ ferte hanc pacem cum illo bello, huius prætoris aduen-  
 „ tum cum illius imperatoris victoria, huius cohortem im-  
 „ puram cum illius exercitu inuicta, huius libidines cum  
 „ illius continentia: ab illo qui cepit, conditas: ab hoc qui  
 „ constitutas accepit, captas dicetis Syracusas. hæc Cicero.  
 Vnde excipere possis quænam dicantur hic cōtraria, quo-  
 modo numerosè conferantur, quaque ratione conficiant  
 orbem. Sed vt aditus ad hoc componendi genus magis  
 aperiatur, alia ponemus exempla. Nec enim reperire diffi-  
 cile est apud eum qui est in hoc genere frequens. Neque  
 „ enim potest is exercitum cōtinere imperator, qui seipsum  
 „ non continet: neque seuerus esse in iudicando, qui alios  
 „ in se seueros esse iudices non vult. Imparia composuit  
 membra. Interdum penè paria componit, vt hic, Ex hac  
 „ enim parte pudor pugnat, illinc petulantia: hinc pudici-  
 „ tia, illinc stuprum: hinc fides, illinc fraudatio: hinc pietas,  
 „ illinc scelus: hinc constantia, illinc furor: hinc honestas,  
 „ illinc turpitudine: hinc continentia, illinc libido. Denique  
 æquitas,

„ æquitas, temperantia, fortitudo, prudentia, virtutes omnes  
„ certant cum iniquitate, cum luxuria, cum ignavia, cum  
„ temeritate, cum vitiis omnibus. Postremò copiarum cū ege-  
„ state, bona ratio cum perdita, mens sana cum amentia, bo-  
„ na denique spes cum omnium rerum desperatione configit.  
„ Sæpius impares sunt partes. Conferre Verrem, non ut  
„ hominem cum homine comparetis, nequa tali viro mor-  
„ tuo fiat iniuria, sed ut pacem cum bello, leges cum vi, fo-  
„ rum & iurisdictionem cum ferro & armis, aduentum &  
„ comitatum cum exercitu & victoria conferatis. Et si non  
„ minus nobis iucundi atque illustres sunt ii dies quibus cō-  
„ seruamur, quàm illi quibus nascimur, quòd salutis certa  
„ lætitia est, nascendi incerta conditio, & quòd sine sensu  
„ nascimur, cum voluptate conseruamur. Hic vester hostis  
„ vestram Remp. oppugnat, ipse habet nullam. Senatum, id  
„ est orbis terrarum consilium delere gestit, ipse consilium pu-  
„ blicum nullum habet. Aerarium vestrum exhaustit, suum  
„ non habet. Nam concordiam ciuium quæ habere potest,  
„ nullam qui habet ciuitatem? Pacis verò quæ potest cū eo  
„ esse ratio, in quo est incredibilis crudelitas? fides nulla?  
„ Quædam breuia sunt interualla, sed arguta. Si cōsul An-  
„ tonius, Brutus hostis. si conseruator reipub. Brutus, hostis  
„ Antonius. Nonnunquam singula singulis opponuntur.  
„ Antonii igitur promissa cruenta, tetra, scelerata, diis ho-  
„ minibusque inuisa, nec diuturna, neque salutaria. Nostra  
„ contrà honesta, integra, gloriosa, plena lætitiarum, plenæ pie-  
„ tatis. Necessè non est, ea quæ sic opponuntur, omnia esse  
„ verè contraria, sed conferri sicut aduersa: quod & Quin-  
„ tilianus confirmat exemplis. Quamobrem interim cum



„ aliis miscentur contraria. Qua in re mihi ridiculè es visus  
 „ esse inconstans, qui eundem & lædères, & laudares: & vi-  
 „ rum optimum, & hominem improbiſſimum eſſe dice-  
 „ res: eundem tu & honoris cauſſa appellabas, & virum pri-  
 „ marium eſſe dicebas, & fociũ fraudaſſe arguebas. de hoc  
 „ vt exiſtimabas, prædicabas, Chæreæ arbitratu cauſſam age-  
 „ bas. Hoc figuræ genus iucundum numeroſumque, ſæpe  
 „ enthymema pulcherrimũ, ſemper acre & argutum, adeò  
 „ quidam Romanorum lubenter frequentarunt, vt in Sa-  
 „ tyricos dentes inciderent. Oſtendit illud Perſianum.

„ —Crimina rasis                      Librat in antithetis—

„ —Doctas poſuiſſe figuras                      Laudatur—

Ex quo (niſi forte ſpeciem pro genere uſurpauit) proba-  
 re poſſumus, non mediocrem eſſe in hac conformatione  
 laudem, eamque nõ ſine cauſſa frequentaviſſe Ciceronem.

In collatione multarum partium eſt antitheton non in-  
 „ ſuaue, vt illud Ciceronis pro Lucio Muræna. Vigilas tu  
 „ de nocte, vt tuis conſultoribus reſpondeas: ille, vt eò quò  
 „ intendit, maturè cum exercitu perueniat. Te Gallorum,  
 „ illum buccinarum cantus exuſcitant. Tu actionem inſti-  
 „ tuis, ille aciem inſtruit. Tu cauēs ne conſultores tui, ille  
 „ ne vrbes aut caſtra capiantur. Ille tenet & ſcit vt hoſtium  
 „ copiæ, tu vt aquæ pluuiæ arceantur. Ille exercitatus in  
 „ propagandis finibus, tu in regundis. Huc non referes o-  
 „ mnia vel contraria vel oppoſita, ſed ea tantum quæ par-  
 „ tes partibus, & membra membris ex aduerſo conferunt.  
 „ Eheu quàm pingui macer eſt mihi taurus in aruo.

Ad numerum nihil faciunt pinguis & macer inter ſe pu-  
 gnantia, nec ſi dixeris in oratione taurũ eſſe macilentum  
 in agro

in agro pingui. Non enim ex duobus verbis, sed ex orationum collatis partibus numerosum efficitur. Hactenus de concinnitate numerosa. Transeamus ad numeros.

Quid numerus à concinnitate numerosa & metro differat. Caput. II.



V M E R V S à numerosa concinnitate, & à metro versuq; differt. Numerus enim spacia & intervalla syllabarum longa ac brevia metitur, & ex illorum temperata compositione demulcet aures. Figurarum concinnitates non ex temporibus, & quantitatum differentia, sed aut ex æquabilitate partium, aut simili concentu relatorum creant voluptatem. Numerus nunc longius progreditur, & ambitu spaciofo, quemadmodum libero campo bellatores equi, fertur ad metam: nunc excursionem brevi contentus, initium subinde novum molitur. Figuræ si circumscriptione longa distraherentur, quid cui debeat ex aduerso comparare sensus, nec attendet, nec vlla reficietur voluptate. Ad hæc numerus per se iucundus est, tristior est figura numero omni destituta. hæc quibusdam partibus tantum, ille insertus est omni comprehensioni. hæc aperta, ille occultus. hæc rarior, ille frequentior. hæc minoris est artis, ille maioris. hæc etiam illorum communis, qui nesciunt artificium rhetorum, ille pauciorum, qui non modò præcepta eloquendi tenent, sed longa exercitatione formati, aptè compositæque dicere, & hoc quasi gestu orationem mouere possunt. Differunt etiam numerus & versus, hoc est

1. *ἑνὸς ἢ μίτρον.* In versu numerantur pedes aut quatuor, vt in dimetris: aut quinque, vt in pētametris: aut sex, vt in hexametris: aut septem, aut septē cum syllaba, vt in septenariis & quadratis: aut octo, vt in octonariis. In rhythmo quot sint omnino pedes, enumerare nihil est necesse. Nunc singuli collocātur, vt hic, Diximus, O scelus. Nunc bini, vt, O me miserū, O me infelicem. Aliquādo bini cum syllaba, vt, Testes dare volumus. Aliquādo terni, vt, O scelus incredibile. Aliquādo quaterni, vt, Valeant, valeāt, inquit, ciues mei. Sape seni, aut septeni, aut duodeni, aut etiam plures. Non sunt continuandi numero pares, ne versiculorum similis esse videatur oratio.
2. *In versu* pedes certi sunt, atque definiti, vt dactylus & spondeus heroico, iambus iambico, anapæstus anapæstico. In oratione nihil est præscriptum quo certo debeamus vti. A præne ducam initium si verba depromenti fiat obuius: si non occurret, à cretico: si ne hic quidem, à bacchio, aut eorum vno quibus vtūtur oratores. Quòd si idem sæpius offeretur, nonnunquam repudiandus erit, vt absit odium similitudinis, quo nihil est in hac arte peius.
3. *Præterea in numero* poëtico, verbis ordine constitutis, non alios & alios metimur pedes, vt heroico non dicimus iambum, aut trochæum, aut anapæstum, sed dactylum modò atque spondeum. In oratione licet in pedem sumere binas syllabas, aut ternas, nunc has, nunc illas, & hoc modo varios efficere pedes pro metientis arbitrio. Id quale sit, monstremus exemplo. Omittendæ sunt omnes voluptates, relinquenda studia delectationis, ludus, iocus, conuiuium, sermo etiam penè omnium familiarium deferendus. Primus pes erit aut iambus, ex breui & longa,

& longa, aut bacchius ex breui & duabus longis: secundus, aut spōdeus, aut certè molossus. nihil enim refert. Iam si verbi quinti, quod est, relinquenda, tertiam syllabā componas cum duabus proximis, dactylus erit: si cū vna, choreus. si cum tribus, pæan primus. Omnia sic erunt tibi libera dimetienti, propterea quòd orator non animaduertit quos nominaret pedes, sed breuibus & longis quodāmodo temperauit orationem. Carmen vbique numerosum est, & in eo ferè neque principia mediis, neque extrema primis, sunt compositiora. In prosa numerus etsi in mediis non omni ex parte negligitur, in principiis tamen & clausulis, hoc est in sententiarum finibus accuratior esse debet. Nam aptius est instruendum, quod initio ferit auditorem, & id quo tandem sensus animusque recreantur. Ad hæc poëta numerum suum non sic relaxare potest, vt multis in locis orator. Si quid audet in licentiam, & iambum pro spondeo, aut trochæum, id est treis breues pro dactylo ponit, nouum & insolens & absurdum videtur. Orator interim vnā & alteram sententiam nō aptat numeris, aut spontè numerosam de industria dissoluit. Nec enim delectare semper, vt poëta, sed sæpe causis ac necessitati magis subseruire contendit. Nec est turpe hominem seueris rebus occupatum, nonnūquam horridius, si modò grauius, præferre genus orationis, & aliū in locum referre numeros. quod si faciat poëta, suum retinere munus nullo modo possit. Liberior est oratio, versus his quasi vinculis astrictior: illa numero similis, hic totus ex numeris: illa neque ἀριθμός, neque ἀριθμός: hic ἀριθμός, illa subinde variante materia alios & alios collocat pedes, nunc tardior, iam

volubilior, sæpe iucunda, sæpe tristis, aliquando curta, aliquando producta. hic sui similis, nec multos ambitus circumscribere, nec sua tempora commutare potest: quod semel assumpsit, hoc legis est ad extremum perferendum. Quòd esset inter hæc discrimen, & aperta differentia, quaesitum est vtrum esset difficilius facere versum, an aptare numerum? Quod sic intelligendum mihi videtur. Proposita vna eadèque materia, & æquatis cæteris ornandi partibus, dubitatio exoritur, vtrum sit operosius illam metro, quàm numero, an numero quàm metro complecti? Numero, inquit Cicero. Cur ita? Habet ille versuum conditor, quod certum sequatur, & à quo non facilè possit deuiare. Itaque si modò nouerit syllabarum quantitatem, carminisq; legem, vt heroici, & vsu mediocri fuerit exercitatus, affabrè cudet versiculum, quod pueris etiam frequenter accidere videmus. Non ita facilè cognoscet quantum excurrere debeat oratio, quod numeri genus sententia maximè velit, quos ex tam multis ordine statuatur pedes, vbi firmet gradum, vbi leuius insistat, quo tandem modo clausulam deponat. Nec si feliciter vnā aut alteram sententiam colligauerit, quoniam modò cæsim, modò membratim, sæpe comprehensè, sæpe variè dicendum est, facilè mutabit numerum, & subinde nouum induet eloquendi genus. Quamobrem difficilius est intexere numerū quàm versum, etiamsi rhythmus oratorum soluto similis est, & maiori quadam libertate prouoluitur. In vtroque tamen pedes sunt generis eiusdem, ex quorum positione modus oratorum fit, atque poetarum.

Qui pedes

Qui pedes orationis, & quid à numero differant.

Caput. 12.



NON alii sunt pedes in oratione quàm in versu, sed est eorum varia atque diuersa collocatio. Qui sint, vel grammatici norunt. Nunc qui maximè nomenclantur ab oratoribus, operæ precium est explicare, propterea quòd illis aptè compositis numerosa progreditur oratio. Qui duabus syllabis còstant, recipiunt omnes, ex quibus Pyrrhichius est è corruptis duabus, Spondeus è totidem longis, Iambus è breui & longa, Chorus è longa & breui. Recipiunt & trisyllabos, Molossus ex tribus longis, Trochæus còtrarius ex totidem breuibus, Dactylus ex longa duabusq; corruptis, Anapæstus oppositû ex duabus breuibus & longa, Bacchius ex breui & reliquis longis, Palimbacchiû ex duabus longis & breui. Longam inter breues Amphibrachyn, breuem inter longas Creticum dicunt. Tres celebrant eorum quibus syllabæ sunt quatuor, Dichœræum ex duobus chorus, Pæana primû ex longa ac tribus corruptis, Pæana quartû ex breuibus tribus, & longa. Secundum & tertium referunt ad simplices, quemadmodum reliquos omnes quatuor & quinque syllabarum, præter vnum Dœchimum, qui conficitur ex Choreo & Cretico, vel ex Cretico & Iambo. Hos vt in eam rem quam modò tractamus, nouisse sat est, ita syllabæ cuiusque quantitatem vnde fit pes, habere cognitam certamque, necessarium est. Quæ si esset vna cāussa, certè nobis persuadere posset, oratori non vtilem modò, sed etiam necessariam esse poetarum lectionem. Ex iis pedibus quos antè nu-



merauimus, alii sunt pares, vt Pyrrhichius, Spondeus, Dactylus, Anapæstus, Amphibrachys: dicti pares, quoniam diuiduntur in partes duas æquas. Alii duplices, vt Iambus, Choreus, Tribrachys siue Trochæus, Molossus. In his partem pars altero tanto superat. Alii sesquipli, vt Bacchi<sup>us</sup>, Palimbacchi<sup>us</sup>, Creticus, Pæan. hi si diuidantur in duas parteis, altera tantundem & dimidium continebit, vt in Cretico quinque sunt tempora. comparato duo cum tribus, secunda pars erit sesquimajor, hoc est, tantundem & dimidium complectetur. Diuisio est Aristotelis, qua tria esse pedum genera demonstrantur. Ex illis breues celeriter feruntur, vt tribrachys, & pæan: longi tardè trahuntur, vt spondeus, & molossus. temperati retinent mediocritatem, vt dactylus, anapæstus. Celeritati propior iambus & choreus, quàm tarditati: cōtrà bacchi<sup>us</sup> & palimbacchi<sup>us</sup>: quanquam in dactylo choreus est, & in palimbacchio, sicut iambus in anapæsto, & in bacchio. Aliud est omnino hoc aut illo modo syllabas componere. In pæane trochæus est: in hoc nulla dignitas, in illo vel maxima. Qui pedes à longis deponuntur in breues, volubiliter eunt, atque iucunde. Qui assurgunt à breuibus in longas, aspera percussione feriunt aurem, ac in fine subsistunt. Pyrrhichius tenuis, spondeus tardus, iambus asper, choreus volubilis, dactylus heroicus, anapæstus exultans, trochæus levis, molossus grauis, bacchi<sup>us</sup> seuerus, similis palimbacchi<sup>us</sup>, creticus temperatus, amphibrachys obscurus, dichore<sup>us</sup> iucundus, pæan amplus, dochimus maiestate conspicuus. Ex illa varietate nascuntur multæ species orationis, non si pes idem semel aut iterum collocetur, sed si sapius aut  
idem

idem aut rationis eiusdem alius misceatur. Nam miscendi sunt & interferendi, non continuandi pedes, ne aut efficiant versum, aut similitudine tædium pariant, & in affectatione deprehendantur. Quòd si quis vnus sæpius iterabitur, alio interiecto melius iterabitur. Pes aliquando numerus à Cicerone dicitur, aut quòd pedibus numerus constat, aut quòd pes habet arsin & thesin, hoc est elationem & positionem, vnde modulus excitatur, vt in his vel incisis vel membris, quæ vno tantum pede stant, cuiusmodi sunt hæc, Diximus. O scelus. Scio. Erras. Falleris. Sed ille numerus propriè dictus, multorum concordia pedum constat: quemadmodum symphonicorum cantus non vno aut altero tono, sed concentu plurium vocum perficitur. Quid enim modulationis est in vna percussione? aut quomodo quæ singula proferuntur, colligari simulque ferri possunt? Vt currentibus equis, sic & orationi opus est interuallo & curriculo, vt libero spacio recepta, liberè se mouere possit. Pes igitur à numero differt, vt à toto cursu gradus vnus, & vna proiectio. Vbi numerus, illic pedes: vbi pes, non statim numerus. quamobrem proximū est exponere quo pedes ordine numerumificent.

Qui sit ordo pedum in extruendo numero.

Caput. 13.



**N** pedibus collocandis tria sunt genera locorum obseruanda, in quibus sunt principia, media, postremaque sententiarum. Extremus ambitus diligenter accurateq; deponendus. Nam quòd periodo circumducta ad extremum quiescit auris, & à labore exoptata numeri iucunditate recreatur, haud immeritò si

quid in oratione voluptatis est, dominatur in fine. Quòd si quid in cursu claudicatum est, sine composito parum vel nihil offenditur sensus. Finem dico non modò comprehensionum, sed etiam incisorum atque membrorum, quæ numerosè & aptè terminare iucundum est. His tribus cura quædam adhibenda, & clausulæ, id est extremæ sententiæ, vel maxima. Hic igitur duos aut treis numerare pedes concessum est, vix vnquam alibi datū: ne oratio quæ liberè fluere debet, in numerâdis cōstituendisq; pedibus cōfenscat. Quamobrè ordo pedum in extrema circūscriptione certior est, q̃ vel in principiis, vel in intermediis: quāquam nihil rhythmo tam certum præfixumq; est, q̃ in versu poetarum. Hinc igitur initium ducamus, quiq; numeri maxime clausulam finemque sententiæ deceant, aperiāmus, &, quod ordinis est, qui melius antecedant, quique venustius subsequantur. Dichoreus adeò præclarè cadit, vt hoc C. Carbo concionem Pop. Romani in clamorem excitavit, vt Hierocles & Meneclæ Asiaticorum rhetorum principes hoc modo ferè clauserint orationem. quod improbat Cicero in Oratore, quia in orationis numero nihil

2 „ tam vitiosum, quàm si semper est idem. Dichoreo Creticus optimè præponitur, pius autem trochæus. Conferte

„ Verrem, nō vt hominem cum homine comparetis, nequa

„ tali viro mortuo fiat iniuria, sed vt pacem cum bello, leges cum vi, forum & iurisdictionem cum ferro & armis,

„ aduentum & comitatum cum exercitu & victoria conferatis. Quòd autē sit iambus in cretico, pyrrhichius in trochæo, idē de vtroque sit iudicium. Dactylus & spondeus,

3 „ eadem ratione bacchius cum dichoreo, suauiter audietur.

Haberent

„ Haberent hæc oblectamēta & solatia seruitutis. Prima do-  
„ cuit maiores nostros quàm præclarum esset exteris gen-  
„ tibus imperare. Det operā vt admittatur in alicuius isto-  
„ rû Tusculanū. Quum dactylus & choreus anteponun-  
„ tur, finis est carminis Phalæcii: quod si non tam fugiendū  
„ est quàm vel iambicum, vel heroicum, vel elegum; gene-  
„ ra vulgata, tamen aliqua ex parte fugiendum. Est enim vi-  
„ tiosum carmen in oratione, quia dicentis imperitiā, aut  
„ certè componendi affectationem arguit. Vfus est hoc ge-  
„ nere Cicero, Ne suum ius suis moribus suis legibus obti-  
„ nere possent. Insidēt sibi ipsi admodū suauiter. Per triēniū  
„ dederūt. Adiūgitur & pæani, & anapæsto, sed lenius pau-  
„ lo quàm cretico. Itaque ille M. Cato sæpius cellam pena-  
„ riam reip. nostræ, nutricem plebis Romanæ Siciliam no-  
„ minauit. Partim retinet, Vt arare, vt pascere, vt negociari  
„ libeat, vt denique sedes ac domicilium collocare. Gratiā  
„ perdit si ad eum abruptè venit. Hunc tu igitur diē tuis  
„ maximis & innumerabilibus gratulationibus iure ante-  
„ pones. Nullus est pes quo Cicero tam frequenter vtatur  
„ & in deponenda sententia, & in terminandis partium fi-  
„ nibus: quāquam monet, vt quo dulcior est, hoc magis fa-  
„ tietas formidetur. Claudit ille persæpe circumscriptionē  
„ choreo & molosso, vel cretico & spondeo. Nihil differt  
„ vtrum istorum dixeris, quum liceat hoc aut illo modo di-  
„ stinguere pedes. Fateor me salutis omnium causā ad eam  
„ partem accessisse subleuandæ, quæ maximè laboraret. Ne-  
„ scio cur hoc mihi detrimento esse debeat, si id mihi ob-  
„ iiciatur, me potissimū esse delectum. Vltimā syllabam  
„ facimus ancipitem, sicut & ii qui cōficiunt versus. In hoc

numero grauitatis est plurimum, propterea quod oratio  
 temporum mora firmatur. Præcurrit apte dichoreus. Ple-  
 „ rique minime timendum fuisse senserunt. Interdum tres  
 „ chorei. Tamen ad hanc causam non sine aliqua spe & co-  
 „ gitatione venerunt. Nonnunquam da&tylus. In balneum te  
 „ ducere cœperunt. esse videbatur. Minus habebit authori-  
 „ tatis cum trochæo, aut pyrrhichiis duobus, vt hic, Sed ta-  
 „ men sunt alia maiora. Quidnam noui facinoris afferret.  
 Comitatur alii pedes, creticus, anapaustus, bacchius, atque  
 spondeus. Id haud ita frequenter, quia fugiunt oratores tar-  
 „ ditatis languorem. Multus est & creticus in extrema sen-  
 „ tentia: vt in hac, Classes & commeatus multum iuuant.  
 „ Duplicatur interdum. Atque ipse cogitans sentio. In com-  
 „ munionem tuorum temporum contuli. Triplicatur etiã.  
 „ Facere enim probus adolescens periculose, quàm perpeti  
 „ turpiter maluit. Quando choreum sequitur, aut alium pe-  
 „ dem breui syllaba clausum, tum duos continet iambos.  
 „ Fruere cum fortuna & gloria, tum etiam natura & mori-  
 „ bus tuis. Multorumque innocentium sanguis istius suppli-  
 „ cio luendus est. Illud quod alteram senarii partem confici-  
 „ cit, sæpius admittere periculosum est: vna pluresve longæ  
 „ tutius antecedent. Magnopere quod laudent, non habet.  
 „ Quum subiicitur iambus, modus est temperatæ suauita-  
 „ tis. Fit enim dochimus ille pes insignis è quinque syllabis,  
 „ breui, duabus longis, breui, longa: vt reipublicæ: quem Ci-  
 „ cero vetat iterari, quod continuatus numerum apertum &  
 „ nimis insignem facit. Simplicem frequenter vsurpat. Eos  
 „ Martis vis perculit, non ira victoriæ. Ad reiiciendos Iudi-  
 „ ces venimus. Respondit quod eos in iudicando nimium  
 sui iuris

fui iuris sententiæq; cognosceret. Infinita sunt apud eun-  
 dem exempla, si postrema brevis, ut in versibus, habetur ut  
 longa. Plurima sunt & illa, & meo iudicio mollissima, quæ  
 spondeum cum trochæo, hoc est tribus brevibus statuunt  
 in fine. Diu multumq; Brute dubitavi. Esse videatur. No-  
 ua quæstio constitueretur. Maximus est fructus iucundi-  
 tasq; sapienti. Ut finis aliquando iudiciariæ controuersiæ  
 constitueretur. De hoc numero Quintilianus in nono.  
 Minus grauis erit spondeus præcedente pyrrhichio, ut, Iudi-  
 cii Iuniani. & adhuc peius priore pæane, ut, Brute dubita-  
 ui. In alia opinione fuisse Ciceronem, exemplorum mul-  
 titudo declarat. Eius authoritatem in hoc genere compo-  
 nendi qui parui facit, quid melius sequatur, non intelligo.  
 Quid habent vitii spondeus & pæan? Habet spondeus sta-  
 bilem quendam, & non expertem dignitatis gradum, inquit  
 Cicero: qui & hæc de pæane. Qui pæana prætereunt, non  
 vident mollissimum a sese numerum eundemq; amplissi-  
 mum præteriri? Aristoteles eum maximè probat: ὁ δὲ παλαιὸς  
 λιπώτερος, ὅτι μόνον γὰρ οὐκ ἔστι μέτρον τῷ ἐνθέρπῳ ἑνὶ μῶν, ὥστε μάλιστα λαι-  
 θάνειν. Sumèdus est pæan, maximè enim latet, eò quòd ex  
 dictis numeris vnus est unde non conficitur versus. Tar-  
 dior est spondeus iteratus, sed grauitate plenus choreo  
 priore. In monumentis maiorum suorum sit interfectus.  
 Etenim palàm dictitabat, consulatū Miloni eripi nō pos-  
 se, vitam posse. Atque etiam subiiciunt se homines impe-  
 rio alterius & potestati pluribus de causis. Sapientius multo  
 duobus spondeis iambus incumbit. Sed etiam gloriā per  
 tales viros infringendam. Gloriam libens agnouisset. Me  
 consulem declarauit. Consules adiuuerunt. Sed enarrare



9. " C. Cæsar res tuas gestas possit. Reperiuntur in fine tres spō-  
 " dei. Victoriis illustratæ sunt. Tres, & syllaba: Hodierno die  
 " te ipsum vicisti. hic forte quispiam synæresin dixerit. In-  
 20. " terdum quatuor. Sed etiam laudatorem vidistis. Hæc tar-  
 " diora sunt, quàm quæ debeant frequentari. Nec bene as-  
 " sidebit dactylus. Domo est egressus non modò nullum  
 " ad bellum, sed ne ad minimam quidem suspicionem belli.  
 " Finis est heroici carminis, eius quod temporum tardita-  
 " te, rerum grauitatem ponderat, quale hoc est,

" Chara deum soboles, magnum Iouis incrementum.

Quòd si spondeus erit vnus in fine, & dactylus ei proxi-  
 mè iungetur, tanto deterior erit huiusmodi clausula,  
 quanto heroicus versus cuius extrema sequitur, est no-  
 tior. A Cicerone iungitur. Hæc tanta virtus ex hac vrbe

366. " expelletur, exterminabitur, eiicietur? Obscurius est vitium  
 " propter moram interiectam. Nam singulatim tria postre-  
 ma verba pronunciantur, & interrogatio sustinet orationem.

367. " Apertius est istud: Omnes in me meosque redun-  
 " dant ex illo fonte dolores. Quam etsi spero esse falsam,

" nunquam tamè verbis extenuabo. Si tertius est à fine iam-

368. " bus, illa minus est vitiosa compositio. Imperatorum pe-

21. " nuriam commemorabit. Dactylus in extrema sede pluri-

" mus est præueniente cretico. Nec ad consilium casus ad-

" mittitur. Belli dissidio distractus à fratribus. Hic magistra-

" tus à populo summa ambitione contenditur. Si sustineas

" hic vltimam syllabam, pro dactylo creticus erit, pes in clau-

" sula frequentissimus, & sine cōtrouerfia dactylo præferen-

22. " dus. Instabilis est dactylus cum præane vel anapæsto. Nul-

" lū pietatis officiū defuit. Non minor penè ad omnes, q̃ ad

illum

„ illum ventura sit, lætitia peruenerit. Ac primus aditus &  
 „ postulatio Tuberonis, hæc (vt opinor) fuit, velle se de Q.  
 „ Ligarii scelere dicere. Duo dactyli malè nectuntur ad extre-  
 „ mum. desinunt in asclepiadeum, quod & sua sponte sub-  
 „ sultat. Omnis voluptas præterita pro nihilo est, quia post-  
 „ ea nulla futura sit. Post etiam studii sui quærebāt aliquem  
 „ ducem. Bacchius optimè claudit orationē: quod etiam  
 „ dichoreo probari potest, cuius nouissimæ tres syllabæ  
 „ bacchium efficiunt, si nihil refert breuis an longa sit ex-  
 „ trema. Certè ad quantitatem nihil refert, ad sonum non nihil.  
 „ Naturam & conditionem, vt vinci possent, habebāt. Non  
 „ enim iam causæ sunt inter se, sed victoriæ comparandæ.  
 „ Dissolutum videri. Si nectes syllabas quatuor, ditrochæus  
 „ erit: si treis modò, bacchius. Eodem modo comparandi  
 „ sunt molossus & palimbacchius. Noli nostro periculo sa-  
 „ piens esse. Pæan ab antiquis statuitur duplex, vnus ex lon-  
 „ ga & tribus productis, alter ex breuibus tribus & longa,  
 „ duo reliqui ad alios pedes reducuntur, vt secundus ad iam-  
 „ bum atque pyrrhichium, tertius ad pyrrhichium & cho-  
 „ reum. Primus & vltimus quauis dignitatem & amplitu-  
 „ dinem habeant in medio cursu, infirmi tamen & instabi-  
 „ les sunt in extrema comprehensione. Sed & in ea nonnun-  
 „ quā collocantur. Ego te in patria per eosdē retinere non  
 „ potero? Nulla deniq; existimatur esse iudicia. Atq; ille non  
 „ mediocri cupiditate arripuit imperiū. Si quid fortè præ-  
 „ tereo, dico intra domesticos parietes. Neq; molestè ferebāt  
 „ abesse à foro magistratum, non ius dici, non iudicia fieri.  
 „ In hoc exēplo duo pæanes sine grauitate cōcurrūt. Quod  
 „ trochæus autem sit in pæane primo, subibit idē iudiciū.

6. 19. 6.  
 23.

7. 19. 7.  
 24.

21  
 „ Iſto enim nomine illa adhuc cauſſa caruit. Contra Cæſa-  
 „ rem bellum gerere. Itaque ſi plures erunt breues in clau-  
 „ ſula, oratio vanefcet: vt hæc, Dabat ſe labori atque itineri-  
 „ bus. Nec multum probandus anapæſtus. aſſurgit enim, nec  
 „ bene deponit orationem. Niſi ratio belli, niſi ſumma uti-  
 „ litas moueant. Iam qui pedes optimè cadant, operæ præciū  
 eſt in ſummā referre, vt eos cuique promptū ſit excipere.  
 Hi ſunt igitur principes

Creticus & dichoreus

gloriam comparauit.

Choreus & moloſſus

membra firmantur.

1 Dochimus.

ira victoriæ.

Creticus iteratus

vrget affinitas.

Creticus & daſtylus

conſonant omnia.

Trochæus & ſpondeus.

vitia damnant.

Iambus & diſpondeus

virum condemnarunt.

*Choreus* Trochæus & diſpondeus

*cadit armatos poſſe, uicē poſſe*

Aliis omnibus gratia varietatis vtendum. Sæpius his præ-  
 ſtantioribus demulcet aures eloquens, atque grata viciffi-  
 tudine tædium vitat. Claudūt ambitum pedes omnes qui  
 vel duabus vel tribus ſyllabis continentur. Etenim pyrrhi-  
 chius eſt in daſtylo, iambus in cretico, choreus in dichoreo,  
 daſtylus & trochæus in præne primo, anapæſtus in ſecundo,  
 moloſſus in diſpódeo. bacchius, ſi nihil refert bre-  
 uis an longa ſit nouiſſima, ad dichoreum, palimbacchius  
 ad moloſſum pertinebit. Quamobrem pes omnis duabus  
 aut tribus ſyllabis conſtans, ambitum definit. In texendis  
 numeris haud ſatis eſt continuationis aptaſſe finem, ſed &  
 inciſiones & membra curâ diligentiamq; deſiderant. Hic  
 tantisper quieſcit orator, dum ſententiæ diſtinguuntur, &  
 ad cætera

ad cætera pronūcianda spiritus à labore recreatur. Mem-  
bra quæ καλὰ dicuntur à Græcis, alia sunt longiora. Vt etiā  
» filiū suū lectissimū adolescentem foras ad propinquū suū  
» quendā mitteret ad cœnam. alia breuiora, vt, Hospes hor-  
» tatur. In omnibus lōgioribus, quia periodon illam videtur  
imitari, seruanda est ea ratio pedum, quam suprà demon-  
strauimus, & eo forte seruāda magis, quo sunt illa periodo  
curtiora. Animus hæc tota complectitur, & illorum gau-  
det ornatu. Si videt esse discincta, abruptam & interpūctā  
elocutionem aspernatur, & grauiter molesteq; fert tātum  
spacii confectum fuisse sine voluptate. Sin breuiora po-  
nuntur, ex numeris eligendi tardiores, vt breuitatem grā-  
uitate compensent. Hic laudabitur spondeus, bacchius,  
molossus, & dispondeus: nec erit in vitio creticus, & di-  
choreus. Cuius rei sit hoc testimonium\* Tum ciues Ro-  
» mani qui Lampfaci negociabātur, cōcurrūt, orant Lam-  
» psacenos, vt grauius apud eos nomen legationis, quā in-  
» iuria legati putaretur. sese intelligere hominem illum esse  
» impurum ac nefarium, sed quoniam nec perfecisset quod  
» conatus esset, nec futurus esset Lampfaci postea, leuius co-  
» rum peccatū fore, si homini scelerato pepercissent, quā  
» si legato non pepercissent. Hæc periodus multis confe-  
cta membris. Sunt & breuiora quædam ex iisdem pedi-  
» bus. Non enim potest dicere, quum seditionem sedare  
» vellem, quum frumentum imperarem, quum stipendium  
» cogerem, quum aliquid denique reip. causā gererē, quod  
» acrius imperaui, quod animaduerti, quod minatus sum.  
Eadem est ferè incisorum compositio. Nam cōponi de-  
n iii

bent optimè, vt ornet elegantia paruitatem. Domus tibi  
 „ deerrat? at habebas. Pecunia superabat? at egebas. Hæc in-  
 cise dicta sunt quatuor, quæ spondeo sustinentur. Incisa  
 Cicero dicit quæ Græci *κατακλιτα*: cuius verbi notatio vide-  
 tur indicare particulam orationis spiritu pronunciantis  
 interruptam, & sine aliis debilem & mancā, vtpote  
 quæ nec planè sensum, nec numerum habeat perfectum.  
 Incisa statuit in singulis verbis, vt, Diximus. In binis, vt, Ipsi  
 prodeant. In ternis, vt, Missos faciant patronos. Possunt  
 esse plura. Membra re numeroque sunt perfectiora, quæ  
 tamen à corpore totius orationis auulsa, integram vim  
 „ non habent: vt, Cur clandestinis consiliis nos oppu-  
 „ gnant? Et hæc quatuor, O callidos homines. O rem ex-  
 „ cogitatam. O ingenia metuenda. Testes dare volumus.  
 „ De incisus Quintilianus & membris, Incisum, inquit, erit  
 „ sensus non expleto numero cōclusus, plerisq; pars mem-  
 „ bri. Membrum autem est sensus numeris conclusus, sed  
 „ à toto corpore abruptus, per se nihil efficiens. Hæc anxie  
 distinguere, ad eam de qua loquimur numerorum scien-  
 tiam nihil est necesse. Dicamus incisum esse imperfe-  
 ctius, & quo dicto ad reliqua festinet orator: membrum,  
 perfectius, ac liberioris interpirationis. Incisum sæpe mē-  
 „ bri pars est, vt hic: Si authoritates patronorum in iudiciis  
 „ valerēt, ab amplissimis viris L. Cornelii causa defensa est.  
 „ si vsus, à peritissimis. si ingenia, ab eloquentissimis. si stu-  
 „ dia, ab amicissimis, & cum beneficiis cum L. Cornelio,  
 „ tum maximè familiaritate cōiunctis. Hic circuitus quin-  
 que membris constat, singula binis incisionibus. Etenim  
 quum

quum partes orationis omnes aut incisa dicantur, aut membra, aut circuitus: & circuitus, hoc est periodi, totam ampleant sententiam, membra sensus breuiores amplectantur: necesse est incisi nomen ad eas maximè partes referre, quæ per imperfectionem iustum membrum conficere non possunt, quum tamen interuallo & interspiratio-  
 „ ne distinguantur, vt hæc septem, Cui commisit? quo ad-  
 „ iutore usus est? quo socio? quo conscio? cui tantum fa-  
 „ cinus, cui se, cui salutem suam credidit? In vno verbo  
 numerum quærere non est opus, in duobus quædam  
 concordia vis esse potest. Membra dicantur hæc nouem,  
 „ Publicam dilapidabat pecuniam, ærarium exhauriebat,  
 „ minuebat vectigalia, donabat ciuitates ex commentario,  
 „ dictaturam gerebat, leges imponebat, prohibebat dictato-  
 „ rem creari legibus, senatusconsultis ipse repugnabat in  
 „ senatu, prouincias vnus omnes concupierat. Si quid est  
 hoc genere perfectius, nec tamè ambitus nomine dignum  
 vocari, maiore de causa membrum debeat appellari, etiam  
 si pars circuitus non sit. Est oratio membratim cæsimq; di-  
 uisa, quam dicere circumscriptionem non possumus: vnde  
 planum sit & incisiones & membra à periodo separari pos-  
 „ se. Sit hoc testimonium. Sed quid ego de dignitate isto-  
 „ rum testium loquor? Virtutem eorum diligentiamq; co-  
 „ gnoscite. In balneis delituerunt. Testes egregios. Deinde  
 „ temerè profilierunt. Homines grauitati deditos. Arguit Ci-  
 cero Hegesiam quendam qui ferè semper hoc genere sine  
 circuitu utebatur. Idè de compositione membri & incisi sic  
 „ præcipit. Nihil tam debet esse numerosum, q̃ hoc quod  
 n iii



minimè apparet, & valet plurimum. & paulò pòst. Quæ  
 » incisim aut membratim efferuntur, ea vel aptissimè cade-  
 re debent. Non igitur verendum est in horum casu opti-  
 mos collocare pedes, eosque maximè, qui suo pondere  
 firmant orationem. Sic enim parua corpore, spaciorem  
 stabilitate confirmantur. Principia quæ vacuas ingrediun-  
 tur auras, numero vacare non debent. Non enim po-  
 test illud placere, quod statim quasi in vestibulo offendit.  
 » Creticus principiis aptissimus est. Neminem vestrum  
 » ignorare arbitror iudices. Deinde pæanes duo. At bene-  
 » ficio sum vsus tuo. Leuia sunt hæc in hoc reo crimina.  
 His adijce dichoreum & bacchium & palimbacchium.  
 » Non enim potest ea natura, quæ tantum facinus com-  
 » miserit, hoc vno scelere esse contenta. Vehebatur in es-  
 » sedo tribunus plebis. At quanta <sup>palimbacchius</sup> merces rhetori data est?  
 Capiunt eundem locum cæteri. Dactylus, Omnia præ-  
 » teribo quæ mihi turpia dictu videbuntur. Anapæstus, Pa-  
 » tior iudices, & non molestè fero. Molossus, Est idem Ver-  
 » res, qui fuit semper. Amphibrachys, Tenésne memoria  
 » prætextatum te decoxisse? Trochæus, Vt igitur intelli-  
 » geretis qualem me esse Consularem profiteretur, obiicit  
 » mihi consulatum meum. Dochimus, Catenas habebat  
 » hospes tuus. Omnes igitur pedes simplices duodecim  
 numero principem locū capiunt. Pyrrhichius est in Ana-  
 pæsto & pæane quarto, iambus in Bacchio, Choreus in  
 Dactylo & Cretico, Spondeus in Molosso & Palimbac-  
 chio.

Ex illis

Ex illis optimi sunt initio

Creticus.

Pæan primus.

Pæan quartus.

Dochimus.

Dichoreus.

Molossus.

Anapæstus.

Suntne quoque boni qui continentur illis? Nihil est necesse. Quum pedi aut accessio aut decessio fit, illius natura mutatur. Nec si pæan habet dignitatem, propterea necesse est aut pyrrhichium aut trochæum eadem auctoritate præstare. Refert enim, longa an brevis subsequatur. Itaq; dicimus illos omneis in principiis non quidem probari, sed inueniri. Cauendum ne multis breuib; exiliat, nève longiorum continuatione languescat iugressus. Maxime animaduertendum ne continuentur ii pedes ex quibus efficiuntur triti vulgatiq; versus, cuiusmodi sunt iambi, anapæsti, chorei, daetyli, spondei. Nam versus initium si ponitur initio comprehensionis, vituperatur vt *λυρικός*,  
 „ vt heroici, Promitto hoc vobis, & Reip. spondeo. Con-  
 „ seruare igitur Reipub. iudices ciuem bonarum artium. vt  
 „ iambici, Tu consul es renunciatus. vt anapæstici, Veniunt  
 „ ad eum focii. vt sapphici, Si quid hic possum, faciam quod  
 optas. Quæ genera carminum sunt ignotiora, quæadmo-  
 dum minus deprehenduntur, ita minus in oratione repre-  
 henduntur. Est tamen carmen (si Ciceroni credimus) ora-  
 tionis vitium vel maximum. Diximus quæ sit ratio pe-  
 dum in principio & in exitu sententiarum: superest vt de

mediorum collocatione dicamus. Quoniam media fur-  
 dius audiuntur quàm vel prima, vel extrema, paulo ne-  
 gligentius instrui solent. Traducitur animus impetu di-  
 centis, & dum rerum verborumque bonitatem, conside-  
 rat, & eorum vim summamq; complecti nititur, non ita  
 vehementer numeris qui medio cursu rapiuntur, inten-  
 dit. Sed est huic intervallo suum decorum. Quum cele-  
 riter spacium corripit generosus equus, quàm aptè singu-  
 la ponat vestigia, conspiciere non possis. si fortè insigniter  
 aut claudicet, aut offendat, aut moretur, aut transiliat, aut  
 attollatur, aut declinet, continuò disparem cernis defor-  
 mitatem. Haud secus quum volubiliter fertur oratio, pe-  
 dum singulorum metiri positiones haudquaquam possu-  
 mus. quàm verò consentaneus sit omnis cursus, iudicare  
 T facile possumus. Quamobrem media initiis & clausulis  
 aptè respondere debent. Respondent autem, si ad eundem  
 numerum & ad eandē modulationem proximè accedunt.  
 Quod fit, si quo cœpisti tenore, eodem progrediare ad  
 extremū. Mediis in partibus amplissimus est vterque pæan  
 primus & quartus. Nec solùm dignitatem affert & ampli-  
 tudinem, sed etiam volubilitatem atq; celeritatē, qua ani-  
 mi cōcitati affluente voluptate recreantur. Quòd ut pla-  
 num fiat, ex Cicerone proponemus exempla. Vincat ali-  
 „ quando cupiditas voluptasque rationem, dummodo illa  
 „ in hoc genere præscriptio moderatiōque teneatur, In hac  
 oratione breui sex pæanas primos accipere possis, ex qui-  
 bus incitator est cursus, atque magnificentior amplitu-  
 „ do. De pæane quarto proferamus exemplum. Fieri enim  
 non

" non potest, ut animus libidini deditus, amore, desiderio,  
 " cupiditate, sæpe nimia copia, inopia etiam nõnunquã im-  
 " peditus, hoc, quicquid est, quod nos facimus in dicendo,  
 " non modò agendo, verùm etiam cogitãdo sustinere pos-  
 sit. Hic octo pæanas ex ternis breuib; & singulis longis  
 dimetiri queas. Non ab re dicimus, dimetiri queas. Nemo  
 rhythmicorũ pedes enumerat in cursu, quot quive sint, &  
 qui debeãt aut diuidi, aut nominari: sed occurrẽtib; ver-  
 bis expedit animo quãta sint interualla spaciaq; syllabarũ,  
 hoc est, quãnã sit breuiũ longarũq; tẽperies, ex quibus alii  
 atq; alii sũt pedes. Si velit spõdeos, molossos, bacchios, pa-  
 limbacchios, creticos, tum pluribus utitur longis. Si malit  
 dactylos, anapæstos, trochæos, pæanas, tum breues syllabas  
 copiosius inducit. Iam si quis obseruare uolet quid exci-  
 derit numeros expẽdenti, quoniã aut binas, aut ternas, aut  
 plures syllabas aggregare cõceditur, hos aut illos pro sen-  
 tẽtia cõstituet pedes. Quæ quum ita sint, nihil tamẽ vetat  
 quo minus tyrones enumeret præcipuos, & ternas singu-  
 lis, aut etiam plures syllabas q̃ binas alligare malint. hoc  
 multò facilius & utilius ad cõponẽdũ. Et in tribus sylla-  
 bis duæ sunt, & in quatuor & quinque, ut in præne atque  
 dochimo. Hoc modo obseruantes feligimus pæanas ali-  
 ósue numeros, qui neq; cõtinuari plures, nec certa cõpre-  
 hẽdi summa volũt, sed aliis permisceri, & pro subiecta ma-  
 teria aut plures aut pauciores collocari. Dicã apertius. Ha-  
 bes rẽ verbis explicandã minimũ viginti, non est opus ut  
 rationẽ subducas quot illã pedibus amplectare. Verba co-  
 gitati succurrẽt. Si volubilitati studebis, excipies de mul-

tis celeriora, si modò bona erūt, ac propria. Et quoniā dux  
 consonātes antecedentē vocalem etiā in oratione produ-  
 cunt, eo collocabis ordine, vt quæ sunt natura breues, in  
 eadē maneant quantitate. Quo factō, paucisq̃ue longis in-  
 terpositis, & dactylos, & trochæos, & anapæstos, & pæanas  
 in oratione tua vltro reperies. Quòd si scribis in ocio,  
 quid vetat inspicere quem pedum velis esse frequentiorē,  
 & cum paucis interiectis sæpius collocare? Id facies rudis.  
 Vbi consuetudine scribendi, & exercitatione dicēdi con-  
 secutus eris facultatem, tum cursus metieris, hanc nume-  
 randi molestiam relinques. Omnia tibi promptè suppe-  
 ditabit vsus. Vt igitur iuuenes optimis assuescant, cætera  
 persequamur. Dignitatem inesse dactylis ostendit heroica  
 maiestas. Ex iis numerum quidam iudicant esse grandio-  
 rem, quàm desideret soluta oratio, vt Aristoteles. Herous  
 (inquit) grauis est, ac magniloquentiæ accommodatus. Ci-  
 cero in oratore, lambus, inquit, frequentissimus est in iis  
 quæ demisso atque humili sermone dicuntur. Pæan au-  
 tem in amplioribus: in vtroque dactylus. Ita in varia &  
 perpetua oratione hi sunt inter se miscendi & temperan-  
 di. Hoc authore dactylum misceamus, & magnitudinem  
 quæ citra versum est, ne repudiemus. Miscet illum fre-  
 quenter. vnum & alterum testimonium adducemus. In-  
 telligo quàm scopuloso difficilique in loco verfer. Nam  
 quum omnis arrogantia odiosa est, tū illa ingenii atq; elo-  
 quetiæ multo molestissima. Inueterauit enim iam opinio  
 pernicioſa reip. vobisq; periculosa, quæ non modò Ro-  
 mæ, sed & apud exteras nationes omnium sermone per-  
 crebuit,

" crebuit, his iudiciis quæ nunc sunt, pecuniosum hominem  
 " quanuis sit nocens, neminem posse damnari. Creticus vel  
 nolentibus nobis se multus obtrudit. Id accidit, credo,  
 quòd bona pars verborum literas breues & longas ha-  
 bet. quæ ratio valet & in iambis, & in choreis, qui vtrique  
 creticis quodammodo videntur includi. Creticis maior  
 est dignitas, etsi neque duos iambos, neque duos choreos  
 proximè adiungere possis, quin efficiatur creticus. Cre-  
 ticorum est vsus adeò frequens, vt vna in periodo nō lon-  
 " gissima vnde viginti reperiantur. Ego, qui, sicut omnes  
 " sciunt, in foro, in iudiciisq; ita verfer, vt eiusdem ætatis aut  
 " nemo aut pauci plures causas defenderint, & qui omne  
 " tempus, quod mihi ab amicorum negociis datur, in his  
 " studiis laboribusq; consumam, quò paratior ad vsum fo-  
 " rensẽ, promptiorq; esse possim, tamen ita deos mihi ve-  
 " lim propitios, vt quum illius temporis mihi venit in men-  
 " tem, quo die citato reo mihi dicendum sit, non solum cō-  
 " moueor animo, sed etiam toto corpore perhorresco.  
 Anapæstus in cursu, vt in oratione proxima videre est, nō  
 est infrequens. Nam si longa præcedit, in dactylum refer-  
 ri potest. at si cōtinuaueris anapæstos, resiliunt quasi refrac-  
 ti, atque tympanorum sonum imitabuntur. Istud senties,  
 si breues breuiter, longas longè pronuncies. Firmior est  
 spondeus, & in grauitate rerum præstatiõ: quod idem de  
 " bacchio & molosso iudicandum est. Nemo quenquam  
 " tam audacem, tam amentem, tam impudentem fore arbi-  
 " trabatur, qui tam nefariis criminibus, tam multis testibus  
 " euictus, ora iudiciũ aspicere, aut os suum Populo Roma-  
 " no ostendere auderet. Est idem Verres, qui fuit semper, vt



„ ad audendum proiectus, sic paratus ad audiendum. Presto  
 „ est, respondet, defenditur. Ne hoc quidem sibi reliqui fe-  
 „ cit, ut in rebus turpissimis quum manifestò teneatur, si re-  
 „ ticeat & absit, tamen impudentiæ suæ pudentem exitum  
 „ quæsiisse videatur. Cæteros ordine referre nihil est neces-  
 „ se. Nullus est omnium, qui non aliquando intermisceatur.  
 Sed optimi sunt pæanes, cretici, dochimi, dactyli; bacchii,  
 spondei, molossi: non dico si continuentur, ut in versu, sed  
 si liberalius aspergantur. Pyrrhichii verò & iambi tro-  
 chæi; si frequentes erunt, minutis numeris extenuabunt  
 orationem. Sin pauciores, obscurè & surdè audientur. Mi-  
 scendi sunt igitur & temperandi, non modò propter va-  
 rietatem, cui plurimum studet omnis eloquētia, sed etiam  
 propter expeditam ac celerem dicendi facultatem. Nihil  
 est cur in numerandis pedibus homo consenescat. hoc ar-  
 tis, quicquid est, experiatur adolescens. Iudicium præce-  
 ptis informet. Omnia trahat in vsum. Quum plurimum  
 scribendo dicendoq; profecerit, tum laxare numeros pro  
 sentētia, & liberius spaciari poterit. Pronius est ac facilius  
 orationem quasi laxis habenis effundere, quàm certo nu-  
 merorum vinculo, & componendi moderatione frenare.  
 Qui non cohibet sciens, negligentia laborat: qui cohibere  
 non potest, ignorantia. hoc autem multo fœdus est, & tur-  
 pius. Ne quis igitur avidus eloquendi, recuset illā in discē-  
 do numero molestiam, quam homines doctissimi & in  
 observando & in tradendo subiuerunt.

Quæ vitiosa numeri textura.

Caput. 14.

Qui pedes.



VI pedes orationis, & artificiosam illorū collocationem tenet, stylum exerceat, optimū dicendi magistrum. Principio (vt in tyrocinio quodam) se numeris astringat, nō minutis illis

& quasi mutilatis, quibus in tenuitate rerum graciles vtuntur, sed optimis quibusque & amplissimis, à quibus procliuior erit ad ima descensus, quàm ab imis ad summa. Vt eò multis pateret accessus, exposuimus qui laudatissimi pedes haberentur, & quo quisque loco statui ab eloquentissimo solitus esset. Dicendum mihi postea de vitiis quæ vulgus imperitorum committit, vt illorum fuga virtus eluceat. Quòd in principiis & in finibus maximè numerus, & illa sonorum temperantia dominatur, in illis fugienda literarum dura concursio, & vocalium grauis hiatus. Corruptit enim quicquid est in apta numerorum copula suauitatis. Illic Cicero vocales elisisse mihi videtur, & aliter extulisse lingua, quàm abusus iste pronunciationis obseruet. Res erat minim' obscura, pro minimè obscura. Restricti nullo modo esse debemus, sed in deligendis idoneis iudicium & diligent' adhibere, loco illius, diligētiam adhibere. Ist' homo liberalis negat se quenquam retinere eorum qui Petilio vellent adesse. Nō ignoro (dixi iam superiore libro) collisiones huiusmodi fieri solitas in oratione tota, sed iterum dico, ne quis arbitretur his locis abruptos esse numeros, ac hiantes, qui debeāt maximè cōponi, vtq; in hoc genere sint parciores, quicunque cupiunt haberi compositi, & elegātes. Multa sunt quæ nō oportet elidi, vt quæ cōcisa intelligēdi viā claudūt, & quæ integra nullā pariūt audienti sonorū fœditatem. Nec satis

2 scio tépusne patiat in vsum vocari, quod praua loquē-  
 tium cōsuetudine exoleuit. Alterū vitii genus est in eiuf-  
 dem pedis continuatione. Aut enim versum facit, aut par-  
 tem versus, aut tardius remoratur cursum flumenq; dicē-  
 di, aut celer nimia mobilitate corripitur, aut temperatus  
 3 ingenerat tædium similitudinis, aut certè inuisam quādam  
 ostentat affectationem. Aliud est, ne strepitum plusquam  
 heroicum, & veluti sonoram tempestatem & confrago-  
 sam ciere numerus iste conetur. Vehementer errant ii qui  
 componendi fructum constituunt in agresti vastaq; gran-  
 diloquentiæ voce, dextri (si diis placet) & graues, tum cum  
 sonorum magnitudine rupere buccas, & horrenda toni-  
 4 trua concitarunt: vt quidā sic, Obscœnitatē verborū etiam  
 in fulminandis vitiis deuitauit. Quauis sublimis & ardua,  
 hoc tamen immani sonitu pressior atq; moderatior esse  
 debet oratio. Aut certè Demosthenes & Cicero, quid ef-  
 fet altū, vehemēs, magniloquū, fulmineū, nescierūt. Vter-  
 que certè fugit extumescentem illā quorundā poëtarum  
 5 vastitatem. Peccatur aliter in traiectione verborum. Sunt  
 enim qui studio componendi structurā implicāt, & cōfu-  
 sione permiscunt, verba de loco suo longè summouēt, &  
 in alienū traiciunt, quò melius aut cadat aut voluatur ora-  
 6 tio. hoc modo quidā, Platonis in Protagora sentētia vide-  
 tur esse, eas artes quæ ad victum pertinent humanū, pro-  
 uidentiam humanā reperisse. Obliquus ille casus, Plato-  
 nis, & hoc epitheton, humanum, vitiosè traiectum est.  
 Quid si tenuisset hunc ordinem? Sententia Platonis est in  
 Protagora, eas artes quæ ad humanum victum pertinent,  
 humana prouidentia repertas esse? Tria vitia fugisset, vnū  
 traiectionis,

traiectionis, alterum constructionis ambigua, tertium numeri cadentis in versum. Tenendum est id quod diximus libro superiore, in ordine naturæ manendum, quoad patietur ratio componendi. Nihil est ridiculum magis, quam inopportunas elegantias ( si modò ineptiarum sunt elegantiarum ) affectare. His adde vitium à M. Tullio notatum, quo fracti concisiq; numeri in quoddam genus abiectum incidunt. Id autem fit quum cæsim membratimq; dicitur, nulla interposita comprehensione. Nam circuitu quasi crepidine breuiores particula vinciuntur, & tedium crebræ percussione quam finis multus elidit, aufertur. Magna res est amicitia. Amicus est alter ipse. Illi conuenit tecum. Pars est animæ tuæ. Gaudenti arridet. Mœrentem solatur. Sua communicat. Tua non expetit. Non spoliatur fortunatū. Comitatur infœlicem. Quod odisti, non amat. Quod amas, non odit. Quod cupis, illi cordi est. Quod reiecis, non admittit. Eiusmodi sensiculi crebrò quatiunt aurem, & si continuantur, animū & memoriam fatigant. Sunt illi quidem versiculorum persimiles, quibus neque dignitas inest, neq; voluptas. Id genus qui continuare nō let, interponet ambitum, nunc breuem, nunc longum, pro cuiusque naturæ sentetia. Sunt & qui inania verba inferciunt, quasi cōplementa numerorum, vt ipse, ipsa, ipsum, ille, quidem, certè, sanè, profectò, hercle, loquitur dicitq; facit & agit, taceret & sileret, prosequitur & sectatur, doctus eruditusq;. Sunt alia generis huius multa, quibus rimas implent ii qui steriles elocutionis, inani verborū copia redundant. Reperias qui vna propè mensura sententiarum æquant, eodémque modo terminant, & qui segni nu-

1. mero languescūt, & qui claudicāt inæqualitate, & qui capi-  
 2. titi grádiori tenue corpus assuunt, quíque perpetua ver-  
 3. borum serie perfusi, vix tandem modum inueniant lon-  
 4. gissimæ catenæ. Sed omnium molestissimi videntur, qui  
 5. verba ambitiose delecta contexunt numero quodá poë-  
 6. tico, in quo Mæcænatis illud à Quintiliano reprehendi-  
 7. tur, Sole & aurora rubēt plurima. Inter sacra mouit aqua  
 8. „ fraxinos. Ne exequias quidē vnus inter miserrimos vide-  
 9. „ rem meas. In hoc flagitium decidunt ii qui nescientes re-  
 10. ctum genus eloquendi, frustra sese attollere conantur. Ne  
 11. sit igitur hiatus & aspera concursione literarū interseptus  
 12. numerus primorū & extremorum. Ne pes idem frequen-  
 13. „ tius iteretur. Ne turgida magnitudine numerus intume-  
 14. „ scat. Ne molestiam pariat traiecta constructio. Sed etiam  
 15. in quo peccauit Thrasymachus, & Hegesias, & recentio-  
 16. rum plurimi, numerum concisum clumbemque interie-  
 17. cta periodo vitabimus. Addemus interdum particulas ad  
 18. explendum numerum, sed vtilis: detrahemus aliquando,  
 19. „ sed ociosas. Incisiones metiemur impares, si plures erunt:  
 20. nec membra omnia & circuitus longitudinis eiusdē esse  
 21. „ patiemur. Numerum pigrum & languētem incitabimus  
 22. „ breuiorum syllabarum interpositione. Claudicantem æ-  
 23. „ quabilitate pedum corrigemus. Pedes æquabiles accipio,  
 24. „ qui eodem propè tenore gradiuntur. Ad præscripta ca-  
 25. „ pitis lineamenta, partes corporis efformabimus, nec tam  
 26. „ longos circunducemus ambitus, vt neq; memoria teneri,  
 27. „ neque auditoris animo concipi, neque cuiusquam spiritu  
 28. „ transigi possint. De circuitu postea, nunc imitati eloquen-  
 29. „ tiæ Romanæ principē, moueamus quæstiones, quibus ex-  
 30. „ plicatis,

plicatis, numerorum vis omnis aperietur. Etsi quæstio primas habet in disciplinis, non tamen inutile fuit, neque ordine præposterum, ea statuissè principio, quibus dubitationum pars optima solueretur.

Quæ de numero quæri expediat.

Cap. 15.

**I**N his quæ numerosa compositionis ignarus addubitet, hoc omnium primum sit: Sitne omnino vlla numerosa oratio? Esse in oratione numerum quendam testificatur Aristoteles, Theodectes, atque Theophrastus, qui scientia philosophiæ præclari de numero scripta reliquerunt. Testis est locuples Dionysius Halicarnasseus, cuius opus extat egregiū tum de aliis virtutibus orandi, tum de numeris oratorum. Testis gravissimus Cicero, qui plura de numero quàm veterum quicquam literis mandavit. Quid? fatentur & orationis inimici esse nescio quid in oratione numerosa, quod molle & effœminatum, uti lenocinio quodam, sic blanda voluptate capiat aureis nesciorum. Ad hæc ratio ostendit, quemadmodum numerus in versu pedum collocatione perficitur, sic & eorum artificiosa constructione citra versum oratorium numerum confici posse. Sed primus author est sensus, sensus inductionis ac rerum singularium magister. Sentiunt aures in oratione composita voluptatem, quam in dissoluta reperire non possunt: quarum monitus qui respuunt, initium doctrinæ mihi videntur aspernari. Aures igitur audiant orationes Isocratis, audiant Demosthenis, audiant Ciceronis, & aliorum quicumque eloquentia



floruerunt: in illis vim esse modulatam, & quoddam musica genus, unde recreentur ipsæ, constanter affirmabunt. Quod si quis arbitratur eam delectatione à bonitate verborum ac figurarum moueri, dissoluat orationem aptè conditam, rem omnem seruet ac verba, figuras teneat easdem, ordinem paulum commutet, vniuersus decor abscesserit. Commutetur hæc oratio, Nulla est enim tanta vis, tanta copia, quæ non ferro ac viribus debilitari frangi quæ possit. fac sic, quæ non ferro ac viribus possit debilitari frangi quæ: venustas omnis excidit. Quid ita? In locum dichorei successit spondeus & palimbacchius. Id sentiunt aures, aut si ne sentiunt quidem, asini sunt ad lyram, non hominis. Est igitur in oratione quidam numerus ex apta pedum compositione. Quis inuenit illum? Thrasymachus Chalcedonius, Isocrates expoliuit. Nam quum Thrasymachus minuta, & versiculorum similia quædam, nimium quæ depicta prodidisset, & id Isocrati non probaretur, primus instituit dilatare verbis, & mollioribus numeris explere sententias. Scribit hæc Cicero in oratore. Repugnare sibi videtur in

2 *ph* „ Bruto. Ante hunc, inquit, verborum quasi structura, &  
 „ quædam ad numerum conclusio nulla erat. Non repugnat tamen, quia Thrasymachi numeri neque perfecti neque conclusi fuerunt. Quæ causa numerum effecit? id est, quo

3 „ duce inuenit illum Thrasymachus? Natura, atque sensu. Illa parens ut in agro sine opera nostra, sic & in animo multa sponte fundit. Naturam imitatur ars, & obseruatione præcepta gignit. Itaque quum priores agitante natura aliquid conclusæ apteque dixissent, & homines ætatis eius aliquid etiam casu præclare dicerent, id quæ aures & animum

animum acerrimi viri pelleret, paulatim genera notauit,  
 & obseruando confecit artem. Eadem ratione, hoc est co-  
 gnitione aurium, obseruatione prudentiæ, inuentus est  
 ambitus, & vsu notatum est, quæ cōprehensiones aut im-  
 moderatius excurrerent, aut citius æquo terminarentur,  
 aut modicè laberentur ad æquam dimensionē. Nec enim  
 mathematica demonstratione, vel necessitate conclusio-  
 num, cognitus est numerus & circuitus, sed è seminario  
 naturæ profectus, aurem titillauit amica voluptate, & il-  
 lapsus in animum, quodammodo se iussit obseruari. Mens  
 (quam veteres numerum dixere) suauibus affecta modis,  
 quid esset quod tantopere delectaret, propius inspexit. eo  
 quod fortuitò exciderat, tāquam regula quadā appposito,  
 rudem materiā in eandem rationem mensuramq; direxit.  
 Vna, altera, tertiāq; sic expolita, quum haud minus oble-  
 ctaret atq; prima, signatus est locus: & hæc fuit origo præ-  
 cepti. Quærendum deinceps, quid sit numerus, quāq; de-  
 beat ratione finiri. Numerus est orationis apta modulatio  
 ex interuallorū breuium longorumq; varietate. Interual-  
 la dicimus, vt antea, tempora syllabarum, & spacia quæ in  
 efferendis verborum partibus transiguntur. Quæ breuibus  
 & longis oratio temperata, & ad aurium mensurā termi-  
 nata, iucundè progreditur, & aptè cadit, ea dicitur esse nu-  
 merosa. Quæ verò breues & longas, sed intēperatè & in-  
 compositè mixtas habet syllabas, quia nullius est aptioris  
 modi, carere numero, & errare vagè fertur. Ex quibus in-  
 telligitur id esse numerum in oratione, quod est metrum  
 in versu: eumq; constare pedibus non temere abiectis, sed  
 pulchrè & decenter incedētib; , donec aurium imperio

iubentur insistere. Non est numerus ea sententia de qua agitur, non ipsa verba, non concinnitates & figura, non ii qui tropi nominantur, non pedes, & eorum tempora, non incisa, aut membra, aut ambitus, sed pedum ordine positum quidam pulcher incessus, & veluti quædam orationis expolitio, & palæstra. Sit tanquam palæstra, quoniam decenter mouet orationem. Sit expolitio, quia excolit elocutionem. Sit quidam modus, propterea quod mensura quadam continetur. Sit modulatio & quædam musica, quandoquidem obscuro cōcentu delectat aures. Sit vinculum verborum, eò quod ligat atque connectit dictionis partes. Sit ornamentum, quo vestita sententia, nō expeditior modò, & accincta magis, sed pulchrior atque venustior habeatur. Est ne numerus vnus, an plures? Plures quidem certe. Nam si pedes sunt numeri, quo nomine non semel à Cicerone donantur, totidem erunt numeri, quot incedunt pedes in oratione. Omnes autem simplices ingredi suprà demonstrauimus. Sin numeri compositi, multisque dimensionibus aptè quadrati fuerint, plures quoque erunt, aut quâtitate aut qualitate aut alia ratione distincti. Quantitate, vt brevis longus, par impar, magnus paruus, continuus interruptus. Qualitate, vt tristis iucundus, suauis asper, anxius seuerus, elegans inuenustus. Alia ratione, vt celer, tardus. Vbi numeri ponuntur? In omni parte, totaque continuatione verborum. Nullus est locus in oratione composita, qui numero omnino vacare debeat. At initia & cōclusiones sicut attentius audiuntur, ita accuratius quàm media componi volunt. Non dico media semper oportere negligentius aptari, sæpe enim quàm optimè collocantur,

cantur, sed si quis incompositior esse velit, habere illum media, ubi malit occultare negligentiam. Quādo numeris utimur? Semper. Memini me dixisse antea, non uti semper oratores, qui vel aliis rebus occupati, vel bonitate rerum verborumque contenti, vel sponte dissoluti relaxant hoc vinculum. Illud est non funditus auferre, sed paucis in verbis connectere securius. Caterum nemo peritus huiusce cōnexionis artifex, sic resoluit vniuersum opus, ut sine lege solutum feratur. Ad quid utimur? Ad aurium voluptatem, quibus orator, ut sine tædio perferatur, aliquid oblectationis administrat. Hoc officium quā sit utile, multis antè verbis apertè monstrauius, ne quis vel natura, vel moribus seuerior bellum huic generi voluptatis inferret. Quemadmodum numerus adhibitus aliquid voluptatis affert? Eo modo sensum animumque delectat, quo versus & carmen. Natura capitur modis. In numeris autem modus est quidam & concētus obscurus, tum ex cuiusque vocis accentu, tum ex interuallorum breuitate & longitudine. Quid opus verbis? Non est anxie discutiendum quemadmodum voluptate afficiat animū nostrum, quum omnibus qui hominis aliquid habent, suauem esse constet atque iucundum. Quæredum porius, qua ratione componatur, & quibus rebus debeat accommodari. Sed horū alterum iam diximus, alterum postea dicemus. Interea de ambitu, in quo maximè rhythmus cōspicitur, quot habeat parteis, quantūque recipiat longitudinem, paribus an imparibus efficiatur particulis, quando maximè deceat, explicanda nobis sententia est.

De ambitu.

Caput. 16.

o iiii



AMBITVM græci περίστροφον, latini aut circuitum, aut comprehensio- nem, aut continuatio- nem, aut conuersionem, aut circumscriptionem appellant. Nam quòd huiusmodi circuncurrens oratio suum numeris explet orbem, & continuato cursu non antè requiescit, quàm totū circuli spacium confecit, hæc eiusdem rei nomina multa suscepit.

*c. 9. lib. 3.* „ Describitur ab Aristotele hoc modo: Circuitus dictio est  
 „ quæ per se principium & finem & conspicuam habet ma-  
 „ gnitudinem. Duobus autem modis intelligitur. Oratio  
 „ longiuscula, quanuis incompressa membris, ambitus ali-  
 „ quando nominatur, vt, Animaduerti iudices, omnem ac-  
 „ cusatoris orationem in duas diuisam esse partes. Stetit so-  
 „ leatus prætor populi Romani, cum pallio purpureo, tu-  
 „ nicæque talari, muliercula nixus in littore. Sed hoc genus  
 „ orationum diuidi potest, ac in plura incisa partiri: quam-  
 „ obrem tutius est affirmare circuitum duabus pluribusve  
 „ constare particulis, nunc confusioribus, vt, Depressam,  
 „ cæcam, iacentem domum pluris quàm te, & quàm fortu-  
 „ nas tuas æstimasti. Nunc distinctioribus, vt, Antequam de  
 „ Repub. P. C. dicam ea quæ dicenda hoc tempore arbitror,  
 „ exponam vobis breuiter consilium & profectio- nis & re-  
 „ uersionis meæ. Est igitur breuissima cõprehensio ex dua-  
 „ bus partibus. Is enim profectò mortem attulit, qui causa  
 „ mortis fuit. Sunt interim membra paulo fusiora, vt hæc,  
 „ Grati sumus in eius morte decoranda, cui nullam aliam  
 „ gratiam referre iam possumus. & hæc, Ac de hac quidem  
 „ diuina atque immortalī laude Bruti silebo, quæ gratissi-  
 „ ma memoria omnium ciuium inclusa, nondum autho-  
 ritate

6 ritate publica testata est. In hac oratione tria quidē mem-  
 bra sunt, sed ea in duo longiora conſlamus, propterea  
 quòd duo posteriora quasi fusa sunt in vnum. Quod in  
 similibus faciundum cēſeo, ne minimas quasq; totius cor-  
 poris, sed maiores ac præcipuas numeremus partes. Com-  
 » ponitur etiam periodus ex tribus membris. Etenim quum  
 » legatio ipsa mortis caussa fuisset, eius monumentum ex-  
 » tare voluerunt, vt in bellis periculosis obirent homines  
 » legationis munus audacius. Miscentur aliquādo partes, vt  
 » in his duabus orationibus. Cæteris autem, si errorē suum  
 » deposuerint, in Reip. gratiam redierint, veniam & impu-  
 » nitatem dandam puto. Hanc ego epistolam P.C. nō quò  
 » illum dignum putarē, recitaui, sed vt confessionibus ipsius  
 » omnia patefacta eius parricidia videretis. Pulchrior est  
 » ambitus ex partibus quatuor. Author est Cicero. Constat,  
 » inquit ille, ambitus & plena comprehensio ē quatuor ferē  
 » partibus, quæ membra dicimus, vt & aures impleat, & ne  
 » breuior sit quàm satis sit, neq; longior: quanquam vtrunq;  
 » nonnunquam, vel potius sæpe, accidit, vt aut citius insiſtē-  
 » dum sit, aut longius procedendum, ne breuitas aures de-  
 » fraudasse videatur, néve longitudo obtudiſſe. Sed habeo  
 » mediocritatis rationem. Nec enim loquor de versu, & est  
 » liberior aliquanto oratio. Quatuor igitur quasi hexame-  
 » trorum instar versuum quòd sit, constat ferē plena com-  
 » prehensio. hæc Cicero. Eiusmodi circuitus hoc sit exem-  
 » plum. Si quātum in agris locisq; desertis audacia potest,  
 » tantum in foro atq; in iudiciis impudentia valeret, nō mi-  
 » nus in caussa cederet A. Cecinna Sexti Ebutii impudētiæ,  
 » quàm tum in vi facienda cessit audaciæ. Nō ubiq; seruat

529. *de*



hæc longitudo. Nunc enim curtiora, nunc longiora mem-  
 bra componuntur. Curtiora sunt hæc. Quasi verò aut in  
 iudicio possit idem improbitas, quod in vi confidētia: aut  
 non eo libentius tum audaciæ cesserimus, quo nunc im-  
 pudētiæ facilius obsisteremus. Produciōtia quæ sequun-  
 tur. Quæ fama nō idcirco solum emanarat, quòd iste cer-  
 tè statuerat ac deliberauerat non adesse, verum etiā quòd  
 nemo quenquam tam audacem, tam amentem, tam im-  
 pudentem fore arbitrabatur, qui tam nefariis criminibus,  
 tam multis testibus euietus, ora iudicum aspicere, aut os  
 suum pop. Romano ostendere auderet. Sæpe cōprehen-  
 sio quinque partibus constat. Videte igitur quā iniquē  
 accidat, quia res indigna sit, ideo turpem existimationem  
 sequi: quia turpis existimatio sequatur, ideo rē indignam  
 non vindicari. Porrectior est hic ambitus ex totidē mem-  
 bris. Venit mihi in mentem M. Catonis hominis sapien-  
 tissimi, qui quum se virtute, non genere, populo Romano  
 commēdari putaret, quum ipse sui generis initium ac no-  
 minis ab se gigni & propagari vellet, hominum poten-  
 tissimorum suscepit inimicitias, & maximis in laboribus  
 vsque ad summam senectutem summa cum gloria vixit.  
Procurrit ambitus in sex particulas. Nam quum hic Sex.  
 Roscius esset Ameriæ, Titus alter iste Roscius Romæ,  
 quum hic filius assiduus in prædiis esset, quūque se vo-  
 luntate patris rei familiari vitæq; rusticæ dedisset, iste autē  
 frequens Romæ esset, occiditur ad balneas Palatinas re-  
 diens à cœna Sex Roscius. Progreditur & longius, vt hic  
 Posteaquam victoria constituta est, ab armisque recessi-  
 mus, quum proscriberentur homines, atque ex omni re-  
 gione

„ gione caperentur ii, qui aduersarii fuisse putabantur, erat  
 „ ille Romæ frequens, atq; in foro, & in ore omnium cot-  
 „ tidie versabatur, magis vt exultare victoria nobilium vi-  
 „ deretur, quàm timere ne quid ex ea calamitatis sibi acci-  
 „ deret. Aliquando colligatur res in longam catenā, quod  
 „ sicut historicis est familiare, ita non alienū oratoribus, vt  
 „ M. Tullio. Quum autem hic de rheda reiecta penula de-  
 „ siluisset, scq; acri animo defenderet, illi qui erant cū Clo-  
 „ dio, gladiis eductis, partim recurrere ad rhedam, vt à tergo  
 „ Milonem adorirentur: partim, quod hunc iam interfectū  
 „ putarent, cedere incipiunt eius seruos, qui pōst erant: ex  
 „ quibus qui animo fideli in dominum erant, & præsentes  
 „ fuerunt, partim occisi sunt: partim quum ad rhedam pu-  
 „ gnari viderēt, domino succurrere prohiberentur, Milonē  
 „ occisum esse etiam ex ipso Clodio audirent, fecerunt id  
 „ serui Milonis (dicam enim non deriuandi criminis causa,  
 „ sed vt factum est) neque imperante, neq; sciente, neq; præ-  
 „ sente domino, quod suos quisq; seruos in tali re facere vo-  
 „ luisset. Est igitur in circūscriptione varietas, quæ tū par-  
 „ tium multitudine, tum dispari longitudine creatur. Eam  
 „ qui commodè interferet vt rerum natura poscet, & sua-  
 „ uiores explebit numeros, & tedium satietatis effugiet. In-  
 „ terim tam multæ particulæ, tot verba dissoluta, hoc est  
 „ ἀνίσταται, tot interpositiones veniunt in vnā continuationem,  
 „ vt neque facile separari, neque distinctè numerari  
 „ queant. Quod quum accidet, illam minutatū rerum ver-  
 „ borumq; congeriem in pauca referre membra expediet,  
 „ vt ambitus partes modumq; tenere possis. Quicquid est  
 „ tam fusum, tamq; multiplex, quia vix tandem capit finem,

animum fatigat, & implet satietate: quamobrem suauitate numerosa caret, etiam si pedes neque sunt inconditi, neque dissipati. Vt in aliis rebus, sic & in orationis excursu modus est tenendus, vt ne breuior néve longior sit, quàm qui aurium seueritate probari possit. Nimia breuitas, & rursum redundans effusio, offendit audientem. Hic itaque dubitet aliquis, quot necesse sit concurrere pedes ad explendam circumscriptionem? Frustra profectò numerum quærat. Perficiunt interdum decem pedes, quod triginta coniuncti non efficiunt. Nec cur ita sit, quispiam rationem inuenit. Sensus est iudex, qui mutila ac redundantia deprehendit, moderata cognoscit, & ad id quod mediocre est, insito desiderio fertur. Exercendus est igitur in concinendis ambitibus oratorum principum, vt longa consuetudine ducat habitum, & expedite parem tenere cursum possit. Exercendus in scribendo dicendoque multa, quorum mensura sit æquata periodis eloquentiũ virorũ. Non omnes acerrimo sunt indicio. Exercendæ sunt igitur aures vti musicorum, quò percipiant emenso spacio, vbi debeat extrema fieri percussio, & pulmo anhelans interpiratione recreari. Nulla sunt hac de re præcepta, nullæ conditæ leges. In obseruatione & vsu positũ est hoc negotium. Confirmat Quintilianus his verbis. Enimuero spacia ipsa, quæ in hac quidem parte plurimum valent, quod possunt nisi aurium habere iudicium? Cur alia paucioribus verbis satis plena, vel nimium, alia pluribus breuia & abscissa sunt? Cur in circũductionibus etiam quum sensus finitus est, aliquid tamen loci vacare videatur? Vtitur ad hoc Ciceronis exemplo. Neminem vestrum

» vestrum ignorare arbitror iudices, hūc per hosce dies ser-  
 » monem vulgi, atq; hanc opinionē populi Romani fuisse,  
 » C. Verrem altera actione respōsurum non esse, neque  
 » ad iudicium affuturū. Cur hosce potius quā hos? Ne-  
 » que enim erat asperum. Rationem fortasse non reddam,  
 » sentiam esse melius. Cur non satis sit, sermonem vulgi  
 » fuisse? Compositio enim patiebatur. Ignorabam, sed ita, vt  
 » audio, hoc animus accepit, plenum sine hac geminatione  
 » non esse. Ad sensum igitur referenda sunt. hæc ille. Cice-  
 » ro in Bruto. Nam & aures ipsæ quid plenum, quid inane  
 » sit, iudicant, & spiritu quasi necessitate aliqua compren-  
 » sio terminatur: in quo non modò defici, sed etiam labo-  
 » rare turpe est. Omnes ferè longitudines quæ iucundè ca-  
 » dunt in aurem, prodiæ sunt à poëtis. Nec pares oratio-  
 » nes ducere, peccatum est, si modò compositio poëtica vi-  
 » tetur. Sunt orationes pares dimetris, vt, Minuebat vestiga-  
 » lia. Pares trimetris, vt, O frustra, inquit, suscepti mei labo-  
 » res. Pares tetrametris, vt, Si extitisset in rege fides, nihil fa-  
 » pientius Posthūmo. Pares hendecasyllabis, vt, Calceos &  
 » vestimēta mutauit. Sunt ex duodecim syllabis, sicuti ascle-  
 » piadei, vt, O cogitationes inanes meæ. Sunt æquales pen-  
 » tametris, vt, Publicam dilapidabat pecuniam. Sunt & æ-  
 » què longæ atque heroicus versus cum elego, vt, Fide fa-  
 » pientiæque vestra fretus plus oneris sustuli, quā ferre me  
 » posse intelligo. Quid moror? Nullum carmen est, cui non  
 » aliqua oratio soluta possit æquari, vel numero syllabarū,  
 » vel temporum quantitate. Heroici poëtæ sententiam vnā  
 » cōplectūtur aut hemistichio, aut integro versu, aut versu  
 » cum pede, aut versu cum hemistichio, aut duobus versi-

bus, aut duobus versibus cum pede, aut totidem cum hemistichio, aut tribus, aut pluribus. Quæ res apertè demonstrat non esse certum terminum finemq; comprehensionis, orationem extèdi pro rerum magnitudine, & aurium iudicio. Quum senties in orationibus doctissimorum plures circuitus imperfectos esse atque suspensos, adiungito proximas partes, & continuato voce quod sequitur: nisi fortè tam alienum sit, ut nihil omnino superiorum vim perficere videatur. Partes ambitus sunt incisiones & mēbra, de quibus antè mentionem fecimus: quæ ut varientur in circuitu, paucis quæstionibus agendum est. Quantos circuitus facere decet? Quantos subiecta res patitur, & spiritus indefessus sustinere potest. Nunc enim breuiiores fiunt, nunc longiores: ut exempla quæ paulò antè produximus, ostendunt. Decètne æqualiter particulas incidere? an facere alias breuiiores, alias longiores? Vtrunque loco decet. Aequalitas in exacto numero pulchra est, sed & inæqualitas in illo non erit turpis. Cauendum tamen est ne quum priora membra procera fuerint, posteriora attenuentur in angustum. Eiusmodi comprehensio excrescet in caput, ac cœptum nullo modo perficiet. Cōtrà decebit posteriorum longitudo porrectior, quæ à capite mediocri iustum corpus extendet, & speciem modulationis hac ratione faciet auctiorem. Quando breuiiores, & quando longiores trahentur? Quando res id postulabunt. Res brevis explicanda verbis est: quid opus est illam onerare verbis ociosis? aut dilatandi studio confundere sententias? Si tenue genus est, & paruum, quod facilitatem quærit, & vilitatum loquendi morem, quid est necesse cōtexere longas pe-

gas periodos ex membrorū prolixitate? Videndum quid res velit, & propositum dicendi genus tenendum est. Res est copiosa? Auge verba quibus exprimatur. Quòd si genus aut suaue est, aut temperatum, aut fufum & historicum, fac illi membra tractiora respondeant. Cur aliquando minora fiunt, aliquando verò grandiora? Rerum varietas, generis obferuatio, delectationis aucupium peperit hoc difcrimen. Vtris partibus vtendum est? an incisis, an membris? Vtrisque mifcenda est oratio. Nihil enim peius quàm vnā & eandem tenere formā. Cāſim dixeris, conſtitues membra, poſt membra conſuſionem. Nullum tādium gignet illa variandi iucunditas. Pluribus, an ſingulis partibus vtendum? Vtimur ſingulis quum cāſim membratim ve dicimus, pluribus quū duas pluresve particulas circunducimus in orbem. his & illis promiſcuè vtuntur oratores. Alia de vſu comprehensionis huc adiici poſſunt, ſed opportunius aliquando dicentur. Veniēdum eſt tandem ad figuras formasq; dicendi. Exprimendus eſt ille character omnium difficillimus, vt planum fiat quæ cuiq; generi verba, quæ iunctura, quæ concinnitas, qui numeri conueniant. Alioqui inutilia videntur ea verborum genera, quæ libro primo ad hunc vſum diſtinximus: & alia ornamenta quam potiffimum veſtiant orationem, incertum ac indefinitum relinquitur.

Tria genera eloquēdi, qui characteres dicuntur. Cap. 17.



ET RES omnes ab Homero tria fecere genera dicēdi, ἱερὸν, id eſt gracile: μέσον, medium: ἁπλοῦς, plenū & copioſum. Gracili venuſtatem, medio ſuauitatem, vberi vim am-

q. 1. 12. c. 10. f. 2



plitudinémque tribuerunt. Primum à Cicerone dicitur aut acutum, aut tenue, aut enucleatū, aut subtile, aut presum, aut callidum, aut summissum, aut humile, aut gracile. Alterum aut interiectum, aut intermedium, aut suauē, aut temperatum, aut mediocre, aut æquabile. Aliud grandiloquum, amplum, graue, vehemens, acre, robustum, ardens, copiosum. Hanc tripertitam formarum diuisionem rerum ipsarum natura monstrauit. Omnia quæ dicenda subiiciuntur oratori, aut sublimia, aut humilia, aut intermedia sint necesse est. Vt id confirmetur, quod satis per se constat: nulla opus est demonstratio. Quum autem verba & eloquendi genera rebus aptari debeant, & elocutionem citra rerum decorum contemnat orator, tot styloꝝ species esse, quot rerum dicendarum genera sunt, oportet. Præterea ratio sonorum quibus omnis accommodatur actio, treis statuendos esse characteres apertè dicentibus ostendit. Nam quum voces aliæ sint graues, aliæ acutæ, aliæ temperatæ, non deceat acria & acuta pronunciare summissè, summissa peracutè, media vel abiectè vel elatè. Nec enim sensus patitur voces à compositione, compositionem à materia dissentire. Quamobrè summissioni vocis rerum tenuitatem, clamori magnitudinem, mediocritati temperatiam accommodauit ars eloquendi: & tot orationum, quot erant sonorum, statuit figuras. Deinde videbantur inter oratores, qui non ita longè vulgus & rerum gracilitate, & verborum trita consuetudine superarent: & alii contrà, qui dignitate sententiarum, & grauium maiestate verborum, communem disertorum eloquentiam longo interuallo præcederent: & alii multi, qui  
medium

medium quoddam tenerēt iter, illis ornatiores, his autem summissiores. Ex quibus omnibus facilē deprehēsum est quot duce natura florerent omnino genera dicendi. Ad <sup>†</sup> hęc, quum extrema duo certum & definitū cepissent locum, media autem essent incerta & infinita, quumq; genera pauca cōstitui oporteret, ad docendū nihil fuit neq; melius neque certius, quā (vt sit in quantitate finita) sic facere duos fines, & medium: & quæ proxima finibus essent, ad fines referre: quæ medio verò, ad medium reducere. Positæ sint ergo nobis tres figuræ formæq; dicendi, humilis, media, sublimis: & ad singulas exprimēdas ex ordine sermo cōferatur, si prius satisfecerimus iis, qui plures esse elocutionū species arbitrātur. Enumerant scriptionū mille formas, in quibus sunt epistolæ tam variæ, q̃ quæ tabel- lis cōmitti solēt, panegyrici, laudationes, deliberationes, conciones, causæ iudiciariæ, annales, historiæ, fabulæ, apologi, apophthegmata, annotationes, cōmētarii, interpretationes, artium liberaliū & illiberalium descriptiones, comœdiæ, tragœdiæ, mimi, satyræ, bucolica, georgica, epigrammata, epitaphia, nēniæ, elegi, argumenta, syluæ, odæ, heroica, & alia carmina generis diuersi. Contendunt tot tantæque res tribus illis figuris haud posse comprehendī, singulis earū propriā quandā rationē conuenire, quæ quidem absente nomen suum retinere non possint. Confirmant esse totidem vel dicendī vel scribendī species, quot fuerunt aut sunt idonei scriptores. Omnes certē quidem probari, nec duos vnquam per omnia similes inueniri. Hęc si vera sunt, vt sunt, manifestò colligi plures esse characteres, quā vulgus imperitorū existimet. Verū quidē

loquuntur, varias esse materias & carminibus, & orationibus, & neminem vnquam scribendo alteri cuiquā similem fuisse: sed hoc non efficit illam rerum multitudinem in tria genera cadere non posse. Innumerabiliū rerū pauca genera sunt, vt aquarum fontes. Singulorū, vti scriptorum (partes imas intelligo) nulla conditur ars, quoniā ars est cōmuniū, vt generum atq; formarum. Partes singulæ referuntur ad sensum, & norma cōmuniū diriguntur, hoc est, notione generis & formæ iudicantur. Singulis scriptoribus aliquid est peculiare, quod non à disciplina, sed ab ingeniorum varietate proficiscitur. An iccirco innumerabilia styloꝝ genera persequemur? Num quòd ora hominū diuersa sunt, infinitas illorum species distinguimus? Num equorum? Num animantium cæterorum? Illa quæ dicuntur *συμβεβηκότα*, species nō immutāt. Quod si poetarum materia & ornamenta plurimum differunt, si oratio soluta in rebus & verbis multas habet facies, fateamur esse multas species scriptionum, quæ ex trium generum cognitione, quid habeant commune, quid autem proprium, vsu & exercitatione patefunt. Si omnia mandentur arti, nullus erit scribendi discendique modus. In artem redigantur illa, vnde cætera minimo negotio intelligi iudicarique possint.

De humili stylo.

Cap. 15.



Rimum videndū quod sit gracile & tenue filiū orationis. Et quoniam oratio constat rebus & verbis, & primas habent subiectæ res, sine quibus inanis est & inutilis verborū cōpositio

tio, dicendum principio quæ sententiæ humili ornatu ve-  
 stiantur ab iis qui non omnia eodem modo subtiliter, sed  
 grandia elatè, media temperatè, parua tenuiter dicunt.  
 Qui perpetuò terit vnā eadēque viam, & in vno ge-  
 nere gracili versatur, non est is contemnendus orator,  
 non magis quàm Lysias scriptor subtilis, & alii permul-  
 ti: sed maior est ille qui se in rerum formas dicendo trans-  
 mutare potest, & sententiis imparibus imparē ornatum  
 "circundare. Gracili filo textuntur partitiones, vt hæc, Osten-  
 "dam primò causam non fuisse cur à prætorē postulares vt  
 "bona P. Quintii possideres, deinde ex edicto te possidere  
 "non potuisse, postremò non possedisse. Eadem textu-  
 "ra definitiones aut descriptiones, vt quæ sequuntur.  
 "Nonne, si verbum sequi volumus, hoc intelligamus ne-  
 "cesse est, cum detrudi, cui manus afferantur? Necessè est  
 "inquam, si ad verbum rem volumus attingere, nemi-  
 "nem statu detrusum, qui non adhibita vi, manu demotus,  
 "& actus præceps intelligatur. Deiectus verò quī potest  
 "esse quisquam, nisi in inferiorem locum de superiore mo-  
 "tus? Quid est enim tumultus, nisi perturbatio tanta, vt  
 "non maior timor oriatur? Descriptionibus adde exposi-  
 "tiones earum, qualis est hæc: Maiores nostri tumultum  
 "Italicum, quod erat domesticus: tumultum Gallicum,  
 "quod erat Italiæ finitimus, præterea nullum tumultum  
 "nominabant. Huc refer interpretationes edictorum, testi-  
 "moniorum, legum, epistolarum, & id genus rerū. Ad ean-  
 "dem tenuitatem referuntur distinctiones, vt ea quæ ascripsi-  
 "mus. Aliud est iudicium, aliud est arbitrium. Iudicium est  
 "pecuniæ certæ, arbitrium incertæ. Ad iudicium hoc mo-

1. p. 114  
Al. 114. 17.

2. p. 114  
271 p. Cecina

3. p. 114  
163 h. 114. 5.

4. p. 114  
Ibid.

5. p. 114  
141 p. Rore.

Copied by

„ do venimus, vt totam litem aut obtineamus, aut amitta-  
 „ mus. Ad arbitrium hoc animo adimus, vt neq; nihil, neque  
 „ tantum quantum postulauimus, cōsequamur. Eodem or-  
 „ natu vestiuntur <sup>confabulationes.</sup> colloquia, & leuium rerum narrationes.

6  
 „ Age verò, quæ erat aut qualis quæstio? Heus vbi Ruscio?  
 „ vbi Casca? Clodius insidias fecit Miloni? Fecit. Certa crux.  
 „ Nullas fecit. Sperata libertas. Quid hac quæstione cer-  
 „ tius? Illud colloquium, hæc rei leuioris narratio. Milo

296.  
 „ autem quum in senatu fuisset eo die quoad senatus di-  
 „ missus est, domum venit, calceos & vestimenta mutauit.  
 „ Paulisper dum se vxor (vt fit) comparat, commoratus est.  
 „ In leuib; narrationibus ferè sunt ea, quæ iocantur. Quum

7. 64. 7. 11. 12.  
 „ autem ver esse cœperat ( cuius initium iste non à Fauo-  
 „ nio, neque ab aliquo astro notabat, sed quum rosam vide-  
 „ rat, tunc incipere ver arbitrabatur) dabat se labori, atque  
 „ itineribus, in quibus vsque eò se præbebat patientem, atq;  
 „ impigrum, vt cum nemo vnquam in equo sedentem vi-  
 „ deret. Nam (vt mos fuit Bithyniæ regibus) lectica octofo-  
 „ ro ferebatur, in qua puluinus erat perlucidus Melitensi ro-  
 „ sa factus. Ipse autem coronam habebat vnâ in capite,  
 „ alteram in collo, reticulumq; ad nares sibi apponebat te-  
 „ nuissimo lino, minutis maculis, plenû rosæ. Narrationes

7  
 „ eius rei in qua maximè causâ versatur, quæ res nisi apertè  
 „ demonstrata fuerit, officiet causæ vel plurimum, à Cice-  
 „ rone oratione tenui solèt explicari: vt prima narratio pro  
 „ Sexto Roscio. Quas igitur numerauimus partitiones, de-  
 „ finitiones, descriptiones, distinctiones, narrationes, confa-  
 „ bulationes personarum, ideo potius gracilitate gaudent,  
 „ quòd nihil aliud volunt, quàm purè & dilucidè & vsitato

sermone

sermone monstrari. In quo genere sunt argumenta sub- 8  
 tilia, quæ acutè colligunt, clamores & tragœdias non  
 excitant. Quid stultius esset illo, qui relicto probandi  
 more, longam & subtilem argumentationis continuatio-  
 nem grandi vestiret oratione? Id neque dialectici veri, ne-  
 que eloquentiæ principes committunt, vt acumen disse-  
 rendi, & rationum abstrusam minutamque naturam, le-  
 nocinio verborum molliant, & carnem candidam malint  
 quàm neruos & ossa. Pugnant acriter, & ab vſitato more  
 „ disputandi non recedunt, vt hîc Cicero Patrem occidit  
 „ Sextus Roscius. qui homo? adolescentulus corruptus, &  
 „ ab hominibus nequam inductus? annos natus magis qua-  
 „ draginta? vetus videlicet sicarius? homo audax, & sæpe in  
 „ cæde versatus? At hoc ab accusatore ne dici quidē audi-  
 stis. &c. Nihil refert confirmationem an refutationem in-  
 telligas, si modò teneas alias argumentationes fieri magis  
 ad probandum, alias autem ad mouendum: illas esse te-  
 nues, has verò graues & ardenteis. Ne quis autem putet  
 esse dissentaneum & absurdū, in causſa graui atque sub-  
 limi partes inueniri humiles & leues, id efficit earum  
 rerum quæ dicuntur, impar & inæqualis ratio, quæ subin-  
 de stylum mutaret, si aut ars, aut artis optimus imitator  
 haberet orationem. Quod si Trapezuntius intellexisset,  
 nunquam pronunciaſſet, omnes M. Tullii dictiones ar-  
 duas ac sublimes videri. Sunt enim causſæ totæ graciles,  
 vt pro Quintio de ſocietate, pro Cecinſia de fundo, pro  
 Roscio Comædo de debito. Venerant in quaſtionē par-  
 uæ res, & indignæ ſummis eloquentiæ viribus. Quum  
 fama & caput ſaluum eſt, res familiaris aliqua ex parte ve-



nit in discrimen, multo magis decet callidè & enucleatè  
 dicere, q̃ tonitrua Periclis in re leui concitare. In omni  
 oratione quædam figuræ sunt, quæ multo melius tenui-  
 ter ac pressè dicuntur, quàm grauitè & elatè, vt extenua-  
tio sui. Verùm ita se res habet, vt ego, qui neq; vsu satis, &  
 ingenio parum possum, cum patrono disertissimo cõpa-  
 rer. Extenuatio alterius ridicula. Nō quò ei deesset inge-  
 niū, nam neq; parum facetus scurra Sextus Næuius, neque  
 inhumanus præco est vnquā existimatus. Disimulatio si-  
ne amore. Sæpe (vt fit) quū ipse te confirmasses, quū sta-  
 tuisses de pecunia mentionē facere, quū paratus medita-  
 tusq; venisses, homo timidus virginali verecundia subitò  
 ipse te retinebas, excidebat repente oratio: quum cuperes  
 appellare, non audebas, ne inuitus audiret. Id erat profe-  
 ctò. Ridet Næuium impudentem. Subiectio. Appellandi  
 tempus non erat? at tecum anno plus vixit. In Gallia agi  
 non potuit? at in prouincia ius dicebatur, & Romæ iudi-  
 cia fiebant. Interrogationes minutæ, non illæ graues atq;  
 acerbæ. Quid enim nunc agit Sextus Næuius? qua de re  
 cōtrouerfia est? quod est hoc iudicium, in quo iam bien-  
 niū versamur? quid negotii gerit, in quo ille tot & tales  
 viros defatigat? Summissæ altercationes. Pecuniam petit.  
 Nunc deniq; Verū tamen petit? audiamus. De rationibus  
 & cōtrouerfiiis societatis vult diiudicari? Serò. verū ali-  
 quando tamen, cōcedamus. Trāsitus ad docilitatē cõpa-  
ratus. Docui quod primū pollicitus sum C. Aquili, caus-  
 sam omnino cur postularet, nō fuisse, quòd neq; pecunia  
 debebatur: & si maximè deberetur, commissum nihil esse  
 quare ad istā rationē perueniretur. Attēde nūc ex edicto  
 prætoris

„ prætoris bona P. Quintii possidere nullo modo potuisse.  
 „ Attentionis petitio. Quod abs te C. Aquili, & à vobis qui  
 „ adestis in consilio, quæso vt diligenter attendatis. Iocus. O  
 „ hominem fortunatum, qui eiusmodi nuncios, seu potius  
 „ pegasos habeat. Acuta ac tenues ferè sunt dicacitates &  
 „ facetia. Fictiones leuium personarum, vt fratris Clodia.  
 „ Quid tumultuaris soror? quid insanis? quid clamore exor-  
 „ sa & verbis paruam rem magnam facis? Vicinum adole-  
 „ scentulum aspexisti, candor huius te, & proceritas, vultus  
 „ oculiq; perpulerunt. Sæpius videre voluisti, fuisti nonnun-  
 „ quam in iisdem hortis visa nobilis mulier. Illum filium fa-  
 „ milias patre parco ac tenaci habere tuis copiis deuinctum  
 „ non potes. E Cicerone sumito quæ sequuntur. Ingressus  
 „ ad parandum. Atque vt facilius intelligere possitis Iudices  
 „ ea quæ facta sunt, indigniora esse, quàm hæc quæ dicimus,  
 „ ab initio res quemadmodum gesta sit, vobis exponemus.  
 „ Distributio, Tres sunt res, quâ tum ego existimare possum,  
 „ quæ obstant hoc tempore Sexto Roscio, crimen, aduersa-  
 „ riorum & potentia, & audacia. Criminis confictionem ac-  
 „ cusator Erucius suscepit, audaciæ partes Roscii sibi po-  
 „ poscerunt: Chryfogonus autem is, qui plurimum potest,  
 „ potentia pugnat. Blanda reprehensio. Quæso Eruci, vt hoc  
 „ in bonam partem accipias, non enim exprobrandi causa,  
 „ sed commonendi gratia dicam. Si tibi fortuna non dedit,  
 „ vt patre certo nascere, ex quo intelligere posses qui ani-  
 „ mus patrius in liberos esset, at natura certè dedit, vt huma-  
 „ nitatis non parum haberes. Significatio leuitatis. Nam illa  
 „ opinor tu quoque concedis leuia esse atque inepta. Con-  
 „ uiuia cum patre nō inibat, quippe qui ne in oppidū qui-

„ dem nisi perrarò veniret. Domum suam istum non ferè  
 „ quisquam vocabat. Nec mirum, qui neque in vrbe viueret,  
 „ neque rure vocaturus esset. Verum hæc quoque tu intel-  
 „ ligis esse nugatoria. Secura cōcessio. Esto, causam proferre  
 „ non potes: tametsi statim vicisse debeo, tamen de meo iure  
 „ decedam, & tibi quod in alia causa non concederem, in  
 „ hac concedam, fretus huius innocentia. Vereor ne in nu-  
 „ merandis tam multis figuris sim molestus. Ex his quas di-  
 „ ximus, alias generis eiusdē intelligere promptū est. Quic-  
 „ quid humile est ita, vt neque dignitate sententiæ præcellat,  
 „ neque compositam & ornatam elocutionem magnopere  
 „ desideret, neq; clamores velit, neq; vehemētes impetus, sed  
 „ sit ferè è sermone populari, & ea ratione tū sentiendi, tum  
 „ loquendi, quam videmus in grauioribus comœdiis: in eam  
 „ formam de qua nunc agitur, optimo iure includendum  
 „ puto. si tota causa proposita sit eiusmodi, vt de finibus re-  
 „ gundis, de stillicidiis, de seruitute prædiorū, tota subtiliter  
 „ agenda. si pars à parte dissentiat, aliter & aliter exponēda.  
 „ Vnà cum re verba & figuræ & compositio crescunt.

De elocutione tenui.

Caput. 19.



V M M I S S V S orator cōsuetudinem imi-  
 tatur, & ab indisertis re plus quàm opinione  
 differt. Illi sermo purus est, & emendatus, non  
 ita fœdus & enormis, vt ad barbarismum so-  
 lœcismumq; deueniat. Est enim flagitium quoddam bar-  
 barè loqui, & indignum viro liberaliter instituto. Quod  
 qui affectat, vt quasi familiares esse videantur, ex oratorum  
 numero

numero sua se voluntate eximunt. Ex illis verborum generibus, quæ priore libro in ordines descripsimus, ut quum opus esset, in usum vocarentur, assumit latina, quoniam frustra petuntur ornamenta prodigiosa linguæ, quæ primis ingressibus omnium disciplinarum sit exclusa. Assumit humilia multa, nempe quibus ad explicandam rem tenuem in hominum cœtu citra deformitatem possit uti. Urbani esse debent, & ingenui moris, non illius rusticanæ vastitatis, quæ ab humanitate semota est. Deligit prudica, nitida, usitata, propria. Priscis & novis utitur raro. Illa ad grandiloquentiam, hæc ad suavitatem potius accommodantur. Sapius exilia quam sonantia, parua quam gradia, volubilia quam tarda, lenia quam aspera inducit. Nunc integris, nunc concisis agit, ut usitata loquendi consuetudo persuadet. Id quod

„ facilius rudes intelligat, agemus exemplo. Operæ precium

„ erat, si animaduertitis Iudices, negligentiam eius in accu-

„ sando considerare. Credo quum vidisset qui homines in

„ hisce subselliis federent, quævisse, num ille aut ille de-

„ fensurus esset: de me ne suspicatum quidem, quod antea

„ causam publicam nullam dixerim. Postquam inuenit ne-

„ minem eorum qui possunt & solent, ita negligēs esse cœ-

„ pit, ut quum in mentem veniret ei, resideret, deinde spa-

„ ciaretur, nonnunquam etiam puerum vocaret, credo cui

„ cenam imperaret, prorsus ut vestro confesso & hoc con-

„ uentu pro summa solitudine abuteretur. Audis hic puram

& in affectatam loquendi consuetudinem, sermone populi tersiorem, summa gravitate multo summissiorem, verba nec impudica, nec sordida, nec inusitata, nec impropria, nec strepentina graviter, nec incedentia superbe, nec tarde

*Tenuis el  
verba*

*Pro Ros. Am  
An. 95*

repentia, nec concurrētia asperè. Humilia quædam, vt hæc,  
 „ Nonnunquam etiam puerum vocaret, credo cui cœnam  
 „ imperaret. Reliqua de medio sumpta, quæ omni dicendi  
 formæ, sed aliter & aliter composita, & figuris, & grauioribus  
 verbis ornata conueniant. Tenuis orator ( inquit  
 „ Cicero ) modò sit elegans, nec in faciendis verbis erit au-  
 „ dax, & in transferendis verecundus & parcus: & in priscis  
 „ reliquisque ornamentis & verborum & sententiarum de-  
 „ missior, translatione fortasse crebrior, qua frequentissimè  
 „ sermo omnis vitur, non modò vrbano-  
 rum, sed etiam ru-  
 „ sticorum. Idem paulò post. Vtatur verbis quàm vſitatissi-  
 „ mis, translationibus quàm mollissimis. Habito verborum  
 delectu, qua ratione iungat illa, dicendum est. Ne tantum  
 laboret in coagmentatione, quantum solent ii, qui molli-  
 ter velut per æquabile spacium feruntur. Si fortè com-  
 positio lenis occurrit, cur illam recuset oblatam, non vi-  
 deo. Sin illa ( quod frequenter accidit ) remoratur abire  
 cupientem, partem componit, partem coagmentare ne-  
 gligit. Duæ plurèſve hiant vocales, aliquot etiam conso-  
 nantes rixantur horridè: ferat, si modò sententia bona sit,  
 & illi propria atque dilucida verba respondeant. Non  
 „ eiusmodi compositionis Ciceronem puduit. Simul atque  
 „ ego in Siliciam veni, mutatus est. Venerat ad cum illo bi-  
 „ duò Letilius quidam, homo non alienus à literis. Itaque  
 „ eò iste tabellario semper vsus est. Is epistolas complures at-  
 „ tulerat. In his vnā domo, quæ totum immutaret ho-  
 „ minem. Repente cœpit dicere se omnia Verris caussa  
 „ velle, sibi cum eo amicitiam cognationemque esse. Vides  
 vt in hoc sermone frequens sit hiatus è concursu voca-  
 lium,

lium, vt paulò pòst aspera commissura consonantium.  
 „ Erant qui putarent Letilium legatum à Verre venisse, qui *ibide*  
 „ gratiam, amicitiam, cognationemque commemoraret.  
 Sint breues periodi, si non semper, plerunq; tamen: mem-  
 bra parua, numerus tenuis, vt qui fit ex iambo frequente, *Numeri*  
 ex pyrrhichio, choreo, trochæo. Non intelligo hos solùm  
 congregi pedes (omnes enim reperiuntur in tenuitate di-  
 cendi) sed cæteris grauioribus multo frequentiores esse,  
 „ vt in hac oratione. Si me villicus tuus solus deieciisset, non  
 „ familia deieciisset, vt opinor, sed aliquis de familia. Rectè  
 „ igitur diceres te restituisse? Quid enim facilius est, quàm *ccinno*  
 „ probare iis qui latinè sciant, in vno seruulo familiæ no- *777*  
 „ men non valere? Si verò ne habeas quidem seruum, præ-  
 „ ter eum qui me deiecerit, clames videlicet: si habeo fa-  
 „ miliam, à familia mea fateor te esse deiectum. In gracili  
 figura (quoniam linguæ cottidianæ finitima est atque pro-  
 xima subtilitas) non circunducuntur in pompam nume-  
 rosæ comprehensiones, nec grãdia membrorum corpora  
 funduntur, nec frequentantur ampliores numeri qui plena  
 modulatione sensum demulceant. tantum cõpositio su-  
 perat attritum latinè loquentium morè, & paulo ornatius  
 atq; lautius accipit audiētes. Assuescendum igitur optimo  
 generi sermonis, & lingua sic vtendum iam sub præcepto-  
 ribus, vt latinè, purè, propriè, dilucidè, compositè loquaris.  
 Quum sermo fuerit incorruptus & proprius, vt illorum  
 qui & expeditè & elegāter confabulantur, ad exprimen-  
 dum characterem humilem, parū admodum laborandū est.  
 Inueniendæ sunt multæ & acutæ sententiæ, quales edunt



prudentes & exercitati, ne leuitate rerum oratio tota ele-  
 uetur. De medio verba sumenda sunt, ac diligentius pau-  
 lo metienda quàm in familiarium sermone. Quicquid ex-  
 turgescit, quicquid ampullosum est & affectatum, quod  
 priscum & inulitatum, quod audacter nouatum, quod  
 audaci figura modificatum, quod insolens, quod nimium  
 graue, quod effœminatum & elumbe, quod dissimile sui,  
 quod obscurum & abditum, quod infinitum immensum-  
 que, hoc est, nimia tractum circunductione, fugiendum  
 est. Illum dicendi purissimum candorem multis in locis  
 habuit eloquentiæ latinæ princeps, habuit & Cæsar in hac  
 parte (meo iudicio) Ciceroni vel æquandus, vel præferen-  
 dus. De viribus eloquentiæ non dico, de linguæ proprie-  
 tate, & recta quadam venustate loquor, in qua vel iudi-  
 ce Tullio summus fuit Cæsar. Hoc genere floruit tem-  
 poribus nostris Desiderius Erasmus, cuius opera multa  
 sunt acutè subtilitèrque conscripta, pauca verò senilia,  
 quæ ex industria deiecit infra dignitatem puræ & candi-  
 dæ tenuitatis. Apud eum copiosus & enucleatus est ser-  
 mo, sententiæ crebræ ac minutz, ioci multi, nec ingrati-  
 sales: verba bona atque vsitata: figuræ plurimæ, nec ab-  
 horrentes ab vsu frequenti. Ambitus ita contracti, vt spi-  
 ritum maiorem non desiderent. Numerus sæpe nullus,  
 sæpe pressus ac venustus. Omnia quæ suscepit, docet, &  
 dilucidiora nō ampliora facit. Laudabilia sunt hæc omnia  
 in oratore, cui statutum est, humilem, sed tutam dicendi  
 rationem consecrari. In acutis oratoribus alii fuerunt im-  
 politi, vt Lyfias quum scriberet orationes quas haberent  
 pro se

pro se rudes & illiterati. Alii (cum Cicerone dicam) in eadem ieiunitate concinniores, id est faceti, florentes etiam & leuiter ornati, qui in hoc solum genere versabantur. Alii qui nihil cedebant his elegantia, & quum vellent, aut medium genus, aut supremum faciliè rapiebant: quorum facultas eloquendi, quia maior est, & rerum varietati decentior, ingenuis animis potius capeffenda est. Opus est imitatione, quæ quod præceptis deest, implet: & quod habent præcepta, confirmat. Quos tibi proposueris imitandos, ab vna aut altera sententia non iudicabis aut enucleatè, aut temperatè, aut grauiter egisse: tua te ratio falleret: à toto corpore, vel à tota parte iudicanda est forma dicendi. An ideo Virgilium tenuiter cecinisse bucolica dices, quòd versiculus est tenuis,

” Fronde super viridi sunt nobis mitia poma?

Haudquaquam, sed illorum bonam partem humili materia & elocutione confecit. Interiecit aliquando optimos versus, qui in canenda heroum maiestate non dedecant. Nolo igitur leonem æstimes ab vnguibus. Perpende quantum sit earum rerum de quibus agitur, pondus, sint ne graues, an leues. vide quam verba sint quæ sita: an sumpta de sermone vulgati, an longius altiùsve ad ornatum petita. Contemplantur qui sit habitus figurarum, sint ne cottidianæ formæ, an raræ & eximix. Considera quæ ratio componendi, an contexta sit firma coagmentatione, & numeris expleta, an verò dehiscat iunctura, & subinde numerus abrumpatur. Hoc modo faciliè cognosces in quo genere collocanda sit omnis oratio. Sed & nos iuuadi gratia referamus ad exilem tenuitatem quæ repunt humi, nō orato-

1 ria quidē, sed vel soluta, vel poëtica. Sic enim planius fiet  
 quale sit delineamentum macilentæ figuræ. Ad hanc for-  
 mam pertinent epistolæ familiares, quæ aliquam modò  
 artem limamque subierunt. Sunt enim tres species episto-  
 larum. Aliæ de rebus magnis & grauibz agunt ornatè  
 & copiosè, & ab orandi facultate, quas possunt, accipiunt  
 vires, eoque dignitatis attolluntur, vt ad hunc quasi ple-  
 beium ordinem referri non debeant. Aliæ sunt tam vi-  
 les & abiectæ, vt nullo ordine censeantur. Aliæ cultæ  
 & elegantes, tenuēs tamen & expressæ, quæ in elegan-  
 tium postremo loco sederunt, quippe quæ non alio con-  
 duntur artificio, quàm leuiorez causz, & controuersiz  
 2 minores. His adde rerum gestarum narrationes, non  
 omnes quidem, sed quæ rectè & nudè quod volunt per-  
 sequuntur, quales sunt commentarii Cæsaris. Alii com-  
 mentarii, cuiusmodi fuere M. Varronis, & antiquorum,  
 quibus exponebantur elegantiz ac opes linguæ latinæ,  
 simplices erant & faciles, quod adhuc fragmenta demon-  
 strant: & nouissimo ordine contenti, non aucupaban-  
 tur pueriles delicias, & voluptates illas effœminatas, qui-  
 bus exarserunt posterī. Relinquebant illam floridam  
 suauitatem Gelliis, Aufoniis, Politianis, Rhodiginis,  
 Beroaldis, Crinitis, & id genus scriptoribus, qui ante-  
 quam ad rem veniant, quantum possint in arte dicendi,  
 in pompa ac prologo ostentant, & inani digladiatione  
 morantur indoctos. Malim veterum compositionem ma-  
 fculam & frugiferam, quanuis aliquando tenuem, quàm  
 istorum bellas petitiones, & artificiosam, sed sæpe inuti-  
 lem palæstram.

lem palæstram. Qui verecundiore fuerunt ingenio, vt  
 Donatus & Seruius, atque interpretes multi, eas edide-  
 runt annotationes, & ea commentaria, quæ summisse  
 narrarent quam haberent ipsi de verbis & rebus alienis  
 sententiam. Stylus ille mea sententia decet interpretem, 2  
 rhetoricantem venustior æqualitas, & oratio paulo com-  
 positior, vt quæ vel medium attingit, vel mediocritati  
 quàm extremæ gracilitati propior est. Ex poëmatis graci- 4  
 lia sunt bucolica, comœdia, mimi, epigrammata de rebus  
 minutis, Ampliora quædam par est assurgere, odæ quæ-  
 cunque canunt amores, molles risus, blandas voluptates,  
 conuiuia, iocos, lususque iuuentutis. Quibus est materia  
 grauior, vt deus, vt diui, vt heroës, vt pugiles victores, vt  
 certamina, si rebus æquari volunt, tantum debent assur-  
 gere, quantum rebus ipsis dignitatis accrescit. Lyricis car-  
 minibus iuueniliter lasciuientibus addantur elegi, & vnâ  
 cum illis in extremis ordinibus fideant. Item epistola 5  
 amatorix, cuiusmodi scripsit Ouidius Naso, Sylux de-  
 pressioris argumenti, Satyræ magna ex parte, quanuis in il-  
 lis mira sit inæqualitas. Ad hæc batrachomyomachia, cu- 6  
 lices, mulæ gallicæ, hortuli, & siqua sunt opuscula iocosa  
 quidem, sed non indigna quæ legantur, vix eam de qua lo-  
 quimur, excedunt gracilitatem, etiamsi verborum magnitu-  
 dine nōnunquā tumescunt. Nec heroici, nec tragici poë-  
 tæ semper alta capiūt sublimes. Homerus aliquādo repit,  
 vt quum facit induentem membra Telemachū: & Euri-  
 pides in colloquio viliū personarum, comico sape similis  
 est. Est quum boni poëtæ res humiles, at solertes, vt apes,  
 exornant honore verborum: quod quū accidit, ad mediā

propè dignitatem character affurgit. Sæpenumero audio qui dicant in Virgilianis carminibus nullum se reperire discrimen, omnia grande quiddam sonare, bonis verbis schematisq; variis scatere, in omnibus authorem eodem conatu laborasse. Isti mihi non videntur habere neq; sensum, neque rationem, qui de rebus ac vocibus tam absurdum ferunt iudicium. In Aeneide sunt descriptiones locorum, temporum, personarum, conuiuiorum, ludorum, præliorum, magnifici apparatus, euentus acerbi, orationes Iouis & numinum, legationes, conciones, querelæ, consolationes. quid quæso tale tantumq; in agricultura, aut in humilitate pastoralis? Vter est sublimior? an qui rusticorū sermones refert, an qui deorum, heroum, magistratuum, rerumq; maximarum decora alta perspicit & obseruat? In Aeneide verba splendida, translata, figuris innouata, lōgè petita, sublimia, ornata, scitè contexta, sonantia, & (in summa dicam) tantum excultis ingeniis, & totius humanæ vitæ peritis familiaria. In Aeglogis quid est quod opilio nō intelligat, præter illa pauca quæ poëta sibi indulgent vel vt à doctis legantur, vel vt veterum morem referant, vel vt seruēt temporum decorum? Constat enim rem pastoralem quondam in honore maximo fuisse, & in ea versatos esse viros egregios, qui non ignorarent scientiam naturæ: qua ratione motus Virgilius (vt mihi videtur) intexit non exposuit multa quæ Physici disputata suis libris reliquerunt. Sunt hæc maiora vulgo rusticorum, quod significat hoc versiculo Maro.

” Sicelides Musæ paulo maiora canamus.

Quamobrem vt rara sunt, non efficiunt artem pecuariam

co ma-

cò maiestatis ascendere, quò heroica grauitatis amplitudo peruênit. Errant igitur qui per ignorantiam sic iudicant. Errant etiam versificatores illi, qui omnia canūt eodem modo, & quantum possunt, tantum vbique conantur, & idcirco existimant falsò pari virtute summos niti poëtas. Quæ sit cuiusque generis proprietas, hic dicerem si de arte poëtica scribere statuissem: sed aliud est propositum negotium: quapropter ad mediam eloquendi formam venio.

## De media figura. Cap. 20.



VAE temperatæ mediæque elocutioni materia supponatur, quæ verba, & quæ species compositionis deceat illam materiam, paucis exponemus deinceps, & si fuerit opus, ad eam rem vtemur exemplis. In hoc genere sunt aut totæ controuersia, aut membra causarū. De partibus primū loquamur, quibus cognitis difficile non erit de causa tota iudicare. Exordium, quo dicenti conciliantur auditores, nec concitatum & ardens esse vult, ne bacchari videatur inter sobrios: nec contrà languidū ac frigidum & iacens, ne statim initio auerrat illos, quorum mentes admouere causæ debuerat. Amat igitur quietum & temperatum, sed elegans & compositum dicendi genus. Quòd si non ostentat suas opes, quoniam illud principio sit odiosum, attamen vt sit aliquid quo moueantur animi, sentētiæ bonas exornat occultius, & verecūda moderatione sibi quærit authoritatem. Id esse verum demonstrāt exordia Ciceronis, quæ si non omnia cadunt in eandem formam (nam sunt alia verecundiora, vt pro Sexto Roscio: alia auden-

in or. 478



tiora, vt in Verrem : alia sollicita magis, vt pro Milone, & pro Cluentio : alia secura, vt pro Cecinna: alia alio modo composita) tamē nullum est in omnibus, si iustam magnitudinem seruat, quod non gracilitate maiorem præ se ferat dignitatem . Nec si cōfirmat idem totas sibi causas subtiles & tenues fuisse, propterea existimandum est omnia ab illo subtiliter esse dicta, id pro dignitate fieri non potuit, sed multo maiorem partem controuersæ humili ornatu fuisse contentam . Nam principium orationis pro Cecinna multo numerosius est, quàm pro eodem argumentatio: quūque medium non sit in hac arte punctum, quod pari interuallo distet ab extremis, sed longè pateat oratorum medium: quod diximus principium, medio vero quàm termino demisso propius est. Quamobrē ad illud genus esse referendum videtur. Non ignoro procemia maiorum causarum longis ambitibus expleri solere, & ad grandiore[m] quandam eloquentiam perducī: sed liceat mihi quæ medio proxima sunt, aut nō ita certè procul absunt, ad medium referre. In exordiis optimos quosque plurimum niti, argumento sunt illorum præfationes, qui cogitationes suas monumento literarum tradiderunt. Siqua pars operis apud illos culta & expolita, suum ostēdit artificem, illa vel maximè ostendit. Nemo est ferē qui nesciat malum esse gubernatorem, qui statim impingit in portu. An non impingit ille, qui principio quietas aures procella horridulæ orationis offendit? Id ne quispiā cōmittat, Cicero præcipit in Oratore, vt summus orator vestibula honesta, aditusq; ad causam faciat illustres. Ne moueat illud, In p[ri]ncipia nō venire pulcherrimos ornatus, qui

qui locis communibus adhibentur. Non efficit vt sint humiles ingressus, sed quodammodo frugi, & verecundi. Non desunt tamen initia quæ ex abrupto incipiant, & grauissimè commoueat aduersarium: vt Ciceronis illud in Catilinam. Quousque tandem patientia nostra abutere Catilina? Pertinent hæc ad sublime genus, in quo summas eloquentiæ vires effundit orator. Summissiora in ordine secundo ponuntur, non omnia quidem persimilia, sed interuallo modico segregata. Sunt quidam aditus perangusti, ideoque humiles appellandi: quos si quis inter præmia constituit, longè extendit præmii nomen.

” Sunt autem huiusmodi. Antequam de Repub. P.C. dicam ea quæ dicenda hoc tempore arbitror, exponam vobis breuiter consilium & profectiois & reuersionis meæ. Paruis de rebus, sed fortassè necessariis consulimur. P.C. de Appia via & de moneta cōsul, de Lupercis tribuni plebis referunt. In hoc genere ferè sunt illa parua exordia, quæ in mediis causis persæpe reperiuntur. Non enim fiunt ad alliciendos animos, ne abhorreant à causa, sed ad distinguendas partes orationis, & ad colligendos sensus, vt remissa attentione cætera patientius exaudiant. In media suauitate sunt & multæ narrationes, vt quæ plus dignitatis desideret, quàm doloris. Est enim quum vel personam, vt egregium virum, vel rem, vt locum, urbem, situm, regionem, præclare facta dictæve exornare exponendo contendat orator. Non abiicit orationem, ne rerum dignitati multum detrahat humilitas. Non mouet tonitrua & tempestates acerbæ dictionis, quia non ea res ad dicendum proposita est, quæ concitare velit asperas amplificationes,

Philipp. a

Philipp. 7.

2

3

& tragœdiarum querelas. Ornatum querit & suauitatem,  
 cui mirum in modum quadrat æquabilis & profluens ora-  
 tio, qualis est hæc: Fuit apud Segestanos ex ære simulacrū  
 Dianæ, tum summa atq; antiquissima præditum religione,  
 tum singulari opera artificioq; perfectum. Hoc translatum  
 Carthaginem, locum tantum hominesq; mutarat: religio-  
 nem quidem pristinā conseruabat. Nam propter eximiam  
 pulchritudinem, etiam hostibus digna quam sanctissimè  
 colerent, videbatur. Aliquot seculis pòst P. Scipio bello  
 Punico tertio Carthaginem cepit: qua in victoria (videte  
 hominis virtutem & diligentiam) vt & domesticis præcla-  
 rissimæ virtutis exemplis gaudeatis, & eo maiore odio di-  
 gnā istius incredibilem audaciā iudicetis, conuocatis  
 Siculis omnibus, quòd diutissimè sãpissimeq; Siciliam ve-  
 xatam à Carthaginensibus nouerat, iubet omnia cõquiri,  
 sibi pollicetur magnæ curæ fore, vt omnia ciuitatibus quę  
 cuiusquā fuissent, restituerentur. Plurimæ sunt aliæ apud  
authorem eundem, in quibus viua medi generis imago  
expressa est. Eas autem faciliè cognoscet, qui non modò  
 rem de qua agitur, cuius sit dignitatis, sed etiam numero-  
 sum & affluens eloquendi genus explorabit. Aliæ sunt ex-  
positiones, quæ sine graui motu rem aliquam inculcant  
 iudiciis, quæ si non fuerit intellecta, nec causã bene agi,  
 nec argumentationes institui poterunt. Illa referimus ad  
 tenuem formam, propterea quòd maximè docere volunt,  
 non animos permouere affectibus, quod est summæ gra-  
 uitatis: non delenire voluptate, quod proprium est tem-  
 peratæ elocutionis. Dissentire Quintilianus videtur. Sic  
 enim ait quarto libro Institutionum, Ego verò (neque  
 enim

" enim dissimulabo iudicium meum ) quanquam id quod  
 " sum dicturus, exemplis magis, quàm præceptis vllis con-  
 " tinetur, narrationem, vt si vllam partem orationis, omni  
 " qua potest gratia & venere exornandam puto. Non dis-  
 " sentit autem. Est in Cæsare gratia & venustas, est in Te-  
 " rentio multa, etiam in narratione, vt quum facit expo-  
 " nentem Simonem Pamphili vitam. Vterq; tamen in imo  
 " genere versatur. Sunt & subtilitati suæ venustates. Ergo  
 " idem in nono sic iudicat. Membratim plerunq; narrabi-  
 " mus, aut ipsas periodos maioribus interuallis, & velut la-  
 " xioribus nodis resoluemus, exceptis quæ nõ docendi gra-  
 " tia, sed ornandi narrantur, vt in Verré Proserpinæ raptus.

cap. 4. fol.  
100 C.

4. 2. 6. 2.

Quid est narrare mēbratim, aut periodos resolvere, nisi  
 suaue & tractum dicendi genus in summissius magisque  
 familiare deducere? Quòd si quis opinatur eū in alia sen-  
 tentia fuisse, & illi suffragatur, licet quidem per me: aliter  
 tamen dixisse Ciceronem comperiet etiam in causis pu-  
 blicis, siquādo maximè cuperet docere iudices quid esset  
 in controuersia. Itaque narrationes aliæ sunt graciles &  
 pressæ, aliæ graues & atroces, aliæ vberes & affluentes. ha-  
 rum discrimina fecere primū materię diuersæ, deinde  
 rerum varietatem induit ornatu vario eloquentiæ deco-  
 rum. In confirmationē & refutationem, cui sæpius acuta  
 subtilitas adhibetur, etiam cadit res charactere medio si-  
 gnanda, vt quum officia demonstrat orator, quum spacia-  
 tur in loco communi, & auditoribus subministrat volu-  
 ptatem, quum testem, aut litigatorē, aut amicum magni-  
 ficè commendat, quum laudat illustres personas, & egre-  
 gia facta, quum dat authoritatem aduocatis, quum gratu-

F.

latur alicui, quum extollit veterum instituta, quum mitigat iram vel iudicium, vel aliorum, quum argumentationes munit sententiarum dignitate, quum asseuerationibus dicta roborat, quum honesta præfatione inducit alioquin acerba & amara dictu, quum describit aliquid non ut historicus, sed ut exornator earum rerum quæ causam faciunt ampliorem, quando similitudines confert ad ornandum magis quàm ad probandum, quum illustrat exempla rerum gestarum, quum deprecatur addito colore, quum pulchritudine verborum tegit rerum deformitatem: in summa dicam, quotiescunque res vtilius est aut decentius, æquabiliter, temperatè, ornatè, copiosè, suauiter dici: intermedio generi materia reperta est. Hæc omnia patefacere exemplis, nisi me molesta prolixitas retardaret. facile est à Cicerone excipere. Refertæ sunt orationes eius omnium rerum varietate, nec sinunt alumnum suum esurire exemplorum inopia. Quod, inquit, in accusationis „ septè libris non reperitur genus? quod in Habitu? quod in „ Cornelii? quod in plurimis nostris defensionibus? Quæ „ exempla selegissem, nisi vel nota arbitrarer, vel posse eligere qui quæreretur. Nulla est enim vlllo in genere laus orationis, cuius in nostris orationibus non sit aliqua si nō perfectio, at conatus tamen atq; adumbratio. Hac figura totas ferè delineauit orationes, ut pro lege Manilia, pro M. Marcello, pro Sulpitio in legatione mortuo, ex quibus quantum voles exemplorum, tantum licebit excerpere. Habes encomia, laudationes, panegyricos, orationum parteis præter leues iocos ad delectationem comparatas: quæ omnia tametsi non nihil differunt, ut parciore & abundantiore cultu,

cultu, tamen in vnam propè formam tendunt omnia. Habes sententias graues dictas in Senatu, habes perorationes non illas dico lugubres miserabilisque, non ardentes accusatoris incendio, sed quæ voce moderata dignitate quadam propositum cōficiunt, vt, Non debeo C. Cæsar, quod fieri solet in tantis periculis, tentare quonam modo dicendo misericordiam tuam commouere possim. Nihil opus est. Occurrere ipsa solet supplicibus & calamitosis, nullius oratione euocata. Propone tibi duos reges, & id animo contemplare, quod oculis non potes: dabis pro festo misericordiam, quod iracundiam negauisti. Multa sunt clementiæ tuæ monumenta, sed maximè eorum incolumitates, quibus salutem dedisti. Quæ res mediam quarant vbertatem, satis dictum puto. Quibus verbis & quo genere componendi debeant exprimi, tandem mihi dicendum est. Verba legantur honesta, vrbana, vsitata, graui, sonantia, grandia, volubilia, lenia. In illis quædam antiqua, & noua quædam, plura tamen maximè propria, quorum omnium rationes superiore libro copiosè diximus. Schemata quædam pulcherrima (nisi quādo verecundius & summissius agitur, vt in exordiis frequenter) adsciscantur. Sint crebræ translationes, quibus nihil est iucundius, nisi quum longius petuntur. Frequenter hypallage, & allegoria, & (vt cum Cicerone dicam) ex contrariis sumpta verbis, crebra crebris, paria paribus respondeant: relataque ad idem verbum, & geminata, atque duplicata, vel etiam sæpius iterata ponantur, constructioque verborum tum coniunctionibus copuletur, tum dissolutionibus relaxetur. Sic iungantur in coagmentatione, vt neque

Deiot. 7  
407

medietas  
cogitatio  
verba

Jugæ

in Partit.  
580

Ango



asperos habeant concursus, neque disiunctos atque hiantes. Nam iunctura lenis & æquabilis habet suaue quiddam, quo maximè commendatur hæc forma. Expleantur numeri, & ad aurium voluptatem circumferantur ambitus multo crebriores, quàm vel in humili vel in sublimi genere dicendi. Subiiciamus exemplum, in quo si quæ diximus, non sunt omnia (quis enim tam breuiter amplectatur omnia?) non pauca tamen generis huius ornamenta licet intueri. Multas quidem C. Cæsaris virtutes, magnas incredibilesq; cognoui. Sed sunt cæteræ maioribus quasi theatris propositæ, & penè populares, castris locum capere, exercitum instruere, expugnare vrbes, acie hostium profligare, hæc vim frigorum, hyememque, quam nos vix huius vrbis tectis sustinemus, excipere, his ipsis diebus hostem persequi, tum quum etiam fera latibulis se tegant, atque omnia bella iure gentium conquiescant. Sunt ea quidem magna. Quis negat? Sed magnis excitata sunt præmiis ad memoriam hominum sempiternam. Quo minus admirandum est eum facere illa, qui immortalitatem concupierit. hæc mira laus est, quæ non poetarum carminibus, non annalium monumentis celebratur, sed prudentum iudicio expenditur. Equitem Romanum, veterem amicum suum, studiosum, amantem, obseruantem sui, non libidine, non turpibus impensis cupiditatum, atque iacturis, sed experientia patrimonii amplificandi labentem excipit, corruiere non siuit, fulsit & sustinuit, re, fortuna, fide, hodièque sustinet: nec amicum prudentem corruiere patitur, nec illius animi aciem perstringit splendor sui nominis, nec mentis quasi luminibus officit altitudo fortunæ & gloriæ.

„ & gloriæ . Sint sanè illa magna , quæ re vera magna sunt :  
 „ de iudicio animi mei vt volet quisque sentiat : ego enim  
 „ hanc in tantis opibus, tanta fortuna liberalitatem in suos,  
 „ memoriam amicitia, reliquis virtutibus antepono. Quam  
 „ quidem vos Iudices in nouo genere bonitatem inusita-  
 „ tam claris ac præpotentibus viris, non modò non asper-  
 „ nari & refutare, sed complecti etiam & augere debetis.  
 Hic si dicentis artem inspicere voles, contemplator  
 vt in iunctura verba verbis cohæreant, non omnia quidem, sed, quod satis est, plurima. Deinde voce modulator ambitus, vt auribus sentias quàm prona volubilitate decurrant. Iam animaduertito, vt magna ex parte verba sint grandia, sonantia, suauia, plena maiestatis, alia propria, alia translata. Videto etiam figuras. Reperies paria paribus relata, similiter cadentia, similiter desinentia, repetitiones verborum, & quæ græcè dicuntur *ἀνάρτα*, sententias, imagines, similitudines, amplificationes crebras, comparationes maiorum & minorum. Quid? Orationem omnem sic probabis, vt non quæras neque suauiore, neque pulchriorem, nisi fortè cupis effœminatum quoddam genus recentiorum, qui ne quid vsitato more dicant, toti exundant diminutionibus verborum, adiunctionibus nouis & insolentibus (intelligo simplicium & compositorum figuras) deriuationibus inauditis, itemque metaphoris & translationibus tam ridiculis, vt non tam seuerè loqui, quàm cum pueris infantibus, aut sannionibus blandiusculè mollitèrque balbutire videantur. Nolumus hunc characterem, qui viro graui sit indignus. Seruent eandem rationem loquendi vtentes

populi lingua, ab omnibus fatui & dementes habebuntur. In media figura suauitas optima est, si modò retinet masculam dignitatem. Quòd dulce qui sine fūco retinere nescit, vtatur compositione aspera & virili potius, quàm æquabili, & euirata. Qui dulciores esse volunt, hoc assequuntur molli coagmentatione, volubili numero, verbis lenibus & vrbānis. Quibus magis arridet amara oratio, illa quæ dixi, parcius degustant. Inde fit vt hæc forma nonnunquam sit aptior & cultior, nonnunquam horridior, & inculta magis: id quod ex iis quæ proximè dicemus, intelligetur. In medio sedent encomia, & panegyrici, in quibus est dulce orationis genus, & solutū, & effluens, & verbis sonorum. In eadem sede statuuntur historiæ eloquentia vestitæ, quæ sæpe asperè bellicum quiddam sonāt; vt Liuianæ. Statuuntur epistolæ, quæ vltra speciem tenuitatis assurgunt: cum his ornati & diligenter exculti sermones rerum maximarum, quales sunt M. Tullii de philosophiæ partibus, & Plinii de historia naturali. Item quædam commentaria rebus & verbis illustria, Epigrammata digniora, Odæ argutiores, vt quæ diuūm & heroum nomina celebrāt, Satyrarum loci graues de moribus, si modò sine contentione transiguntur, carmina de natura, vt Lucretii de arte physica, vt Hesiodi & Virgilii de agricultura. Aeneis est vt opus Homeri, in quo si quis opinatur vnum modò genus esse sublime (quod plerique sunt arbitrati) à recta via recedit, & turpiter aberrat. Treis eloquendi species imitatus est Homerus, in Menelao tenue, in Nestore medium, vt idem postea Cicero in Catone sene, in Vlyssæ arduum & copiosum. Idē facere conatus est Vir-

gilius,  
 + <sup>10</sup> Cui boni poetæ res similes ac solertes, ut apes, exornat sonis  
 verbos, ad mediā spē dignitatem character assurgit.

gilius, apud quē Drances callidē dicit & veteratoriē more subtilium, Rex Latinus vititur oratione temperata & senili, Turnus ardet impetu & atrocitate. Apud eundem Venus & Iuno orationes habent ad Iouem. hæc inflammata cōtendit acriter, illa blandior summissius agit. Eandēne formæ rationem putabimus? An Aeneas, Sinon, & Dido, eodem modo loquuntur? Sunt in illo poēmate versus humiles, vt illi,

- » Et simul his dictis faciem ostentabat, & vdo  
» Turpia membra fimo: risit pater optimus olli.

Alii intermedii & compositi, vt hi,

- » Hæc finis Priami fatorum, hic exitus illum  
» Sorte tulit, Troiam incensam, & prolapsa videntem  
» Pergama, tot quondam populis terrisque superbum  
» Regnatorem Asia.—

Alii graues atque peracerbi, vt

- » —Num linquere castra  
» Hortati sumus? aut vitam committere ventis?  
» Num puero summam belli, num credere muros?  
» Tyrrhenamve fidem, aut gentes agitare quietas?  
» Quis deus in fraudem, quæ dura potentia nostra  
» Egit? vbi hic Iuno? demissa'ue nubibus Iris?

Subinde magnus hic poëta pro rerum varietate mutat figuram, nec vlla est bona atq; laudabilis, qua suo loco non vtatur. Quamobrem tam varia poëmata in vnā aliquam formam reduci non debent. Illam styli mutationē poëtis

- » esse pronunciauit optimus iudex M. Tullius. An ego Ho-  
» mero, inquit, Ennio, reliquis poëtis, & maximè tragicis  
» cōcederē vt ne omnibus locis eadē cōtentione vterentur,

397  
En. 11. 7  
12. in. 9  
11. 12. 30  
10. in. 10

En. 5.

En. 2.

10. 34.

112. in  
in. 10

crebroq; mutarent, nonnunquā etiam ad cottidianum genus sermonis accederent, ipse nunquam ab illa acerrima contentione discederem? De poetis hactenus. Nec enim illud est nostræ contemplationis: quamobrem omittamus in præsentia, & veniamus ad summum dicendi genus.

De summo genere dicendi.

Cap. 21.



VMMVM genus orationis aliud est eloquentiæ Romanæ principi, aliud hominibus parū & illiberaliter artibus institutis. Hi quicquid sententiarum dignitate conspicuum, verborum flore iucundum, figuris insignibus pictum, iunctura molli & numeris pulchrè fluentibus aptum est, grandiloquum ac sublime esse falsò crediderunt. Totus Cicero, totus Liuius, totus Virgilius sublimis est istis. Accedat & quicumq; nomine literarum celebrem famam extendit in multos. Nesciunt turpe esse paruo pedi circumdare calceum magnum, similes pictoribus ineptis, qui reges viridi colore, rusticos auro circumlinunt. Ergo Isocrates rhetor suauissimus grandior Pericle, & Demosthene fulminibus orationis Græciam permouēte: & Cicero quum dictione ardenti perturbat inimicos, laudatoribus cedit, & fortis vir ac ferox in armis prolusione gladiatorum minor est. Quæ si quis absurda putat, summo credat oratori operosiores esse pugnam quàm palæstram, seriam quàm ludos, securitatem quàm anxios tumultus. Arduum genus est ( vt ille iudicat ) grandiloquum, amplum, vehemens, ornatum, varium, copiosum, graue, acre, ardens, ad permouendos & conuertendos animos instructum & paratum. Hoc intonat, hoc fulminat, hoc commouet sensum,

sensum, hoc animum perfringit, quod vult inserit, quod  
 cupit euellit, grauiā accumulāt, humilia & modica asper-  
 natur, plurima frequentat, verbis pugnat acerbis, & figu-  
 ris atrocibus. Illi saepe multus literarum hiatus, dura co-  
 agmentatio syllabarum, ambitus pauci & sonantes, incisa  
 ac membra longè plura, numerus minus suauis quàm ve-  
 hemens, actio tragica, tota dictio atrox & concitata. Quid  
 opus est pluribus? Tantum discrimen est inter hoc & duo  
 genera superiora, quantum inter leues cōflictus, & cruen-  
 tum periculosumq; praelium. At nō omnis habitus grauis  
 est huiusmodi. Nam quum duæ sint affectuum species, vna  
 mouētium indignationem, altera misericordiam, quumq;  
 sublimis oratio in vtraque dominetur, dulcior est ad mi-  
 sericordiam, amarior ad indignationem: hæc accusato-  
 ri, illa defensori magis accommodata. Vtraque forma in  
 exordium cadit. Vt enim accusator, sic quoque defensor  
 delibat affectus. Accusatorem cum dico, quicumque cri-  
 men obiicit, etiam si defensoris partes sustinet. Defenso-  
 rem, qui purgat obiectum. De indignatione sit hoc exem-  
 plum ex tertia actione in Verrem. De impudentia singu-  
 lari, quod adest, quodque respondet, sunt qui mirentur.  
 „ Mihi propter eius audaciam, atque amentiam, ne hoc  
 „ quidem mirandum videtur. Multa enim & in deos, &  
 „ in homines impiè nefarièque commisit, quorum scele-  
 „ rum pœnis agitur, & à mente consiliòque deducitur.  
 „ Agunt eum præcipitem pœnæ ciuium Romanorū, quos  
 „ partim securi percussit, partim in vinculis necauit, par-  
 „ tim implorantes iura libertatis & ciuitatis in crucem sus-  
 „ tulit. Rapiunt eum ad supplicium dii patrii, quod iste



„ inuentus est qui è complexu parentum abreptos filios ad  
 „ necem eiiceret, & parentes precium pro sepultura libe-  
 „ rûm posceret. Religiones verò caremoniæque omnium  
 „ sacrorum sanctorumque violatæ, simulacrâque deorum,  
 „ quæ non modò ex suis templis ablata sunt, sed etiam iacēt  
 „ in tenebris ab isto retrusa atque abdita, consistere eius ani-  
 „ mum sine furore atque amentia non sinunt. Alia facies  
 „ est miseriordix. tractior enim, & languidior, qualis est hæc,  
 „ Hoc profectò tempore eam potestatem omnem vos ha-  
 „ betis, vt statuatis, vtrum nos, qui semper vestræ authoritati  
 „ dediti fuimus, semper miseri lugeamus: an diu vexati à  
 „ perditissimis ciuibus, aliquâdo per vos, ac vestram fidem,  
 „ virtutem sapientiamq; recreemur. Quid enim nobis duo-  
 „ bus laboriosius, iudices? quid magis sollicitum, magis ex-  
 „ ercitû dici aut fingi potest? qui spe amplissimorum præ-  
 „ miorum ad Rempu. adducti, metu crudelissimorum exi-  
 „ tiorum carere non possumus. Est atrox & inuidiosa nar-  
 „ ratio, quæ graui imprimitur caractere, qualis est hæc  
 „ Ipse inflammatus scelere & furore in forum venit. Arde-  
 „ bant oculi, toto ex ore crudelitas emanabat. Expectabant  
 „ omnes quò tandem progressurus, aut quidnam acturus  
 „ esset: quum repente hominem proripi, atque in foro me-  
 „ dio nudari ac deligari, & virgas expediri iubet. Clama-  
 „ bat ille miser se ciuem esse Romanum, municipem Co-  
 „ sanum, meruisse se cum L. Precio splendidissimo equite  
 „ Romano, qui Panormi negociaretur, ex quo hæc Verres  
 „ scire posset. Tum iste se comperisse ait, cum speculandi  
 „ causa in Siciliam ab ducibus fugitiuorum esse missum:  
 „ cuius rei neque index, neque vestigium aliquod, neque  
 suspicio

„ suspicio cuiquam esset vlla. Deinde iubet vndique homi-  
 „ nem proripi, vehementissiméque verberari. Cædeba-  
 „ tur virgis in medio foro Messanæ ciuis Romanus, Iudi-  
 „ ces, quum interea nullus gemitus, nulla vox alia istius mi-  
 „ feri inter dolorem crepitumq; plagarum audiebatur, nisi  
 „ hæc, Ciuis Romanus sum. Hac se commemoratione ciui-  
 „ tatis, omnia verbera depulsurum, cruciatumq; à corpore  
 „ deiecturum arbitrabatur. Is non modò hoc non perfecit,  
 „ vt virgarum vim deprecaretur, sed quum imploraret sæ-  
 „ pius, vsurparétque nomen ciuitatis, crux, crux inquam  
 „ infœlici & ærumnoso, qui nunquam istam potestatem vi-  
 „ derat, comparabatur. O nomen dulce libertatis. O ius exi-  
 „ mium nostræ ciuitatis. O lex Porcia, legesq; Sempronianæ.  
 „ O grauiter desiderata, & aliquando reddita plebi Roma-  
 „ næ tribunitia potestas. Aliquando rei acerbitate com-  
 „ motus orator in media narratione acriter exclamat. Nu-  
 „ bit genero socrus, nullis auspiciis, nullis authoribus, func-  
 „ stis ominibus omnium. O mulieris incredibile scelus, &  
 „ præter hanc vnâ in omni vita inauditum. O libidinem  
 „ effrenatam & indomitam. O audaciam singularem, non  
 „ timuisse, si minus vim deorum, hominûque famam, at  
 „ illam ipsam noctem, facésque illas nuptiales? non limen  
 „ cubiculi? non cubile filia? non parietes denique ipsos su-  
 „ periorum testes nuptiarum? Perfregit ac prostrauit omnia  
 „ cupiditate ac furore. Vicit pudoré libido, timorem auda-  
 „ cia, rationem amentia. In confirmationibus sæpe regnat  
 „ hæc vis. Posteaquam rem omnem probauit orator, quæ-  
 „ rit agentis affectum, vehementer amplificat, & totus arde-  
 „ scit, vt Cicero quarto libro in Verré agens de re Sopatri

4.  
*p. chent.*  
 55

5

341

„ Etenim si illud est tam flagitiosum (quod mihi omnium  
 „ rerum turpissimum, maximeq; nefarium videtur) ob rem  
 „ iudicandam pecuniam accipere, precio habere addictam  
 „ fidem & religionem: quanto illud flagitiosius, improbius,  
 „ indignius, cum à quo pecuniam ob absolvendum acce-  
 „ peris, condemnare? ut ne prædonum quidem Prætor in  
 „ fide retinenda consuetudinē conseruaret. Scelus est acci-  
 „ pere ab reo, quanto magis ab accusatore? quanto etiam  
 „ sceleratius ab utroque? Fidem quum proposuisses vena-  
 „ lem in prouincia, valuit apud te plus is qui pecuniam ma-  
 „ iorē dedit. Concedo, forsitan aliquis aliquando eiusmodi  
 „ quippiam fecerit. Quum verò fidem ac religionem tuam  
 „ alteri addictam pecunia accepta habueris, post eandē ad-  
 „ uersariis tradideris maiore pecunia, utrumq; falles? & tra-  
 „ des cui voles? & ei quem fefelleris, ne pecuniam quidem  
 „ reddes? Quem mihi tu Bulbum, quem Stalenum? quod  
 „ vnquam huiusmodi mōstrum aut prodigium audiui-  
 „ mus? aut vidimus? Qui cum reo transigat, post cum accusatore  
 „ decidat: honestos homines qui causam norint, ableget,  
 „ consiliōque dimittat: ipse solus reum absolutum, à quo  
 „ pecuniam acceperit, cōdemnet, pecuniamq; non reddat:  
 „ hic de capite libero iudicabit? huic iudicialis tabella cō-  
 „ mittetur, quam iste non modò cera, verum etiam sangui-  
 „ ne, si visum erit, notabit? In hac oratione si vim pondusq;  
 „ rerum, si crebras amplificationes, si verba graui- & co-  
 „ piofa, si figuras acres, si cæsim pugnantem numerum ite-  
 „ rum atq; iterum inspicias, videbis expressam summæ elo-  
 „ quentiæ imaginem, & nihil in hoc genere præstantius de-  
 „ siderabis. Similem grauitatem interim capiunt argumēta,  
 „ vt illa

„ vt illa pro Sexto Roscio. Quid si accedit eodē, vt tenuis 107.  
 „ antea fueris? quid si vt avarus? quid si vt audax? quid si vt  
 „ illius qui occisus est, inimicissimus? num quærenda causa  
 „ quæ te ad tantū facinus adduxerit? Addeſis quæ ſequun-  
 „ tur. In cōmunibus locis frequens eſt hæc ardens conten- 7  
 „ tio. Amplificatio enim in illis maximè excellit, quibus ci-  
 „ tra perſonas in vitia moris eſt perorare, vt illa Ciceronis  
 „ tantopere laudata de ſupplicio parricidarum. Vis eadem 100  
 „ eſt quibuſdā perſonarū fictionibus, vt huic, Mulier, quid  
 „ tibi cum Cœlio? quid cum homine adoleſcentulo? quid  
 „ cū alieno? Quid aut tā familiaris huic fuiſti, vt aurū cōmo-  
 „ dares: aut tam inimica, vt venenum timeres? Non patrem  
 „ tuum videras, non patruum, nō auum, proauum, atauum  
 „ audieras conſules fuiſſe? non deniq; modò te Q. Metelli  
 „ matrimonium tenuiſſe ſciebas, clariffimi & fortiſſimi vi-  
 „ ri, patriæq; amantiſſimi? qui ſimul ac pedem limine extu-  
 „ lerat, omneis propè ciues virtute, gloria, dignitate ſupera-  
 „ bat. Reliqua petes ex fonte. Eadem ratio eſt ſi muta quæ- 9  
 „ dam loquentia inducat, ſi interpellatorem cōerceat, ſi ira-  
 „ ſcatur, ſi obiurget, ſi excretur, ſi rem atrocē dicendo ſub-  
 „ iiciat oculis, ſi rem ſuprà ferat quàm fieri poſſit, ſi inſignē  
 „ vel improbitatem vel calamitatem perſequatur affectu.  
 „ Ad hæc perorationes multæ grauiffimæ ſunt, quoniam in 10  
 „ illis conſumuntur affectus. Suppeditat exēpla Cicero pro  
 „ Flacco, pro Sylla, pro Milone, pro Rabirio Poſthumo.  
 „ Quid, inquit, de miſerationibus loquar? quibus eò ſum in or. 400  
 „ uſus pluribus, quòd etiam ſi plures dicebamus, peroratio-  
 „ nem mihi tamen omnes relinquebāt. Idem de altero ge-  
 „ nere concitato. Quo genere nos modiocres, aut multo ibide.

„ etiam minus, sed magno semper vñ impetu, sæpe aduersa-  
 „ rios de statu omni deiecimus. Si legas actiones in Verré,  
 orationē pro Cluētio, & pro Rabirio perduellionis reo,  
 conciones in Seruiliū Rullū, diſtiones in Catilinā, in Pi-  
 ſonē, in Clodiū, in Antoniū: tantā vim, tantā copiam, tot  
 cōtentiones, tot amplificationes, tot ardores eloquēdi ſe-  
 perias, vt nō modò ad intelligēdū, ſed etiā ad imitādū ſa-  
 tis ſupraq; eſſe putes. Sæpe numero atrocitate facti accēdit  
 irā iudicibus. Sæpe tāto dolore perfundit, vt in mœrorem  
 lachrymaſq; ſoluātur. Frequēter inuidiā excitat verbis, fre-  
 quēter excitā cōtraria facultate reſtinguit. Aliquādo tra-  
 hit eos in ſummū aduerſarii cōtemptū. Idem nec rarò cō-  
 rēptū euellit, in eius locū exiſtimationē dignitatēq; reſti-  
 tuit. Nemo inflāmat maiores odii faces, nemo ardentiorē  
 charitatē parit alitq; animis. Spe cōfirmat abiectos. Metu  
 cōprimit audaces. Quos vult implet ſatietate. Satiatos iri-  
 tat cupiditate. Nullo modo (ſic ipſe de ſe loquitur) ani-  
 mus audiētis aut incitari, aut leniri poteſt, qui modus non  
 ab ipſo ſi nō perfectus, tamē rētatus ſit. Quærat aliquis, an  
 in omnibus his affectibus cōmouēdis vtēdū ſit ardua cō-  
 tentione? deinde an in his duntaxat vtendum? Affectus eſt  
 lenis, qui græce dicitur ἡδὴς, ad naturā, & ad mores, & ad  
 omnem vitæ cōſuetudinē accōmodatus. Huic exprimē-  
 do aptior eſt illa ſuauiſſima æquabilis, quā mediā colloca-  
 uimus. Eius rei ſit hoc testimoniū. Hoc onus ſi vos aliquā  
 ex parte alleuabitis, ſerā vt potero ſtudio & induſtria iu-  
 „ dices. ſin à vobis (id quod nō ſpero) deſerar, tamen animo  
 „ nō deficiam, & id quod ſuſcepi, quoad potero, perferam.  
 „ Quod ſi perferre non potero, opprimi me officii onere  
 malo,

Dub.

Hy<sup>o</sup>

490 in 11

11. Am. 7. 55

174

„ malo,quàm id quod mihi cum fide semel impositum est,  
 „ aut propter perfidiam abiicere, aut propter infirmitatem  
 „ animi deponere. Quicta oratione patefacit suos mores.  
 Indignationis & misericordiæ perturbatio, nisi leuissima  
 est,ac citò prætercurrit, vim gravitatis, & amplum dicēdi  
 modum quærit. Sunt alia quæ dicuntur & grauissimè, & 11  
copiosissimè,vt sententiæ quædam philosophorū, vt deo-  
rum laudes,ac virorum illustrium, vt cōsilia de rebus ma-  
ximis:quæ si quis alta atque sublimia faciet,haud equidem  
repugnabo:disiliet tamen ab opinione Ciceronis,qui iu-  
dicet hæc & similia, etsi omneis flores orationis; & orna-  
menta insignia recipiunt,quia tamen secura sunt atq; tran-  
quilla,& componere animos potius quàm perturbare vo-  
lunt,in media ratione formarum collocanda. Nec statuet  
ille discrimen inter summum pugnæ forensis incendium,  
& pompam celebrium ludorum. Deinde non animaduer-  
tet in summis oratoribus habitum neminem, qui sic or-  
natè & copiosè dixisset, sed qui cætum totūque confes-  
sum perturbasset affectibōs, & in admirationem stupo-  
rénique duxisset. Genus illud quietum, & omnibus rebus  
excultum, nisi comparatus fuerit hic fortis & acer orator,  
summum, & dignitate primum videbitur. At vbi pedem  
fecerit, & atrociter pugnaverit, facilè obtinebit primas; &  
quietè certantes cum suis armis aureis relinquet in medio.  
Non enim est summum, quo sublimius aliud inuenitur.  
Sublimius in oratione, quod omnibus præripit victoriam.  
Fuerunt oratores acerbi, qui omnia traherent in conten-  
tionē, & iccirco graues vbiq; viderentur: sed istud erat po-  
tius asperæ naturæ, quàm doctæ & artificiosæ facultatis.



Haftenus de materia contentionis, in qua amplificatio do-  
*partit. 1915* minatur. Ad amplificandū (teſte Cicerone) maximè defini-  
 „ tiones valent conglobatæ, & cōſequentium frequentatio,  
 „ & contrariarū & diſſimiliū & inter ſe pugnantium rerum  
 „ cōſiſtatio, & cauſſæ, & ea quæ ſunt de cauſſis orta, maximeq;  
 „ ſimilitudines & exempla, fictæ etiam perſonæ, muta deniq;  
 „ loquantur. Omninoq; ea ſunt adhibenda, ſi cauſſa patitur,  
 „ quæ magna habentur. Hæc ille. Verba ponēda ſunt ſubli-  
*in ſententia*  
 „ mia, grauiā, trāſſata, ſonantia, aſpera ac volubilia in cōmo-  
 „ uendo, lenia & tarda in mitigando. Figuræ autem, relata  
 „ verba, iterata, duplicata, gradationes, frequentationes ſine  
 „ coniunctione, exclamationes, interrogationes plurimæ,  
 „ cōmorationes in eadē ſententia, ironiæ acerbæ, deſcriptio-  
 „ nes quæ rem atrocem ſubiiciant oculis, proſopopœiæ, hy-  
 „ perbolæ, & ſi quæ ſunt aliæ conformationes, quæ magnis  
 „ lateribus accōmodantur. Coagmentatio in cōmiſerationē  
 „ minimè hiulca ſit & aſpera. Nam modi ſtebiles declinant  
 „ ad ſuauitatē, ideoq; ferunt mēbra atq; circuitus paulo pro-  
 „ ceriores, q̄ indignatiū fulmina. Vos, vos appello fortiſſimi  
 „ viri, qui multū pro rep. ſanguinē effudiſtis: vos in viri & in  
 „ ciuis inuicti appello periculo, Centuriones, voſq; milites:  
 „ vobis non modò inſpectantibus, ſed etiam armatis, & huic  
 „ iudicio præſidentibus, hæc tanta virtus ex hac vrbe expel-  
 „ letur, exterminabitur, eiicietur? Quanto magis dolor ac-  
 „ *med. 394. p. 10*  
 „ *melior*  
 „ *med. 395. v. 10*  
 „ *med. 396. v. 10*  
 „ *med. 397. v. 10*  
 „ *med. 398. v. 10*  
 „ *med. 399. v. 10*  
 „ *med. 400. v. 10*  
 „ *med. 401. v. 10*  
 „ *med. 402. v. 10*  
 „ *med. 403. v. 10*  
 „ *med. 404. v. 10*  
 „ *med. 405. v. 10*  
 „ *med. 406. v. 10*  
 „ *med. 407. v. 10*  
 „ *med. 408. v. 10*  
 „ *med. 409. v. 10*  
 „ *med. 410. v. 10*  
 „ *med. 411. v. 10*  
 „ *med. 412. v. 10*  
 „ *med. 413. v. 10*  
 „ *med. 414. v. 10*  
 „ *med. 415. v. 10*  
 „ *med. 416. v. 10*  
 „ *med. 417. v. 10*  
 „ *med. 418. v. 10*  
 „ *med. 419. v. 10*  
 „ *med. 420. v. 10*  
 „ *med. 421. v. 10*  
 „ *med. 422. v. 10*  
 „ *med. 423. v. 10*  
 „ *med. 424. v. 10*  
 „ *med. 425. v. 10*  
 „ *med. 426. v. 10*  
 „ *med. 427. v. 10*  
 „ *med. 428. v. 10*  
 „ *med. 429. v. 10*  
 „ *med. 430. v. 10*  
 „ *med. 431. v. 10*  
 „ *med. 432. v. 10*  
 „ *med. 433. v. 10*  
 „ *med. 434. v. 10*  
 „ *med. 435. v. 10*  
 „ *med. 436. v. 10*  
 „ *med. 437. v. 10*  
 „ *med. 438. v. 10*  
 „ *med. 439. v. 10*  
 „ *med. 440. v. 10*  
 „ *med. 441. v. 10*  
 „ *med. 442. v. 10*  
 „ *med. 443. v. 10*  
 „ *med. 444. v. 10*  
 „ *med. 445. v. 10*  
 „ *med. 446. v. 10*  
 „ *med. 447. v. 10*  
 „ *med. 448. v. 10*  
 „ *med. 449. v. 10*  
 „ *med. 450. v. 10*  
 „ *med. 451. v. 10*  
 „ *med. 452. v. 10*  
 „ *med. 453. v. 10*  
 „ *med. 454. v. 10*  
 „ *med. 455. v. 10*  
 „ *med. 456. v. 10*  
 „ *med. 457. v. 10*  
 „ *med. 458. v. 10*  
 „ *med. 459. v. 10*  
 „ *med. 460. v. 10*  
 „ *med. 461. v. 10*  
 „ *med. 462. v. 10*  
 „ *med. 463. v. 10*  
 „ *med. 464. v. 10*  
 „ *med. 465. v. 10*  
 „ *med. 466. v. 10*  
 „ *med. 467. v. 10*  
 „ *med. 468. v. 10*  
 „ *med. 469. v. 10*  
 „ *med. 470. v. 10*  
 „ *med. 471. v. 10*  
 „ *med. 472. v. 10*  
 „ *med. 473. v. 10*  
 „ *med. 474. v. 10*  
 „ *med. 475. v. 10*  
 „ *med. 476. v. 10*  
 „ *med. 477. v. 10*  
 „ *med. 478. v. 10*  
 „ *med. 479. v. 10*  
 „ *med. 480. v. 10*  
 „ *med. 481. v. 10*  
 „ *med. 482. v. 10*  
 „ *med. 483. v. 10*  
 „ *med. 484. v. 10*  
 „ *med. 485. v. 10*  
 „ *med. 486. v. 10*  
 „ *med. 487. v. 10*  
 „ *med. 488. v. 10*  
 „ *med. 489. v. 10*  
 „ *med. 490. v. 10*  
 „ *med. 491. v. 10*  
 „ *med. 492. v. 10*  
 „ *med. 493. v. 10*  
 „ *med. 494. v. 10*  
 „ *med. 495. v. 10*  
 „ *med. 496. v. 10*  
 „ *med. 497. v. 10*  
 „ *med. 498. v. 10*  
 „ *med. 499. v. 10*  
 „ *med. 500. v. 10*  
 „ *med. 501. v. 10*  
 „ *med. 502. v. 10*  
 „ *med. 503. v. 10*  
 „ *med. 504. v. 10*  
 „ *med. 505. v. 10*  
 „ *med. 506. v. 10*  
 „ *med. 507. v. 10*  
 „ *med. 508. v. 10*  
 „ *med. 509. v. 10*  
 „ *med. 510. v. 10*  
 „ *med. 511. v. 10*  
 „ *med. 512. v. 10*  
 „ *med. 513. v. 10*  
 „ *med. 514. v. 10*  
 „ *med. 515. v. 10*  
 „ *med. 516. v. 10*  
 „ *med. 517. v. 10*  
 „ *med. 518. v. 10*  
 „ *med. 519. v. 10*  
 „ *med. 520. v. 10*  
 „ *med. 521. v. 10*  
 „ *med. 522. v. 10*  
 „ *med. 523. v. 10*  
 „ *med. 524. v. 10*  
 „ *med. 525. v. 10*  
 „ *med. 526. v. 10*  
 „ *med. 527. v. 10*  
 „ *med. 528. v. 10*  
 „ *med. 529. v. 10*  
 „ *med. 530. v. 10*  
 „ *med. 531. v. 10*  
 „ *med. 532. v. 10*  
 „ *med. 533. v. 10*  
 „ *med. 534. v. 10*  
 „ *med. 535. v. 10*  
 „ *med. 536. v. 10*  
 „ *med. 537. v. 10*  
 „ *med. 538. v. 10*  
 „ *med. 539. v. 10*  
 „ *med. 540. v. 10*  
 „ *med. 541. v. 10*  
 „ *med. 542. v. 10*  
 „ *med. 543. v. 10*  
 „ *med. 544. v. 10*  
 „ *med. 545. v. 10*  
 „ *med. 546. v. 10*  
 „ *med. 547. v. 10*  
 „ *med. 548. v. 10*  
 „ *med. 549. v. 10*  
 „ *med. 550. v. 10*  
 „ *med. 551. v. 10*  
 „ *med. 552. v. 10*  
 „ *med. 553. v. 10*  
 „ *med. 554. v. 10*  
 „ *med. 555. v. 10*  
 „ *med. 556. v. 10*  
 „ *med. 557. v. 10*  
 „ *med. 558. v. 10*  
 „ *med. 559. v. 10*  
 „ *med. 560. v. 10*  
 „ *med. 561. v. 10*  
 „ *med. 562. v. 10*  
 „ *med. 563. v. 10*  
 „ *med. 564. v. 10*  
 „ *med. 565. v. 10*  
 „ *med. 566. v. 10*  
 „ *med. 567. v. 10*  
 „ *med. 568. v. 10*  
 „ *med. 569. v. 10*  
 „ *med. 570. v. 10*  
 „ *med. 571. v. 10*  
 „ *med. 572. v. 10*  
 „ *med. 573. v. 10*  
 „ *med. 574. v. 10*  
 „ *med. 575. v. 10*  
 „ *med. 576. v. 10*  
 „ *med. 577. v. 10*  
 „ *med. 578. v. 10*  
 „ *med. 579. v. 10*  
 „ *med. 580. v. 10*  
 „ *med. 581. v. 10*  
 „ *med. 582. v. 10*  
 „ *med. 583. v. 10*  
 „ *med. 584. v. 10*  
 „ *med. 585. v. 10*  
 „ *med. 586. v. 10*  
 „ *med. 587. v. 10*  
 „ *med. 588. v. 10*  
 „ *med. 589. v. 10*  
 „ *med. 590. v. 10*  
 „ *med. 591. v. 10*  
 „ *med. 592. v. 10*  
 „ *med. 593. v. 10*  
 „ *med. 594. v. 10*  
 „ *med. 595. v. 10*  
 „ *med. 596. v. 10*  
 „ *med. 597. v. 10*  
 „ *med. 598. v. 10*  
 „ *med. 599. v. 10*  
 „ *med. 600. v. 10*  
 „ *med. 601. v. 10*  
 „ *med. 602. v. 10*  
 „ *med. 603. v. 10*  
 „ *med. 604. v. 10*  
 „ *med. 605. v. 10*  
 „ *med. 606. v. 10*  
 „ *med. 607. v. 10*  
 „ *med. 608. v. 10*  
 „ *med. 609. v. 10*  
 „ *med. 610. v. 10*  
 „ *med. 611. v. 10*  
 „ *med. 612. v. 10*  
 „ *med. 613. v. 10*  
 „ *med. 614. v. 10*  
 „ *med. 615. v. 10*  
 „ *med. 616. v. 10*  
 „ *med. 617. v. 10*  
 „ *med. 618. v. 10*  
 „ *med. 619. v. 10*  
 „ *med. 620. v. 10*  
 „ *med. 621. v. 10*  
 „ *med. 622. v. 10*  
 „ *med. 623. v. 10*  
 „ *med. 624. v. 10*  
 „ *med. 625. v. 10*  
 „ *med. 626. v. 10*  
 „ *med. 627. v. 10*  
 „ *med. 628. v. 10*  
 „ *med. 629. v. 10*  
 „ *med. 630. v. 10*  
 „ *med. 631. v. 10*  
 „ *med. 632. v. 10*  
 „ *med. 633. v. 10*  
 „ *med. 634. v. 10*  
 „ *med. 635. v. 10*  
 „ *med. 636. v. 10*  
 „ *med. 637. v. 10*  
 „ *med. 638. v. 10*  
 „ *med. 639. v. 10*  
 „ *med. 640. v. 10*  
 „ *med. 641. v. 10*  
 „ *med. 642. v. 10*  
 „ *med. 643. v. 10*  
 „ *med. 644. v. 10*  
 „ *med. 645. v. 10*  
 „ *med. 646. v. 10*  
 „ *med. 647. v. 10*  
 „ *med. 648. v. 10*  
 „ *med. 649. v. 10*  
 „ *med. 650. v. 10*  
 „ *med. 651. v. 10*  
 „ *med. 652. v. 10*  
 „ *med. 653. v. 10*  
 „ *med. 654. v. 10*  
 „ *med. 655. v. 10*  
 „ *med. 656. v. 10*  
 „ *med. 657. v. 10*  
 „ *med. 658. v. 10*  
 „ *med. 659. v. 10*  
 „ *med. 660. v. 10*  
 „ *med. 661. v. 10*  
 „ *med. 662. v. 10*  
 „ *med. 663. v. 10*  
 „ *med. 664. v. 10*  
 „ *med. 665. v. 10*  
 „ *med. 666. v. 10*  
 „ *med. 667. v. 10*  
 „ *med. 668. v. 10*  
 „ *med. 669. v. 10*  
 „ *med. 670. v. 10*  
 „ *med. 671. v. 10*  
 „ *med. 672. v. 10*  
 „ *med. 673. v. 10*  
 „ *med. 674. v. 10*  
 „ *med. 675. v. 10*  
 „ *med. 676. v. 10*  
 „ *med. 677. v. 10*  
 „ *med. 678. v. 10*  
 „ *med. 679. v. 10*  
 „ *med. 680. v. 10*  
 „ *med. 681. v. 10*  
 „ *med. 682. v. 10*  
 „ *med. 683. v. 10*  
 „ *med. 684. v. 10*  
 „ *med. 685. v. 10*  
 „ *med. 686. v. 10*  
 „ *med. 687. v. 10*  
 „ *med. 688. v. 10*  
 „ *med. 689. v. 10*  
 „ *med. 690. v. 10*  
 „ *med. 691. v. 10*  
 „ *med. 692. v. 10*  
 „ *med. 693. v. 10*  
 „ *med. 694. v. 10*  
 „ *med. 695. v. 10*  
 „ *med. 696. v. 10*  
 „ *med. 697. v. 10*  
 „ *med. 698. v. 10*  
 „ *med. 699. v. 10*  
 „ *med. 700. v. 10*  
 „ *med. 701. v. 10*  
 „ *med. 702. v. 10*  
 „ *med. 703. v. 10*  
 „ *med. 704. v. 10*  
 „ *med. 705. v. 10*  
 „ *med. 706. v. 10*  
 „ *med. 707. v. 10*  
 „ *med. 708. v. 10*  
 „ *med. 709. v. 10*  
 „ *med. 710. v. 10*  
 „ *med. 711. v. 10*  
 „ *med. 712. v. 10*  
 „ *med. 713. v. 10*  
 „ *med. 714. v. 10*  
 „ *med. 715. v. 10*  
 „ *med. 716. v. 10*  
 „ *med. 717. v. 10*  
 „ *med. 718. v. 10*  
 „ *med. 719. v. 10*  
 „ *med. 720. v. 10*  
 „ *med. 721. v. 10*  
 „ *med. 722. v. 10*  
 „ *med. 723. v. 10*  
 „ *med. 724. v. 10*  
 „ *med. 725. v. 10*  
 „ *med. 726. v. 10*  
 „ *med. 727. v. 10*  
 „ *med. 728. v. 10*  
 „ *med. 729. v. 10*  
 „ *med. 730. v. 10*  
 „ *med. 731. v. 10*  
 „ *med. 732. v. 10*  
 „ *med. 733. v. 10*  
 „ *med. 734. v. 10*  
 „ *med. 735. v. 10*  
 „ *med. 736. v. 10*  
 „ *med. 737. v. 10*  
 „ *med. 738. v. 10*  
 „ *med. 739. v. 10*  
 „ *med. 740. v. 10*  
 „ *med. 741. v. 10*  
 „ *med. 742. v. 10*  
 „ *med. 743. v. 10*  
 „ *med. 744. v. 10*  
 „ *med. 745. v. 10*  
 „ *med. 746. v. 10*  
 „ *med. 747. v. 10*  
 „ *med. 748. v. 10*  
 „ *med. 749. v. 10*  
 „ *med. 750. v. 10*  
 „ *med. 751. v. 10*  
 „ *med. 752. v. 10*  
 „ *med. 753. v. 10*  
 „ *med. 754. v. 10*  
 „ *med. 755. v. 10*  
 „ *med. 756. v. 10*  
 „ *med. 757. v. 10*  
 „ *med. 758. v. 10*  
 „ *med. 759. v. 10*  
 „ *med. 760. v. 10*  
 „ *med. 761. v. 10*  
 „ *med. 762. v. 10*  
 „ *med. 763. v. 10*  
 „ *med. 764. v. 10*  
 „ *med. 765. v. 10*  
 „ *med. 766. v. 10*  
 „ *med. 767. v. 10*  
 „ *med. 768. v. 10*  
 „ *med. 769. v. 10*  
 „ *med. 770. v. 10*  
 „ *med. 771. v. 10*  
 „ *med. 772. v. 10*  
 „ *med. 773. v. 10*  
 „ *med. 774. v. 10*  
 „ *med. 775. v. 10*  
 „ *med. 776. v. 10*  
 „ *med. 777. v. 10*  
 „ *med. 778. v. 10*  
 „ *med. 779. v. 10*  
 „ *med. 780. v. 10*  
 „ *med. 781. v. 10*  
 „ *med. 782. v. 10*  
 „ *med. 783. v. 10*  
 „ *med. 784. v. 10*  
 „ *med. 785. v. 10*  
 „ *med. 786. v. 10*  
 „ *med. 787. v. 10*  
 „ *med. 788. v. 10*  
 „ *med. 789. v. 10*  
 „ *med. 790. v. 10*  
 „ *med. 791. v. 10*  
 „ *med. 792. v. 10*  
 „ *med. 793. v. 10*  
 „ *med. 794. v. 10*  
 „ *med. 795. v. 10*  
 „ *med. 796. v. 10*  
 „ *med. 797. v. 10*  
 „ *med. 798. v. 10*  
 „ *med. 799. v. 10*  
 „ *med. 800. v. 10*  
 „ *med. 801. v. 10*  
 „ *med. 802. v. 10*  
 „ *med. 803. v. 10*  
 „ *med. 804. v. 10*  
 „ *med. 805. v. 10*  
 „ *med. 806. v. 10*  
 „ *med. 807. v. 10*  
 „ *med. 808. v. 10*  
 „ *med. 809. v. 10*  
 „ *med. 810. v. 10*  
 „ *med. 811. v. 10*  
 „ *med. 812. v. 10*  
 „ *med. 813. v. 10*  
 „ *med. 814. v. 10*  
 „ *med. 815. v. 10*  
 „ *med. 816. v. 10*  
 „ *med. 817. v. 10*  
 „ *med. 818. v. 10*  
 „ *med. 819. v. 10*  
 „ *med. 820. v. 10*  
 „ *med. 821. v. 10*  
 „ *med. 822. v. 10*  
 „ *med. 823. v. 10*  
 „ *med. 824. v. 10*  
 „ *med. 825. v. 10*  
 „ *med. 826. v. 10*  
 „ *med. 827. v. 10*  
 „ *med. 828. v. 10*  
 „ *med. 829. v. 10*  
 „ *med. 830. v. 10*  
 „ *med. 831. v. 10*  
 „ *med. 832. v. 10*  
 „ *med. 833. v. 10*  
 „ *med. 834. v. 10*  
 „ *med. 835. v. 10*  
 „ *med. 836. v. 10*  
 „ *med. 837. v. 10*  
 „ *med. 838. v. 10*  
 „ *med. 839. v. 10*  
 „ *med. 840. v. 10*  
 „ *med. 841. v. 10*  
 „ *med. 842. v. 10*  
 „ *med. 843. v. 10*  
 „ *med. 844. v. 10*  
 „ *med. 845. v. 10*  
 „ *med. 846. v. 10*  
 „ *med. 847. v. 10*  
 „ *med. 848. v. 10*  
 „ *med. 849. v. 10*  
 „ *med. 850. v. 10*  
 „ *med. 851. v. 10*  
 „ *med. 852. v. 10*  
 „ *med. 853. v. 10*  
 „ *med. 854. v. 10*  
 „ *med. 855. v. 10*  
 „ *med. 856. v. 10*  
 „ *med. 857. v. 10*  
 „ *med. 858. v. 10*  
 „ *med. 859. v. 10*  
 „ *med. 860. v. 10*  
 „ *med. 861. v. 10*  
 „ *med. 862. v. 10*  
 „ *med. 863. v. 10*  
 „ *med. 864. v. 10*  
 „ *med. 865. v. 10*  
 „ *med. 866. v. 10*  
 „ *med. 867. v. 10*  
 „ *med. 868. v. 10*  
 „ *med. 869. v. 10*  
 „ *med. 870. v. 10*  
 „ *med. 871. v. 10*  
 „ *med. 872. v. 10*  
 „ *med. 873. v. 10*  
 „ *med. 874. v. 10*  
 „ *med. 875. v. 10*  
 „ *med. 876. v. 10*  
 „ *med. 877. v. 10*  
 „ *med. 878. v. 10*  
 „ *med. 879. v. 10*  
 „ *med. 880. v. 10*  
 „ *med. 881. v. 10*  
 „ *med. 882. v. 10*  
 „ *med. 883. v. 10*  
 „ *med. 884. v. 10*  
 „ *med. 885. v. 10*  
 „ *med. 886. v. 10*  
 „ *med. 887. v. 10*  
 „ *med. 888. v. 10*  
 „ *med. 889. v. 10*  
 „ *med. 890. v. 10*  
 „ *med. 891. v. 10*  
 „ *med. 892. v. 10*  
 „ *med. 893. v. 10*  
 „ *med. 894. v. 10*  
 „ *med. 895. v. 10*  
 „

graues, vt dactylos, spondeos, creticos, pæanas, bacchios,  
 palimbacchios, dochimos, & alios, si qui sunt generis hu-  
 ius pedes, qui voce plena querelas, tarditate spaciōrū lan-  
 guorem metiantur. Id quale sit, perspice in hac oratione.  
 " Sed vt omniū vel suspitioni, vel maleuolentiæ, vel crudeli-  
 " tati satisfiat, occultat pecuniā Posthumus, latent regiæ di-  
 " uitia. Equis est ex tanto populo, qui bona C. Rabirii  
 " Posthumi nūmo sestertio sibi addici velit? Sed miserum  
 " me, quāto hæc dixi cum dolore? Hem Posthume, tūc es  
 " Curii filius, C. Rabirii & iudicio & volūtate filius, natura  
 " sororis filius: tūc ille in omnes tuos liberalis? cuius mul-  
 " tos bonitas locupletauit: nihil profudisti, nihil vllam in li-  
 " bidinem cōtulisti. Tua Posthume nummo sestertio à me  
 " addicuntur? O meum miserū acerbūq; præconium. At  
 " hoc etiā optat miser, vt cōdemnetur à vobis, ita bona ve-  
 " neant, vt solidū suum cuiq; soluatur. Nihil iam aliud nisi  
 " fidem curat, nec vos huic, si iam obliuisci vestra māsuetu-  
 " dinis volueritis, quicquā præterea potestis eripere. Quū  
 " mouetur indignatio, pedes asperi, vt qui à breuib; assur-  
 " gunt in longas, aptiores sunt: cæsim membra tūque dici-  
 " tur, rara interiacet cōprehensio, concurrūt vocales, copu-  
 " lātūr quædā inimicæ cōsonantes. Indignum hoc video vi-  
 " deri omnibus Iudices, & id iam priore actione, quū hæc  
 " testes dicerent, intellexi. Retineri enim putatis oportere  
 " iura libertatis, non modò hic, vbi tribuni plebis sunt, vbi  
 " cæteri magistratus, vbi plenum forum iudiciorum, vbi se-  
 " natus autoritas, vbi existimatio populi Romani & fre-  
 " quentia, sed vbiq; terrarum ac gentium violatum ius  
 " ciuiū Romm. sit, statuitis id pertinere ad cōmunem caus-

c. Rab. Post.  
 Post. 950

7. in Verr. 700

## DE ELECTIONE, ET ORATORIA

„ fam libertatis & dignitatis. In externorū hominū, & ma-  
 „ leficorum, sceleratorumq̃, in prædonū hostiumq̃ custo-  
 „ dias tu tantū numerū ciuium Romm. includere ausus es?  
 „ Nunquāme tibi iudicii, nunquā cōcionis, nunquā huius  
 „ tantæ frequētix, quæ nunc animo te iniquissimo infestissi-  
 „ moq̃ intuetur, venit in mentē? Nunquam tibi populi Ro.  
 „ absentis dignitas, nunquā species ipsa huiuscemodi mul-  
 „ titudinis in oculis animoq̃ versata est? nunquā te in horū  
 „ conspectū rediturū, nunquam in forum populi Ro. vêtū-  
 „ rum, nunquā sub legū iudiciorumq̃ potestaté casurū esse  
 „ putasti? Multus in trāsribēdis exemplis fui, vt indoctio-  
 „ res, qui falso putant generi summo quærenda esse verba  
 „ nescio quæ noua, insolētia, inaudita, abstrusa, admiranda,  
 „ obstupefcentia, cælo posita, intelligerent de medio verba  
 „ legi, & pro rerū natura cōponi solere. Audiāt hæc verba  
 „ Cicéronis in persona Crassī. Non sunt alia sermonis, alia  
 „ contentionis verba, neq̃ ex alio genere ad vsum cottidia-  
 „ nū, alio ad scenam pompamq̃ sumūtur, sed ea nos quum  
 „ iacentia sustulimus è medio, sicut mollissimā cerā ad no-  
 „ strū arbitriū formamus, & fingimus. Itaq̃ tum graues su-  
 „ mus, tum subtiles, tum mediū quiddā tenemus. Prima fe-  
 „ ueritas est in rebus, altera in figuris, alia in pondere verbo-  
 „ rū, proxima in copia, quinta in respiratione crebra, & nu-  
 „ mero vehemēti. Nec omnia quæreda sunt in omnibus, nec  
 „ in paucis aut rebus aut verbis statuenda vis vniuersa elo-  
 „ quētix primæ. Toti loci peruolutādi inspectādiq̃ sunt. Et  
 „ quoniā multa sunt omniū orationum verba cōmunia, ab  
 „ iis quæ principatū tenēt, appellatio ducēda est. In arduam  
 „ formā conspirant epistolæ inuectiuæ, recriminatoriæ, la-  
 „ mentatoriæ,

mentatoriæ, & exhortatoriæ quædam. Item permulta<sup>2</sup> historicorum conciones, ex quibus aliæ grauitè accusant aliæ vehementer exhortantur, aliæ deplorant calamitates aliæ mitigant inſenſos. Item bona pars tragœdiarum, à quarum motu, qui cum impetu feruntur affectibus, tragœdias excitare dicuntur. Tandem quicquid est in aliis poematis simile tragœdiarum, poterit eodem genere comprehendì. Dico simile tragœdiarum, quod re grauissimum, personis conspicuum, simili tractatur apparatu.

Quæ genera locis, temporibus, artibus, ingeniis, conditionibus mutata sint. Caput. 22.



VONIAM tribus formis omnem eloquendi rationem includi volumus, statuendū quò reduci debeat genus Asianum, Rhodium, Laconicum, Atticum, antiquum, nouum, robustum, naturale, acerbum, diligens, sanctum, seuerum, comestum, sophisticum, philosophicum, historicū, aridum, cādīdum, sanum. Hæc & similia dici constat aut à loco, vt Rhodiū: aut à tempore, vt antiquum: aut ab artibus, vt dialecticū: aut à conditione vitæ, vt vmbatile: aut ab ingenio, vt diligens. Asianum pingue fuit & opimum ac redundans. pingue quidem & adipale illiberali sono vocum, redundans & inflatū ociosa rerū & verborū repetitione vel copia, cuius vestigia adhuc agnoscas in Galeno celebri medico, cui patria fuit vrbs Asiæ Pergamus. Is digressionibus longis, parūque frugiferis, & eisdem sententiis inculcandis penè obtundit aures, bonus & insignis medicus, ma-

- 2 lus ac vitiosus orator. Laconicum summa breuitate compédiosum fuit, nec tam oratorium, quàm imperiosum & superbum. Laudanda breuitas quēdā, vt Sallustiana, nō illa quæ nihil vnquam nisi rerū summas leuiter attingit. Eloquentia enim ampla & copiosa & illustris esse vult, quorū nihil est in laconismo. Vtemur interdū quū multa paucis amplecti volemus, siue temporis angustia id facere cogēt, siue perstringemus historiam, siue agemus sentētiosē, siue in aliquo nolemus immorari, siue putabimus esse eiusdē artificis, idem dilatare verbis, & in verbum contrahere.
- 3 Atticum omnium primū est atque optimum. Nam quicquid est in oratione sanum, syncerum, venustum, rotundum atque perfectum, id siue humile, siue sublime, siue medium sit, ab Atheniensium lepōre vocatur Atticum. Id quale sit, orationes Demosthenis ostēdunt, quo ne Athenas quidem ipsas magis credit fuisse atticas Cicero. Inter
- 4 Atticum & Asianum fuit Rhodiū, illo deterius & inurbanus, hoc verò melius, & minus ociosum. Nam Rhodi quondā magna ingenia ac magnæ artes floruerūt, sed quæ
- 5 Atticæ facundiæ facilè darēt primas. Antiquū Latini dicūt illud quo veteres utebantur, vt Cethegus, Gracchi, Cato, & alii multi adusque tēpora Antonii & Crassi. In eo virenda quædam maiestas antiquitatis, quam etiamnum videmus in fragmentis quibusdam: cæterū verba horrida, cōpositio hiulca, numerus ferè nullus, sententiæ graues & sanctæ, non tamen affluētes & copiosæ. In illo genere fuerūt alii tenues, alii mediocres, alii grauiū similes & arduorum: quāquam eloquētia tum Romæ suā habebat infantiā, nec satis erat instituta Græciæ præceptis. Excelluerunt  
postea

postea Crassus, Antonius, Hortensius, Cicero: vsi omnes  
 eloquentia maiore, quæ tum noua, nunc autē antiqua no-  
 bis videtur. Quæ subsecuta est, plus habuit tumoris & inso-  
 lentia, candoris autem & puræ linguæ minus. Robustum  
 etiam neruosum dicitur, & forte. Sententias habet validas  
 & graues, & quæ vehementer vrgēt aduersarium, affectus  
 multos, verba lecta & bona, nec tam compta molliter, q̃  
 comminus in aduersarium pugnātia, compositionem vi-  
 rilem, & quæ nō elumbar sententias. Cōtrarium est molle,  
 imbelles & solutum, quali vsus est Isocrates in Encomiis &  
 Panegyricis. quod si est (iudice Tullio) pōp̃ quā pugnē  
 aptius, gymnasiis & palæstræ dicatū, spretū & pulsum fo-  
 ro: valet in exornationibus, & locis amœnis: robusto cedat  
 in forensi & senatoria seueritate. Est aliquando blandē so-  
 luteq; dicendum, & rebus ad voluptatē comparatis suum  
 reddendū genus. Quamobrem tametsi sapius, non tamen  
 semper est robusto locus, nisi robustū vocetur quicquid  
 non est fractū & effœminatū. Hoc enim modo robustum  
 fortēque est, quod Isocrates optimus rhetor scriptum reli-  
 quit. At robur & vires maximè sunt in acuta ac pugnaci  
 argumētatione, & in affectuū perturbationibus: quæ duo  
 ad afficiendos animos voluptate minimè necessaria sunt.  
Naturale dicimus quali utebatur Antonius. Præclare qui-  
 dē & acutē diserebat, sed eius oratio nō sapiebat scholas  
 & doctrinam. Erat instructa popularibus sententiis. Multa  
 cōmuni sensu perficiebat, & vsu dicendi. Quæ hauserat à  
 fontibus sciētiarū, sic fundebat dissimulās, vt à natura pro-  
 fecta viderētur. Verba erant vsitata, sermo propè cottidia-  
 nus. Tota dictio aut naturalis, aut quasi naturalis. Est etiam



naturale in oratione laudabili, quicquid ab arte nō gignitur. Multa autē parit natura citra disciplinā, sicuti terra fecunda citra cultū. Quū accessit ars vt cultus, nō cuius prōptū est iudicare, quid naturæ, quid arti tribuēdum sit, & cōminus, quòd scriptores artis omnia redigunt in præcepta. Hinc fit vt pleriq; nihil nō referāt in artē, quod Cicero dixerit scripseritve in orationibus. Sed hoc nihil ad negociū præfens. Illud est instituti nostri, omnem elocutionē artificiale esse, sed illā videri naturalem, quæ rectā & inaffectatā loquēdi consuetudinē propius imitatur. Quid est quod Ciceronē dicimus habere naturæ plurimum? Multa gignit vt. vena diues, genita vestit habitu quodam expressiore, & sic mittit in lucem, vt captu populari colligi possint. Hoc dictionis genus etsi meræ cuiusdam artis est, dicimus tamen esse naturale, quia à consuetudine (quæ altera natura est) nō abhorret. Dissimile est illi quod res in medio positas odit, & longè abditas obscurasq; petit sentētiās, quodq; verbis insolentibus & ordine præpostero gaudet, vñtatū loquendi morem, ordinemq; rectum tanquam infantilem & ineptum fugit. Acerbum & amarum ex trāslatione dicitur aut quod rusticū est atq; durum, aut quod maximè pungit & vrget aduersantem. Quod fit vel quum summo iure agitur, vel minimæ quæq; res amplificātur in summū scelus, vel dignitati non parcitur, vel dictio & eloquēdi ratio insuavis est, & aspera auditu. Rustico nō est vtēdū, nisi fortē per imitationem. Alioqui acerbo vtuntur oratores quādo recedūt à suauitate, & horridius quod volunt infrequūtur. Aduersatur huic suavis oratio & dulcis, ex elegātia & iucūditate verborū sonantiū & leniū, & ex eorū cōiunctione

iunctione, quæ neq; asperos habeat cōcursus, neq; disjun-  
 ctos atq; hiātes. Itemq; ex rerū noua & inaudita copia, vel  
 ea quæ voluptate animū capere potest. Diligens oratio,  
 quæ faciūt ad rem, sedulò colligit, accuratè collocat, pul-  
 chrè & aptè loquitur, leuia reiicit, confusionem & segni-  
 tiem vitat. Negligens stylus ex contrario prætermittit etiā  
 optima, neq; in rebus neq; in verbis quantū potest elabo-  
 rat. Sanctum nō violatur vlla colluione populariū opi-  
 nionū, sed puram syncerāq; veritatem sine dissimulatione,  
 sine fūco, sine ambagibus detegit, & nō tam lingua quā  
 incontaminata mente sibi quærit authoritatē. Hoc genus  
 penè à caufidicis relegatū est ad philosophos atq; sapien-  
 tes. In eius locū successit callidū, vafum, astutum, fallax &  
dolosum quoddam simulachrū sanctitatis antiquæ, quod  
 simplicitatem præ se fert, occultat insidias. Seuerū & co-  
me diuersam habere naturā videntur. Seuerum nihil faci-  
 le cōdonat, come propensius est ad clementiam. Hoc re-  
 rum discrimen videas in orationibus Cæsarī & Catonī  
 apud Sallustiū. Cæsar vt est ad lenitatem propensior, ita in  
 pœnam coniuratorum mollior est. Vitæ parcit, custodias  
 decernit. Cato natura seuerus, labentes animos restituit in  
 fortitudinem, & remp. à perditis ciuibz liberandam esse  
 censet. Vidēsne vt Cicero multis in locis suos mores ama-  
 biles conetur ostendere? qui ardeat amore ciuium suo-  
 rum, qui nihil non suscipiat de repub. qui contemnat im-  
 petus malorum, qui tueatur bonos, qui persequatur im-  
 probos, hoc est qui hæc & alia generis eiusdem oratione  
 significet? Nihil eiusmodi sibi faciundum existimet Cato.  
 Alios alia decent, & hinc variatur eloquendi genus. So-

in p. 224  
766.  
17
 phisticū, est genus orationis omnibus ornamentis coloribusq; depictum, quo veteres utebātur rhetores, vt Gorgias & Isocrates, quos ætas illa appellauit sophistas. Hi ab eo qui medio genere vitur in foro, nihil differunt, nisi quòd in omnem apparatū magnificum sunt profusiores. Iudicialis orator parcius & verecūdius adhibet delicias & ornatum. Hoc quale sit, intelliges si cōtuleris Isocratis orationes cū orationibus Demosthenis. Illum cultū & quietū, hunc expeditū & pugnacem reperiēs. Illū certantis in pōpā similit, hunc autē manū cōferentis in prælio. Philosophicū genus, vt Platoniciū, describit hoc modo Cicero:

18.  
ov.  
766.
 „ Mollis est oratio philosophorū, & vmbatilis, nec sententis nec verbis instructa popularibus, nec iuncta numeris,

19
 „ sed soluta liberius: nihil iratū habet, nihil inuidum, nihil atrox, nihil mirabile, nihil astutū, casta, verecunda, virgo incorrupta quodammodo. Itaq; sermo potius quā oratio dicitur. De historico supra diximus. Aridū autē ieiunum est & attenuatum inopia tum sententiarū, tum verborū.

20
 Respondet ex aduerso succulentū & exundans tum rerum copia, tum orationis vbertate. Candidum est quod integritatem linguæ latinæ retinet. Item quod purum ingenuūq; sententiarum colorem præ se fert. Non ita dissimile est sanum, quod nulla infirmitate debile est, sed ostēdit cōsentientem omnium tēperiem, in qua nihil in perniciē alterius excedit. Possunt aliæ quædam stylorum proprietates inueniri, quæ nō faciūt vt plura sint eloquendi genera, quā quæ prima diuisione constituimus. Accidunt illis quidem, alium specie characterem non efficiunt.

FINIS.











